

王先謙纂

宋鼎如注

廣注王氏續古文辭類纂

下冊



世界書局印行

830
7476
25
V. 2



國家圖書館



001687321

由國家圖書館數位化、典藏

卷十一 贈序類二

曾滌笙送郭筠仙南歸序

凡物之驟爲之而遽成焉者。其器小也。物之一覽而易盡者。其中無有也。郭君筠仙與余友九年矣。卽之也溫。挹之常不盡。道光甲辰乙巳兩試於禮部。留京師。主於余。促膝而語者四百餘日。乃得盡窺其藏。甚哉。人不易知也。將別。於是爲道其深。附於回路贈言之義。而以吾之忠效焉。蓋天之生材。或相千萬。要於成器以適世用而已。材之小者。視尤小者則優矣。苟尤小者琢之成器。而小者不利於用。則君子取其尤小者焉。材之大者。視尤大者則絀矣。苟尤大者不利於用。而大者琢之成器。則君子取其大者焉。天賦大始。人作成物。傳曰。人不天不因。天不人不成。不極擴充。追琢之能。雖有周公之才。棄而已矣。余所友天下賢士。或以德稱。或以藝顯。類有以自成者。而若筠仙躬絕異之姿。退然深貶。語其德若無可名。學古人之文章。入焉既深。而其外猶若鉏鋸而不安。其無所成者與。匠石斲方寸之木。斤之削之。不移瞬而成物矣。及乎裁徑尺之材以爲榱桷。不閱日而成矣。及至伐連抱之榱桷。爲天子營總章太室之梁棟。經旬累月而不得成焉。其器瘞大。就之瘞艱。淺者欲以一槩律之。難矣。且所號爲賢者。謂其絕

拘攣之見。曠觀於廣大之區。而不以尺寸繩人者也。若夫逢世之技。智足以與時物相發。力足以與機勢相會。此則衆人之所共覩者矣。君子則不然。赴勢甚鈍。取道甚迂。德不苟成。業不苟名。艱勤錯^{*二}。遲久而後進。銖而積。寸而累。既其純熟。則聖人之徒。其力造焉而無扞格^{*三}。則亦不失於令名。造之不力。歧出無範。雖有瓌質^{一三}。終亦無用。孟子曰。五穀不熟。不如萑稗^{*四*}。誠哉斯言也。筠仙勸哉。去其所謂扞格者。以蘄^{*}至於純熟。則幾矣。人亦病不爲耳。若夫自揣既熟。而或不達於時軌。是則非余之所敢知也。

【註音】（進）音堆（鈕）讀作齟（鋸）音語（榷）音衰（榷）便上聲（瘡）同愈（在）音誤（扞）侯轄切（萑）音啼（稗）傍卦切（蘄）同祈

【釋義】（一）兩試於禮部。言道光二十四年甲辰正科會試。二十五年乙巳恩科會試。（二）促膝。謂對坐膝相接近也。〔梁昭明太子文〕省覽周環。尉同促膝。（三）禮檀弓。子路去魯。謂顏淵曰。何以贈我。曰。吾聞之也。去國則哭于墓而后行。反其國。不哭。展墓而入。謂子路曰。何以處我。子路曰。吾聞之也。過墓則式。過祀則下。（四）大始。太初也。（五）進。治玉也。（六）鋸。相拒也。（七）匠石。匠人名石。〔莊子〕使匠石斲之。（八）榷。榷也。（九）榷。榷也。大木。（一〇）總章。天子大寢之名。又〔書疏〕廟有五室。中央曰太室。（一一）錯。交雜也。（一二）扞格。抵牾不相入也。（一三）瓌質。珍奇也。（一四）萑稗。似藪實。亦可食。

會滌笙送劉椒雲南歸序

聖人之異於衆人者。安在乎。耳目口鼻。心知百體。皆得其職而已矣。天之生夫人也。耳職聽。而目職視。口體職言動。心職思。非所聽而濫焉。非所視而淫焉。於官爲不法。可以視窮者。而吾弗能盡焉。可以聽達者。而吾弗能

盡焉。於官爲不稱。其於口體心思也亦然。不稱者才絀。不法者知而奸之。罪又甚焉。聖人者不軌不耳。不度不目。其自一室之米鹽。推而極於天下之大。鬼神之幽離。於人倫。殺於萬事。凡視聽所宜晰。無不晰。凡言動所宜審。無不審。凡心思所宜條理。無不條而理之。使夫一身得職。而天地萬物各安其分。以位以育。以效吾之官司。所謂踐形者也。周公之所以爲周公。孔子之所以爲孔子。其不以此也哉。今之君子之爲學者。吾惑焉。耳無真受。衆耳之所傾亦傾之。目無真悅。衆目之所注亦注之。奸視而回聽。言不道而動不端。無過而非焉者。曹好所在。而不之趨焉。則不相賓異矣。爲考據之說者曰。古之人。古之人。如此則幾。彼則否。爲詞章之說者曰。古之人。古之人。如此則幾。彼則否。起一強有力者之手口。羣數十百人蟻而附之。朝記而暮誦。課迹而責音。竭己之耳目心思。以承奉人之意氣。會不數紀。風會一變。蕩然漸滅。又將有他說者出。爲羣意氣之所會。則又惟神悴力而趨之。鈞是五官百骸也。不踐聖人之形。而逐衆人之好。疲一世以奔命於庸夫之毀譽。竟死而不悔。可謂大愚不靈者也。漢陽劉君椒雲。湛深而敦厚。非其視不視。非其聽不聽。內志外體。一準於法矣。而所以擴充官骸之用。又將推極知識。博綜百氏。以求竟乎其量。余猶懼其傲身心以役於衆好也。於其別也。書是以貞之。然余固亦頗涉前二說者之流。而奔命於

衆好之場者。又因以自矻焉。*一六

【註音】（晰）音析（矻）既平聲

【釋義】（一）劉椒雲。名傳瑩。湖北漢陽人。道光舉人。官國子監學正。移疾罷官。浩然自得以歸。（二）監。失實也。（左昭八年）民聽監焉。（三）淫。目流動邪視也。（禮曲禮）毋淫視。（四）離。麗也。（五）殺。錯雜也。（六）晰。明也。（七）（中庸）天地位焉。萬物育焉。（八）官司。官之分職也。（九）（孟子）惟聖人然後可以踐形。（一〇）回。邪也。（一一）曹。群也。（國語）民所曹好。（一二）賓異。敬異也。（一三）風會。謂風氣與際會也。（一四）五官。謂耳鼻口目心也。（一五）（莊子）百骸九竅六藏。賅而存焉。（一六）矻。以石刺病也。

會滌笙送謝吉人之官江左序

吾湘鄉當乾隆時。人才殷盛。鄧筆山為雲南布政使。羅九峯為禮部侍郎。而謝薌泉先生為御史。三人者皆起家翰林。而御史君名震天下。是時和珅柄國。聲張勢厲。家奴乘高車橫行都市。無所憚。御史君巡城遇焉。捽之出而鞭之。火其車於衢。世所稱燒車御史者也。其後二十餘年。御史君之子果堂。以河南令卓薦。召見。上從容問曰。汝即燒車御史之子乎。不數月。遷四川知府。又十餘年。而謝吉人邦鑑。復以進士出為江南縣令。吉人御史君之孫。而知府君之弟之子也。將之官。其常所酬酢者。或為詩送之。吉人乃索予為序。而乞言以糾其不逮。於是拜手告曰。子今長人矣。四封之內。尊無與二。堂上頤指。堂下趨者百人。所識窮乏。仰而待命。設館以延賓友。貌敬而情離。即有不善。彼所謂趨者待命者。貌敬者。或知之而不諫。或諫焉而不力。吾以其身巍然處於衆人之上。而聰明識量。又誠越而倍之。

前有唯。後有諾。於是予聖自雄之習。囂然起矣。而左右之人。又多其術以
餌我。內之傲者曰勝。外之欺者曰衆。茲其所以舛也。昔者宓子賤治單父。^九
孔子曰。子何施而衆悅。對曰。此地民有賢於不齊者五人。不齊事之而稟
度焉。皆教不齊所以治人之道。孔子歎曰。其大者乃於此乎有矣。魯使樂
正子爲政。孟子曰。好善優於天下。東漢龐參爲漢陽太守。先候隱居任棠。^二
棠不與言。但以薤一大本。水一盃。置戶屏前。抱兒孫伏戶下。參會其意曰。
水者欲吾清也。拔大本薤。欲吾擊強宗也。抱兒當戶。欲吾開門恤孤也。故
古人之學。莫大乎求賢以自輔。小智之夫。矜己而貶物。以爲衆人卑卑。無
足益我。夫不反求諸己。而一切掩他人之長。而蔑視之。何其易與。詩曰。國
雖靡止。或聖或否。民雖靡臚。或哲或謀。或肅或乂。謂求賢而終不能得者。
非篤論也。今震澤宰左君青峙。吾湘鄉之賢者也。任俠而不矜。諳事而不
計利害。子往試求之。必有所以益子者。友仁以礪德。利器以善事。既以上
繩祖武。又以紹諸鄉先輩之徽。無棄爾輔。員於爾輻。青峙子之輔也。抑吾
聞江南爲仕宦鱗萃之邦。或因青峙而得盡交其賢士大夫。是尤余所望
也。

【註音】(珣)音申(粹)存入聲(舛)音喘(薤)音械(臚)音無

【釋義】(一)謝吉人。名邦鑑。清湘鄉人。(二)羅九峯。名國俊。(三)謝薊泉。名振定。清湖南湘鄉人。字一元。薊
泉其號也。乾隆庚子進士。尚氣節。能古文。由編修改官御史。(四)和珅。字致齋。清滿州人。乾隆末官大學士。爲高

宗所寵任。弄權贖貨。吏治大壞。後爲王念孫等糾參。奪職下獄。賜自盡。籍沒其家。(五)長人。言爲一縣人民之長。
(六)四封。四境也。(七)頤指。謂口不言而動頤示意也。(八)舛。錯亂也。(九)宓子賤。孔子弟子。名不齊。(一〇)龐參。字仲達。河南緱氏人。(一一)任棠。漢陽郡人。隱居教授。有奇節。爲世所重。(一二)臚。法也。(一三)震澤。舊縣名。今併入江蘇吳江縣。(一四)詩。繩其祖武。武。步武猶言遺跡。謂能繼其祖之功績也。(一五)員。益也。(一六)輻。輪中木之直指者。

會滌笙送周苻農南歸序

天地之數。以奇^{*}而生。以偶而成。一則生兩。兩則還歸於一。一奇一偶。互爲其用。是以無息焉。物無獨。必有對。太極生兩儀。倍之爲四象。重之爲八卦。此一生兩之說也。兩之所該。分而爲三。殺^五而爲萬。萬則幾於息矣。物不可以終息。故還歸於一。天地絪縕^六。萬物化醇。男女構精。萬物化生。此兩而致於一之說也。一者陽之變。兩者陰之化。故曰一奇一偶者。天地之用也。文字之道。何獨不然。六籍^七尙已。自漢以來。爲文者莫善於司馬遷。遷之文。其積句也。皆奇。而義必相輔。氣不孤伸。彼有偶焉者存焉。其他善者。班固則毗於用偶。韓愈則毗於用奇。蔡邕范蔚宗以下。如潘陸沈任等比者。皆師班氏者也。茅坤^九所稱八家。皆師韓氏者也。傳相祖述^{一〇}。源遠而流益分。判然若白黑之不類。於是刺議互興。尊丹者非素。而六朝隋唐以來。駢偶之文。亦已久。王而將厭。宋代諸子。乃承其敝。而倡爲韓氏之文。而蘇軾遂稱曰。文起八代之衰。非直其才之足以相勝。物窮則變。理固然也。豪傑之士。所

見類不甚遠。韓氏有言。孔子必用墨子。墨子必用孔子。不相用不足爲孔
墨。由是言之。彼其於班氏相師而不相非明矣。耳食者不察。遂附此而抹
撥一切。又其言多根六經。頗爲知道者所取。故古文之名獨尊。而駢偶之
文。乃屏而不得與於其列。數百千年。無敢易其說者。所從來遠矣。國家承
平。奕^{二二}禩^{二二}列聖修禮右文。碩學鴻儒。往往多出康熙雍正之間。魏禧^{一三}汪琬^{一四}姜
宸英^{一五}方苞^{一六}之屬。號爲古文專家。而方氏最爲無類。純皇帝武功文德。壹邁
古初。徵鴻博^{一九}以考藝。開四庫館^{二〇}以招延賢雋。天下翕然爲浩博稽覈之學。
薄先輩之空言。爲文務閎麗。胡天游^{二二}邵齊燾^{二三}孔廣森^{二四}洪亮吉^{二四}之徒。蔚然四
起。是時郎中姚鼐^{二五}息影金陵^{二六}私淑方氏。如碩果之不食。可謂自得者也。沿
及今日。方姚之流風。稍稍興起。求如天游齊燾輩閎麗之文。闐然無復有
存者矣。閒者吾鄉人凌君玉垣。孫君鼎臣。周君壽昌。乃頗從事於此。而周
君爲之尤可喜。其才雅贍有餘地。而奇趣遞生。蓋幾於能者。夫適王都者。
或道晉^{二七}。或道齊^{二八}。要於達而已。司馬遷文家之王都也。如周君之所道。進而
不已。則且達於班氏。而不爲韓氏所非。又不已。則王都矣。周君以道光乙
巳成進士。選翰林院庶吉士。值皇太后萬壽。天子大孝。錫類^{二九}臣下。得榮其
親。將奉誥命以歸觀。出所爲文示余。余乃略述文家原委。明奇偶互用之
道。假贈言之義。以爲同志者勸。嗟乎。區區而以文字相討論。是則余之陋。

而不賢者識小之類也。

〔註音〕(奇)音羈(撥)音殺(禩)古祀字(類)音耒(識)音志

〔釋義〕(一)周苻農。名壽昌。清湖南湘鄉人。(二)天地未分以前曰太極。兩儀。天地也。〔易繫辭〕是故易有太極。是生兩儀。兩儀生四象。四象生八卦。(三)四象。太陽。太陰。少陽。少陰。(四)八卦。乾。兌。離。震。巽。坎。艮。坤。(五)殺與渚同。相錯雜也。(六)細縷。元氣醞釀也。(七)六籍。即六經。謂詩書易春秋禮樂也。(八)潘陸沈任。即潘岳。字安仁。晉中牟人。陸機。字士衡。晉吳郡人。沈約。字休文。梁武康人。任昉。字彥昇。南朝梁之博昌人。(九)茅坤。號鹿門。明歸安人。會輯唐宋八家文。(一〇)祖述。猶上述也。(一一)抹殺。亦作抹殺。猶言掃滅也。(一二)奕禩。言世次相續也。(一三)魏禧。字冰叔。號叔子。清初寧都人。(一四)汪琬。字茗文。號鈍庵。又號堯峯。清長洲人。(一五)姜宸英。字西溟。清慈谿人。(一六)方苞。清桐城人。為桐城派之始祖。(一七)類。疵也。(一八)純皇帝。即清高宗乾隆。(一九)唐宋時開博學宏詞科。清康熙乾隆時會兩舉之。(二〇)清乾隆三十七年。開四庫全書館。徵求天下書籍。統計十六萬八千餘冊。(二一)胡天游。字稚威。號雲持。清山陰人。(二二)邵齊燾。字荀慈。清昭文人。(二三)孔廣森。即孔搢約。(二四)洪亮吉。字稚存。號北江。清陽湖人。(二五)息影。謂閒居也。(二六)金陵。地名。即今之江寧。(二七)晉。山西省簡稱。(二八)齊。山東省簡稱。(二九)〔詩大雅〕孝子不匱。永錫爾類。

曾滌笙送唐先生南歸序

古者道一化行。自卿大夫之弟子。與凡民之秀者。皆上之人置師以教之。於鄉有州長黨正之儔。於國有師氏保氏^三。天子既兼君師之任。其所擇大抵皆道藝兩優。教尊而禮嚴。弟子摳衣趨隅^四。進退必慎。內以有所憚而生其敬。外緝業以興其林。故曰。師道立則善人多。此之謂也。周衰。教澤不下流。仲尼干諸侯不見用。退而講學於洙泗^五之間。從之游者如市。師門之盛。振古無儔。然自是人倫之中。別有所謂先生徒眾者。非長民者^六所得與聞矣。仲尼既沒。徒人分布四方。轉相流衍。吾家宗聖公^七傳之子思孟子。號為

正宗。其他或離道而專趨於藝。商瞿授易於馯臂子弓。五傳而爲漢之田
何。子夏之詩。五傳而至孫卿。其後爲魯申培。左氏受春秋。八傳而至張蒼。
是以兩漢經生。各有淵源。源遠流歧。所得漸纖。道亦少裂焉。有宋程子朱
子出。紹孔氏之絕學。門徒之繁。擬於鄒魯。反之躬行實踐。以究羣經要旨。
博求萬物之理。以尊聞而行知。數百千人。粲乎彬彬。故言藝則漢師爲勤。
言道則宋師爲大。其說允已。元明及我朝之初。流風未墜。每一先生出。則
有徒黨景附。雖不必束修自上。亦循循隅坐。應唯敬對。若金許薛胡陸稼
書張念芝之儔。論乎其德則闐然。諷乎其言則犁然而當理。考乎其從遊
之徒。則踐規蹈矩。儀型鄉國。蓋先王之教澤。得以僅僅不斬。頑夫有所忌
而發其廉恥者。未始非諸先生講學。與羣從附和之力也。詩曰。風雨如晦。
雞鳴不已。誠珍之也。今之世。自鄉試禮部試舉主而外。無復所謂師者。聞
有一二高才之士。鉤稽故訓。動稱漢京。聞老成倡爲義理之學者。則罵譏
唾侮。後生欲從事於此。進無師友之援。退犯萬衆之嘲。亦遂卻焉。吾鄉善
化唐先生。三十而志洛閩之學。特立獨行。詬譏而不悔。歲庚子。以方伯內
召爲太常卿。吾黨之士三數人者。日就而考德問業。雖以國藩之不才。亦
且爲義理所薰蒸。而確然知大閑之不可踰。未知於古之求益者何如。然
以視夫世之貌敬舉主。與厭薄老成。而沾沾一得自矜者。吾知免矣。丙午

二月。先生致仕得請。將歸老於湖湘之間。故作師說一首。以識年來嚮道之由。且以告吾鄉之人。苟有志於強立。未有不嚴於事長之禮而可以成德者也。

〔註音〕(摳)渴歐切(駢)音寒

〔釋義〕(一)唐先生。即唐鑑。字鏡海。(二)州長。各掌其州之教治政令之灋。黨正。各掌其黨之政令教治。(三)師氏掌以三德教國子。保氏掌以六藝教國子。見(周禮地官)按國子。公卿大夫之子弟。三德。至德。敏德。孝德。六藝。禮。樂。射。御。書。數。(四)摳衣趨隅。語見(禮記曲禮)摳衣。提衣使起。以示敬也。(五)洙泗。魯二水名。(六)禮坊記。長民者。朝廷敬老。則民作孝。〔注〕鄭康成云。長民。言天子諸侯。(七)宗聖公。曾參。(八)商瞿。字子木。魯人。受易孔子。以授魯橋庇子庸。子庸授江東馯臂子弓。(九)田何。字子莊。漢涇川人。惠帝幸其第受易。(一〇)孫卿。即荀子。避漢宣帝諱。故改。(一一)申培。漢魯人。少事齊人浮邱伯受詩。(一二)張蒼。漢相。陽武人。(一三)擬。同擬。比也。(一四)彬彬。文質備也。(一五)隅坐。不與成人並也。〔論語注〕禮童子當隅坐隨行。(一六)金。即金履祥。許名衡。字平仲。號魯齋。薛名瑄。字德溫。均見前。胡名居仁。字叔心。明餘干人。陸稼書名隴其。清平湖人。張念芝。即張履祥。明遺民。注見前。(一七)風雨如晦。二句。見(詩)鄭風風雨篇。蓋思見君子之作。(一八)宋史選舉志。凡被舉擢官。於誥命署舉主姓名。他日不如舉狀。則連坐之。(一九)洛閩之學。即程朱之學。洛謂程顥程頤。閩謂朱熹。(二〇)清布政使為方伯。即藩臺。(二一)沾沾。自整頓也。(二二)庚子丙午。清道光二十年。二十六年。

會滌笙送江小帆同年視學湖北序

今天下郡縣牧民之吏。大抵以刑強齊之耳。任蚩蚩者自為啄息喜怒。一不顧問。至其犯法。小者桎梏。大者棄市。豪強者漏網。弱者糜爛。苟以掩耳目而止。原國家所以立法之意。豈爾爾哉。蓋亦欲守土者日教民以孝弟仁義之經。不率而後刑之。其率教而有文者。則以進於學。使者而登之庠序。既登之矣。則以授於校官。而常飭之。故古者飲射讀法。在今日則守令

之職。而今之學政也者。不過因文藝以別羣士之優劣。因士之優劣。以知守令教民之勤惰。故巡撫者。天子所使以察守土者。養民之善與否也。學政者。天子所使以察守土者。教民之善與否也。承平既久。法意寢失。郡縣有司不知三物。爲何事。而教民之任。獨以責之學政與校官。而所謂校官者。類多衰病晚暮之徒。其祿不足自贍。往往與學官弟子爭錐刀之末。不特不克助宣教化。或轉餽言以蔽學政之耳目。彼學政者。孤懸客寄於一行省之中。守土者皆貌敬而神拒之。日憊精於文字。而角機智於千百詭弊之場。而欲以餘力。教民以仁義孝弟之經。其不亦難矣哉。然則如之何而可。弊之除也。先其甚者。利之興也。先其易者。其可矣。自功利之說。中於膏肓。學者求速化之方。束髮而做精於制藝。窮老而不休。六經至不能舉其篇目。何有於他書。今欲稍返積習。莫若使之姑置制藝。而從事經史。獎一二博通之士。以風其餘。於覆名扁試之外。別求旁搜廣采之術。凡郡縣莫不有書院。大率廩給其才者。而絀其不能者。名曰膏火。所以濟學校之不及也。學政下車之始。則牒各縣令曰。明年吾視某縣學。當以某經試士。能背誦否。某史試士能言否。其爲我播告偏隅。咸使知之。牒校官曰。吾按臨之始。每縣當選諸生廿人說書。有不至。惟女罰。及其按郡。招諸生來前。果使背誦某經。說某史。某卷大指能誦說者。予以書院之廩資。尤能者倍

之三之。尤能者牒送省會之書院。亦倍其廩資。其不能者。廩生削其餼*一六附生懲辱之。每縣試以三四人。則餘者懼矣。自六經外。如史漢莊騷說文水經文選宋五子及杜韓歐蘇會王專集之屬。每縣使習一部焉。歲試使習者。科試則易之。覆名試以制藝。以彰朝廷之公令。面試說書。以鳴使者之私好。二者並行而不悖。皆善矣。則拔而貢之成均。使彼邦之人。曉然知吾好博通之才。庶幾由文以溯本。舉一以勸百。然後孝弟仁義之教。可以漸而興也。乘傳三所經之地。有書院焉。則入而詔諸生以大義。彼邦有搢紳多聞者。則禮而薦之。為郡縣書院之長。於是其亦可以樹之風聲矣。同年友江君小帆之視湖北學也。所以講求職思者甚備。余乃別思一搜采之術。無啟弊之竇。而有補教之旌者。於是三以彋彋之說進焉。

【註音】(極)音質(楛)音鶻(育)音荒(餼)於既切

【釋義】(一)蚩蚩。悖亂也。(二)極。楛。刑具。楛在足。楛在手。(三)棄市。死罪也。禮記王制。刑人於市。與眾棄

之。(四)爾爾。猶言如此也。(五)庠序。古之鄉學也。殷曰序。周曰庠。(六)校官。古之學官。(七)飲。謂鄉飲酒也。射。謂

鄉射也。(周禮)州長黨正。皆有以正月之吉。及歲時祭祀。屬其民而讀法之事。謂讀一年之政令。及司徒之十二

教法也。(八)三物。即鄉三物。古鄉學之教程也。(周禮)大司徒以鄉三物教萬民。一曰六德。二曰六行。三曰六藝。

(九)錐刀之末。喻微利也。(一〇)鈹。採取之也。(一一)膏育。心膈之間也。(左成十年)疾不可為也。在膏之上。膏之下。

(一二)束髮。謂成童之年也。(一三)唐明皇置麗正書院。集文學士。宋時有白鹿石鼓應天嶽麓四書院。明以此為講

學之地。清末以此課應試文字。今廢。(一四)蘇軾詩。十年讀書費膏火。按此指書院之津貼考課生之費。(一五)下

車之始。言官吏到任之始也。(一六)科舉時代。有廩膳生員。明時生員額少。皆有廩膳。其後添設增生附生。清因之。

廩糧。每生給銀四兩八錢。餼糧也。(一七)水經。漢桑欽撰。後魏酈道元注。(一八)文選。梁昭明太子蕭統選。錄秦漢三

國以下各朝之詩文。凡六十卷。(二)舊制各省學政。周歷各府州。考試生員而等第之。無鄉試之年。謂之歲試。有鄉試之年。謂之科試。(三)成均。國學也。(四)傳。謂傳驛之車馬。(五)菱菱。小也。

會滌笙陳仲鸞同年之父母七十壽序

天之生賢人也。大抵以剛直葆其本真。其回枉柔靡者。常滑其自然之性。而無以全其純固之天。即幸而苟延。精理已銷。恒榦僅存。君子謂之免焉而已。國藩嘗采輯國朝諸儒言行本末。若孫夏峯、顧亭林、黃梨洲、王而農、梅勿庵之徒。皆碩德貞隱。年登耄耋。而皆秉剛直之性。寸衷之所執。萬夫非之而不可動。三光晦五岳。震而不可奪。故常全其至健之質。躋之大壽而神不衰。不似世俗孱懦豎子。依違濡忍。偷爲一切。不可久長者也。同年生陳君仲鸞與余交十餘年。每相與議論平生。慷慨不撓。或品第當世。人倫意所不可。睥睨譏切。無所復忌。同人或謂仲鸞居吏部曹司。身處卑冗。更事未深。宜其囂囂不紕。若移置要地。稍稍練習文法。亦且破觚而爲圓矣。既而仲鸞果以考第入直軍機。而戇直發憤。芒角森然。曾不減其曩者之舊。吾乃私怪生民剛直之性。其稟之有厚有薄。未可以一概度量也。聞輒與仲鸞語家世之詳。及太公太母之行。仲鸞爲余言封翁蔭召先生。生而伉爽。屢經艱險。履之如夷。遇人。有心所不許。雖豪貴人必唾棄之。即心之所許。雖孤嫠卑賤。必引而翼之。愈窮阨。愈禮敬與鈞。自親族州閭。皆服

其誠信。遠近紛難。就之決遣。凡所論斷。久而輒應。封母高太恭人。祇順悖
 篤。尊尚節義。蓋皆有剛直之風。然後知仲鸞之激烈不阿。雖受性獨厚。亦
 其稟之庭闈者。歲漸月染。涵濡之久而不自知也。人固視乎所習。朝有媵
 媵之老。則羣下相習於詭隨。家有骨鯁之長。則子弟相習於矩矱。倡而為
 風。效而成俗。匪一身之為利害也。今年八月。為先生暨太宜人七十生日。
 年家之子。同官之良。咸稱觴仲鸞之邸第。作為詩篇。以祝難老。屬國藩為
 之序。余乃略述平昔與仲鸞言論大指。以著先生之節槩。因推國初諸儒
 以剛直而享大年者。為先生致善禱之誼。亦使世之君子。聞之而有所警
 焉。

【註音】(耄)音帽(耄)音迭(孱)士連切(孱)音儒(睨)匹計切(兗)戎上聲(鸞)陟降切(仇)
 康去聲(媵)音釐(漸)讀尖(媵)音揜(媵)音阿(媵)鬱縛切(邸)音底
 【釋義】(一)【論語】人之生也直。罔之生也幸而免。(二)孫夏峯。名奇逢。明末蓉城人。學者稱為夏峯先生。
 (三)顧亭林。名炎武。號亭林。明末崑山人。(四)黃梨洲。名宗羲。字太沖。明末餘姚人。(五)王而農。名夫之。號薑齋。
 明末衡陽人。(六)梅勿庵。名文鼎。字定九。清宣城人。(七)【禮曲禮】八十九曰耄。【說文】八十曰耄。(八)三光
 日月星也。(九)岳與嶽同。五嶽。即中嶽嵩山。東嶽泰山。西嶽華山。南嶽衡山。北嶽恆山。(一〇)卑亢。卑劣也。(一一)羸
 羸。無欲自得之貌。(一二)破而為圓。言去稜角而尚圓通也。語見【史記】。(一三)芒角。即稜角。(一四)封翁。子孫顯貴。父
 祖受封典者之稱。封母亦同。(一五)明清制。婦人四品封恭人。(一六)媵媵。諂媚之意。(一七)宜人。五品命婦之稱。(一八)
 【詩魯頌】永錫難老。

龍翰臣送呂介存南遊序

古之時。無所為遊士也。蓋自其少時。則有鄉黨庠序之教。為之師者。率皆

閭師黨正鄉大夫三老五更之屬。故學問之道。不出乎里門而自足。自小學曲禮。至詩書六藝之文。世家多有。其朋儕之羣萃州處。則又以備其講習觀摩之具。使之不易其心而遷其業。暇則遊於鄉校。以議論學業之善否。有不率教者。則作爲青衿之詩以刺之。當是時。士之去其鄉而遠遊者。未之見也。周道衰。學校廢。陵夷至於戰國。而遊士始多。然彼皆逞其辭說。以取一時之功名富貴。卒未聞以訪求道德爲事者。獨孔子孟之徒。多遠涉異國。必求得當世之聖人爲之師。吁。孔子孟而不遇時。使孔子孟而遇時。則將復學校於成周之盛。又安肯率其徒日僕僕於風塵內也。秦漢以降。教人之法愈失。士之有志於學者。或不得所師承。於是始執業遠出。思以博求當世之名人。聆其所傳之緒。士當斯時。苟伏處里門。大率荒僻固陋。不爲當世齒。然則士之遊而學。而非遊幾無以善其學者。豈非庠序之教不立。而師儒之官。或名存而實不足厭人意歟。余友呂子介存。年逾冠。一日忽舍其家人。來遊京師。問其求。曰無所爲。問其行。曰吾沿湘泛湖。逾於江河。達於燕。將馳乎齊魯之郊。遂放乎吳越以歸也。君之遊可謂壯哉。迹其意。蓋亦將博求有道之人。與上下其議論。歸而就學。以補其不逮也。余之陋無所可益於君。而獨以慨教人養士之法。今有異於古所云者。顧其異又不自今始也。然則君之行。其安能以已乎。於其別。因書之以爲贈。

【註音】(庠)音祥(衿)音今

【釋義】(一)閭師。官名。《周禮》地官之屬。掌國中四郊官之長。(二)黨正。註見送唐先生南歸序。(三)鄉大夫。官名。《周禮》地官之屬。王有六鄉。每鄉卿一人。各掌其鄉之政教禁令。(四)《禮樂記》食三老五更於太學。

〔按〕古天子設三老五更。以父兄之禮養之。蔡邕以三老為三人。五更為五人。見《禮疏》。鄭玄以三老五更各一人。取象三辰五星。見《禮注》。要皆老人之有位與德者。(五)觀摩。言觀人之善而揣摩之也。(六)青衿。《詩》鄭風篇名。譏學校荒廢而士不事事也。〔按〕後遂以青衿稱士。(七)成周。周時洛邑之稱。(八)師承。謂受之于師也。

(九)國外曰郊。郊外曰遂。

邵位西贈陳蓺叔序

三代以來。師之道未嘗絕於天下。漢人士守家法。以經相傳授。師徒承學特盛。唐則有文章之師。宋以後乃有講明道學之師。程朱為大宗。其徒遞衍。歷元明迄於國朝。支分蔓延。若瓜之引^二。而逾長。若松柏柯葉之彫而復繼。蓋未有如乾隆之季。以至今日。凡學廢不講。經師人師^三之緒。斬焉弗續。士芒^四羊^四四望而無所之。欲負笈^五千里。從一先生遊而不可得也。方乾隆中。俗學橫流。其聰明傑魁之士。相劇^六而為考證^七。末^七之務。名治經而經日以蔽晦。獨桐城惜抱^八姚先生。卓然不惑其說。而新城^九凝齋陳先生。師友雷翠庭。祝人齋^二之倫。以正學教其家。守程朱不易。故至今天下語正學之所恃以維繫。而足為士大夫求師友者之所資藉。在江左右。必推桐城姚氏。新城陳氏。而陳氏尤旁魄^三鬱積。材子弟甚眾。科第蟬聯^三。名位烜赫^四。百餘年不絕。若吾友蓺叔。前凝齋長子。觀察之曾孫。陽湖惲子。居所記以為光祿^五

房者也。藝叔世家子。而資好學。治春秋尚書勤甚。所爲說。單思獨造。不苟傍前人。而義理一信程朱。居京師四年。與姚先生門人梅君伯言遊。益講受古文法。而余與藝叔。每見必討論經義。癸卯之春。藝叔將歸就秋試於其鄉。於是吾黨之士。重惜其行。而余乃爲言以送之。嘗歎漢史稱王陽之子孫。材器名稱。稍不能及父。而祿位彌隆。後漢陳氏亦有公慚卿卿。慚長之言。蓋再實之木。其根必傷。如酌尊然。本醇而未益漓。自然之勢也。然苟能無漓其本。益培而大之。若木果之復於地。其究亦可以參天。藝叔歸而能以是力於身。而^{二九}忘其家人。夫何待余言。余尤願藝叔益堅程朱之問學。而畢力於所已治之經。異日大師崛起。若孫明復。石守道。之在泰山。徂^三聞。隱然名動京師。天下執經之士。與夫士大夫之儻焉靡所歸者。將於藝叔乎。講是而去其非。則所以紹凝齋之傳。而爲陳氏之光榮孰大焉。而區區科第名位之有無。又不足爲藝叔道也。

【註音】(賤)徒結切(劇)音磨(忘)音穢

【釋義】(一)邵位西。名懿辰。浙江仁和人。舉人。由內閣中書遷刑部員外郎。充軍機章京。發往東河。咸豐四年。以濟寧防河無效。去職。十一年十一月在浙殉難。著作散佚。曾文正公爲梓其遺文一卷。(二)詩大雅。縣縣瓜賤。(三)經師。謂教人經義。人師。謂教人道德。(通鑑)遇經師易。遭人師難。(四)芒羊。目不明也。(五)笈。書籍也。(史記蘇秦傳)負笈從師。不遠千里。(六)劇。磋磨也。(七)考證。謂考證古學也。其時競尚漢學。一名一物。互相研究辨論。所驚者未也。纖末。猶言細小也。(八)新城。清江西縣名。屬建昌府。民國改黎川縣。(九)凝齋。名道。新城人。乾隆進士。嘗以宋儒之學。啟迪後進。一時學者多歸之。(一〇)雷翠庭。名銑。福建寧化人。官至副憲。著經

筇堂集。自恥錄讀書偶記等書。(二)祝人齋。名詮。浙江海昌人。嘗刻楊園遺書。復擇粹語爲一編。曰淑艾錄。(三)旁魄。與旁礴同。充滿廣被之義。(四)蟬聯。相續不絕也。(五)煇赫。聲威之盛也。(六)清光祿大夫。爲正一品文階。(七)癸卯。清道光二十三年。(八)王陽。名吉。爲博士諫大夫。子駿。爲御史大夫。孫崇。王莽時。爲大司空。(九)陳實。字仲弓。潁川許人。官太丘長。子紀。爲大鴻臚。孫羣。爲魏司空。故有公慚卿。卿慚長云云。(一〇)綏。慎也。(一一)孫名復。宋平陽人。居泰山。以春秋教授。召爲國子監直講。遷殿中丞。(一二)石守道。名介。宋兗州人。躬耕徂徠山下。以易教授于家。著有徂徠集。(一三)徂徠。山名。在山東泰安縣東南。

吳南屏序意贈西垣

鄉之人日接於余前者。皆非余之人也。而人亦皆不喜就余。以余非其人也。余之人者。西垣是也。西垣亦獨喜就余。則余亦西垣之人也。其不然哉。其不然哉。前年西垣歸自京師。館於余從弟伯喬之家。違余居僅數十丈許。朝夕往來。相樂也。今春余往京師。還以夏六月。西垣復樂甚。而道余去後。所以思余者。忽欲有所言。仰天而望之。無可告語者。足將舉。無所如往。輒廢然止。甚哉西垣之思余也。往年西垣在京師。蓋久矣。余思之亦如此。西垣豈知之乎。今余益家居不出。而西垣明春又當入都。別余以去。余之思。又將甚也。然余今茲自京師往還。所遇知識。及從來故人。與居雖相得。無若西垣者。西垣爲人。樂易善交。過於余。然得如余者。豈多乎。其亦不能無思也。嗟夫。余與西垣之年。今茲各四十。古所稱強而仕者。謂其所問學。既自有成就矣。當及其未衰。有效於吾君。有勞於斯人。未可苟以便其

身而已也。余既當侍養老親。又自料才力不能爲用於世。其身之不可復進而遂止焉。西垣其勉之哉。若僅以其私謀也。則洞庭之濱。吾與子儕而漁之。亦樂矣。

〔釋義〕（一）西垣。毛姓。湖南巴陵人。道光舉人。工詩。與南屏爲摯友。歿後。南屏銘其墓。序其詩。（二）樂易。謂其人和樂平易。藹然可親也。〔荀子〕安利者常樂易。（三）禮曲禮。四十四曰強而仕。（四）洞庭。湖名。在湖南。

吳南屏屠禹甸夫妻八十壽序

巴陵洞庭。天下壯區也。而吳中太湖之山。亦名洞庭。古志稱巴陵地道。謂君山有穴。潛通吳之包山者。其語荒渺。蓋難知也。余家巴陵濱湖之鄉。人工作布。而以布買者。多吳之洞庭人家。自先大父時。頗以居布致生息。故多與吳客熟識。而鹿角市臨湖有屋一區。賃而買者。爲吳洞庭人屠氏。屠氏業此。蓋數世矣。近乃輟不自買。而更助他人。余自幼少時。見與余家往還者。屠翁禹甸。居此數十年。翁歸老其鄉。其子介錫。猶在鹿角。今歲辛丑之春。來請曰。吾父母年皆八十。念家貧。無能廣賓客。稱觴爲壽。乞吾子一言。將持以歸。爲老人光榮。余以屠子之言。人子之至情也。然以余之鄙薄。名不出州里。其言奚足重。而吳又士大夫文章之林藪也。願以數世交游。卽不敢辭。而翁之行事。余又無以悉之。憶自少時。見翁爲人恂恂長者。行步從容。不類賈肆人舉止。遇人無少長。莫不敬禮。言惟恐傷之。其若是。固

宜壽。余又見洞庭人之賈吾鄉者。其生平夫妻別離之日至久也。然老則歸休。猶不忘其本。而其人久慣吾鄉。或歸而數數仍出。今翁自歸吳後。即不更來。與其配氏偕老於家。又健甚。俱享高年。其可嘉也已。吾聞洞庭之山。為峯七十有二。登而瞰太湖三萬六千頃。其光景氣象。視吾岳陽之邱。宜有勝焉者。山中多奇花異果。供采擷。四時而有也。晴和佳日。翁與媪扶杖偕行。鄉之父老兒童相迎問。語笑山水間。亦可以樂而彌永其年矣。

〔註音〕(賃)音任(恂)音荀(瞰)苦盪切(擷)音絮(媪)阿考切

〔釋義〕(一)巴陵。縣名。在湖南。今改岳陽縣。城當洞庭湖之口。(二)太湖。五湖之一。古震澤。亦名具區。跨江蘇浙江二省。洞庭山。在太湖中。東山古名莫釐。西山古名包山。一名苞山。(三)君山。在洞庭湖中。(四)鹿角。鎮名。在湖南岳陽縣南五十里洞庭湖濱。(五)辛丑。道光二十一年。(六)恂恂。信實之貌。(七)高年。謂長壽也。(八)歸有光吳山圖記。太湖汪洋三萬六千頃。沈侵七十二峯。(九)田百畝曰頃。(一〇)擷。採取也。

吳南屏為守齋五叔父暨張叔母五旬雙慶之序

吾先人自前明以來。世不著。大抵農也。自吾曾祖父始讀書為童子師。吾祖與兩叔祖皆發憤為士子業。不成。輒棄去。經營衣食。以起其家。頗以微貲雄閭里間。迨吾父與諸叔嗜書甚矣。卒困不得一庠衿。吾伯兄石林始入泮。自是為諸生。食廩餼者相繼。而乙酉壬辰。迨今之歲甲午。二兄杰人與敏樹。與夢松弟。舉於鄉者三焉。里之人僉曰。吳氏將以詩書世其家矣。於是夢松自長沙歌鹿鳴歸。跪捧觴為兩親壽。敏樹乃敬具衣冠。班子姪。

跪拜祝頌。遂進而稱曰。夫科名者。士子所爲進身之階。而世所稱可喜之物也。其進而益上。則由鄉舉成進士。入詞垣^五。踐歷諸上下官階。任天下事。皆人意計中遭會爾。雖然。姪竊有妄言於此。凡人之所以爲祖宗光。爲父母榮。爲鄉里生氣色者。豈直以其科名與其官祿之崇寵而已哉。苟其學問足以成身。文章足以持論。功業足以施於當時。如是則爲才賢人矣。苟其學問不足以成身。文章不足以持論。功業不足以施於當時。如是則爲庸妄人矣。才賢者難爲。而庸妄者豈少也哉。今夫科名官祿之人。不至於才賢。則有至於庸妄而不止者矣。自其出而之於世也。去樸訥^六。趨文飾。體態變矣。厭寂寞。喜聲華。意氣異矣。體態變。意氣異。而其人^之能自存者。蓋難矣。未幾而好趨承。趨承甚。昏夜求乞矣。未幾而營羨利。羨利甚。貪囊汙穢矣。未幾人品心術。無一存者。而盡失其所以爲人。而虧體辱親。莫大於此矣。嗚呼。豈其人之本願哉。蓋逐於一時之風尚。而不知謹者。其積靡宜使然也。今吾家自先人以來。世敦行義。而叔父大人端謹正直。無愧神明。叔母大人敬恭慈惠。善能相助。宜其享子孫之樂。受品秩之榮。而姪竊願以斯言者。與夢松及諸兄弟共儆懷之。或者大人之欲以教戒我等者。意在斯乎。意在斯乎。兩大人曰。善哉。吾有望矣。然吾無多言。願爾輩惟毋忘先人之勤苦是念。儻可以終身守之者與。於是敏樹與諸兄弟子姪輩敬

領命相與助夢松舉觴成禮而退。退而謹次序其語以誌焉。

〔釋義〕 (一)閭里。猶言鄉里。 (二)庠。學校也。衿。衣領也。科舉時稱秀才為青衿。 (三)泮。學宮也。科舉時生員入學。曰入泮。 (四)科舉時鄉試揭曉之翌日。宴主考執事各官。及鄉貢士。曰鹿鳴宴。唐時宴鄉貢。用少牢。歌鹿鳴之章。故有此稱。 (五)舊稱翰林院曰詞垣。 (六)樸。素儉也。訥。少言也。



朱梅崖黃貞女傳

黃貞女者。湖北應山人也。所許適者死。貞女歸。事其姑終身。而反於父。父死。貞女曰。吾得從父地下。見吾夫與舅姑足矣。卽閉戶欲死。兄弟曰。父不幸。而爾從死。是章兄弟不能安爾。而傷父之志也。且始爲夫死。則死不待今日。爲父死。則父固非爾得從死者也。又累兄弟以不能安女弟之名。貞女曰。吾知行吾志而已。固非能擇於可否者也。然吾聞之。婦人以從爲義者也。吾身許人。固宜爲婦。未適人。則猶爲子。死夫與死其父。義皆有所處也。今吾三從者絕。而得死所。全其婦子之義者。無悔於中心。而於兄弟成之。是兄弟遺我以安也。何累於名。事聞於令。令親往。諭貞女以無死。且女畜貞女。兄弟欲貞女不死。皆勸貞女。貞女曰。旣以失所從。自絕於兄弟。而猶託於人。是明告兄弟三懟也。且是重生無已。而不知所以處者之爲也。吾非其人也。卒絕食而死。貞女死日。人見貞女行出門若生者。又見所許適者。與貞女若偕行云。蓋貞女真見夫矣。亦異矣哉。貞女死後百餘年。他姓有冒爲所許適者之旁子孫。得旌門四如令。貞女外家會孫某訟之官。以爲非是。官雖審其冒。然其事已得請。竟無以易也。蓋貞女未歸。未廟見五。雖未

成婦。然其事不繫於夫。則貞女之守死為無名。而益以傷貞女之志。貞女事久遠。所許適者家絕。故冒而不忌。然會孫之訟。亦疑而無徵。余故皆削之。使冒者不得以為榮。而疑者不得以為信。而貞女之貞。以慎而益白。蓋貞女之志也。

【註音】(懟)徒對切

【釋義】(一)應山。縣名。屬湖北省。(二)二從。未嫁從父。既嫁從夫。夫死從子。見「儀禮」。(三)懟。怨也。(四)昔

凡公益之事。及維持風化道德者。由國家給與匾額。謂之旌門。(五)廟見。古婚禮。婦至家。厥明盥饋。始見舅姑。若舅姑已沒。則三月而廟見。擇日而祭之。見「禮會子問」。今亦謂新婦謁見祖先曰廟見。

彭秋士息庵翁傳

息庵翁名志求。字文健。息庵別號也。其先江西清江^二縣人。後以明洪武^三中至蘇州。遂家焉。祖貽令先生以善書名吳中。翁童子日。以磨墨侍祖書。學作點畫精勁。祖奇之。授以法。為人廉直。非禮法不行不語。親友敬厚焉。翁嗜書。人有好書輒借。飾小齋獨居。几上一鑪香。一甌水。晨莫^{*}鈔書。然翁心雄。恥不得及時有為。秋風起則驚。撲筆起立。徘徊^四焉。復鈔書。竟老於家。雍正^五正四年卒。葬黃山^六。生一男三女。翁子孫貧薄。墳壞樹稀。拜掃^七缺。而翁鈔集之書具存。孫男績謹撰。

【註音】(莫)同暮

【釋義】(一)彭秋士。名績。字其凝。更字秋士。江蘇長洲人。布衣。乾隆五十年卒。年四十四。著有秋士先生遺

集六卷。(二)清江。縣名。屬江西省。(三)洪武。明太祖年號。(四)徘徊。不進貌。又流連往復也。(五)雍正。清世宗年

號。(六)黃山。在安徽歙縣西北。(七)子孫春秋拜祭祖墓。謂之拜掃。

彭秋士府君述

府君彭氏。諱景駢^{*}。字騰遠。長洲縣人。少時精學經書。以法度自繩。年十八。授徒於家。得束脩。供養父母。能任井臼^二。及娶妻。乃出就學館。歸輒適父母之所揖。經私室。不先入也。父母有疾。嘗所飲藥。日不餐。夜屏氣立於牀几之間。父病甚。哭城隍^四。神廟中。求代父身。病尋愈。秉志遵分。不委隨世俗。不慕榮利。一一以道揆之。衣食才足。屋數間。破琴古書。怡然自得。宗黨有窮厄不能自存者。則告於仁富使周之^五。姊夫查天謚^{*}。年老酷貧。日給升米。寒脫中衣衣之。死周棺殯。姊前死未葬。合葬焉。所居巷中稚子。或相聚為戲。府君自外歸。稚子遙見。諱曰。彭家翁至矣。率散走。府君年七十而卒。有鄰人入室哭曰。吾幼見夫人。出入閭里。尊憚其容貌。不敢自暇自逸。今日老。獲免於戾。夫人之賜也。將葬。又來哭如初。男績謹述。

〔註音〕(駢)音達(謹)甚平聲

〔釋義〕(一)長洲。舊江蘇縣名。現併入吳縣。(二)井臼。謂汲水舂米。勞苦之役也。今為主持家政之喻。(三)

〔論語〕屏氣似不息者。〔注〕屏。藏也。(四)城隍。神名。(五)周。濟也。

彭尺木陳和叔傳

陳和叔名黃中。吳縣諸生也。父少章。名景雲。博聞強識。好著書。以諸生老。

和叔自少通敏。爲學長於史。嘗深究前代治亂。往復所由。以達於當世之務。發爲文。磊落自恣。不可控制。乾隆初。應博學宏辭科。廷試被黜。乃客遊南臨洞庭。登衡山。東浮錢唐。入閩。北馳驅燕齊。河岱閒。當是時。上卽位數年。銳意賡續列聖治績。紹往古絕業。中外大臣承明德。爭延致天下豪俊。虛己訪時政闕失。而和叔爲大學士海寧陳公所知。其在京師。陳公以禮先之。和叔乃上書陳公。論用人理財治兵三大事。其條用人之目有十。曰分科取人。曰慎擇舉主。曰重名節。曰辨邪正。曰加奉。曰汰冗員。曰寬法網。曰覈名實。曰懲貪。曰酌道里以銓選。條理財之目有六。曰定旗制。曰權錢幣。曰興西北之水利。曰輕徵權。曰減漕粟。曰定鹽政。條治兵之目有六。曰謹邊防。曰嚴海禁。曰練士兵。曰修軍器。曰簡帥臣。曰加月餉。陳公得書。躡其言。頃之。詔求骨鯁質樸之士。如古馬周陽城者。陳公欲舉和叔。應詔旨。時和叔已去京師。屬其友招以書。和叔辭焉。先是湖南巡撫馮公聞和叔名。辟置於府。土苗有小警。欲與師剿之。屬和叔草奏。和叔曰。此召亂也。撫而輯之。其可弗聽。和叔遂行。無何苗叛。用兵期年。乃靖。已而漕督顧公。湖督孫公。閩撫王公。先後聘和叔主章奏。和叔所草奏。援古證今。剴切詳盡。所奏或中格。每執奏至再三。得請乃已。期於尊主庇民。不肯趨避形勢。揣摩風氣爲巧言。而諸公亦委心任用。不疑沮也。自諸公先後謝事。和叔落

落無所合。遂杜門不出。初至京師時。善山陰貢士胡天游。天游故奇士。負才氣。慕陳同甫之爲人。傲睨當世士。鮮當意者。及見和叔。服其才。傾心相引。重天游豪蕩自喜。不肯循尺度。爲勢要所排斥。竟窮死。和叔介然持節。審去就。嚴取舍之辨。而其窮與天游等。下帷著書。無儋石之儲。泊如也。年五十九卒。居常恨宋史蕪雜。是非溷失平。則發奮刪其繁累。搜討先正舊聞。折其中。成宋史彙一百七十卷。又著新唐書刊誤。國朝謚法考。殿閣部院年表。督撫年表。共十餘卷。詩文集四卷。其卒也貧甚。不能治喪具。姻黨或以金賻者。妻張氏固卻之曰。奈何以貧故。傷夫子義。鬻居以葬。

【註音】(磊)落狠切(亢)戎上聲(賻)音附(鬻)音育

【釋義】(一)陳和叔。名黃中。號東莊。江蘇吳縣人。應鴻博不遇。降而就幕。所著書詳傳中。(二)磊落。中懷坦

白也。(三)唐開元中。陸贄以博學宏辭登科。宋紹聖初置宏辭科。紹興中。更立博學宏辭科。迄于宋末。得士稱盛。清康熙乾隆時。亦兩舉博學鴻辭科。(四)衡山。湖南之大山。世稱南嶽。(五)錢唐。浙江之下游也。(六)直隸。爲燕山東爲齊。(七)河岱。謂黃河秦岱也。(八)海寧縣名。屬浙江省。(九)陳公。名世倌。諡文勤。(一〇)骨鯁。喻正直也。(一一)馬周。字賓王。唐人。至長安。舍中郎將常何家。貞觀五年。詔百官言得失。何武人。不涉學。周爲條二十餘事。太宗怪問何。何曰。此家客馬周教臣言之。帝即召與語。拜監察御史。(一二)陽城。字亢宗。唐北平人。舉進士。拜諫議大夫。嘗疏留陸贄。沮相裴延齡。(一三)辟。徵召也。(一四)土苗。古三苗裔。有生苗熟苗之分。湖南四川貴州所屬均有之。(一五)落落。獨立不徇俗貌。(一六)胡天游。字稚威。號雲持。清山陰人。(一七)陳同甫。名亮。宋永康人。才氣超邁。善談兵。著有龍川文集。(一八)傲睨。倨傲傍視。目空一切也。(一九)引重。猶借重也。(二〇)「通雅」漢書一石爲石。再石爲儋。(三一)賻。以財助喪儀也。(三二)鬻居。售其房屋也。

彭尺木曾孝女傳

會孝女衍綸。宗聖會子裔也。世爲山東長清人。父尙增。以庶吉士^二出爲知縣。遷至郴州^{*三}知州。衍綸年十一。從父於官。母病瘓^{*四}不能起。衍綸侍湯藥。躬盥饋^五之事。凡四載。母病劇。衍綸亦憊甚。晝夜侍牀前不去。母顧憐之曰。兒病矣。盍少休。命老嫗侍我。衍綸重違母意。則應曰唯。卽帷外坐而假寐^六。老嫗坐帷中。就牀前然火薰衣寐。老嫗遽驚起。衣焚及帷。老嫗突火出呼救。而尙增亦在牀寐。衍綸突火入。趣^{*}其父出。抱母號。救者入挾衍綸出。衍綸嚙^{*}其手及骨。挾者釋手。衍綸復突火入。哭且呼曰。速救夫人。夫人出。我乃出。而火幕牀。救者不得入。尙增厲聲呼衍綸出。不應。火益熾矣。時乾隆二十三年冬十二月乙亥也。旣滅火。衍綸身覆母。兩體攣^{*}結不得解。黝^{*}黑若炭。巡撫具其事聞於朝。得旌如制。郴人爲立祠祀焉。

彭紹升曰。世傳孝女事多異。余在京師。秀水鄭先生虎文爲余道之如是。初孝女死未幾。而鄭督學政湖南。會之僕有給事於鄭者。能具言孝女事。僕卽往時挾孝女出火中者。其手閒嚙痕故在也。鄭先生之言審矣。余後又得海甯沈維基所作傳。其略具如所聞於鄭先生者。顧獨不載嚙手事。余乃覈其事蹟著於篇。

〔註音〕(郴)丑森切(瘓)音喘上聲(趣)音促(嚙)五巧切(攣)音纏平聲(黝)於糾切

〔釋義〕(一)長清。縣名。屬山東省。(二)庶吉士。清時未散館翰林之稱。(三)郴州。舊直隸州。屬湖南。民國改

爲彬縣。(四)瘓。四體麻痺不仁也。(五)以盤水沃洗曰盥。進食于尊曰饋。(六)假寐。不脫衣冠而寢也。(七)秀水。

舊縣名。今併入浙江嘉興縣。

姚姬傳朱竹君先生家傳

朱竹君先生名筠。大興人。字美叔。又字竹君。與其弟石君珪。少皆以能文有名。先生中乾隆十九年進士。授編修。進至日講起居注官翰林院侍讀學士。督安徽學政。以過降級。復爲編修。先生初爲諸城劉文正公所知。以爲疏雋奇士。及在安徽。會上下詔求遺書。先生奏言翰林院貯有永樂大典內。多有古書。世未見者。請開局使尋閱。且言搜輯之道甚備。時文正在軍機處。顧不喜。謂非政之要而徒爲煩。欲議寢之。而金壇于文襄公獨善先生奏。與文正固爭執。卒用先生說上之。四庫全書館自是啓矣。先生入京師。居館中。纂修日下舊聞。未幾文正卒。文襄總裁館事。尤重先生。先生顧不造謁。又時以持館中事與意迕。文襄大憾。一日見上。語及先生。上遽稱許。朱筠學問文章殊過人。文襄默不得發。先生以是獲安。其後督福建學政。逾年。上使其弟珪代之。歸數月。遂卒。先生爲人。內友於兄弟。而外好交遊。稱述人善。惟恐不至。卽有過。輒覆掩之。後進之士。多因以得名。室中自晨至夕。未嘗無客。與客飲酒談笑窮日夜。而博學彊識不衰。時於其間屬文。其文才氣奇縱。於義理事物情態無不備。所欲言者無不盡。尤喜小學。爲學政時。遇諸生賢者。與言論若同輩。勸人爲學。先識字。語意諄勤。去

而人愛思之。所欲著書皆未就。有詩文集。合若干卷。

姚鼐曰。余始識竹君先生。因昌平三陳伯思。是時皆年二十餘。相聚慷慨論事。摩厲講學。其志誠偉矣。豈第欲為文士已哉。先生與伯思。皆高才耽酒。伯思中年四致酒疾。不能極其才。先生以文名海內。豪逸過伯思。而伯思持論稍中焉。先生暮年賓客轉盛。入其門者。皆與交密。然亦勞矣。余南歸數年。聞伯思亦衰病。而先生歿年。才逾五十。惜哉。當其使安徽福建。每攜賓客。飲酒賦詩。遊山水。幽險皆至。余閒至山中崖谷。輒遇先生題名。為想見之焉。

【註音】(儻)同俊

【釋義】(一)大興。縣名。舊為順天府治。屬河北省。(二)編修。官名。掌修國史。屬翰林院。(三)日講起居注。史職。清以翰林兼之。(四)翰林院。官署名。掌秘書著作之職。侍讀學士。內閣翰林院皆有之。此則屬于翰林院者。(五)諸城。縣名。屬山東省。(六)劉文正公。名統勳。字延清。號爾純。康熙進士。累官東閣大學士。(七)明成祖永樂元年。敕解縉姚廣孝等。類聚經史子集天文地理志陰陽醫卜僧道技藝之言。為一書。用韻字編之。凡二萬二千八百七十七卷。為一萬一千九百九十五冊。名為永樂大典。後多散亡。今僅存六十冊。(八)金壇。縣名。屬江蘇省。(九)于文襄公。名敏中。康熙進士。累官文華殿大學士。(一〇)乾隆三十七年。開四庫全書館。徵求天下書籍。統計十六萬八千餘冊。(一一)日下舊聞。書名。清朱彝尊撰。搜輯故書。及金石文字之關於燕京者。千六百餘種。分十三門。都四十二卷。書成於康熙時。乾隆時。高宗復命詞臣編纂。踵朱氏之籍。增為十五門。都一百六十卷。(一二)舊時專以文字之學為小學。(一三)昌平。舊州名。屬順天府。民國改縣。屬河北省。(一四)年過四十。謂之中年。

姚姬傳張逸園家傳

張逸園君者。諱若瀛。字印沙。曾祖兵部尚書。諱秉貞。祖諱茂稷。考諱廷瑛。

皆贈左都御史^二。廷瑋三子。長若澁^{*}。仕至左都御史。而君其季也。都御史爲人端凝樸慎。而君慷慨強果。自其兄弟少時。里人皆異之矣。君始以諸生^三爲書館^四。斂勞授主簿^五。借補熱河^六巡檢^七。熱河今爲承德府。君仕時。未設府縣。以巡檢統地逾百里。歲爲天子巡駐之所。四方民匯居其間。君之嚴能治辦。奸蠹屏除。留守內監爲僧者。曰千文煥。君一日行道。見其橫肆。立呼至杖之。於是熱河內府總管^九怒。奏擅杖近御。直隸總督亦劾君。上聞之。顧喜君強毅。不之罪。而以劾君者爲非。其後爲良鄉知縣。順天府南路同知^二。有旗民張達祖。居首輔傅忠勇公門下^三。始有地數百頃。賣之民矣。久而地值數倍。達祖以故值取贖^四。搆訟。經數官。不敢爲民直。君至。傅忠勇頗使人示意君也。君告之以義。必不可。卒以田歸民。畿南多回民。久聚爲竊盜。不可勝詰。君多布耳目。得其巨魁。或親捕之。凡半年。獲盜百餘。盜畏之甚。乃使一回民僞來首云。有某人至其家。巨盜也。及捕之至。卽自首某案已所爲盜。有賊在京師禮拜寺。君使兵役偕之。至禮拜寺。則反與鬪。至刑部。訊以某案事。與此人無與。以君爲誣良。議當革職。旣而上見君名。疑部議不當。召君令軍機處覆問。減君罪。發甘肅以知縣用。是時上意頗嚮君。然卒降黜者。大臣固不助君也。在甘肅二年。嘗爲張掖^{一三}復營兵所奪民渠水利。又以張掖黑河^{一四}道屢遷。所過之田。爲沙礫數百頃。而歲輸糧草未除。

力請於總督奏除之。時甘肅官相習僞爲災荒請賑。而實侵入其財。自上吏皆以爲當然。君獨不肯爲。其後爲者皆敗。於是世益推君。君引疾去甘肅。里居數年。會兄都御史已進用。上數顧詢君狀。君乃復出。補直隸撫寧一五知縣。其勤幹如昔。然君年已六十餘矣。以子鴻恩爲兵部郎中一六。受封朝議大夫。例不爲知縣。遂去歸里。又數年卒。君居里爲園。時遊之。名之曰逸園。言己不得盡力爲國勞而苟逸也。故人以逸園稱君。

姚鼐曰。余家與君世姻好。君爲文人行。所謂逸園者。負城西山面郊。余先世亦園址也。君數飲余。於是時述平生爲吏事。奮髭抵掌。氣勃然。誠充其志。所就可量哉。君在里。建毓秀書院。爲族人設藝局。以養貧者。親姻婚喪急難。每賴其施以濟。君亡久矣。人方思之。不能忘也。然余尤偉君杖內監僧。及不爲傳忠勇曲論民田事。爲有古人剛毅之風。故爲著傳。君能著於世矣。才節遇知天子。而仕抑屈於縣令。惜哉。命爲之耶。抑古之道終不合於今乎。君長子鴻肇爲戶部員外郎一七。先卒。次鴻恩爲福建延平府一八知府。次鴻磐。

〔註音〕(瑋)音弟(淮)音桂

〔釋義〕(一)兵部。清制。掌中外武職銓選簡覈軍實之政。尙書。乃一部之長。(二)贈。以子貴而封贈也。左都

御史。都察院之長官。統轄諸御史。(三)諸生。謂生員也。(四)臚錄。抄寫之員。清時實錄等館均有之。期滿序勞。得爲實官。(五)主簿。收令之佐官。(六)熱河。地名。清初置熱河廳。後升承德府。設都統。民國政府爲縣。稱特別區域。

現已改建爲省。(七)巡檢。縣令之屬官。(八)于文煥。或作于榮煥。倚恃內監。戲侮街市。張爲巡檢。按法懲治。總督方觀承參奏。帝命將于榮煥發往黑龍江。命凡內監私人有在外生事者。聽人懲責。事在乾隆二十二年。(九)內府總管。清代有總管太監之名。因熱河爲巡駐所。故設內府太監。(一〇)良鄉。縣名。舊屬順天府。今屬河北省。(一一)同知。清時府州之佐官。(一二)傅忠勇公。姓富察氏。名傅恆。字春如。清滿洲鑲黃旗人。封一等忠勇公。卒諡文忠。(一三)張掖。縣名。屬甘肅省。(一四)黑河。即甘肅之額濟納河。亦曰張掖縣。(一五)撫寧。縣名。屬河北省。(一六)郎中。各部諸司之長。(一七)朝議大夫。清制從四品文階。(一八)丈人行。輩行之長者。(一九)員外郎。位郎中之次。(二〇)延平。府名。屬福建。民國廢。今南平縣。其舊治。

姚姬傳張貞女傳

昔歸熙甫作貞女論。謂女在父母家。不應以身屬人。所許嫁者亡。而爲終守。不合於義。吾謂熙甫是言過矣。今律與人約婚而中背者有刑。而晉王哀以其壻葬父洛陽。卽以其女別嫁。以今律論。哀爲甚不誼。以哀之賢。衡今之法。則制刑非矣。然而皆不然者。古今情事殊也。且伊尹五就桀。柳下惠不羞汙君。而伯夷非其君不事。季歷文武興周室。而泰伯逃隱。夷齊叩馬而諫。士各行其志所安耳。君子亦仁而已矣。何必同。吾近覽鄉曲之事。高貞女之節。悲傷其志。以謂靡病於古誼焉。張貞女者。父曰張裕昌。其五世祖。爲明末山東左布政使。秉文。殉難於濟南者也。貞女許嫁之夫。曰葉孝思。孝思父母皆老病將死。獨有孝思一子。又病瘵。甚篤。欲迎張氏侍其父母疾。張氏親戚皆難之。貞女曰。旣以身許人。奈何聞其病篤。安坐以待其死乎。卽布衣乘輿入葉氏。視其公姑及夫疾。晝夜不怠。一年而舅姑及

孝思皆死。僅有屋三間。張氏迎父弟共處。以屋居父。而已所處。幾於不蔽風雨。時爲父浣炊。爲弟縫紉。晝夜營女工以爲生。及父死而治其喪。立族子友賢爲子。聘姪張氏爲婦。得孫曰傳興。一年而友賢又死。其婦亦能效其姑。立節槩焉。貞女自十九歲守節。至今五十四。而葉孝思之族祖曰蔭寰。聘妻胡氏。蔭寰失愛於繼母。悲憤以死。胡氏農家女也。聞而誓必爲夫守。父母不能奪。卽送至持喪。其夫伯母楊氏亦寡婦。憐胡氏與同寢處。其姑久亦愛焉。胡氏今年四十餘。守節三十年矣。其居皆在縣城內之西。又有周氏者。居縣城東百四十里。許配法洪山章彌六。年十五而彌六死。請於父母。來夫家服喪。遂不返。其夫家爲立嗣撫之。至有玄孫。年九十三。去歲冬歿。乾隆五十五年也。鄉俗焚葦輿_三以送終。章氏數千人見其焚煙上徹。聚爲白鶴。久乃滅去。而桐城城內又有馬鳴玉之聘婦方氏。鳴玉死。方氏居父母家。極窮困。然守而不嫁。至老。先周氏二年死。始馬氏諸子疑方氏初未卽至夫家。不敢迎入門。至其老將死。乃服其節。請於官而旌之。嗟乎。行必久而後信。女子固然。非耄期不亂者。曷以爲士乎哉。

〔釋義〕 (一)王哀。字偉元。晉營陵人。有孝行。嘗善鄉人管彥。男女未生。便約爲昏。彥死。葬洛陽。哀卽更嫁其

女。彥弟馥問之。哀曰。昔嫁姊妹皆遠。吉凶斷絕。每以此自誓。今賢兄子葬父洛陽。此則京邑之人也。豈我結好之

本意哉。 (二)洛陽。縣名。屬河南省。 (三)伊尹五就桀。見〔孟子告子篇〕。 (四)柳下惠不羞汙君。見〔孟子公孫丑

篇〕。 (五)伯夷非其君不事。亦見〔孟子公孫丑篇〕。 (六)周太王二子。長泰伯。次仲雍。次季歷。生子昌。有聖德。太王

有窮商之志。泰伯不從。與仲雍逃之荆蠻。太王立季歷。傳國至昌。是爲文王。文王崩。子發立。遂有天下。(一)武王伐紂。伯夷叔齊叩馬而諫。及王平殷亂。餓死首陽山。(二)明太祖時。各省設左右布政使。(三)瘵。肺病。(四)浣。條也。炊爨也。(五)縫紉。普通意義。多指衣服之裁法。縫法言之。(六)葦輿。草輜也。(七)「禮曲禮」八十九。十日。百

吳殿麟程巽行傳

歙岑山程君巽行。諱學權。予妻之弟也。君兄弟伯仲二人。仲慧。父命之讀書。而俾君執賈人業。仲豪邁峻厲。君寬平恂恂。長者。然見不善。則畏之如陷阱。小有失。輒惶恐不自容。父母私居嘗相謂曰。少男固才。長男亦能不犯非分。吾與若無慮矣。君年三十餘。佐其族富人賈於桐城。族人以君爲不能殖利。俾君閒居。而不任以賈。居數年。困甚。族人有用事之家僕。謂君曰。小人能薦君於主。君喜而委託之。同列有微察其謀者。一日於廣坐。謂君君言已。顧君微笑。君面赤。既退。爲家書一通。具以告父。竟自縊而死。贊曰。此孔子所謂匹夫之諒也。哀哉。願以一行虧節。而輕身蹈死。可謂知恥矣。文以傳之。豈獨慰恤君。亦以惕人不義之可危。名節不可一日墮也。墮而恥之晚矣。嗚呼。世之赫然以富貴驕人。而其由來。下於君今日之事者。蓋有之矣。而彼顧相率安之。其爲風俗之蠹。人心之害。可勝歎哉。

【註音】(歙)音翕

【釋義】(一)歙。縣名。屬安徽省。(二)豪邁。謂放蕩不羈也。(三)峻厲。謂峻刻嚴厲也。(四)恂恂。信實之貌。(五)諒。責讓也。(六)諒。小信也。論語。豈若匹夫匹婦之爲諒也。

【評語】姚姬傳曰。是望溪先生集中得意之作。

吳殿麟王節母傳

王生璞。嚮從予遊。其大母劉氏。以節孝旌於朝者也。劉氏自爲室女。卽以割臂愈父疾。後歸王君吉士。年二十有四。旋寡。子幼。家又貧。竟日杜門樓居。每春秋佳節。樓以下宗族親姻。衍衍稱賀。而劉氏獨與其孤。寂處危樓。相對泣。聞者莫不憐也。始璞之高祖歿於南譙旅殯僧寺。會祖又渴葬京口。劉氏自啜糟糠。而日儲婦功之所入。買地歛西之湖田。歸兩世之骨於千里外。葬焉。方葬。雨驟至。傭工皆逃匿大樹下。劉氏稽顙籲天。顙毀。雨益急。遂往來雨中。躬自負土。且泣且築。衣濕手皸。弗去。衆工人蹶然曰。彼婦尙不畏雨。吾儕勇男子。反畏雨乎。因并力築而掩之。感其孝也。其後劉氏卒。撫孤成立。孫璞。尤倜儻。能文章。節母之德。其將自是益光顯矣乎。

贊曰。易之稱女貞也。曰无攸遂。在中饋。貞吉。劉氏一孀。孀女子。無衣食以鞠其孤。而葬其夫。上世之親者。二世。豈所謂无攸遂者哉。蓋宗子收族之法。久亡。不得已而踰女子之經德以補之也。其不幸也夫。其幸也夫。

【註音】(衍)音看(譙)音樵(顙)桑上聲(皸)音君(孀)音瓊

【釋義】(一)大母。卽祖母。(二)室女。卽處女。(三)衍衍。樂也。(四)南譙。在安徽滁縣。(五)渴葬。猶急葬也。(六)

京口。卽鎮江。(七)婦功。女子之工作也。亦曰女功。(八)稽顙。以額觸地而無容也。(九)顙。呼也。(一〇)皸。手皮裂也。

(一一)蹶然。驚起貌。(一二)倜儻。不羈也。猶言不拘束。(一三)言无所必遂。職乎中饋。巽順而已。是以貞吉。(一四)孀。獨

也。(二五)「禮大傳」敬宗故收族。言族人敬宗子。宗子當收族人。不使離散。

張皋文周維城傳

嘉慶元年。余遊富陽。知縣惲侯。請余修縣志。未及屬藁。而惲侯奉調。余去富陽。富陽高傅占。君子人也。爲余言周維城事甚具。故爲之傳。以遺後之修志者。

周豐字維城。其先紹興人。徙杭州。世爲賈。有貲。父曰重章。火災蕩其家。流寓富陽。重章富家子。驟貧。抑鬱無聊。益跣弛。不問生產。遂大困。尋死富陽。豐爲兒時。當天寒。父中夜自外歸。又無所得食。輒引父足懷中以臥。十餘歲。父既卒。學賈。晨有老人過肆。與之語。奇之。立許字以女。女李氏也。豐事母。起坐行步。嘗先得其所欲。飲食必親視。然後進。事雖劇。必時時至母所。視問輒去。去少頃。卽又至。母不覺其煩。李氏女又能順之。母脫有不當意。或端坐不語。豐大懼。皇皇然若無所容。繞膝盤旋。呼阿母不已。聲悲慕如嬰兒。視母顏色怡。乃大喜。又久之。然後退。其子孫逮見者。言其寢將寐。必呼阿母。將寤。又如之。殆不自覺也。豐年四十二時。未有子。病幾死。過吳山。有相者睨之良久。引其手指之曰。是文如丹砂。公殆有隱德。當有子。富壽康寧。自今始矣。豐賈致富。有子三人。孫六人。子沅濂。孫愷恆。皆補學官弟子。豐年八十四卒。如相者言。豐於鄉里能行其德。有長者行。常有與同賈。

者歸。豐既資之。已而或檢其裝。有豐肆中物。以告豐。豐急令如故藏。誠勿言。其來待之如初。高傳占言曰。富陽人多稱豐能施與好義。然豐嘗曰。吾愧吳翁焦翁。吳翁者。徽州人。賈於富陽。每歲盡。夜懷金走里巷。見貧家。嘿置其戶中。不使知也。焦翁者。江寧人。挾三百金之富陽賈。時江水暴發。焦急呼漁者。拯一人者與一金。凡數日。得若干人。留肆中飲食之。俟水息。貲遣之歸。三百金立罄。二人者。今以問富陽人。不能知也。豐又嘗言吾生平感婦翁知我。嗚呼。市巷中固不乏士哉。

【註音】(一) 蹠音託 (沅) 音元 (嘿) 同默

【釋義】(一) 嘉慶。清仁宗年號。(二) 富陽。縣名。屬浙江省。(三) 屬藁。言撰擬文字。(四) 紹興。縣名。屬浙江省。(五) 杭州。清浙江府名。為省治。民國改縣。仍為省治。(六) 蹠弛。不自檢束也。(七) 吳山。在浙江杭縣城內。一名城隍山。(八) 學官弟子。即生員。(九) 罄。盡也。

張皋文先妣事略

先妣姓姜氏。考諱本維。武進縣學增廣生^二。其先世居鎮江丹陽^三之滕村。遷武進者四世矣。先妣年十九。歸我府君。十年。凡生兩男兩女。殤其二。惟姊觀書及惠言在。而府君卒。卒後四月。遺腹生翊^{*}。是時先妣年二十九。姊八歲。惠言四歲矣。府君少孤。兄弟三人。資教授以養先祖母。先祖母卒。各異財。世父^五別賃屋居城中。府君既卒。家無一夕儲。世父曰。吾弟不幸以歿。兩兒未成立。是我責也。然世父亦貧。省嗇口食。常以歲時減分錢米。而先妣

與姊作女工以給焉。惠言年九歲。世父命就城中與兄學。逾月時乃一歸省。一日暮歸。無以爲夕^六飧。各不食而寢。遲明。惠言餓不能起。先妣曰。兒不慣餓。憊耶。吾與而姊而弟。時時如此也。惠言泣。先妣亦泣。時有從姊乞一錢買糕^七。唱^八惠言。比日^九。乃^十貰^{十一}貸得米。爲粥而食。惠言依世父居。讀書四年。反。先妣命授翊書。先妣與姊課鍼^{十二}。常數線爲節。每晨起。盡三十線。然後作炊。夜則然一燈。先妣與姊相對坐。惠言兄弟持書倚其側。鍼聲與讀聲相和也。漏四下。惠言姊弟各寢。先妣乃就寢。然先妣雖不給於食。惠言等衣履未嘗不完。三黨親戚吉凶遺問之禮。未嘗闕。鄰里之窮乏來告者。未嘗不^{十三}恤也。先是先祖早卒。先祖妣白太孺人^{十四}。恃紡績以撫府君兄弟。至於成人。教之以禮法孝弟甚備。里黨稱之以爲賢。及先妣之艱難困苦。一如白太孺人時。所以教惠言等者。人以爲與白太孺人無不合也。先妣逮事白太孺人五年。嘗得白太孺人歡。於先後^{十五}委宛備至。於人無所忤。又善教誨人。與之居者。皆悅而化。姊適同邑董氏。其姑錢太君。與先妣尤相得。虛其室假先妣居。先妣由是徙居城中。每歲時過故居。里中諸母爭要請。致殷勤。惟恐速去。及先妣卒。內外長幼。無不失聲。及媼親之臧^{十六}獲。皆爲流涕。先妣以乾隆五十九年十月十八日卒。年五十有九。以嘉慶二年正月十二日。權葬於小東門橋之祖塋^{十七}。俟卜地而窆焉。府君姓張氏。諱蟾賓。字

步青。常州府學廩膳生。世居城南郊德安里。惠言乾隆丙午科舉人。翊武進縣學生。為叔父後。觀書之壻曰董達章。國子監生。嗚呼。先妣自府君卒。三十年更困苦慘酷。其可言者止此。什伯於此者。不可得而言也。嘗憶惠言五歲時。先妣日夜哭泣。數十日。忽蒙被書臥。惠言戲牀下。以為母倦哭而寢也。須臾族母至。乃知引帶自經。幸而得蘇。而先妣疾。惠言在京師。聞狀馳歸。已不及五十一日。嗚呼。天降罰於惠言。獨使之無父無母也耶。而於先妣何其酷也。

【註音】（翊）音弋（瘡）音孫（啗）徒檻切（映）杜結切（貫）音世（齋）展几切（攸）音次（窆）臂驗切
 【釋義】（一）母死曰妣。（二）清制於生員正額外續加增廣者。謂之增廣生。其額與廩生同。有缺。以附生歲科兩試前列者補之。（三）鎮江。清江蘇府名。民國廢。今丹徒縣其舊治也。（四）丹陽。縣名。屬江蘇省。（五）世父。伯父也。（爾雅）父之舅弟。先生為世父。後生為叔父。（六）飧。熟食也。朝曰饗。夕曰飧。（孟子）饗飧而食。（七）啗。以食食人也。（國語）主孟啗我。（八）映。日昃也。（左昭五年傳注）日映為臺。（九）貫。借貸也。（一〇）三黨。父族。母族。妻族也。（說苑）晏子曰。臣以君之賜。臣父之黨。無不乘車者。母之黨。無不足於衣食者。妻之黨。無凍餒者。（一一）攸。助也。（一二）孺人。妻之通稱。妻以上稱太孺人。舊官制職官妻七品以下封孺人。（一三）先後。兄弟妻相謂也。（史記注）古謂之娣姒。今關中俗呼為先後。吳楚俗呼為妯娌。（一四）臧獲。奴婢也。（方言）燕之北郊。民而壻婢謂之臧。女而歸奴謂之獲。（一五）祖塋。即祖墳。（一六）窆。葬下棺也。（一七）常州。清時江蘇省府名。民國廢。武進縣其舊治也。（一八）科舉時代。生員給廩祿者稱廩膳生員。亦簡稱廩生。（一九）自經。自縊也。

卷十五 傳狀類二

姚石甫來孝女傳

來孝女者。名鳳筠。浙江蕭山人也。父殿薰。遊閩中。遂家焉。女自幼莊謹如成人。少長讀書。父叔時有疑義。女以新意解之。皆瑯。祖大異之。然非所好也。九歲侍父疾。不解衣者四月。父病劇。女中夜籲天。泣淚成血。母給曰。以血和藥。必瘳。信之。病果瘳。嘉慶庚辰。女年十四。父之古田。挈之行。舟至第洋。遇風。父溺焉。洪濤洶涌。舟人相顧失色。女方臥寒疾。聞變驚起。躍水逐之。里許。遇漁舟。女水中大呼。漁人急援父起。而女流甚疾。追之始獲。父無恙而女疾大作。至夜而歿。時十月二十四日也。有司以聞。道光五年旌焉。且祀之。墓在福州西門外。

姚瑩曰。嗟乎。來女之行也。與曹娥爭烈矣。而父竟得生。視娥有加焉。或以為出於倉卒。乃其先固有和血療疾之事。此豈好名匿情之所為哉。世有以殉身為愚孝者。觀於來女。可爽然也。

【註音】(瑯)同確(給)音殆(第)音弱

【釋義】(一)蕭山。縣名。屬浙江省。(二)籲天。對天呼告也。(三)給。欺誑也。(四)嘉慶庚辰。清仁宗二十五年。

(五)古田。縣名。屬福建省。(六)第洋。為閩江入海處。在閩侯縣北。(七)福州。府名。屬福建。民國廢。今閩侯縣其舊治。(八)曹娥。東漢孝女。上虞人。父溺死於江。不得屍。娥年十四。沿江號哭。晝夜不絕聲。旬有七日。投江而死。(九)

倉卒亦作倉猝。急遽貌。

管異之黃蛟門傳

黃蛟門名以旂。江寧府增學生。父名某。家產數千金。歿後。五子均分。而君以長男不與。然君與其妻無怨色。事繼母_二愉愉如也_三。待異母諸弟及弟子。雍雍如也。既貧甚。常爲童子師自給。蓋冬無裘。夏無帷幕者。至三十餘年。然自諸童家所奉錢外。一介_{*五}未嘗取諸人。人或招飲食。必堅拒逃匿。須要覓牽持。不得已而後至。經數日輒相酬。其豐腆_{*六}恆加倍。道光元年。詔舉孝廉方正之士。當事者或諏_{*七}予以其人。予對曰。他人不敢知。如府學增生黃某者。乃真孝廉方正人也。爲備言其行。當事者亦慨然歎息。然竟不得舉。古青谿之水。出竹橋而東流。過復成橋。與淮水合。其勢清闊。旁有竹林蔬圃。予始與君皆家橋南。每日夕。輒相攜步橋上。望鍾山_{*八}。俟日落乃返。後予遷居城北。遂希見君。及今客安徽。而家有書來。報君病卒矣。六年八月某日也。年六十五。君嘗作詩數千篇。又嘗爲歷算星命之學。欲著書皆不就。有二子。曰某某。

贊曰。予幼聞古人還麥_九投錢_一之事。心敬慕之。及識蛟門。然後知今世猶有是人也。君嘗對予舉劉孝標_二語曰。聲塵寂寞。世不予知。魂魄一去。有同秋草。思其狀。甚悲之。然則君之於名。其尙有未能盡忘者耶。予之力不足以

舉君。而文或足以傳君。故稍次爲傳。使天下後世知有蛟門焉。

〔註音〕（介）同芥（臆）他典切（諫）音周

〔釋義〕（一）增學生。即增廣生。見張皋文先妣事略篇注。（二）繼母。後母也。（三）愉愉。顏色和悅也。（四）雍。和也。（五）一介。喻細小也。〔孟子〕一介不以取諸人。（六）豐臆。猶豐厚也。（七）諫。謀也。問也。（八）青溪。鍾山。均在江寧縣東北。（九）〔後漢書范冉傳注〕袁山松書曰。冉去官。嘗使兒捃拾麥。得五斛。鄰人尹臺遺之一斛。囑兒莫道。冉後知。即令併送六斛。言麥已雜矣。遂誓不敢受。（一〇）項仲山飲馬渭水。每投錢。見〔三輔決錄〕（一一）劉孝標。名峻。南朝梁人。嘗著廣絕交論。

梅伯言總兵劉公清家傳

公諱清。字天一。貴州廣順人。以拔貢生^二歷官布政使^三。終總兵。然人皆呼爲劉青天^四。從其官四川縣令時。民所稱也。嘉慶元年。達州王三槐^六以教匪倡亂。時公以縣丞遷知縣。數以鄉兵^七破賊於南充廣元^九間。公撫民及士卒。皆以兒子畜之。人樂爲死。賊自爲民時。知公名。戰人莫爲用。故遇公輒逃。睿皇帝知之。由南充縣驟遷至建昌道^二。賞戴花翎^三。後屢起屢躓^{*}。先是。上以賊久未平。有進招撫之說者。試行之。經略大臣^三念撫賊莫如公宜。隻身入賊營。數返。三槐遂降。而冒功者詭言生得之。三槐誅。他賊首疑憚不出。故功不時就。而官兵持剿撫兩端。戰不力。然賊卒深信公。前後降黨與二萬人。及行堅壁清野^{一四}議。上命經略大臣一委公。賊卒由是破。散捕餘匪。裁撤鄉勇。公功爲多。八年大功告成。入覲^{一五}賜詩。取民所呼青天者以爲句。由四川按察使。改山西。遷布政使。以屬吏事。責授刑部員外郎。轉山東鹽運使^{一六}。時

嘉慶十七年矣。逾年而教匪朱成良陷曹縣定陶^{一七}。公自請從戎。以官兵五百。敗賊於髣山^{*一八}。復定陶。又敗之於韓家廟^{一九}。殺賊二千。餘賊保扈家集^{二〇}。於曹縣樹土牆。荆棘四周。公自定陶攻其東。縱火拔柵。賊突出。多死。稍逸者。南北官兵至。合擊之。誅賊首朱成良王奇山。賊在山東者皆盡。而河南賊自滑縣^{二二}奔定陶者。亦殲於公。十一月賊平。公之破扈家集也。上諭曰。劉清年逾六旬。且係文職。能身率士卒取賊巢。勇敢可嘉。賞布政使銜。及玉鞬^{*二三}大小荷包^{二三}。至是遂授雲南布政使。旋以二品頂帶留山東鹽運使任。二十一年八月。改登州鎮總兵。復改曹州鎮總兵。今上即位二年。以疾乞休。在籍食全俸。七年終於家。上深惜之。子廷榛。先候選知縣。乃官其孫熾昌兵部主事^{二五}。瑩舉人。尋賜祭葬。

論曰。國朝漢總督以武起家者二人。岳公鍾琪^{二六}。楊公遇春^{二七}也。布政使改總兵。惟公一人。公軍中久。坦率^{二八}。厭苛禮。改是官。未必非意所便也。然復定陶時。專將有功。亦不能無中於上官之忌云。

【註音】(曠)音致(髣)音紡(鞬)音攝

【釋義】(一)廣順。舊為州。屬貴州貴陽府。民國改縣。(二)清制。每十二年。舉政選拔在學各生中文藝之優者。貢諸京師。曰拔貢。(三)布政使。官名。清時為總督巡撫之屬僚。(四)王三槐。傳至京。廷訊。供言官偏民反。帝曰。

四川一省官皆不善耶。對曰。惟有劉青天一人。(五)達州。今改達縣。舊為四川綏定府治。(六)王三槐。嘉慶初。三槐為白蓮教匪首。(七)鄉兵者。選自戶籍。或士民應募。在所團結訓練。以為防守之兵也。(八)南充。縣名。屬四川

省。(九)廣元。縣名。屬四川省。(一〇)睿皇帝。清仁宗也。(一一)建昌。屬四川舊寧遠雅州二府轄地。清設道員。駐雅安。

省。(九)廣元。縣名。屬四川省。(一〇)睿皇帝。清仁宗也。(一一)建昌。屬四川舊寧遠雅州二府轄地。清設道員。駐雅安。

(三)花翎。清時之冠飾。及有功而蒙特恩者。始得賞戴。其後則五品以上之官。皆得捐納。其雙眼三眼者。則非出特恩者不得捐戴。(三)經略大臣。明清用兵時特置之官。在總督上。時任經略者。旗人勒保也。(四)壁。指堡壘。堅壁而後兵有所守。清野而後賊無所獲。嘉慶四年。合州知州龔景瀚上此議。命行於川東川北。次行於陝甘湖北各省。先後二四四年。堡寨先成。教黨以次消滅。(五)入覲。朝見皇帝也。(六)鹽運使。清時鹽政之長官。(七)曹縣。定陶。皆縣名。屬山東省。(八)髣山。在定陶。(九)韓家廟。在山東單縣境。(一〇)屠家集。在山東曹縣。(一一)滑縣。舊屬河南衛輝府。(一二)玉鐮。即玉搬指。(一三)荷包。佩帶之飾。綴于朝服之外。(一四)登州。府名。屬山東。民國廢。今蓬萊縣其舊治。(一五)主事。部屬官。(一六)岳鍾琪。號容齋。清蘭州人。康熙雍正時征西藏青海有功。乾隆時又招降金川。官至川陝總督。封威信公。卒謚襄勤。(一七)楊遇春。清崇慶人。嘉慶時平川陝楚教匪有功。歷官至陝甘總督。封侯。卒謚忠武。(一八)坦率。謂坦易率真也。

梅伯言王剛節公家傳

英夷擾海疆。廣東福建死事者數人。惟浙江定海陷。王剛節公與兩總兵皆力戰。殺賊過當。以無救遂敗。人尤惜之。公諱錫朋。字樵慵。順天府寧河縣人。少雄武。有俠氣。以武舉補兵部差官。援例得固原城守游擊。攝慶陽營參將。道光六年。從大軍征張格爾。自大河拐至回莊。戰疾力。矢殫其會。賞戴花翎。進戰至阿瓦巴特。陷堅。賊阻渾河沿。從大軍間道渡河。入喀什噶爾城。進取英吉沙爾葉爾羌和闐。皆有功。別將獲賊日玉努斯。十二年。搖民趙金隴亂湖南。殘常寧新田。公以臨武參將。從提督羅思舉破賊羊泉街。首逆誅。別將逐賊高家坪。大捷。回就大軍楊家園。圍賊殲之。賞銳勇巴圖魯名號。擢寶慶協副將。時廣東搖亦煽動。趙仔青進擾湖南。兩廣總

督檄以兵控兩省中地。殺賊背江口。至濠江口。又破賊銀匠衝。獲其酋旗。仔青反走。追獲之。及其孥。湖南平。赴廣東大軍。連州二四大洪橋。乘勝入火燒排之。蛇兒嶺。奪馬鞍山。遂平五排。又從軍定連花。汎冷水衝金竹根。桃花衝紅泥田各。及排後。亦就擒服。擢福建汀州鎮總兵。服闋。改壽春鎮總兵。自游擊從楊忠武定回疆知名。及平。功居最。嘗戒諭士卒曰。戰利呼人共之。獲倍多。即人不利。趨救之。可兩全。故戰比有功。而定海事。竟以無救敗。先是。英夷陷定海去之。公以壽春兵鎮其地。二十一年八月。夷再至。出守九安門。鄭國鴻駐竹山門。葛雲飛駐曉峯嶺。相去十餘里。賊先犯九安門。不利。退攻竹山曉峯。公馳救。兩營已先敗。賊爭鬪。公衆且盡。所親卒及身自盪殺數十百人。賊至益衆。揮短兵陷陣死。是役也。賊可三萬。我兵計五千。公檄請益兵。大府不應。戰且五六日。勢足以待救。亦坐不救。曰。吾守鎮海者也。鎮海急則又走。人家賊至門。守室者不出鬪於庭。門焉者亦不知。但走告主人。賊至某所。過某所。是擁大軍爲偵候而已。三總兵皆坐是敗死。公殺賊獨多。死尤烈。事聞。天子震悼。以提督禮賜諡卹。建專祠。子承泗。襲騎都尉。

論曰。予讀公家書。及祭所親文。詞旨溫雅。不知其爲武人。鄉人言待兄弟交友。皆有至性。歸省親。更衣結屨。身盡子職。可謂儒者風矣。夫逃軍多悍

卒。不知義也。知義雖懦者立焉。況公之武勇者哉。

〔註音〕(一) 渣(壹計切)音客(噶)音葛(闐)音電(坪)音平(煽)音扇

〔釋義〕(二) 王剛節公名錫朋。字樵慵。寧河縣人。官至壽春鎮總兵。卒謚剛節。(三) 兩總兵。即鄭國鴻葛雲

飛。(四) 寧河。縣名。屬河北省。(五) 舊稱武鄉。試之中式者。曰武舉人。(六) 固原。舊直隸州。屬甘肅。民國改縣。(七) 遊擊。位次參將。

(八) 慶陽。舊府名。屬甘肅。民國改縣。(九) 參將。位次副將。(一〇) 張格爾。回匪首。嘉慶廿五年作亂。道光八年就擒。

(一一) 大河。拐回莊。皆回疆地名。(一二) 阿瓦巴特。地名。屬回疆。(一三) 渾河。即喀什噶爾河。(一四) 喀什噶爾。新疆地名。在西北極邊。(一五) 英吉沙爾。葉爾羌。和闐。回城名。皆在新疆。英吉沙爾。古龜茲國。葉爾羌。古于闐

國。和闐。即于闐。(一六) 猺。蠻族名。兩廣湖南雲南皆有之。向不受官治。(一七) 常寧。縣名。屬湖南省。(一八) 新田。縣名。屬

湖南省。(一九) 臨武。縣名。屬湖南省。(二〇) 提督。清代武職最高之官。(二一) 羅思舉。清東鄉人。字天鵬。嘉慶中。以鄉勇

從軍四川。平教匪。積功官至湖北提督。軍中號為羅必勝。卒謚壯勇。(二二) 巴圖魯。滿洲語。譯言勇士。清代凡有武

功者多賜以此稱。上冠他字為勇號。(二三) 寶慶。舊府名。屬湖南。民國廢。今邵陽縣其舊治。(二四) 清制各省提督之

下。分設總兵副將等官。各轄其兵。總兵所轄者為鎮。副將所轄者為協。(二五) 連州。舊直隸州。屬廣東。民國改為連

縣。(二六) 汀州。舊府名。屬福建。民國廢。今長汀縣其舊治。(二七) 壽春。清為壽州。屬安徽鳳陽府。民國改為壽縣。(二八) 楊

忠武。即楊遇春謚。(二九) 騎都尉。清時襲職之名。有一等二等三等輕車都尉。騎都尉。雲騎尉。等職。(三〇) 至性。孝悌

之性也。

梅伯言栗恭勤公傳

公姓栗氏。諱毓美。字樸園。山西渾源州人。嘉慶六年。以拔貢生官河南南知縣。遇災年。放稅賑穀。以實惠民。不以上官意為損益。選光州知州。汝寧府知府。徙開封。歷河南南糧儲道。開歸陳許道。遷湖北按察使。河南南布政使。道光十五年。授河東河道總督。公前知武陟縣。馬營壩。黃沁隄工。皆親其事。及任河督。益勤詢河兵官久於河者。以地勢水脈。前任官行事之當否。蓋

北岸自武陟至封邱^三一百餘里。南岸之祥符^三下汎至陳留^四六十餘里。皆地勢卑下。至串溝。串溝者在河隄間。其始但斷港積水而已。久之溝首受河。又久之溝尾入河。而串溝遂成支河。於是以前遠隄十餘里之河。變爲近隄之河。而隄河相遠之處。舊皆無工。不儲料者也。於是以前無工之處。變爲至險之工。故人不及覺。覺不及防。往往潰隄爲大患。公乘小舟歷南北。時北岸原武汎串溝受水口已寬三百餘丈。行四十餘里。至陽武汎溝尾。復入大河。又合沁河。及武陟滎澤灘水。畢至隄下。雨汎素無工。故無稽石。隄南北皆水。不可取土築壩。公卽收買民甌。於受衝處拋甌成壩。四十餘晝夜。成甌壩六十餘所。壩始成。而風雨大至。支河首尾。皆決開數百丈。而隄不傷。公由是知甌之可用。又試之原陽越隄。及攔黃堰。及南岸之黑岡^{*}。皆效。遂奏請千甌爲一方。方價六兩。減採買稽石銀。兼備甌價。是後每有工役。或甌加碎石及稽埽^{一八}。用大減。數年內省官銀百三十餘萬。工益堅。有不便其事者。其說頗上聞。公前後陳奏曰。護隄之法。率用稽埽。然埽能壓激水勢。俯鬻隄根。備而不用。又易朽腐。至碎石坦坡。惟鞏縣濟源^{一九}產石較近。而採運已艱。河工失事。多在無工處所。千里長隄。勢不可盡爲儲備。而河勢變遷不常。衝非所防。遂成決口。甌則沿河民窰。終歲燒造。隨地取用。不誤事機。且甌及碎石。皆以方計。而石多嵌空。甌則平直。每方石五六千斤。而

甄重三分之一。一方石價。購甄兩方。而拋甄一方。當石兩方之用。其質滯於石。故入水不移。堅於稽埽。故久水不腐。又工不能築埽水中。甄則能水中拋壩。卽盪成坦坡。亦能緩減急衝。化險爲易。或謂甄可保將生未生之工。不能用於已生之後。然使將生者可保。卽別無已生之工。昔衡工之決。因灘陷埽不能施。馬營壩之決。因補隄不能得碎石。使知用埽不如拋甄。收甄易於運石。則數千萬之官銀可省。奏入。上知公忠實可任。且綜畫周密。卒皆允之。屢詔褒賞。訖工任五年。河不爲患。二十年薨於位。上爲之震悼。賜諡祭及太子太保銜。時長子煊。已官刑部郎中。乃賜次子燿進士。公在工。有風雨危險。必身親之。平居河曲折高下嚮背。皆在其隱。度每日水將抵某所。急備之。或以爲迂。且勞費。公曰。能知費之省。乃能真省費者也。水至乃大服。故十五年原陽之支河。十八年盛漲八尺之水。皆決口而有餘。卒以無事。或以爲天幸。然前公任三年。祥符決。公卒逾一年。南岸又決。則豈非人事哉。宜吏民羣思公以爲神。且立廟也。

論曰。公之令安陽武陟守開封時。折疑獄如神。他人有一事。足爲循吏。然於公猶非其大者。傳曰。心誠求之。雖不中不遠。公治河。能通物性以盡利。誠壹故也。況求民情也哉。

【註音】(沁)音心(壩)音剛

〔釋義〕 (一) 渾源州。舊州名。屬山西大同府。民國改為縣。 (二) 光州。舊直隸州。屬河南。民國改為潢川縣。 (三) 汝寧。舊府名。屬河南。民國廢。今汝南縣其舊治也。 (四) 開封。舊府名。為河南省治。民國廢為縣。仍為省治。 (五) 糧儲道。亦稱督糧道。清制於有漕糧之省。設督糧道。以司漕運。 (六) 開歸陳許道。清時河南所設之道員。管轄開封歸德陳州許州等處。 (七) 黃河流經山西西境。成南北線。山西境內。在黃河以東者。統稱河東。 (八) 河道總督。為治黃河官之長。清季裁。 (九) 武陟。縣名。屬河南省。 (一〇) 馬營壩。地名。在武陟境。 (一一) 黃沁。黃河沁河也。沁河。源出山西沁源縣。東南流。至河南武陟縣。入黃河。 (一二) 封丘。縣名。屬河南省。 (一三) 祥符。舊縣名。為河南開封府治。民國改為開封縣。 (一四) 陳留。縣名。屬河南省。 (一五) 原武。縣名。屬河南省。 (一六) 陽武。縣名。屬河南省。 (一七) 滎澤。縣名。屬河南省。 (一八) 北方謂高粱稔曰秫。穡。河工用之。雜和柳枝泥土。築造隄岸。以防河。謂之穡料。又土草填水決之口。更樹竹以塞之。名曰打掃。 (一九) 鞏縣。屬河南省。 (二〇) 濟源。縣名。屬河南省。 (二一) 古制有太師太傅太保。少師少傅少保及東宮三太三少各職。明清用為文武大臣加銜。 (二二) 安陽。縣名。屬河南省。 (二三) 循吏。古之良吏也。

梅伯言劉忠義傳

君姓劉氏。諱斌。陝西咸寧人。始為盧氏縣朱陽關巡檢。嘉慶初。嘗練鄉兵以禦賊。九年。改滑縣。老安司巡檢。去縣治七十里。勤其職。姦民畏之。常飲聶監生所酒。半私語君曰。是邑將有變。君亟去官可免。時十八年八月十五夜也。因微服行村落中。時久雨。夜氣慘悽。聞治兵仗聲甚厲。君拊膺悲歎。聶監生言不誣也。偵鐵工。具知賊李文成與直隸林清首尾謀逆事。告令守。皆難其事。即訊鐵工。以得李文成牛亮臣。親致之縣。訊文成。折其脛。賊始與林清謀定九月十五期也。至是不及待。又忿君戕其魁也。九月七日奪城門以入。君時居典史署。晨起更衣。聞變。問僕持衣者曰。信乎。曰信也。君即更短衣。持械出。遇賊於衢。前擊殺二賊。並子嘉善皆死。妻韓氏先

得君與訣書。卽坐署樓中。與子炳善達善。女巧雲。自焚死。婢從死者二人。曰春梅。曰夏蓮。先是韓僞怒前妻子寶善。逐之姻家。故以免。君死事聞。贈官知縣。諡忠義。子蔭襲雲騎尉。改文職。爲貴州某官。時與君同死者。教諭李秉鈞。典史陳寶勳。把總戚明彰也。

梅會亮曰。以林清黨之蓄謀秘計。而服死不旋踵。以黨與禽而期會誣也。則君之功。豈僅以死償節者哉。使其從人言去。免身而宿禍。孰以必死責是官者。義不忍出此。而妻子相隨於煨燼也。悲夫。雖然。君不死。姦必不彰。君固自知所全大矣。

〔釋義〕 (一)咸寧。縣名。陝西省治。舊與長安縣同爲西安府治。今併入長安。 (二)盧氏。縣名。屬河南省。 (三)巡檢。清時爲縣令屬官。凡鎮市關隘。距縣城遠者。多設巡檢分治之。 (四)滑縣。舊屬河南衛輝府。 (五)李文成。林清。皆八卦教首。事在清嘉慶十八年。 (六)典史。清時主縣獄及捕盜之事。 (七)雲騎尉。官名。清爲世襲職之末級。 (八)教諭。清時校官。 (九)把總。清時武職之末秩。位次千總。 (一〇)煨燼。猶言灰燼也。

梅伯言黃个園傳

君諱至筠。字个園。甘泉縣人。父牧趙州。時生。君十四歲孤。人沒其遺產。年十九。策驢入都。以父友書。見兩淮鹽政某公。與語奇其材。以爲兩淮商總。時嘉慶初。軍興事方亟。而兩河決口。丁夫槌石之費。戶部以正供入不充。募富民出錢。榮以職。君首輸。爲衆倡。前後數十萬。由府道加鹽運使銜。長子次子皆郎中。入都祝嘏。賞圓明園聽戲。賜克什。當是時。上自鹽政。下至

商戶視君爲動靜。販夫走卒婦孺乞丐。揚人相與語。指首屈必及君。而是時承純皇帝六十年豐豫之後。商人皆席富厚。樂驕逸。談調舞歌。窮園林亭沼倡優巧匠之樂。流^{*一}。居積。惟主計者可否。割腴日深。名羸實虧。而私商朋興。官吏益放手。湖北岸費銀百五十萬。鹽政又務進奉。冀久任。進奉無見銀。俵^{*二三}虛數於商以取息。於是庫之銀額增。而所納益不足。而商人始困也。及道光時。改鹽政。淮北改票鹽^{一四}。而商總權絀。商得見運使。人自言事。利各私己。而仍委其重於君。而商總始困。然君自以受國恩深。且於諸商爲丈人行^{一五}。不與較短長。代償官銀。自取多數。而視衆商之殷瘠。差所代多寡。皆聽命集事。每奏銷時。君入運使署定義。肩輿^{一六}出入。撫掌^{一七}曰。奏銷過矣。道光十八年七月。君卒。其時諸舊商。大抵皆敗。新進多文巧機利而玩法。乾沒^{一八}而不顧後。私小智。破大體。爲之首者。縮蓄深閉。莫肯任患。而奏銷始失期。運使乃檄吏督之。吏滋不公。受賕^{*一九}任情。入貨者引身。惜財者倍償。於是羣情渙離。營巧謀退。庫引^{二〇}懸而無商。綱^{二一}運減數。而國課虧。鹽法益壞。不支。而當事者。議變法矣。蓋君之爲商總者四十餘年。支^{*二三}拄救敗者十餘年。卒五年而庫始有懸引減運綱。又七年。爲道光三十年。而淮南之票鹽興。綱商廢。而昔之忌君畏君。有不足於君者。皆慨然思君。以爲無復有斯人也。

梅會亮曰。君長子錫慶。次子爽。余在都時。常相見。君蓄名書畫數千。而不
好伎樂。嘗至蘇。徵歌召客。豪費日千金。人皆怪其所爲。適有西人豔之。屬
轉輸銀百餘萬。君持歸。而奏銷得報如期。其膽智固不可及者哉。

〔註音〕(捷)音健(誠)音恢(馳)以智切(俵)標去聲(賅)音求(拄)音主(爽)音赫

〔釋義〕(一)甘泉。縣名。舊與江都縣同爲江蘇揚州府治。民國併入江都。(二)趙州。舊屬雲南大理府。民國
改爲鳳儀縣。(三)兩淮。謂淮南淮北也。(四)丁夫。謂力役之人。夫也。捷石。謂樹竹塞水決之口。以草塞其裏。乃以
土壤之。卽河工之打掃。(五)祝嘏。卽祝壽。(六)圓明園。在北平西直門外。地名海淀。已燬。(七)克什。滿洲譯語。卽
僕役之類。(八)純皇帝。卽清高宗乾隆帝。(九)諛調。諛諧調笑也。(一〇)流馳。重叠增益之也。(一一)私商。商人加銷
額外之引。實私而不居其名。(一二)淮鹽例銷湖廣。船至漢口。有上下衙門等費。(一三)俵。分界也。鹽政屢爲鹽商。請
增餘息。(一四)清制鹽政有鹽引鹽票。由部印頒者爲引。由鹽政等填給爲票。皆輸課行鹽之券。(一五)丈人行。長老
之稱。(一六)肩輿。輜也。(一七)撫掌。拍手也。(一八)乾沒。微幸取利。(一九)賅。以財枉法相謝也。(二〇)清時以鹽若干斤爲
一引。每引納稅若干。庫引。謂繳納國家之鹽引。(二一)貨物之結幫同行者曰綱。轉運大宗貨物。計其車輛船隻。以
若干數爲一批。編立字號。以便稽查。謂之綱運。先是淮北自陶樹督兩江。輕本減價。歸販不歸商。始改票鹽。淮南
至陸建瀛踵行之。而商總於是廢。(二三)拄。撐也。

梅伯言艾方來家傳

艾君名錫朋。字方來。撫州東鄉人。明艾千子^二先生裔也。父名子登。年六十
四。生君。未踰月而生。母王氏卒。稍長。卽能察母饒孺人意。媚順之。鄰兒誘
爲擲錢戲。鄰母邀孺人覘之。羣兒逸。君時七歲。送巡^三隨孺人歸。貌愧甚。十
五能屬文。以父爲勢豪所辱。習武勇。於市中衆辱豪。遂改習醫。鬪傷者得
藥輒愈。君嘗病。鬪傷者失藥死。訟破兩家。人愈重君。君廢書早。日夜望子

學文甚。銜文袖中示人。或言兒文亟進。則喜。歸語兒曰。某先生道汝文佳。當不妄耶。試不售。則曰。吾家至吾身。十一世為單門。仕進則可望耶。然吾生平。於人物無^{*}伎害心。汝當知之。後見子舉鄉試。乃卒。娶饒孺人。姑病^{四*}痲。夫婦以竹榻載母。昇^五遊鄰家街市。皆駭笑。母則大樂。園中實一果。甲一菜。欄中增牛犢豚子。必使姑得觀。以為快。雪夜製履。寒甚。語兒曰。頃見鄰婦牀獨敗絮。渠有姑。不可使忍凍死。即徹具命兒持往。返曰。鄰婦方泣。見兒至。則大喜也。以夫好施醫藥。來者並助以酒餌。村中人皆言孺人慈。喜道孺人事。年七十九。與隱君^六同年生。先一年卒。子暢。道光二年舉人。梅會亮曰。歸熙甫^七撰先妣事略。皆瑣屑無驚人。事失母者讀之。痛不可止。夸者飾浮語過情。人人同。安知為誰氏子乎。至堂^八述其親。甚似熙甫。親為不死矣。又言力儉。不得稱父母施與心。嘗見孝子婦多好施。仁所積也。雖萬鍾^九。烏能竟其志哉。

〔註音〕(伎)音賓(痲)音肥(昇)音余

〔釋義〕(一)撫州。府名。屬江西。今廢。臨川縣為舊府治。(二)艾千子。名南英。明天啓間舉於鄉。對策力詆魏

璫。後入閩。唐王召見。陳十可憂疏。授兵部主事。改御史。卒於官。(三)逡巡。行不進貌。(四)痲。風病也。(五)昇。共舉也。(六)隱君。即指方來。(七)歸熙甫。即歸有光。(八)至堂。暢之子。(九)鍾。古量名。受六斛四斗。

梅伯言鮑母謝孺人家傳

謝孺人。歙縣鮑御史文淳母也。年二十一。歸愚謙贈君^二為再繼配。時前娶

程孺人遺二子已婚。婦與姑年相若也。撫之恩禮各當。贈君喪。子婦繼卒。孫失乳。終日嘯^{*}。以餅餌抱哺。環走房中。嘯亟。孺人亦泣。時已生子亦十餘歲。孺人雖勞瘁甚。然教子無一日忘也。自塾歸必背誦書。無躓字^三。乃已。每夜分村墟寂寥。虛響怪嘯。兒女棄書冊鍼線。奔依孺人。孺人撫之久。令還讀。與老嫗談往事。兒輟讀聽。卽止不談。幼子入學。喜甚。則曰。自我爲汝家婦。聞高祖輩爲諸生有名。兩世益困。汝父終歲客。勞苦成家。然不吝財。族無依子弟端謹者。援植成立十餘家。數言吾家固諸生^四。子復爲諸生足矣。然我望汝不止是。汝慰我則可必乎。後子文淳貴。不及見。卒年五十八。子文灼文淳。女一。適王氏。以節撫孤。賢淑有母風。梅會亮曰。余聞贈君多客游。晚病廢。故孺人教子獨專。然古名人魁士。固多如是。非惟慈心。蓋漸摩^五之密致然云。

【註音】（嘯）同啼

【釋義】（一）歙縣。縣名。屬安徽省。

（二）子貴受封贈曰贈君。

（三）躓字。謂背書因忘卻而停頓也。

（四）諸生。

謂學官子弟也。又稱生員。

（五）漸摩。卽漸仁義。謂以仁惠浸潤之。以節義砥礪之也。



卷十六 傳狀類三

會滌笙葛寅軒先生家傳

先生諱大賓。字興森。號寅軒。葛姓。先世自蘇州徙居湖南。遂爲湘鄉人。曾祖世珍。祖生霞。父長添。世有隱德。先生幼而端重。動止異於常兒。長而益自檢制。終日危坐。言笑不妄。盛暑不袒。焚香把卷。默識恬吟。性耐劇飲。雖醉不亂。或久無酒。終亦不索。怡然若有以自得也。乾隆之末。海內文人以靡麗辯博相高。昆明_二錢南園_三侍御_禮獨以剛方立朝。視學湖南。以正誠篤行風楚之人。所取率多端士。先生既受知於錢公。補縣學生員。益折節_四自繩。跬步必衷於古訓。學徒遊其門。則先教之以忠孝大節。下至飲食起居。出處語默。取與豪釐。各有法式。從則貞吉。違則恥辱。至不得齒於人。聽者往往汗下。常稱錢公及其師湘潭朱聲越之學行。以勉其門人弟子。弟子高第者。我先大夫竹亭公及陳君道箬籍最早。晚歲又得黃君星平鄒君魯道。皆登甲科_五。知名於時。各秉師說以教授鄉里。傳嬗_{*}賡續。篤守矩矱_六。吾鄉風氣淳古。士人循循不敢僭_{*七}越禮法。以自放其亡等之欲。論者以爲淵源一本於先生。彼南面民上。司政教之柄。其流風餘韻。得比於一諸生被入之深且久如此者。會幾人哉。先生四歲喪父。哀毀若成人。年十三。值父

忌日。出主以祭。主動仆地。粉面剝落。脫去葛字。微露周字。蓋木工飾周姓。廢主爲之者也。先生痛哭引咎。告墓易主。卜日乃祭。事寡母左孺人也。鉅細必躬。疾必嘗藥。生徒有餽。必歸以獻。嘗隆冬獨坐。心動。急自館所馳歸。入門數呼母。母方與仲兄負暄。後院聞聲趨出。而屋後山忽頽。壓坐席破。碎。里之人以謂先生誠孝之所感也。母歿。勺飲不入口者五日。既葬。衰服。終其身。腰以下無復存寸縷。服闋。每祭必泣。盡哀以爲常。兄弟五人。既分居矣。逋負三纍纍。無以自存。先生則請於母。復同居如初。卽有所入。絲髮不以自私。兄弟歿。則二三比其喪。無子。爲之立後。羣從諸婦。各受職業。室以大和。道光二年。朝廷開孝廉方正之科。有司舉先生應詔。或勸之一詣京師謁選。先生曰。是可以躁求耶。四十二年壬辰十月二十九日卒於家。春秋七十有一。配左氏前卒。時先生年才三十有奇。終身不更娶。子二。長榮蔭。早歿。次榮館。孫三。封泰。先晉。封梁。孫女二人。其一歸吾弟國華。會孫鎮堡。鎮嶽。先晉縣學生員。後其世父榮蔭。先生命也。篤慎而好學。積善之報。殆將於。是乎在。

前史官會國藩曰。人之品類。至不齊也。唐代設科取士。名目繁多。宋司馬光請開十科以求賢。一五其目至爲賅簡。一六今世官人。專出於進士之一途。蓋有科而無目矣。會典一七所著特科有三。曰博學鴻詞。曰經學。曰孝廉方正。鴻博

科再開。經學科一開。當時皆稱得人。孝廉方正之科。詔開六七次。而由之以踐歷顯仕者特少。或舉天下而無一人赴部應試者。則何也。豈朝廷所以旌別此科。其法有未善與。抑有司者漫不矜慎。舉非其人與。以湘鄉言之。道光初元舉先生。咸豐初元舉羅君澤南。未可謂都非其人也。夫誠得其人。在上者固當思所以致之耳。彼膺斯舉者。豈汲汲哉。

【註音】(禮)音豐(禮)同禪(備)音佩(戊)匹婢切

【釋義】(一)危坐端坐也。(二)昆明縣名。屬雲南省。(三)錢南園。名澧。乾隆進士。官至通政司副司。時和珅

用事。澧疏摘其奸。不畏權勢。聲震天下。(四)折節。言頓改其舊所爲也。(五)清時稱進士爲甲科。舉人爲乙科。(六)矩矱。法度也。(七)備。棄也。背也。(八)哀毀。因哀自毀其身也。(九)負暄。曝背也。《列子》負日之暄。人無知者。(一〇)衰服。斬衰也。(一一)縷。綫也。斬衰下無線縫。故云。(一二)逋負。謂拖欠也。(一三)戊。治事也。(一四)躁求。謂躁急而求進取也。(一五)哲宗時。光奏請設十科舉士。一曰行義純固。二曰節操方正。三曰知勇過人。四曰公正聰明。五曰經術精通。六曰學問淹博。七曰文章典麗。八曰善聽獄訟。九曰善治財賦。十曰練習法令。詔從之。(一六)賅。備也。謂簡而完備也。(一七)會典。一朝典禮之書。明有此名。清因之。康熙至光緒。纂輯經五次。光緒會典凡一百卷。事例一千二百二十卷。(一八)清康熙十八年。始試博學鴻儒。乾隆元年。再試博學鴻儒。始以事例別錄。使典與例不相混。

會滌笙歐陽氏姑婦節孝家傳

節母蔡氏。生三歲而室於歐陽。事玉光府君。家微也。姑劉孺人。端嚴匡敕。無所假借。節一朝之食。分之二日。併三人之事。責之一手。舉家事精麤劇易。壹委節母。不以何問他人。節母則先雞鳴而興。豫其未至。後斗轉而息。補其闕疑^三。箕拘無塵^四。井汲無濡。半米寸薪。必珍必戒。諸娣姒^五次第入門。節母躬其難者。讓其易者。自親舍及衆私室。衣垢則澣^六之。綻裂則補綴^六。初不

問其所自來。羣從子女。寒則衣之。飢則慈以甘飧^{七*}。就溷浴爲之潔除。羣從或忘其母而母節母。節母亦忘其非己出也。乾隆三十年乙酉。舅席珍府君卒。明年玉光以毀死。劉孺人大戚。節母於時年二十有八。長子惟本甫三歲。少者成材未期耳。入則泣血柴立。茹檠^{九*}自盟。出則抱子奉姑。怡聲^一。鹽益屏去華飾。先姑意之未發而從事。約其口與體。以及其孤子女。無所不約。勤其力以率其妯娌^{二*}。與其子姓傭奴。各有專職。土無寸曠。人無晷暇。俛拾仰取。賓祭有經。豬雞肥碩。蔬果怒生。方節母事姑之初。歲入穀二十石。逮姑之暮年。穀近千石。惟本讀書屬文。試於郡縣有聲矣。年二十七歲而卒。婦蔡氏亦以節著。

節婦蔡氏。少歸歐陽惟本。節母之冢婦也。乾隆四十三年戊戌。歲大饑。節婦將嫁。其父輔世貧不能具禮。宗族或助之。結褵^{三*}之貲。凡得錢三千有奇。父爲裝遣之。節婦陰返其錢。置稗^{四*}薦中。而繫鑰匙其端。父歸而室無見糧。引鑰則錢在焉。泣曰。孝哉吾女。留此以活我也。惟本歿時。節婦亦二十八歲。由是捐棄萬事。壹從節母求所以事祖姑劉孺人之法。黎明劉孺人與節母執笄^{五*}侍左。節婦自右約之。及盥。節母奉水。節婦奉漿。及食。婦具饌。母^{六*}侑之。及寢。三世聯牀。聽於無聲。劉孺人卽怒。節母負牆竦^{七*}懼。節婦從容改爲。以適厥指。卽疾病。婦煮藥。母嘗而後進。夜則番宿遞侍。衣不解帶。一夕。

節母起。墮牀。折脇二骨。節婦號泣。就援之。母戒屏息。無令劉孺人得聞。知也。劉孺人晚而喪明。手足痿痺。挽篋與日遊庭中。節母肩前。節婦肩後。其後劉孺人九十而終。節母且六十矣。二脇骨者竟無恙。其後二十餘年。盜入室。刦母衣。刃傷節婦指及肘。創甚。亦不醫而竟無恙。論者以爲孝徵。神或相之云。道光九年。節母歿。實年九十有六。二十三年。節婦歿。實八十有三。其前五年。歲在己亥。均旌表節孝如例。前史官會國藩曰。節婦之孫女子四人。次二者歸於我。外舅福田先生。篤行君子也。數爲余述。誦兩世事狀。余昔官禮部。見各行省題旌婦女。凡烈婦殉夫者。別具一疏。高宗皇帝常下詔非之。不予旌表。以爲行不貴苟難也。然末俗士論。往往以矯激卓絕之行爲難。觀歐陽姑婦之節。亦似庸行。無殊絕者。而純孝兢兢。事姑至六十年五十年之久而不渝。天下之至難。孰踰是哉。

【註音】(拘)音鉤(娣)音第(妯)音似(憚)音緩(綻)音電(資)才資切(漏)音通(孽)音伯(妯)音逐(煙)音里(襪)音離(奇)音羈(稗)古旱切(侑)于救切(竦)音悚(癢)委去聲(癩)音界(篋)音鞭(肘)音帚(創)音瘡

【釋義】(一)假借。謂假託虛借。卽虛僞也。(二)斗轉。言天將明亮也。〔宋史樂志〕斗轉參橫將旦。(三)闕疑。〔論語〕多聞闕疑。慎言其餘。則寡尤。〔疏〕言雖博學多聞。疑則闕之。尤須慎言其餘。不疑者。則少過也。(四)箕拘。〔禮曲禮〕必加帚於箕上。以袂拘而退。(五)娣妯。卽妯娌。家婦爲妯。介婦爲娣。(六)〔禮內則〕衣裳垢。和灰請澣。衣裳綻裂。紉緘請補綴。(七)資。卽稻餅。(八)漏。浴室。(九)茹檠。喻食苦檠。卽黃柏。味苦。(一〇)疊疊。強免也。(一一)兄

弟之妻相呼曰妯娌。(一三)冢婦。嫡長子婦也。(一四)結褵。結婚也。(一五)稭禾莖。薦臥席。(一六)筓。約髮之具。(一七)侑。佐也。相助也。(一八)痿痺。麻木病。肢體失其感覺。重著而不能移動也。(一九)篋輿。竹編之輿。(二〇)純孝。大孝也。

會滌笙廣東嘉應州知州劉君事狀

會祖永昌。皇贈武功將軍。祖開泰。康熙甲午科舉人。皇贈武功將軍。父文燦。雍正甲辰科武進士。山東兗沂鎮總兵。君諱廷枏。字讓木。河間獻縣人。縣學廩生。乾隆四十五年舉於鄉。五十一年丁未成進士。時大學士和珅當國。有中貴人與君同里同姓。來告曰。相國知子。欲一燕見。能往。吾導子。詞曹可致也。君謝不能。卒以知縣歸班候選。嘉慶二年謁選得廣東信宜縣。明年之官。五年攝惠州河源縣事。河源藍阿和博羅陳爛展四。永安會鬼六。聚徒煽亂。君至縣三月。即擒阿和。且請於惠州知府伊秉綬及總督吉慶曰。陳會不靖。時日久矣。今阿和就擒。翦其左翼。賊所負恃。以羅浮山爲窟耳。若裹糧入山。窮力四捕。陳會可弋也。不聽。後二年。遂有陳爛展四會鬼六之亂。總督欽酖死。知府擬遣戍。而君以前請。得不坐。六年。量移潮州揭陽縣。揭亦劇邑也。莠民何阿常李阿七倡爲天地會。聯八十餘鄉。分爲兩股。各二萬人。君單騎赴賊中。以編查保甲爲名。暗圖其山川形勢。出入門戶。夜宿賊巢。示以不疑。八年正月二日。率兵討阿常。賊徒五千人。屯於赤巖頭。我兵裁五百。去賊五里而營。夜聞吹螺四面。衆譁曰。賊至矣。君

令曰。敢動者死。於奔中設子母轍。佐以鳥槍。近則發擊之。翳人與火。闐無聲影。賊不知虛實。竟引去。旦日率所部登山。適會他軍亦至。乘勝追奔。焚賊三巢。阿常投首。阿七聞之。益糾餘孽。謀再舉。君從健卒六十餘人。四晝夜馳行九百里。追及長樂擒之。其年八月又擒海盜姚阿麻。於是送部引見之命矣。大抵嶺以南物產蕃阜。風氣殊於中土。諸洋互市。環貨日至。奸民逐利。起徒手至百萬者。往往而有。奇技妖物。旁出不窮。乾嘉之間。淫侈亡等矣。猶有不逞之徒。乃爲盜賊以自恣。小者刦奪。大者叛亂。窮則入海亡命。爲吏者莫敢誰何。苟以諱飾偷安。羣盜無憚。日以充斥。故君官廣東。所至以緝捕爲先。而大吏亦倚君如左右手。引見之命既下。大吏以捕務孔棘。留不得行。又一歲。剿獲潮陽鄭阿明。陸豐李崇玉。乃行。阿明會匪衆號四萬人。崇玉海盜。號二萬也。入見。以功升知州。歸復任揭陽。十四年。徙知南海縣。是時兩廣總督百公齡。治尙威猛。懲刈奸宄。夜半召君入密室。告曰。吾欲有所縛。子能之乎。君曰。何也。百公曰。洋商吳阿三。阿三者大猾。貲積巨萬。多于國紀。君歸。夤夜部勒胥役。不告所之。曰。從余行。余曰。取之。曰。斬。斬之。至。破門擒阿三。比還署。關說者數輩。賂金三萬。至雞鳴。增五萬。平明十萬。不可卒致。阿三於法。張保之寇海也。自嘉慶初年始也。後與其黨郭學顯內噬。學顯來降。保亦思歸義。首鼠進退。百公欲遣使納降。

君請行。百公曰：多與衛。辭曰：彼真降。使者無害。其僞也。雖衛何益。從二僕。棹小舟。徑至海口。賊數百艘^{*}交刃成列。保出。衆叱曰：跪吾王。曰：吾天子命吏。豈屈若曹。且編民之不得。何王也。卽晚保曰^{三六}：吾以女爲海上豪傑。乃效匹夫怒目恐人。劉某畏死者。不來此矣。保立起揖君。卽屏左右。因語之曰：十年來粵中巨寇。若藍阿和。何阿常。鄭阿明之屬。海盜若姚阿麻。李崇玉。今有存焉者乎。保默然。曰：亡有。然今日奈何。崇玉以殺掠平民之故。尙伏天誅。況保縱橫海上十餘年。殺二總兵。一參將。三游擊。罪在不逭^{*}。今棄衆內首^{三七}。則魚肉^{三八}耳。曰：汝何慮之淺也。朝廷并包海外。荒類萌生^{三九}。削逆育順。以勸來者。猶懼不繼。若革面自效。不訾之慶也。學顯貸死^{四〇}。有明徵矣。且智莫大於知幾。行莫虧於食言。禍莫酷於殺已降。女視劉某。豈誘人徼功者哉。吉之與凶。在此須臾。保再拜曰：謹受教。乃泣送君歸。七日而張保降。十九年。補嘉應州知州。噓枯養瘠。相濡以澤。二十四年。攝廉州知府^{四一}。簡法阜施。一如嘉應。君子於是知君之爲政。又能視地強弱。以時其威愛也。嘉慶二十五年。年六十八以卒。子六人。曰鳳翮。曰一士。曰鳳翼。曰書年。今官翰林院編修。曰逢年。曰其年。今官翰林院庶吉士。謹具歷官行義^{四二}。牒付史館。俾傳循吏者采覽焉。

【註音】(呻)音申(奔)音掩(鬻)於計切(闌)曲械切(瓌)同瑰(艘)音騷(逭)音換(類)盧對切

【釋義】(一)嘉應州。舊直隸州。屬廣東。民國改梅縣。(二)武功將軍。清時武員贈職。為從二品。(三)兗州。沂州。皆山東府名。今廢。充為滋陽縣。廢沂為臨沂縣。(四)河間。舊府名。屬直隸。今廢為縣。(五)獻縣。本屬河間府。今屬河北省。(六)和珅。字致齋。清滿州人。乾隆末官大學士。為高宗所寵任。弄權鬻貨。吏治大壞。後奪職。賜自盡。籍沒其家。(七)中貴人。宦官也。(八)詞曹。翰林也。(九)科舉舊制。凡進士以知縣為本班。不得他項官職者。歸班候選。(一〇)信宜縣。屬廣東省。(一一)惠州。府名。屬廣東。民國廢為惠陽縣。(一二)河源。本惠州屬縣。今屬廣東省。(一三)藍阿和等。皆教匪。時有黃白青藍四號名目。(一四)博羅。永安。皆縣名。永安今改名紫金。皆屬廣東省。(一五)伊秉綬。字組似。號墨卿。清福建寧化人。時知惠州府。歸善博羅。亂徒蠢動。兵與之通。秉綬請誅亂民。觸總督吉慶怒。劾奏落職。已而亂發。察其無罪。起知揚州。(一六)吉慶。清滿州正白旗人。姓覺羅氏。乾隆間。考授中書。嘉慶間。官至兩江總督。(一七)羅浮山。在廣東增城縣。(一八)馮與鳩通。啖蛇之鳥。有毒。以羽畫酒。飲之則死。(一九)潮州。府名。民國廢為潮安縣。揭陽。本潮州屬縣。今屬廣東省。(二〇)清制保甲之法。戶給門牌。書其家長之名。與其丁男之數。而歲更之。十家為牌。牌有頭。十牌為甲。甲有長。十甲為保。保有正。皆以誠實識字有身分者充之。凡犯令作惡者。悉令查報。(二一)奔中。狹道也。(二二)子母礮。彈腔闊大。腔有前後中各部之別。(二三)翳。隱也。(二四)閩。靜也。(二五)瓊。奇也。(二六)後漢書王常傳注。命者名也。言背其名籍而逃亡也。(二七)充斥。衆多也。(二八)潮陽。縣名。屬廣東省。(二九)陸豐。縣名。屬廣東省。(三〇)南海縣。舊與番禺同為廣東省治。廣州府亦治此。民國移治佛山鎮。(三一)百公齡。字子頤。姓張。遼東人。乾隆進士。官至兩廣總督。(三二)賁。連也。(三三)部勒。部署約束也。(三四)關說。託人說情也。(三五)鼠性疑。故持兩端者曰首鼠。〔史記灌夫傳〕何為首鼠兩端。(三六)睨。邪視也。(三七)內首。猶言納首。(三八)魚肉。喻被人屠戮。或陵踐之意。(三九)類。戾也。(四〇)貸死。謂免其死也。(四一)廉州。府名。屬廣東。民國廢。今合浦縣其舊治。(四二)行義。即行狀。

龍翰臣何雨人家傳

吾鄉自逆衆倡亂。盜賊多而兵力弱。外州縣禦賊。率借助團練。近年以鄉兵復城禽賊者。興安團練名最著。實吾友何君之力為多。君諱霖。字雨人。邑北鄉長樂園人也。少讀書。入學為廩膳生。抗志高厲。不屑屑治章句。為舉子業。性沈毅。有心計。嘗以術役致邑中貧富。人莫測也。咸豐五年五月。

興安土匪王狗滿趙庭蘭起事。據縣中。囚其令。君聞變。先以老弱藏鄉僻善處。而與族弟進賢急走省門求援。中途遇賊。刦君入其營。君詭傾吐心膂。談笑飲啖自若。酒酣。因謂王趙。君等舉大事。而不先收人望。邑中如某某皆巨族。能用衆。儻人心不附。其何以濟。衆曰。狗輩固亦念之。特招之不來耳。君詭衆。若假吾利劍一。良馬一。吾往說若輩。如反掌。賊大喜。如約。君詰旦。卽以邑中賢豪蔣方第等六七人至。皆詭說稱賀。歸心聽計。賊益喜不疑。君因就蔣君密約舉義。會官軍自靈川擊賊獲勝。賊攻全州者。亦不克而敗。數日間脅從逃者。無慮萬人。六月初六日晡。君見賊營中耳目非是。恐謀洩。乘間歸。告蔣君。夤夜集鄉兵。縛諸賊之在北鄉者。而以餘丁分途守隘。君與諸豪帥鄉兵爲三路。攻縣北郭。初七日食時。將及縣。而君前所約西鄉團首岳峙。楊映蘭。亦以其兵至。賊倉卒不及備。其黨先期受君鈎致。或反爲我用。王狗滿以下皆就縛。興安羣盜悉平。初九日。官軍至。獻捷。有攘邑紳功者。故賞不時及。而君於次年十一月戰死矣。君自復城後。口不言功。獨以爲鄉邑姦民多。官吏釀患不窮治。與蔣君議捐助。設守備。申禁約。違者治以法。父老知君意。且樂爲助。而僉人輒不便。賊黨恨君及蔣君次骨。歲十月。恭城賊陷灌陽。君與蔣君各督所部鄉兵守邊隘。積月餘。賊不敢過。君方欲以計困賊。有自平樂來會者。君與蔣君議增調丁

壯。移營前進。遇之。十一月二十日。師次茗田^四。賊大隊忽旁從。大風坳^出。鄉兵僅五百人。續調者未至。君與蔣君急麾衆抵禦。力盡遇害。賊遂由茗田陷興安。文武官吏相率走避。而君室廬在北鄉者。亦蕩然盡矣。初君禦賊時。其父某挈君之孤。避難於省門。故得全。而蔣君之猶子^五從死者二人。北鄉團正同死者四人。丁壯陣亡者十餘人。吾鄉之述義勇者。必嘖嘖^六稱曰。興安北團也。

論曰。余於興安之事。始識何君。君狀貌不逾中人。其機警靈變。則天性然也。方君與蔣君主其鄉團時。立伍伯^{一七}。設名捕。鉤致匪人不少。恕或以苛察越職譏之。余寓書以詢君。復書侃侃^{一八}持論不少屈。蓋其中確有所見。而不可以浮言奪也。夫議君者。曰越職行事。則居是職者之不能事事^{一九}可知也。今君死而尸位者存焉。顧無人以越職議君者何哉。

【註音】(啖)音淡(坳)於交切

【釋義】(一)興安。縣名。屬廣西省。(二)層層。煩細也。(三)章句。言分其章節句讀也。(四)心計。謂工於計算也。

(五)膺。脊骨也。(六)書。作股肱心膺。(六)靈川。縣名。舊屬廣西桂林府。(七)全州。今改全縣。屬廣西省。(八)日過

午後爲晡。(九)僉人。卽小人。(一〇)次骨。言恨之甚也。(一一)恭城。縣名。屬廣西省。(一二)灌陽。縣名。屬廣西省。(一三)平

樂。府名。民國廢爲縣。屬廣西省。(一四)茗田。鄉名。(一五)猶子。姪也。(一六)嘖嘖。稱嘆不置也。(一七)五人曰伍。其長曰伯。

(一八)侃侃。剛直貌。(一九)事事。猶言治事也。

魯通甫關忠節公家傳

公名天培。字仲因。一字滋圃。姓關氏。山陽人也。起家行伍^二。歷淮安^三城守營

守備揚州中營守備。獲私鑄王國英等十八人。署溧陽營都司。獲匪嚴加
烈等二十五人。移兩江督標。左營守備。歷中軍都司。外海水師奇營守備。
奇營游擊。道光二年。外洋獲盜最三年。署吳淞營參將。旋即真。後二年。東
南方議海運。海運自明以來。輟數百年。議者紛錯。大府舉公任其事。六年
二月。督米船千百四十五艘。米百二十四萬一千餘石。自吳淞抵天津。先
期功最。署太湖營副將。明年。署蘇松營總兵官。旋即真。十三年。入朝。上御
便殿。召見五次。軍機記名。明年。夷事萌芽。先是西南諸夷暹羅。真臘安南
之屬。皆恭順受職貢。惟英吉利最遠強黠。嘉慶間入貢。嚴衛入海。至是夷
目律勞卑來。不如約。兵船駛至黃埔河。水師提督李增階坐疏防落職。而
以公爲廣東水師提督。公至。則親歷重洋。觀阨塞。建臺守。排鐵索。軍務肅
然。東南倚以爲重。公容貌如常人。悛悛畏謹。而洞識機要。口占應對悉中。
暇則習弓馬技擊。技絕精。在廣著籌海集。識者比之戚少保云。居虎門六
年。而禁煙事起。當是時。洋煙流毒徧天下。前侍郎黃爵滋發其事。上命內
外大臣雜議。議定著爲令。而英吉利躉船適至。躉船者。販煙船也。公既習
於海。而前欽差大臣林公則徐威略素著。與公尤協力。至則拘夷目。錮其
船。船不得發。獲煙土一二萬二百餘箱。焚之。奏聞。上大悅。敘功有差。夷計不
得逞。明年四月。驟師入浙江。據定海。分船溯大洋。上天津。詭投書乞和。而

前直隸總督琦善三三馳傳赴廣東。林公以罪去。於是和議興。海防撤矣。廣東邊海門戶。曰香港三四。虎門。香港與衍。易盤踞。去省少紆遠。虎門險狹。海道曲折。去省近。虎門外列十臺。最外大角沙角二臺。*三五屹爲東南屏蔽。是年十二月。夷攻大角沙角。壞師船。而大帥三六日以文書與往來。冀得少遼緩。夷不報命而急戰。戰方交。則投書議和。書報復戰。晝夜攻掠不已。時諸軍集廣府者。駐防滿兵。三七督標撫標兵。共不下萬人。又調集客兵團練鄉勇民兵數萬。而大帥所遣助守臺者。撫標二百人。駐東莞。三八*提標兵二百人。備策應。由是一二臺日益孤危。相繼陷沒。二十一年五月。夷進攻威遠靖遠諸臺。守者羸兵數百。公遣將慟哭請師。無應者。初公之以海運入都也。時從故人飲酒肆中。醉而言曰。日者三九謂吾祿命。生當揚威。死當血食。四〇今吾年四十餘。安有是哉。已而歎曰。丈夫受國恩。有急死耳。終不爲妻子計。公老母年八十餘。長子奎龍。吳淞參將。前卒。幼子先遣歸。及是乃緘一匣寄家人。堅不可開。公死後啓視。則墜齒數枚。舊衣數襲而已。公既自度衆寡不敵。而援絕。乃決自爲計。住靖遠臺。晝夜督戰。已而夷大將四一奄至。公率游擊麥廷章奮勇登臺。大呼。督厲士卒。自卯至未。所殺傷過當。而身亦受數十創。血淋漓。衣甲盡濕。事急。呼其僕孫長慶使去。長慶哭曰。奴隨主數十年矣。今以急。義不使主死而已。獨全。手持公衣不可開。公怒。拔刀逐之。曰。吾上負皇上下。

負老母。死猶晚。汝不去。今斬汝矣。投之印。長慶號而走。比及山半。回顧。公隕絕於地。時二月六日也。長慶既去。懸^{四四二}尸自^{四四三}繼下。下負水多蘆根。刺體如^{四四五}蝟卒。負重創。送印大府所。而身復至臺。求公屍。夷人嚴兵守臺。則乞通事。吳某以情告。吳某者。嘗為漢奸。公得之。宥弗殺。給事左右。恆思所以報公。至是為長慶說夷。誠懇反復。夷人義許之。入求屍。鈹^{四四六}交於胸。長慶膝行前。徧索不得。卒詣公所立處。舉他屍數十。乃得之。半體焦焉。事聞。天子軫悼。予騎都尉世職。諡忠節。賜葬如禮。喪至之日。士大夫數百人。縞衣送迎。道旁觀者。或痛哭失聲。而長慶得公屍後。復求得麥廷章之半體。與公屍皆徒負以歸。水陸七百里。公葬後。恆鬱鬱不樂。言及公。必泣下。未幾卒。

論曰。甚矣虎門之敗也。悲夫。可為流涕者矣。方公之經營十臺。累戰皆捷。奏上。公卿相賀。主上為之前席。嘉歎至於再三。然而釁發於定海。詐成於天津。夷不為無謀。要豈夷人能死公哉。詩曰。誰生厲階。至今為梗。厲有階矣。長慶義士。誠感犬羊。吳某奸耳。知感恩為一日之報。異哉。

【註音】(黠)胡八切(俊)同恂(藎)敦上聲(屹)魚乞切(莞)音官(尸)音漢(繼)直類切(蝟)音胃(鈹)音披

【釋義】(一)山陽。縣名。今改淮安。屬江蘇省。(二)古時軍制。五人為伍。二十五人為行。清武官由兵卒積功

而得。謂之行伍出身。(三)淮安。舊江蘇府名。現改為縣。(四)守備。清時為綠營武職。位次都司。(五)溧陽。縣名。屬

江蘇省。(六)都司。清時四品武職。位次游擊。(七)清陸軍制以三營為一標。分左營右營中營。督撫提鎮。各置一

標。(八)游擊。位次參將。(九)漢書注。上功曰最。(一〇)吳淞營。在上海縣吳淞口。(一一)參將。位次副將。(一二)即真。

謂由攝代而實授也。(三)海運。海道運糧至京師也。始自元。明永樂間。罷之。清道光六年。因河道淺阻。分成改由海運。光緒間廢河運。裁漕督。於上海天津設海運局。專司其事。(四)天津。府名。與天津縣同為直隸省治。民國廢府留縣。(五)太湖營。即太湖水師營也。(六)副將。即協鎮。總兵官之貳。(七)蘇松營。即蘇州松江之防營。(八)總兵。位次提督。(九)清制。吏有勞績。則交軍機處記名。或記名以某官用。(一〇)暹羅。亞洲東南之獨立王國。向屬中國。(一一)真臘。漢時名扶南。唐時名真臘。向有暹羅東部安南南圻地。今為法保護國。僅存柬埔寨一地。以此為國號。(一二)安南。古百粵地。自宋至清為藩國。光緒時為法所併。(一三)不如約。謂英船違約入內河。時道光十四年。(一四)黃埔河。在廣東番禺縣境。(一五)悛悛。信實貌。(一六)戚少保。名繼光。明神宗時將。以禦倭寇著名。(一七)虎門。在廣東東莞縣西南。有礮臺。為珠江入海之口。(一八)禁煙事。在道光十九年。(一九)洋煙。即鴉片煙。(二〇)黃爵滋。宜黃人。字樹齋。奏請嚴禁雅片。(二一)林則徐。字少穆。清侯官人。時總督兩廣。禁煙甚力。絕英人互市。(二二)定海。舊為直隸廳。屬浙江。今改縣。(二三)琦善。滿洲人。時任直隸總督。英商投書乞和。致受其欺。復任欽差大臣。劫林遣戍。議和不設備。請師又不應。(二四)香港。為廣東珠江口外之一島。道光二十一年。因禁煙事割讓於英。(二五)屹。高聳貌。(二六)大帥。指琦善。(二七)清時分遣八旗防守要地。復駐滿洲軍於重要城邑。(二八)東莞。縣名。屬廣東省。(二九)日者。占候卜筮之人。(三〇)「左莊六年」抑社稷實不血食。後世謂入祀典曰血食。(三一)鯨。字典無此字。按即大戰艦也。(三二)「山側之厓」(三三)縶。以繩懸之使下墜也。(三四)蝟。獸名。長尺許。頭足皆小。全身有尖銳棘毛。俗稱刺蝟。(三五)通事。謂傳譯外國言語之人。(三六)鉞。刀類。「左昭二十七年」抽劍刺王。鉞交於胸。(三七)縞衣。白衣也。(三八)誰生厲階。二句。見「詩」大雅柔桑篇。此指琦善等而言。

吳南屏許孝子傳

許孝子。巴陵人。縣之學生。名伯泰。康熙間人也。歲大疫。伯泰之父聖行。客長沙而病。伯泰馳侍疾。父病已。而聞母在家病急。時官有施藥者。其藥良。急求得之。犯風下湘。溺死洞庭中。其夕。母見伯泰來。飲己以藥。頃而汗出。病大蘇。呼伯泰。家人告未至。始言夢。已乃知伯泰死也。吳敏樹曰。孝子之為孝也。豈不悲哉。方其犯風泛舟。意急歸。誠不知擇。及溺以死。魂魄猶切

切以母病爲急。何其孝也。世之人子。或父母病篤。漠然^四若無有。而許君獨至於此耶。夫死而猶孝。而孝安窮耶。夫許君之孝。不得生盡其孝而以死。而不可悲耶。

〔釋義〕 (一)巴陵。縣名。舊屬湖南岳州府。 (二)縣學生。卽生員。 (三)犯風泛舟。卽逆風駛船也。 (四)漠然。不相關貌。

吳南屏業師兩先生傳

老無成學。思始授書。傳我師事。心傷苦儒。作兩先生傳。

孫先生諱萬偉。字翹楚。於敏樹爲世舅氏。實繼祖妣氏之季弟也。先生竟世爲童蒙師。自吾諸叔父諸長兄幼時。皆從授讀。最後及敏樹與諸弟姪輩人。而先生年七十矣。敏樹幼羸弱多疾。先大人憐之。八歲時。始令入塾。塾中兒雜有族人。鄰里十餘。後多爲田夫。或賤藝役去者。敏樹始讀。已頗異諸兒。先生喜曰。此真讀書材矣。稍與語。自堯以來帝王相傳代次第。一曰。敏樹問堯舜禹及周文王。其父善惡。皆有著名。湯父爲何。先生驚而告之曰。主癸也。遂驟舉以語人曰。吾幸者不爲是兒所難。又書兩語黏壁間曰。莫欺此地童蒙學。中有他年翰苑人。然敏樹資實鈍。凡三二年讀。而五經未徧也。先兄石林先生。慮羣兒爭嬉壞學。乃攜入荷塘僧寺。親督課之。先生故嘗試童子高等^二。未得入學。老且耄。猶徒走郡城院試^三。先生吾家內親^四。

又老人數至後堂。試罷後。嘗至吾嫂房坐。茶語。苦流涕。卽向嫂誦其試文。曰。是當不佳耶。嫂故不識字。人以爲笑。蓋其迂窮可憐。如是甚也。噫嘻。一博士^五學生。先生窮老求之不能得。而所謂翰苑人者。敏樹又終非其人也。無乃適爲人笑哉。吾縣中在國朝二百年。入翰林者纔兩人。宜人以是名爲奇重。而先生以厚誇敏樹。豈非愛譽之尤甚也耶。

秦先生諱維城。字西臣。別字石愚。邑之名諸生也。^六初敏樹從孫先生授書時。家已延石愚先生。教諸學爲文者。爲大塾。先兄攜敏樹僧寺。猶不語以文。曰。吾筆非穎利。毋誤汝。其冬歸家。始令從石愚先生學。又六年。敏樹年十七。遂試爲巴陵縣學生。先生於書多讀。通知古今文章各體。不專事四子書章句。而先兄實攻苦制藝。與先生相切厲。爲文所語學。必前明震川^八陶菴^九正希^{一〇}大士^{一一}及本朝熊劉韓方儲張^{一二}諸號稱家數者。敏樹從旁熟聞。因竊視其所鈔讀書。甚喜。欲效爲之。先生怪其課文有異。召詰之曰。汝年少。文字當令生嫩秀發。奈何作如許老成狀。然字句間又若不可更易。是汝之能也。汝慎無遽然^{一三}。敏樹乃知戒爲文不可妄學。而亦自此稍進矣。先生善飲酒。飲卽喜談詩。敏樹尤願聞之。每夜飲。侍執壺。旁問所語。酒至。語益多。其課塾徒。止用試帖體詩。不以其所語者。敏樹獨時竊窺其案頭漢魏人詩及陶詩^{一五}以爲奇。又欲效之。而先生又喜讀人家^{一六}古文。時有論說。蓋敏

樹稍知學為詩古文辭。皆自於先生。而當時吾縣中士以文學有聲。以至於今日。終未有與先生相類者。顧先生喜誦說古人詩文。取快意。亦不常自有所為。與諸徒治帖括^{一七}少暇。雜取醫卜風水書^{一八}。悉究其技。間亦窺場屋墨冊^{一九}。以備應試。既久。阨鄉舉。憤而語敏樹曰。吾以不悅時人之文。故未能工為媚狀。以取投合。今欲以三年盡屏諸書。日夜手一冊子。窮吾老力為之。則可乎。敏樹對曰。即為江東羅秀才^{二〇}。奚不可者。乃爾耶。先生為啞然笑也。卒時年五十五。先生又與先兄姻家。其季女^{二二}為從子^{二三}光朝婦云。

〔釋義〕 (一)翰苑。即翰林。 (二)童子高等。謂縣府試得前列。 (三)院試。學院試士也。 (四)內親。稱妻子之戚屬也。 (五)漢武帝設博士官。置弟子五十人。令郡國舉送。唐以後亦稱生員為博士弟子。 (六)諸生。學官子弟也。 (七)制藝。經藝之別稱。以為制科之文。故稱制藝。 (八)震川。即歸有光。 (九)陶庵。即黃淳耀。 (一〇)正希。即金聲。 (一一)大士。即陳際泰。以上皆明人。 (一二)熊。名伯龍。劉。名子壯。韓。名葵。方。即梁如及。方植。方舟。儲。名欣。張。名江。以上清人。皆善制藝。 (一三)遽然。急速之意。 (一四)試帖體詩。五言八韻或六韻。應試所作。 (一五)陶詩。謂晉陶淵明詩。 (一六)即唐韓愈。柳宗元。宋歐陽修。蘇洵。蘇軾。蘇轍。曾鞏。王安石。 (一七)唐書選舉志。明經者。但記帖括。〔按〕唐宋元時之試題曰帖。謂於全文中帖出數語以試士。此指制藝而言。 (一八)風水。堪輿之學。 (一九)墨冊。即闈墨。鄉會試場取中之文。明清時。試後選刊闈墨。以為程式。〔明史選舉志〕考試用墨。謂之墨卷。臚錄用硃。謂之硃卷。 (二〇)羅秀才。名隱。唐末餘杭人。以所作多譏諷。故不第。 (二一)季女。少女也。 (二二)從子。姪也。

吳南屏太常徐先生傳

先生諱法績。字定夫。一字熙菴。涇陽人。嘉慶丁丑^二進士。選庶吉士。改編修。擢監察御史。轉刑科給事中^四。以禮科給事中主湖南鄉試。旋奉命分往東河^五。轉太常寺少卿。還朝未幾。移疾歸。道光二十三年卒於里。先生志行正

直而淡於進取。始官翰林。以親老屢告歸。十餘年乃轉官。既爲御史。所上疏必關大體。上嘗嘉納。爲刑科給事中。稽察銀庫。同官某與庫丁共爲姦。匿雲南餉銀四十餘萬兩。先生適充禮闈同考官。及出。乃發之。其後庫獄大興。先後管庫者。以庫丁賄通姦伏法。或以失察黜官。而先生無預也。是歲爲道光壬辰。其秋主試湖南。先生於文章。主其正大明切者。副者入闈而卒。先生專其事。自房薦外。必搜取其遺者。同考官至。聲言先生不爲動。榜出。舉者多知名士。而得於遺者六。敏樹與。今陝甘總督左公宗棠與焉。今年同治庚午。先生孫部郎某。自陝以狀來。且傳左公之言曰。吾與吳某。以遺卷獲收於先生。吾任表墓。可屬吳某爲先生傳。嗟乎。若左公者。勳名冠世。而親至先生之里。撫其家人。雖無爲文。固不虛先生之舉矣。而敏樹何爲者也。且凡師門生云者。大都泛泛人耳。古之可道。若韓退之之於陸宣公。蘇子瞻之於歐陽。以文章相授受。垂光於無窮。先生之賢。不減陸歐陽。而敏樹窮老江湖之上。聲名不徹於朝廷。文又不足爲一家之史。以傳先生。殊自慙也。*二承左公之命。而次其本末。蓋非先生藉文於敏樹。而敏樹附先生以有傳也。

【註音】(慙)女六切

【釋義】(一)涇陽。縣名。屬陝西省。(二)嘉慶丁丑。清仁宗二十二年。(三)監察御史。本爲監察侍御史。掌內外糾察。并監察祭祀。及監諸軍出使等職務。甚繁雜。(四)明分吏戶禮兵刑工六科。各置給事中官。得糾察六部

之弊誤。清代隸屬都察院。(五)清制河東河道總督。所治爲東河。凡山東之運河。通惠河。泇河。衛河。黃河皆屬之。
(六)太常寺。秦置。掌宗廟禮儀。歷代相沿。有卿少卿各一人。(七)禮闈同考官。卽會試之房官。入闈襄校曰同考官。
(八)道光壬辰。清宣宗十二年。(九)房薦。謂房官所薦之文。(一〇)左公宗棠。字季高。湘陰人。爲同治中興功臣。
(一一)同治庚午。清穆宗九年。(一二)慙。慙也。

吳南屏程日新先生家傳

余幼時聞諸父兄言。里中程日新先生。先輩讀書。誠長者。而未及請問其行事。近以訊之。從甥程禮明。禮明曰。我高祖也。以老儒終鄉里。以篤行高年。鄉黨宗敬之。其言之詳。遠矣。莫能多道之也。僅一二事。識於家人代傳之。相訓厲。不敢忘者。非曰奇節異行也。然固常人之所難者。祖公少讀書。而家極貧。年十六。卽爲人課童子師。里胡氏請之。以歲奉八金。公諾之矣。他家聞而爭請。三胡氏之奉。或勸公遷就之。公曰。吾貧。金多固善。顧吾已諾胡氏。且吾始出而誘於利。利可盡乎。竟館胡氏。主人高其義。歲增其奉。學徒益進。卒以教讀。致有薄產。遺之子孫。今百餘年矣。公應試於府。列名首縣士。聞父病。不待竟後場而歸。父尤之。命復往。則已試畢矣。太守嗟異之。明歲更新守。公又試得首。以入學焉。此二事者。雖微見問。禮明固願有謁。儻蒙賜爲之文。推揚其先世之美。以永詔其後嗣。其可乎。余聞而稱曰。吾里中昔時讀書長者之行。有如是哉。而何今者之不見乎。夫不以利傷信。而師者利之所便居也。不以名忘親。而親又甚樂其子之有名也。世

之人苟名利之在。不必其有辭。有辭焉。藉之。無問矣。若先生之行。微獨吾里中不復見之。凡吾所見於今之人。皆不然也。禮明之稱其先世。約而知要。書而論之。不惟程氏之傳。亦使學者習聞舊儒之風。而信於得失之命也。先生諱煌。日新其字。年九十一乃卒。妻賀氏。年八十七。夫婦偕及見玄孫。子孫繁盛。多能繼儒業者。

〔釋義〕 (一)訓厲。教訓勉勵也。厲與勵通。 (二)科舉時鄉試。有前場後場之別。凡前場試取之士。始得應後場考試。猶今日學校考試之有初試覆試也。 (三)藉之無問。謂以是藉口。不問其他也。 (四)玄孫。曾孫之子。

吳南屏黃特軒傳

黃森字特軒。居湘陰東北鄉長樂里。長樂爲岳州走長沙古驛道。地寬平。四面倚山。羅江流其間。下入湘水。咸豐四年。湖南起勇軍。將東下。剽賊。賊復自安慶上犯。陷武昌岳州。急趨長沙。時賊由水路掠船。至羅江新市。長樂人驚走。而其里人有先在賊中者。至是以長髮歸。脅里中。率錢糧輸賊。黃君爲里富豪。挈家去。已而錢米大集。脅者皆自取之。衆怒曰。此僞耳。相與執而殺之。已殺則又大恐。乃請豪長者謀之。皆尤衆人。莫爲計。黃君至。曰。殺此賊誠善。今惟有團練耳。爾等但能一心致死。何患。所須錢物。無多少。從我辦之。衆大喜。卽日戶閱壯丁。具器械。立幟於門。別揀勇力數百人。分營要隘。是時巨賊已率衆南上。而巴陵土賊大起。皆先在賊者。一人輒

倡數百衆劫奪。村聚無敢抗者。而楊某陳某爲之渠。以千餘人入平江北界之岑川。聞長樂獨執殺其黨。首倡團練。欲乘其未定破之。岑川西去長樂五十里。一日以四百人。天未明而往。長樂人不意其猝至。黃君方與諸團首會食。賊已近里許矣。卽呼召其營勇。得五十人。先往禦之。山下小村地有長溝。楊柳蔽翳。各不相望。見突相遇小橋間。卽刺斃賊大旗一人。連刺紅衣騎馬賊殺之。卽其渠陳某也。因大呼。遠近皆應。羣賊遽失魄。癡立不能動。勇益集。直推刃仆之。殺百數十人。又追殺走者。賊逃還岑川不能半。卽皆走歸巴陵。黃君旋又逐之。巴陵新牆市。土賊卽時皆散。於是黃君名赫然聞數縣間。省府盛獎其功。其年五月。提督塔公已破賊湘潭。將收岳州。營於長樂。黃君與其團人常爲軍導。軍進退皆依倚之。明年六月。賊帥何某自通城以數千衆出巴陵。殺數百人。將由長樂犯長沙。黃君大集其勇。他鄉團皆爭赴之。幾二萬人。賊至巴陵關王橋。距二十里。聞礮聲大起。卽退去。是時粵賊方與楚軍相持於湖北江西。常以一股踞崇陽。通城。窺湖南。爲衝我心腹計。我軍屢入擊破之。旋復合聚。黃君嘗以團勇隨官軍剿賊通城。賊先遁。長樂人自是頗輕賊。而團事旣久。貲絀不給。練營亦隨停罷。但以探候約相警集而已。又明年五月。何賊自通城乘夜入巴陵。將復犯長沙。卽捲旗輕行。緣山嶺以入。殺牧牛兒。山中始覺之。遽出勇以

鬪而四山皆有賊出。遂驚潰。挾妻子渡水入南山。賊亦不敢逼。其明日。賊將渡水由古驛以上。長樂水南地屬平江。與長樂合團。其人復相聚。禦之水上。賊竟日望之不敢渡。抵暮。遂縱火焚市屋。下走三十里。始渡水。至新市。夜殺千餘人。而長沙已聞賊。城備完。賊乃掠東境。由醴陵萍鄉去。蓋長樂團爲省城北蔽者且數年。至是始不振。黃君鬱鬱以爲恨。年餘。遂病疽以卒。余因避兵。早識黃君。備知其團事始末。其人意氣灑落。異於尋常。富人倉卒立事。有非偶然者。然余有以見團練之不易爲。而今官吏一聞賊警。輒以此責望於民者。未察其實也。當賊初起。常以誑言鼓動一世之貧民。彼貧民忌恨富民。而欲壞之久矣。皆謂害不及我而甚有利。則孰肯出其死力以爲富民衛。雖出錢財。莫之應也。應者亦陰挾兩端。賊至卽迎之耳。故凡爲團兵者。必其鄉之人。適然與賊角。有釁讐而後可用也。而其地必深阻易守。人必簡練。習部分戰鬥。氣力精專。而又財用饒給。然以居賊所必經地。以與賊連歲持久。則未有能也。若黃君之爲團。可謂能用其人。其功效卓著。非僅保全其鄉。雖及其壞散之時。賊終忌之。不能逞殘於其人。而省城獨得一二日阻遏之力。至其所恨。亦非人之所宜加過於君者也。故余嘗謂鄉團禦賊之事。獨宜聽民之所爲。而官無多預焉。何則。彼其身家誠知自急。其形勢苟可合而有恃。固宜有能因便而用之。若將以爲

法令。而驅之使集。則民苟以其名相應。而黠猾^{一三}之徒。妄為侈張。以取媚於官。而漁獵閭伍^{一四}之利。因為武斷者。皆是也。此適足以餌賊而殃人。奚團練之有乎。余故紀黃君而備論之如此。黃君早歲讀書。嘗以例貢生^{一五}應舉場。既棄去。以其才治家。益興其產。而其能施。故里人尤樂從之。其為團練也。官以軍功保奏。加五品銜。賞戴藍翎^{一六}。卒時年五十一。

〔釋義〕 (一)羅江。水名。與汨水合。稱汨羅江。在今湖南湘縣北。西流入湘江。 (二)清咸豐初。丁憂侍郎曾國藩在湖南湘鄉原籍團練鄉兵。 (三)長髮。洪楊軍蓄髮不薙。俗呼長毛。 (四)渠。首領也。 (五)土匪。即今稱土匪。 (六)塔公。即塔齊布。滿洲人。官湖北提督。數與洪楊軍戰有功。後沒於陣。 (七)通城。縣名。屬湖北省。 (八)崇陽。縣名。屬湖北省。 (九)醴陵。縣名。屬湖南省。 (一〇)萍鄉。縣名。屬江西省。 (一一)灑落。不拘束貌。 (一二)簡練。簡擇而熟練之也。 (一三)黠猾。即狡詐。 (一四)閭伍。猶言閭里。 (一五)例貢生。援例納貲而入國學也。 (一六)藍翎。清制飾於冠上似花翎而無眼之飾物。

吳南屏先考行狀^二

先考研田府君^三既歿之二十一年。不肖中子敏樹。欲有表於其墓。既以請於戶部郎中上元梅先生伯言而許為之文矣。謹具列里居世次。先人之性行事迹。大略如狀。我吳氏上世。明初曰伏一公者。始自南昌。徙來巴陵之南鄉。十有四傳而至府君。我高大父^四府君諱書泰。曾大父^五府君諱宅揆。大父^六府君諱傳經。是生先考研田府君兄弟三人。府君次居長。始吾家故貧。先大父之世。起有貲產。為里中富家。府君始讀書。即篤信宋儒之學。期必行之於身。嘗扁^七於其塾曰。學四字。而為之序以自勵。取朱子淳熙入對時

答人語也。爲文章。理致深厚。樸而不華。試有司。輒不利。年三十。尙困童子試中。時昆明錢公澧。爲湖南學使。待士嚴。府君當入場。人擁失履。覓履乃復入。錢公怒其遲。退之不令入。既而召之。府君歎曰。所以就試者。爲進其身也。豈可受辱如此哉。而先大父年且老。家務多。府君遂棄舉子業。佐大父治家。家益起。初府君年九歲。而先大母。胥太孺人卒。繼大母孫太孺人。又繼大母季太孺人。府君事之。皆盡誠孝。而大父昆弟三人。仲季兩大父皆卒。府君待諸孤弟。尤有恩禮。然自敏樹生時。府君年已五十有一。其前者皆不得見而盡知之矣。顧自其微有知識之日。日趨侍府君於家。而仰其容貌。則見其溫然以和。又儼然以莊也。其於兄弟也。與吾仲父異母以生同居。以及老。未嘗有一言之相責望也。吾季父早世。季母守節。婺居。其於府君。未嘗有一事之不然於其意者也。其於子孫也。愛而教之。加意以撫之。然未敢有不敬恭於其側者也。其日接於鄉之人也。雖妄少年。未有不肅然於其坐者也。嗚呼。此其外之大略可見者也。抑其行事。猶有能道者焉。吾鄉家有贏穀者。多積頭穀。頭穀者。人質貸其穀。加息以償。至來歲春夏間。除其息。仍以本穀貸。而吾家所積頭穀。蓋盈萬石矣。嘉慶癸酉之秋。府君與仲父謀曰。吾田產足可業也。而積穀又多。遂積而不已。以多財遺子孫。吾懼其爲不義也。今歲頗不登。貸者艱償。不如放之。此兩利也。仲

父以爲然。而所貸出穀萬石。盡放出不復收。然府君平時治家纖嗇。不忍妄費一錢。人或疑其吝。及是放穀萬石。一鄉盡驚。有稱頌於府君前者。則徐應之曰。吾年老力衰。計自逸耳。然自後府君果益少事。惟觀覽書史自娛。尤喜鈔書。積巨冊。首尾端楷。若一無違誤者。素善飲酒。乃益召諸昆弟勸飲。未嘗至甚醉。酒後滋益恭。時時自鋤菜畦。樹瓜果。及課傭人治田。必盡其法。子孫讀書。訓課甚勤。不多望以進取。敏樹年十七時。補縣學生。訓之曰。汝今爲學校中士人矣。士者行義。必可觀也。可不勉乎。臨終。戒子孫曰。願後世不失爲讀書善人。富貴非所望也。自府君之歿。二十年間。鄉之人往往有歎而言者曰。厚矣先生之教我。我奉其教。以有今日之安也。又有言者曰。某某婚喪不舉。往貸於先生。必得所求焉。不以其貧故疑難之也。某與某訟。以厚質請貸。則不得焉。又力勸諭而已之。凡先生之行。皆此類也。又有言者曰。昔先生之存。鄉之長者。常有所聽聞善言。以教戒其子弟。少年之爲非者。不敢肆。今不然矣。嗚呼。此皆府君之實也。府君諱達德。字懷新。別自號曰研田。太學生按察司照磨職銜。以子敏樹候補教諭。得贈修職郎。生於乾隆乙亥八月二十二日。歿於道光乙酉。府君元配。吾前母羅太孺人。生吾伯兄友樹。附貢生。繼配吾母徐太孺人。生吾姊。適劉氏。次卽敏樹。道光壬辰舉人。大挑一等。候補教諭。次吾弟庭樹。縣學生。孫

男八人。昌烈、昌煜、昌耀、昌輝、貽孫、慶孫、似孫、雨孫、會孫、男十一人。垣、堅、均、圭、墉、垣、屋、堂、城、坤、域、堪。今吾伯兄與吾弟皆已卒世。敏樹幸侍養老母。無能進取。以圖顯揚。惟思託賢人之文章。垂先型於不朽。謹狀其實。以俟文焉。道光二十四年十一月十一日。不肖中子敏樹謹狀。

【註音】(屢)舉裕切(哇)音攜(煜)音育(屋)古厚字

【釋義】(一)生日父。死曰考。(二)行狀。述死者生平行事之文也。亦稱行述。(三)府君。人子尊祖考之辭。不限名位。漢碑及唐人集已有之。(四)高大父。高祖也。(五)會大父。會祖也。(六)大父。祖也。(七)扁。亦作匾。以木板題字。懸於門屏之上也。(八)宋孝宗淳熙十五年。周必大薦朱熹為江西提刑。入奏事。或曰。正心誠意。上所厭聞。慎勿復言。熹曰。吾平生所學。惟此四字。(九)錢禮。即錢南園。雲南昆明人。(一〇)先大母。即祖母。(一一)責望。責難。怨望也。(一二)父之弟最幼者之稱。(一三)照磨。舊官名。掌照刷卷宗。清時布政按察兩司及各府。皆置一人。(一四)教諭。明清縣學教官。(一五)修職郎。清時八品封階。(一六)清制。每經數科會試後。揀選三科以上舉人。每省挑若干人。分為一等二等。以知縣教職用。

【評語】梅伯言曰。不虛美。不繁稱。能信其親於人者也。拙撰表文。未知足稱高明否。抑自竭鄙人之思矣。

吳南屏亡弟雲松事狀

亡弟諱庭樹。字雲松。別自號半圃。巴陵縣學生。以道光十六年十一月二十六日卒。年三十。明年二月初五日。葬於近里彭仙塘祖塋之旁。妻李氏。子昌煊。女二人。適本縣何氏、郭氏。孫期壇、期埏。

先君子研田公。行善於家鄉。有上元梅郎中會亮為表墓。子三人。長先兄石林先生。諱友樹。附貢生。次即敏樹。亡弟季也。為三叔父宗海公後。先兄出前母氏。年最長。而吾母為先君子繼室。生敏樹。又最晚。弟少敏樹二歲。

兄弟三人雖異出。年相差。至相篤愛。弟名後三叔。父母皆已早卒。實無所爲異產別居者。及先兄卒。母氏念諸姪與余兄弟年相若。且指衆或難處。乃命析產半以畀四姪。而敏樹與弟共其半焉。鄉人驚爲義事。敏樹頗好書。不解家人生計。弟獨任之。纖毫不以相關。及有所欲物。或他有所費。無多少則無不得者。弟又絕有幹才。處置畢。惟相與怡怡_三母親之側。又從余讀書。爲文字。喜藝花木。闢小園爲樓。臨之可三里外望洞庭。花樹繞樓下。兩人讀且臥其中。名樓曰聽雨。取韋蘇州詩語也。當時兄弟相顧。以爲此樂可長有。人世間他可喜事。卽不如志。亦不足爲有無矣。及余丙申_五會試歸。而弟已病。則急爲延醫遠地。又相從就醫長沙。日夜守視之。疾竟不起。敏樹蓋自是喪精失魄。茫然視天地。獨哭荒山中。凡三四年而僅能自活也。惟時先母七旬望八之年。孤姪才二齡。而又當強其所不能。以治米鹽牛豕田穀之務。往時所欲學而爲者。中途廢棄。春官試亦不能上。而意氣消耗。終已不可復振。凡以余弟之故。嗚呼。非敏樹之有性情。能厚於其同氣。而然也。惟余弟之賢而蚤死。所以困余者。豈非其命也夫。初。弟爲叔父後。有遺貲錢千貫。弟所當獨得。而不願有私財。乃以創爲族人義學之塾。尙有餘。病時顧我。願以積置義田。贍族人之貧者。及弟死。余檢其籍。則所與假貸。皆姻戚不能促償。而籍首自注。所以放息將爲義田之語。余讀之。

痛而不知所爲。先是義塾因舊有公田。稍增益之。以起其事。乃還族人田而自專其責。而弟所欲爲義田贍族人者。至今未能就也。弟之葬也。余未爲誌。其地域已隘。而余終當相就。欲別擇地。而自營壙。偕焉。近經兵亂。不暇。而弟子孫又頗宜善。以葬家之說。意未可遷易之。遂定於此。嗚呼。亦余之命也夫。咸豐丁巳之春。寓家長沙。遇孫芝房。侍讀。與言吾弟爲人。及余兄弟不幸早相失。所以爲憾者。侍讀文章高世。頃年罹其兩弟之戚。蓋能以類憐余而知其情者。因請表於亡弟之墓。而爲之狀如此。謹狀。

〔註音〕(煊)音萱(埏)音延

〔釋義〕(一)祖塋。祖墓也。(二)纖毫。猶絲毫也。(三)怡怡。和悅也。(四)韋蘇州。卽唐韋應物。嘗爲蘇州太守。

善爲詩文。所作詩語中有小樓一夜聽春雨之句。(五)丙申。道光十六年。(六)春官試。卽禮部會試。(七)同氣。謂

兄弟也。(八)義田。置田取其租入。以贍宗族之貧者也。宋范仲淹有〔義田記〕。(九)壙。墓穴也。(一〇)孫芝房。名鼎臣。



卷十七 碑誌類一

朱梅崖松溪令潘公去思碑

公諱汝龍。字健君。湖州歸安^二人。以乾隆丁巳^三進士。令松溪。聰明肅仁。接民於理。令七年。松溪大化。其冬丁母夫人憂。去官。民跽^{*四}百里。會哭^{*}匱^{*五}下。惟公孝思。例不可留。相與立祠水南亭左。並碑。公績祠堂。惟公始至。設^{*}匱^{*五}縣門。受民書以知好惡。審其無私。罷行之。如奉上命。始教俗葬。禁停柩。修學宮。改浚泮池^六如法。易^{*七}道路。復廢井^{八*}。建橋於津^九。新賢祠^{一〇}。以示教。嘗決疑獄。道有棄屍。究之立得殺者。他所責罰。民皆自罪。改悔感泣。至為位以祝。松有濫徵。請蠲於上。不得。則出己產代償。松民歌之。以訖於去。令松七年。家鬻田廬幾盡。嗚呼。可謂賢矣。始公以名進士。兄弟有聲京師。說者謂且官禁^二近。經術輔佐天子。閉不得通。隘其大澤之於一邑。隄防^{*}濬蓄。故其入民也深。公雖以憂去。賢聲徹四方。他日去柄大政於朝。勳勞天下。究其治迹發聞之處。自松溪始。

【註音】(跽)音蘭(匱)同柩(匱)古委切(易)音異(匱)音偃(濬)音緒

【釋義】(一)松溪。縣名。屬福建省。(二)歸安。縣名。屬浙江省。即今之吳興縣。(三)乾隆丁巳。清高宗二十一年。(四)跽。足起皮也。(五)匱。匣也。(六)泮池。學宮之池也。(七)易。治也。(八)匱。路廁也。(九)津。濟渡之處。(一〇)清制。紳士之有品學。為地方推重者。歿後由大吏題請祀于其鄉。謂之鄉賢祠。(二)禁近。文學侍從之臣。其官署皆在禁內。謂之禁近。

朱梅崖太學生陳君墓誌銘

嘗讀春秋傳。及晉三大夫之爭溫。未嘗不愀然太息也。夫諸子皆賢者。當世所稱頌。沒利而棄禮讓如此。夫子稱衛公子荆之善居室。豈虛哉。至鬪子文。毀家紓楚。齊人多待晏平仲舉火者。彼皆柄國政。戴於民上。其恤民宜也。乃若身處幽側。未獲仕而有憂斯人之心。此果何爲哉。韓子稱仁形於色者。其殆然耶。嘗讀杜少陵李文公之文。推其用心。謂庶幾近之。然二公有其心矣。而未必見諸行事也。見諸行事者。其惟郭代公范文正乎。惜乎今之世。吾未見其人也。乃所聞同安陳君事。可異焉。君諱思敬。字泰初。號鶴山。同安登瀛里人也。其先有均用者。始居登瀛。十六傳而至君。君幼失母。事繼母盡孝。長而博學多通。家積書四萬餘卷。手校幾遍。然喜名其要者大者。嘗倡建大輪山高浦二書院。自爲辭勒石。致其志也。於辭習古人所爲。通之制義。或諷以不合於時。弗顧也。癸酉鄉舉中式。額盜爲副時。桂林陳相國以巡撫監臨見君名。惋惜特甚。主司亦深悔焉。人以僂得而失。歎君所守爲知命。而學行聞於大人先生。則誠必形之驗。而君之自信。不苟然也。家故饒財。諸從以才俊急自見。入貲官內外者相屬。君不以動意。而好赴人之急。蓋其自少壯至老。由近及遠。仁心爲質。隨事自致。以德於人者多矣。今第書其一二爲徵。其餘從可推也。塾師劉歿。家貧。君歲周

其乏。如常時。知劉者歎曰。師亡而俸在。亦異矣哉。吳防禦一八煊出旗一九無依。衣食於君。歿殯葬之。而恤其子。又爲亡友范如升立後。改葬業師故肥鄉縣。尹庭思先生之喪。資其孤孫讀書。並爲授室。何教諭蘭歿。君在省應試。親爲營窆。經紀其家。朝夕汲汲。若忘試事之及也。歲饑。家乏粟。出財轉穀於外。以贍族。至質賣世業以濟。行給義二二榿二三義塚以爲常。自奉甚儉。生平未嘗衣綺紈。晚年用稍窘。或勸君爲子孫計者。君歎曰。自古豈有豐嗇常在一家者耶。子孫命亨宜自振。吾知行吾意而已。君與余友葉君蔚文爲內外兄弟。余嘗識其從兄中書君京師。顧未及知君也。歸里後。聞有持白金三千。助修貢院者。詢本末。始有意乎其爲人。旣余承乏三三鰲峯。再遇行鄉舉試。意得見君締交以足其素志。而孤鳴珂忽持君狀。奉幣請銘。余誠不意斯世失君之速也。蓋君年五十有五。非云短命。而義足以興俗。勸厚。利賴斯世。故人欲其久而成也。或見君以財急人。目爲漢之八廚三三。夫黨錮諸賢。雖以風義相高。然响三四濡依附。張衆爲勢。視獨行君子之風有間矣。若張邈三五隙於袁曹。胡母班二六厄於王匡。雖姻舊且不能保。豈足以望君之從容乎。君子四人。鳴珂。鳴珮。鳴瑛。鳴瑤。鳴珂出嗣伯兄。以某年月日葬君某地。銘曰。衆之所棄。今君何營營。道之孔迂。今君何獨行。瘠爾室而豐於志。今曰市義二六以自贏。豈斯民之共責。今抑權勢之所憑。嗚呼賢哉。今之古人。

【註音】(僂)音詭(煨)里黨切(樞)祥歲切(啣)甸于切(瑛)音英

【釋義】(一)二大夫。晉卻至卻犇卻錡也。溫今河南溫縣。(二)愀然。容色變也。(三)公子荆。衛大夫。始有。曰

苟合矣。少有。曰苟完矣。富有。曰苟美矣。孔子稱其善居室。見【論語】(四)鬬子文。楚令尹。自毀其家。以紓楚國之

難。見【左莊二十二年】(五)晏平仲。名嬰。齊大夫。相齊景公。食不重肉。妾不衣帛。【晏子春秋】待臣而舉火者數百

家。(六)韓子。即韓愈。(七)杜少陵。即杜甫。(八)李文公名翱。字習之。唐趙郡人。卒諡文。(九)郭代公。名震。字元振。

唐魏州人。為武后所擢用。後至同平章事。封代國公。家嘗送資錢四十萬。會有緘服者叩門。自言五世未葬。願假

以治喪。公盡數與之。(二)范文正。即宋范仲淹。買良田數千畝為義莊。以贍族中之貧者。(三)同安。縣名。屬福建

省。(三)制藝。即言清時考試之八股文。(三)癸酉。清高宗乾隆十八年。(四)額溢。額滿也。科舉時代鄉試。於正榜

外。取副榜若干名。(五)陳相國。名宏謀。號榕門。雍正進士。累官至東閣大學士。卒諡文恭。(六)清制。凡值鄉試。即

任該省巡撫為監臨官。總理貢院內外事。(七)僂得。幾得也。(八)清代陵寢及駐防之處。設防禦治之。(九)出旗。

謂革斥而出旗族也。(二)肥鄉縣。屬河北省。(三)樞。棺也。(三)朱公會任鰲峯書院山長。(三)後漢書黨錮傳

度向。張邈。王考。劉儒。胡母班。秦周。蕃嚮。王章。為八廚。廚者。言能以財救人者也。(四)啣。噓吹之也。(五)張邈。字孟

卓。漢獻時為陳留太守。與曹操。袁紹。共討董卓。以大義責紹。紹使操殺之而不果。後卒為操所困死。(六)胡母班。

字季友。任執金吾。王匡字公節。河內太守。匡與紹討卓。卓使班等譬解。紹使匡斃班於獄。班為匡之妹夫。(七)從

容。舒緩貌。(八)戰國馮煖為孟嘗君收債之薛。悉燒其債券弗收。薛人皆呼萬歲。馮煖還報曰。竊為君市義。見【

彭秋士亡妻龔氏壙銘

乾隆四十二年九月朔。彭績秋士具舟載其妻龔氏之柩。之吳縣九龍塢。

彭氏墓。翌日葬之。龔氏諱雙林。蘇州人。先世徽州人。國子生諱用整之次

女。處士諱景駢之家婦。嫁十年。年三十。以疾卒。在乾隆四十一年二月之

十二日。諸姑兄弟哭之。感動鄰人。於是彭績得知柴米價。持門戶。不能專

精讀書。期年。髮數莖白矣。銘曰。

作於宮。息土中。吁嗟乎龔。

〔註音〕（塢）安古切（鑿）牛刀切（駢）渠爲切

〔釋義〕（一）翌日。即明日。（二）國子生。即監生。（三）家婦。嫡長子婦也。（四）諸姑。父之姊妹也。（五）持門戶。

言管理家事也。（古詩）健婦持門戶。（六）莖。草木榦也。此以喻髮。

彭尺木秋士先生墓誌銘

秋士先生之卒也。客外甥張氏。未逾月。遷殯於墓。越明年八月。始克安厥兆。其族子紹升爲之志。志曰。嗚呼。先生之遇窮矣。人之弔先生者。未有不悲其窮者也。吾獨謂先生竹柏之性。有節有文。落其實。蓋季次原憲之流。采其英。亦元結孟郊之匹。吾未見先生之窮也。然先生終竟以窮死。其窮者蓋在日莫聞。其不窮者無涯矣。而又何悲焉。先生彭姓。績名。其凝字。更字曰秋士。世爲蘇州長洲縣人。高祖諱行先。明季貢生。有高行。曾祖諱球。祖諱志求。父諱景駢。母吳氏。生母錢氏。妻龔氏。先卒。無子。嗣子曰以成。其卒以乾隆五十年正月丙子。年四十四。墓在吳縣九龍塢之原。銘曰。謂先生窮。春草其丰。幽幽長松。歸乎其宮。

〔註音〕（莫）同暮

〔釋義〕（一）壇域塋界皆曰兆。（孝經）卜其宅兆。而安厝之。（二）左傳。歲云秋矣。吾落其實而取其材。

（三）季次原憲。皆孔子弟子。季次。姓公皙名哀。未嘗屈節爲人臣。憲。原思名。捉襟肘見。讀書淵淵。出金石聲。自謂

貧而非病。（四）采。採取。英。指文詞而言。魏曹植家丞邢顛無所屈撓。庶子劉楨。美文辭。植親楨而疏顏。楨諫曰。君

采庶子之春華。忘家丞之秋實。（五）元結。字次山。唐汝州人。善文。（六）孟郊。字東野。唐武康人。詩與賈島並傳。唐

人自韓愈以下。莫不推之。（七）幽幽。深遠貌。

羅臺山鄧先生墓表

先生諱元昌。氏曰鄧。字慕濂。不知其先何族之別也。祖父居贛州府城。為贛人云。先生弱冠。負志氣。思以文章自名。為制藝有師法。諸老先生咸遜避以為能。年十七。得宋五子書讀之。涕泗被面。下曰。嗟夫。吾乃今日知為人之道也。出入禽門。忍不自返。何哉。自是澁心默坐。以觀理。飭言動。嚴視聽。以劇習。博攷圖籍。約之程朱之遺書。以崇其知。端本於閨門。敦行孝弟。勤睦嫺任恤之行。以求仁。確然沛然。不沮於俗。不疑於心。澹泊和平。以此自終。贛在萬山中。文明所被者微矣。宋周濂溪先生過化贛南。未聞從遊之士。有贛人焉。明陽明王先生講學章門。而雩始有何黃袁管四先生出。至養愚李先生。乃粹然一以朱子為宗。其後易堂九子。以氣節文章聲海內。而中叔彭先生聲華至落寔。守學明禮。與程山謝先生相響答。近百年來。高風寥邈矣。而先生獨奮發於陳編蠹簡之中。成之以勇邁不回之氣。佐之以堅苦廉毅之操。內外完樸。挺為偉人。初雩都宋昌圖以通家子謁先生。先生器之。館之於家。昕夕論學。為日程疏記言動相交摘。一日昌圖讀朱子大學或問首章。先生適過窗外。駐聽之。不覺淚下而拜。感動不能起。謂昌圖曰。子勉之。毋蹈吾所悔。永為朱子罪人。偷息天地也。蓋先生為學誠切。日見其不足。且又以為身欲至之。亦願人之同至之也。身既未至。

之。而尤願人之先至之。而已得步其後也。故其友教人也。摯無智愚賢否。老耄苟近之。牖之。即惟恐不力。有田在城南。先生嘗以秋熟視穫。挾朱子小學書。坐城隅。見貧人子累累拾秉穗。甚衆。先生招之曰。來。汝毋然。吾教汝讀書。吾自量穀與汝歸。羣兒歡爭昵。就先生。先生始則使識字。既使諷章句。以俚語曉譬之。卒穫。羣兒嗥。以為先生且歸也。夫先生與人之量。則宏矣。而未嘗雜以意氣。孳孳為善。而未嘗有干慕名譽之思。自甘樸學。而恥垂空文。以眩世。蓋庶幾乎知至至之者乎。先生以乾隆三十年閏四月四日卒。昌圖以有高夙嘗被先生之教。以墓道之文屬。有高聞命恐懼。不知所以為辭。屏氣定息。思先生為學大旨。粗有明於心者。謹詮次之。以表於阡。後之君子。將必有與感於斯文者。

〔註音〕(廟)音磨(廟)音學(穗)音遂(呢)音匿(俚)音李(嗥)音豪(孳)音咨(眩)發絹切

〔釋義〕(一)羅臺山。名有高。江西瑞金人。優貢生。著有尊聞居士文集。(二)贛州。舊府名。屬江西。民國廢。今

贛縣其舊治。(三)宋五子。周敦頤。程顥。程頤。張載。朱熹也。(四)廟。分也。〔漢書賈山傳贊〕自下廟上。〔註〕割切也。

(五)〔周禮〕六行。孝友睦婣任恤。(六)確。堅正也。實也。(七)沛然。盛大貌。(八)〔孟子〕夫君子所過者化。(九)王

先生。即王守仁。餘姚人。其學以良知良能為主。嘗築室陽明洞中。世稱陽明先生。(一〇)章門。即贛州。(一一)零。零都。

縣名。屬江西省。(一二)何黃等。皆零都人。何名廷仁。初名泰。字性之。號善山。舉嘉靖元年鄉試。二十年始謁選。知新

會縣。後遷南京工部主事。黃名宏綱。字正之。號洛村。舉正德十一年鄉試。嘉靖二十三年為汀州府推官。升刑部

主事。袁管二人未詳。(一三)魏際瑞。原名祥。字善伯。號東房。弟禧。字冰叔。號勺庭。禮際瑞季弟。字和公。李騰蛟。字力

負。號咸齋。邱維屏。字邦士。彭任。字中叔。會燦。又名傳燦。字青藜。皆江西寧都人。林時望。字確齋。彭士望。字躬庵。皆

江西南昌人。世稱易堂九子。易堂在寧都翠微山。魏氏居之。九子講學之所也。(一四)聲華。謂聲譽光耀也。(一五)程

山謝先生。名文游。字秋水。號約齋。江西南豐人。起程山學舍。著有程山集。(二六)通家。累世相友善也。(後漢書孔融傳)十歲造李膺門口。先君孔子。與君先人李老君。同德比義。而相師友。則融與君累世通家。(二七)所朝也。(二八)偷息苟活也。(二九)牖與誘通。導也。(三〇)秉禾盈把也。穗禾結實也。(三一)俚猶俗也。(三二)嗥號叫也。(三三)孽孽勤勉之意。(三四)至至猶言極至也。

姚姬傳宋雙忠祠碑文

東海朱使君^二受命領兩淮鹽運使^三之次年。謁於江都^四城北宋制置使^五李公^六副都統姜公祠下。乃進士民告之曰。當宋之季。自荆襄而下。城隳師殲。降死相繼。伯顏^九之軍。南取臨安。阿朮^二之軍。北圍揚州^三。時惟二公忠義堅固。竭力合衆。以守茲城。臨安既下。帝后皆入於元^{一三}。孤城勢不可終全。二公卒不肯降屈其志。兩却謝后之書^{一四}。斬元使。焚其詔。以絕他慮^{一五}。明身必死國家之難。昔蜀漢^{一六}霍弋^{一七}羅憲^{一八}據郡不降魏。及審知後主內附。然後釋兵歸命。世猶愍其所處。以為弋憲欲守而無所嚮。異於君在懷有二心者也。若二公當國破主降之後。效節於空位。致命不遷。卒成其義概。可以壯烈士之氣。而激懦夫之衷者。以視弋憲何如哉。今天子褒禮忠節。雖親與聖朝為敵。難而殞者。皆隆崇諡號。俾吏秩祀。矧宋^{二一}公立身甚偉。而舊祠^{二二}墜壞。歲久不修。其於朝廷獎忠尊賢之典。守吏以道導民之誼。不足以稱。吾將率先。飭而新之。衆皆曰。願盡力。乾隆四十二年六月既竣^{二四}工。桐城姚鼐為之銘。辭曰。

元雄北方。既脫金距。瞰視江淮。嬰兒稚女。誰固人心。奉彼弱主。力或不支。有氣可鼓。二公堂堂。孤城在疆。國泯衆遷。誼不辱身。死爲社稷。生豈隨君。既得死所。安於牀茵。烈士搏膺。市人流涕。同廟揚州。以享以祭。五百斯年。其報匪懈。新堂炯炯。有翼其外。神陟在天。明曜剛大。思蠲厥心。來庭來對。

〔註音〕(侈)待可切(竣)七倫切(瞰)苦鑑切(茵)音因

〔釋義〕(一)東海縣名。屬江蘇省。(二)朱使君。名孝純。字子穎。遼東漢軍。(三)兩淮鹽運使。駐揚州。總理淮

南北鹽政之長官。(四)江都縣名。屬江蘇省。(五)制置使。官名。唐置。宋因之。管轄數路軍務。如明清總督。副都統。

(六)李公。名庭芝。字祥甫。其先汴人。後徙隨之應縣。舉進士第。旋官兩淮制置大使。兼知揚州。(七)姜公。名才。(八)

荆襄。荆州。襄陽。(九)伯顏。通鑑作巴延。元丞相。(一〇)臨安。即今之浙江杭州。(一一)阿朮。通鑑作阿珠。元丞相。(一二)

揚州。今江蘇江都縣。(一三)宋恭宗德祐元年三月。元伯顏入臨安。以帝及皇太后全民福王王與芮等北去。(一四)

謝后即太皇太后謝氏。臨安既下。阿珠以宋謝太后手詔諭李庭芝使降。庭芝登城謂使者曰。奉詔守城。未聞有

詔諭降也。及宋帝羸次瓜州。謝太后復賜庭芝詔曰。比詔卿納款。日久未報。豈未悉吾意。尙欲固圍耶。今吾與嗣

君既已臣服。卿尙爲誰守之。庭芝不答。命發弩射之。(一五)阿珠遣兵守高郵寶應。以絕揚州餉道。復遣使者持元

世祖手詔招李庭芝降。庭芝開壁納使者。斬之。焚其書於陣上。卒與姜才同死。(一六)三國時。曹丕篡漢。劉備以宗

室稱帝於蜀。繼承漢紀。史稱蜀漢。(一七)霍弋。字紹先。仕後主爲建寧太守。安南將軍。領南郡事。聞魏軍來。弋欲赴

成都。後主以備敵既定。不聽。及成都不守。弋素服號哭。大臨三日。諸將勸降。弋曰。今道路隔塞。未詳主之安危。去

就不可苟也。若魏遇主以禮。則保境而降。不晚也。萬一危辱。方將以兵拒之。何論遲速耶。(一八)羅憲。字令則。仕蜀

漢爲太子舍人。以不附黃皓。左遷巴東太守。旋守永安城。及後主降。乃率所統臨于都亭三日。屢遭吳伐。相守經

年。泰始初入晉。(一九)侈。壞也。(二〇)左昭。一十五年。季氏介其雞。邱氏爲之金距。此喻元爲金屬。今已滅金也。

(三一)瞰視。俯視也。(三二)搏。擊也。膺。胸也。(三三)炯炯。光明貌。

姚姬傳蕭孝子祠堂碑文

蕭孝子諱日曠。江都人。其母朱氏。病且殆。孝子刲脇割肝。使婦虞氏和藥。

進母。母愈而孝子死。世之學者。言不敢以親遺體。行危殆爲孝。是固然也。抑紂之時。微子去之。比干死而箕子奴。而皆爲仁。武王伐暴救民。伯夷恥食周粟。而皆爲聖。君子行豈必同乎。今夫小人之爲不善。非不聞有禮誼。廉隅之介也。出於情所不自勝。則潰藩籬蕩防檢而不顧。夫君子之爲善。亦若小人之爲不善也。發於至善而不可抑遏。豈尋常義理辭說之所能易哉。故曰。求仁而得仁。又何怨。孝子旣喪。虞氏謂母初愈。不當使聞悲慟。乃匿語姑曰。日曠商出耳。殯孝子他室。奠則麻衰經而哭。孝子入則常服而進食藥。孝養十餘年。姑死。虞氏守節以終。虞氏誠賢婦。然亦孝子行足感動之。以成其德。士患欲行道。不能必於妻子者。觀於虞氏。可自反矣。孝子事在康熙時。墓在梅花嶺東。邑人祠之於墓側。鹽運使遼東。朱使君至。修整祠宇。桐城姚鼐爲銘之曰。

親吟於席。子憂弗寧。親偃然死。子欲無生。親蹶然起。而坼子形。猶全九鼎。碎彼缶嬰。何究何思。一決於誠。志存身滅。夫豈徇名德衰恩薄。以忍爲貞。千世萬世。徠讀此銘。

【註音】(曠)黃去聲(割)音奎(經)杜結切(坼)耻格切(嬰)於京切(徠)同來

【釋義】(一)割。割也。(二)禮祭儀。是故道而不徑。舟而不游。不敢以先父母之遺體行殆。(三)微子。紂庶

兄。見紂無道。抱祭器奔周以存殷祀。箕子比干。紂諸父。比則諫而被殺。箕則佯狂爲奴。孔子稱曰三仁。(四)武王伐紂。伯夷扣馬而諫。及周旣滅殷。伯夷義不食周粟。隱于首陽山。遂餓而死。(五)廉隅。節操堅確之謂。(六)求仁

而得仁二句。指伯夷叔齊。(七)殯。停柩也。(八)麻衰經。喪服之最重者。(九)梅花嶺。在江都縣廣儲門外。明史可法死國後衣冠葬處。(一〇)遼東。今遼寧地。(一一)仰而倒曰偃。(一二)坼。裂也。(一三)甕。瓦器。(一四)以身從物曰殉。(漢書賈誼傳)烈士殉名。

姚姬傳四川川北道按察副使鹿公墓誌銘

公諱邁祖。字紹聞。定興^二鹿氏。始明監察御史^三。久徵。有直諫名。久徵生正。明熹宗^四時。嘗營救左魏諸君子之難^五。天下稱爲鹿太公者也。太公生太常少卿善繼。殉節死。諡忠節。忠節子曰化麟。舉鄉試第一。居父喪歿。人謂之孝子。孝子之子諱盡心。公之曾祖也。爲安邑^六令。公祖諱賓。仕本朝爲陝西道監察御史。考諱聖權。封奉政大夫^七。公雍正八年庶吉士。授編修。以四川川北道按察副使罷官。乾隆二十九年十二月十四日卒於家。年六十。夫人王氏先卒。子^一琪廩膳生。次預。早卒。以乾隆三十二年某月日。葬公及夫人於江村祖塋之側。銘曰。

鹿氏在明。忠孝久稱。有肖無替。累以世嗣。巍巍副使。彪文^{*八}。嶺質。始作詞臣^九。究通經術。匪曰能言。而允行之。以學事君。在心不欺。命作御史。有辭^{*一〇}。審較牘奏。詳而不苛。轉運奉使。湘湖之南。羣吏放手。民則弗堪。君子所予。小人所憚。巡察帝城。周閱殷廣。閉杜謁言^{一一}。搜邪伐黨。給事於中。掌禮吏科。審較牘奏。詳而不苛。轉運奉使。湘湖之南。羣吏放手。民則弗堪。覈正斗角^{一二}。公以躬監。正稅罔贏。誅責貪^{一三*}。有盜殺人。吏論如法。撫軍^{一四}却之。

謂不當執。罷按察使。而令公攝。將翫律令。*一五意授威懼。*一六或旁諷公。公曰不可。佑賊詭正。寧禍及我。言忤上官。解其柄持。改任川北。昇以疲羸。親入山林。掘盜根株。哀問民生。慰恤瘠枯。直時軍興。征金川醜。*一七以馬濟軍。百城交走。或應於前。而乏於後。歸罪邑令。大吏藉口。公曰憊矣。非令之咎。予以身任。遂遭彈奏。吏籍其家。敝几故書。怨嫉之徒。媿感嗟吁。詔荷公校。*一八以重軍罰。大吏憐公。勸公私脫。公曰詔乎。脫余則為。苟非君命。敢奸以欺。卒朝夕荷。西師*一九隨罷。既有定功。公亦蒙赦。公之在官。巖巖剛毅。公之在家。愉愉孝弟。歸遭父喪。以毀受病。秉道終身。卒斃於正。有懿夫人。飭身約己。佐公清節。誼不有有多。同穴江村。高墳磊砢。我銘直諒。*二〇以厲媿媿。*二一

媿音換(媿)於何切
 【註音】(續)止忍切(審)九件切(懋)盧含切(醜)音委(懼)之涉切(巖)音逆(磊)力軌切(砢)音裸(媿)音換(媿)於何切

【釋義】(一)川北道。屬四川省之北部。轄順慶保寧潼川等府。(二)定興。縣名。今屬河北。(三)監察御史。本

為監察侍御史。掌內外糾察。并監察祭祀。及監諸軍出使等。職務甚繁雜。(四)明熹宗。名由校。光宗子。(五)左光

斗。魏大中等為魏忠賢所害。時魏子學游。左弟光明。投鹿太公家。太公與容城舉人孫奇逢謀。告難於大學士孫

承宗。承宗善繼謀。請入覲。奄黨大譁。獄益急。太公急募數百金輸之。而兩人已斃。又為周順昌募金。募成。而順昌

亦死。(六)安邑。縣名。屬山西省。(七)奉政大夫。清正五品文階封職。(八)續。綴也。(九)詞臣。猶言詞人。謂能文詞

之人也。(一〇)審。正言也。(一一)謁言。請謁之言。(一二)古時量器之受四升者曰角。(一三)懋。貪也。(一四)清時稱巡撫

亦曰撫軍。(一五)駭。曲也。(一六)懼。恐嚇之意。(一七)金川。水名。在四川西北邊境。分大小金川。為土司地。清乾隆時。土

司莎羅奔索諾木先後作亂。旋平之。(一八)校。枷也。(一九)西師。即征西川。(二〇)巖巖。德高也。(二一)愉愉。和顏悅色也。

(二二)磊砢。委積貌。言衆多也。(二三)論語。友直友諒友多聞。益矣。(注)友直。則聞其過。友諒。則進於誠。友多聞。則

進于明。(二四)媿媿。不決也。

姚姬傳原任少詹事張君權厝銘

君諱會。字塏^{*}。似桐城張太傅文端公^三之曾孫。禮部侍郎諱廷璐^四之孫。翰林院侍講諱若需^五之子。年二十一。中乾隆十六年進士。改庶吉士。授翰林院檢討^六。自文端至君。爲翰林四世矣。是時君家太保文和公解爲相歸。而侍講及羣從在朝。爲翰林者四人。君年最少。材器通美。究識古今事宜。國家典故。而持己清峻。人謂君且繼其家兩相國後也。君爲檢討十餘年。值御試翰林。名列第五。進侍讀。充日講起居注官。四遷至詹事府少詹事兼侍讀學士。又值試翰林。列第三。當進官。詔特褒君。而未及遷。自有記注官。君家世職之。及君尤講正體例。嘗獨任一館之事。諸城^八劉文正公^九爲掌院。每歎異君。君疾士大夫骯骯^{一〇}隨俗。節概不立。欲以身正之。見於辭色。衆頗憚焉。君三爲順天鄉試同考官。有公廉名。逮己丑^三科會試。復同考。時武進劉文定公^三爲考官。知君可信。君所薦卷。中者較他房多且再倍。君又以嶢^{*}然^四獨立。稍自喜也。於是榜發磨勘^五。有摘君所薦舉人梁泉卷疵類數十。當斥革。吏遂傳君法。革職提問。會攷驗。無纖毫私狀。而梁泉故鄉舉第一。詔卒復梁泉舉人。君雖釋罪。而竟廢矣。於是惜君者。莫不咎當時議君之重。而謂兩劉相國^六宿知君賢。而不能爲一言於上。而顧使疾君者得其快。嗟乎。君進非人所得援。君退非人所得沮。天則使君仕不究其才。而志不信^{*}

於世也。而何咎耶。其後君以萬壽加恩。復五品頂帶。歸主晉陽江漢大梁三書院。乾隆四十二年正月卒於大梁。年四十七。始娶姑女姚氏。生一女。適孫起塗。再娶定興鹿氏。生子元良。側室生子元襲。元袞。其亡也。長子才十一二歲。君少而孝友。持喪以禮。於族姻朋友事。雖難成者。任之必盡其勞。謀之必竭其慮。雖疏遠。以急投之必應。乙亥之歲。江南饑。君居侍講。憂在里。倡捐米出賑平糶。晝夜營之。以活一縣之衆。又以糶餘錢積穀。以待歲稔。今吾鄉所謂永惠倉也。為文工。為應制之體。尤好古人文章。託意深邈。而不比於時者。仕方顯。而為詩示余。多憤慨深鬱之詞。蓋其所志遠矣。君與余家世姻。少相知。又嘗重余文。君喪之歸也。余既以辭祭而哀之。乃復為其權厝室銘曰。

綺組會者絲邪。而孰為之機邪。鳴者匏簧邪。而孰噏^{*一八}以揚邪。物或以冬榮。或盛夏而先零。孰主是而為之虧成。以盛族有君。志則抗而節弗汚。既駕而驚。而躓於中路。芒乎吾奚知其故。維紀其人。而如可以呼。

【註音】（塏）音愷（璫）音路（駝）音被（嶢）音堯（信）同伸（錫）音銀（稜）子心切（噏）音翕

【釋義】（一）舊官制太子詹事少詹事。掌東宮庶務。清末廢。（二）厝。暫置未葬也。（三）文端。名英。字敦復。康熙

時翰林。歷官至文華殿大學士。（四）廷璫。張文端子。字寶臣。康熙進士。官至禮部侍郎。（五）若需。張英孫。字衡彤。乾

隆進士。官至左春坊左贊善。（六）檢討。位次于編修。與修撰編修同謂之史官。掌修國史。（七）文和。名廷玉。字存素。

英子。官至保和殿大學士。封勤宣伯。加太保。清世宗遺詔配享太廟。（八）諸城。縣名。屬山東省。（九）劉文正。名統勳。

字延清。號爾鈍。康熙進士。累官東閣大學士。卒贈太傅諡文正。（一〇）翫。駝邪曲也。（一一）同考官。亦曰房考。又稱簾

官。會試由各衙門保科甲出身人員。聽候欽派。鄉試由督撫揀選各本省科甲出身之知縣。入闈分校。(一三)己丑。清乾隆三十四年。(一三)劉文定。名繪。(一四)嶢然。高也。乾隆元年。以廩生應試博學鴻詞。(一五)科舉時代鄉會試卷。派官覆核。謂之磨勘。(一六)兩劉相國。一卽統勳。一卽綸。兩劉相得有南劉北劉之稱。(一七)稜。陰陽氣相侵也。妖氛也。(一八)喻。收斂也。

姚姬傳翰林院庶吉士侍君權厝銘

君諱朝。字潞川。泰州人也。其先姓侍^二。明初去其稱侍氏。會祖諱念祖。祖諱震。考諱衛。皆諸生。而祖考得贈如君官。君少孤好學。無師友之助。而於古文辭詩歌四六諸體。皆習而能之。始冠。得鄉舉。初聘泰州沈氏。沈氏女不幸得瘖疾^三。其家願無嫁。請他娶。君不可。卒與處無嫌惡。且十年。沈氏卒。而後娶江寧鄭氏。人以爲難。君內行修。外重交遊。有死生之誼。而性峭急。聞人一善。稱之不容口。惟恐世不及知。及見行有失道理者。亦切齒^四忿怒。若不可須臾共世處者然。故世亦以此過君。乾隆二十五年成進士。當就吏部選知縣。君曰。吏事非吾所堪也。後國子監缺丞。詔大臣於進士中選。得君。君任職以不阿上爲節。有共事不合君者。君不能堪。卽日引疾去。久之會修四庫全書^五。大臣有知君之才。奏爲校勘官。旣而爲總校。君校書數倍他人。而最精當。乃命爲庶吉士。是時君已得疾。而讐閱^六不懈。乾隆四十二年。瘍^七生於首。秋七月晦。竟卒。年四十九。無子。女嫁者一。幼者二。其弟臣。仕浙江。亦未有子。君妻弟鄭君。厝君甘泉之西山。以待臣生子而後之。殯

知君最久。故為銘。銘曰。

山璞瑤琨九器則侈也。龍淵太阿二銳則折也。嗟子忼忼*二三勇言義也。子以自居。

甘與躓也。日暮延登。才未竭也。天生不與之年。死不與之繼世也。芴兮*一四以

託於茲。吾辭以志也。

〔註音〕(瘖)音音(瘍)音陽(忼)康上聲(芴)音忽

〔釋義〕(一)泰州。舊屬江蘇揚州府。今改泰縣。(二)漢酈食其後。賜氏食其。後改侍其。(三)瘖。啞也。(四)切

齒。奮怒貌。(五)清乾隆三十八年。開四庫全書館。徵求天下書籍。十餘年而成。計十六萬八千餘冊。(六)離闕即

離校。(七)瘍。癰也。(八)甘泉。縣名。屬揚州府。今併入江都。(九)瑤琨。美玉也。(一〇)侈。壞也。(一一)越絕書。歐冶子

干將取鐵英作鐵劍三枚。一曰龍淵。二曰太阿。三曰工布。(一二)忼忼。意氣憤激也。(一三)躓。礙也。頓也。(一四)通俗文。事

不利曰躓。(一四)芴兮。無知之貌。

姚姬傳夏縣知縣新城魯君墓誌銘

君諱九皋。字絜非。建昌府新城魯氏也。大父諱寧。康熙庚午科舉人。為內

閣中書。考諱淮。歲貢生。為廬陵縣學訓導。君為人敦行誼。謹於規矩。而工

為文。人觀其言動。恭飭有禮。而知其學之邃。讀其文。冲夷和易。而有體。亦

知其必為君子也。嘗踰嶺至建寧五。謁朱梅崖。而受其為古文之法。於四方

學者。苟有聞。君必虛心就而求益。雖以黽之陋。君嘗渡江至懷寧六。見黽而

有問焉。君古文雖本梅崖。而自傳以己之所得。持論尤中正。里居。授其學

於子弟。及鄉之雋才。又授於其甥陳用光。且使用光見黽。蓋新城數年中

古文之學日盛矣。其源自君也。其為科舉之文。不徇俗好。自以古文之法。

推而用之。或以爲不利場屋。君曰。得失命也。君竟以乾隆庚寅科得鄉舉。辛卯恩科成進士。歸居十餘年。奉養祖母及父。因益力爲學。而因事設方。以利其宗族閭里。雖貧而必致其財。雖勞而必致其力。逮終養。乃出就官。是時鼎聞。寓書諫君。謂今時縣令難爲。而君儒者。違其長而用之。殆不可。然君竟謁選。得山西夏縣。縣當驛道。又時值後藏用兵。使驛往來。日不絕。縣舊分二十餘里。里以次出錢供役。謂之里差。吏因爲利。民致大困。君自持旣廉。又減其役之得已者。而重禁侵蠹。民大便之。而樂爲役。君顧歎曰。吾不能盡去里差。是吾恨也。其見民煦煦。然告以義理所當從。及去。不作長官威厲之狀。民亦欣然聽其教。於是縣號爲治。上吏亦絕重君矣。鼎聞。乃自咎前者知君之淺。固不能盡君才也。然君亦以積勞致疾。在縣凡兩期。以乾隆五十九年三月卒於官。年六十三。娶楊孺人。生四子。肇熊。肇光。嗣光。迪光。四女子。又庶出之子五。皆少。一女。肇光拔貢生。君以後母弟某。嗣光王子科舉人。君以後從父弟某。皆能嗣君古文學者。而肇光先殞。君文曰山木集。已刻者若干卷。未刊者若干卷。某年月日葬君某所。嗣光及君甥用光。皆以書來乞鼎銘。銘曰。孰謂儒者不可以理繁庶。孰謂學古不可爲今世語。美哉魯君。其行企矩。其文蹈雅。卒寘德在夏。而士興其庭宇。其生也有令譽。其亡也有傳緒。其

葬也於是野。

〔釋義〕 (一)夏縣。舊屬山西解州。 (二)新城。舊屬江西建昌府。今改黎川縣。 (三)廬陵。江西縣名。舊屬吉安府治。今改爲吉安縣。 (四)訓導。官名。明制。縣學置教諭訓導。清因之。清末廢。 (五)建寧。縣名。屬安徽省。 (六)懷寧。縣名。屬安徽省。 (七)場屋。科舉時試士之地。 (八)謁選。官吏赴部應選也。 (九)西藏。在四川之西。古之三危。舊分四部。一曰康。二曰衛。三曰藏。四曰阿里。清代康與衛併。稱前藏。藏與阿里合稱後藏。乾隆時。廓爾喀部反。福康安等討平之。 (一〇)煦煦和貌。

姚姬傳汪玉飛墓誌銘

汪生行忠信而立志甚高。不與今世士同流。謂士舍宋儒程朱之所道以爲學。舉不足以云學也。晝動而暮休。必考一日所爲得失離合。悉書於一册。以自爲戒勸。事其父兄。撫其妻子。交其師友。循今世之禮。通以古人之意。見者未嘗不以爲當於人心。爲今世場屋之文。必求發古聖賢之旨。而不爲苟美。余主鍾山書院。生以上元學生來爲弟子。余德薄。不足爲生益。然生親余尤至。相見論說。依依者幾三年。而生遽死。生故有咯^{*}血疾。而爲學研思不懈。余時戒之。乾隆五十六年。秋冬間忽大甚。至失音。余方歸里。亟以爲憂。其次年春正月疾進。時時念余。遂卒。余復至。遂不見生。嗟乎。使生不死。必追逮古賢人。必有立於天下。不幸亡。學未成。行未著。知其異於今世學者。惟余而已。生年二十六。其父七十餘。子雲官。甫六歲。妻楊氏。割肱療生不愈。終爲瘞而守之。余爲擇攝山東南故曇花寺址。右阜葬生。而

爲銘曰。

古秣陵^三明南畿^四粵汪生。挺產茲。名兆虹。字玉飛。聖不作。望緡^五哉。復有轍。崇有階。連^六勤志。胡弗幾。抗發塗。蹶駿材。芒天平。理則乖。痛無沫。伐石埋。繫姚鼎。綴此辭。

〔註音〕(略)音絡(曇)音覃(緡)通縣(連)同卓(勤)通緡

〔釋義〕(一)上元。舊縣名。清時與江寧縣同爲江蘇江寧府治。(二)略血。即咳血。肺病也。(三)秦改金陵爲秣陵。即今江寧縣。(四)畿。京師也。明初建都金陵。稱南京。故云。(五)緡。遠意。(六)連。遠也。

姚姬傳袁隨園君墓誌銘

君錢塘袁氏諱枚字子才。其仕在官。有名績矣。解官後。作園江寧西城居之。曰隨園。世稱隨園先生。乃尤著云。祖諱錡。考諱濱。叔父鴻。皆以貧遊幕四方。君之少也。爲學自成。年二十一。自錢塘至廣西。省叔父於巡撫幕中。巡撫金公鉉。一見異之。試以銅鼓賦。立就。甚瑰麗。會開博學鴻詞科。即舉君。時舉二百餘人。惟君最少。及試報罷。中乾隆戊午^三科順天鄉試。次年成進士。改庶吉士。散館^四。又改發江南爲知縣。最後調江寧知縣。江寧故巨邑。難治。時尹文端公^五爲總督。最知君才。君亦遇事盡其能。無所回避。事無不舉矣。既而去職家居。再起發陝西。甫及陝。遭父喪歸。終居江寧。君本以文章入翰林有聲。而忽擯外。及爲知縣著才矣。而仕卒不進。自陝歸。年甫四十。遂絕意仕宦。盡其才以爲文辭歌詩。足迹造東南山水佳處皆徧。其瑰

奇幽邈。一發於文章。以自喜其意。四方士至江南。必造隨園投詩文。幾無虛日。君園館花竹水石。幽深靜麗。至櫺檻器具。皆精好。所以待賓客者甚盛。與人留連不倦。見人善。稱之不容口。後進少年詩文。一言之美。君必能舉其詞。爲人誦焉。君古文四六體。皆能自發其思。通乎古法。於爲詩尤縱才力所至。世人心所欲出不能達者。悉爲達之。士多倣其體。故隨園詩文集。上自朝廷公卿。下至市井負販。皆知貴重之。海外琉球。有來求其書者。君仕雖不顯。而世謂百餘年來極山林之樂。獲文章之名。蓋未有及君也。君始出。試爲溧水令。其考自浙來縣治。疑子年少。無吏能。試匿名訪諸野。皆曰。吾邑有年少袁知縣。乃大好官也。考乃喜。入官舍。在江寧。嘗朝治事。夜召士飲酒賦詩。而尤多名蹟。江寧市中以所判事。作歌曲。刻行四方。君以爲不足道。後絕不欲人述其吏治云。君卒於嘉慶二年十一月十七日。年八十二。夫人王氏無子。撫從父弟樹子通爲子。既而側室鍾氏又生子遲。孫二。曰初。曰禧。始君葬父母於所居小倉山北。遺命以己祔。嘉慶三年十二月乙卯。祔葬小倉山墓左。桐城姚鼐以君與先世有交。而鼐居江寧。從君遊最久。君歿。遂爲之銘曰。

粵有耆龐。才博以豐。出不可窮。匪雕而工。文士是宗。名越海邦。藹如其沖。其產越中。載官倚江。以老以終。兩世阡同。銘是幽宮。

〔註音〕(鐵)音供(橋)音靈

〔釋義〕(一)錢塘縣名。舊與仁和同爲杭州府治。今併爲浙江杭縣。(二)銅鼓。古蠻人所用。南邊土中時有掘得者。如坐墩而空其下。滿鼓皆細花紋。四角有小蟾蜍。兩人昇行。拊之。聲似鞀鼓。(三)乾隆戊午。清高宗三年。(四)清制。翰林院庶吉士。讀書三年。期滿。舉行散館考試。謂期滿解散而考試之也。留館者授館職。其次改用主事。知縣等官有差。(五)尹文端公。名繼善。姓章佳氏。字元長。號望仙。滿洲人。官至大學士。(六)琉球。在日本南。臺灣之東北。明以後始通中國。受冊封。清光緒初。日本廢琉球王。改其地爲沖繩縣。(七)溧水。縣名。屬江蘇省。(八)小倉山。在江寧縣北。清涼山之支阜。隨園卽在其上。(九)附。合葬也。今謂子孫葬於先塋。爲附葬。(一〇)耆龐。謂老成厚大也。(一一)倚江。指江寧。

〔評語〕雅潔。

姚姬傳博山知縣武君墓表

乾隆五十七年。當和珅秉政。兼步軍統領。遣提督番役至山東。有所訶察。其役攜徒衆。持兵刃。於民間陵虐爲暴。歷數縣。莫敢何問。至青州博山縣。方飲博恣肆。知縣武君。聞卽捕之。至庭不跪。以牌示知縣曰。吾提督差也。君詰曰。牌令汝合地方官捕盜。汝來三日。何不見吾。且牌止差二人。而率多徒何也。卽擒而杖之。民皆爲快。而大吏大駭。卽以杖提督差役參奏。副奏投和珅。而番役例不得出京城。和珅還其奏。使易。於是以妄杖平民。劾革武君職。博山民老弱。謁大府留君者千數。卒不獲。然和珅遂亦不使番役再出。當時苟無武君阻之。其役再歷數府縣。爲害未知所極也。武君雖一令。而功固及天下矣。君諱億。字虛谷。偃師人。乾隆四十五年進士。其任

博山縣。及去官。才七月。而多善政。民以其去流涕。君自是居貧。常於他縣主書院。讀經史。考證金石文。多精論明義。著書數百卷。今皇帝^一在藩邸。聞君名。及親政。召君將用之。而君先卒矣。君卒以嘉慶四年十月二十九日。年五十五。余與君未及識。第聞其行事。讀其著述。今遇君子穆淳於江寧。為文使歸揭諸墓上。君行足稱者猶多。而非關天下利害。茲不著。嘉慶十八年二月。桐城姚鼐表。

〔註音〕(詞)讀如綱

〔釋義〕(一)博山。縣名。屬山東省。(二)步軍統領。掌京城內外門禁。統率八旗步軍五營。又稱九門提督。

(三)番役。捕役也。(四)詞察。刺探也。(五)青州。府名。屬山東。民國廢。今益都縣。其舊治也。(六)時和。專權。奏事者

必備副奏。以備瑣閱。(七)偃師。縣名。屬河南省。(八)書院之長。舊稱山長。主評文字。(九)鐘鼎碑碣。古人多鐫勒

文字。又或紀事實戒。銘諸金石。後人搜採著錄。遂為專門之學。(一〇)今皇帝。指嘉慶。(一一)藩邸。藩王之邸第。

〔評語〕著墨不多。精光炯然。

姚姬傳贈文林郎鎮安縣知縣婺源黃君墓誌銘

婺源之黃村有孝子。曰黃君獎。字譽侯。君之祖曰大珙^{*}。考曰鴻。其祖以上。蓋嘗富矣。至其考而大落。兄弟皆無以生。遠為幕客於蜀中。去時君數歲。十餘年不通問。君冠。乃走蜀求其父。備經艱困。得見於重慶^四。父已病風痺^五矣。君乃於重慶一石崖中居。以課童子為養。踰年父終。無貲。不能以喪歸。始其父募得巴縣^六江北地為義阡。及歿。君遂葬之於巴。成家立碑而去。依其世父。未幾其世父亦死。君自是流離漂泊。於川東西無不至。常於峨眉^七

重嶺中。值大雪。迷道。入無人地。飢不能行。自分必死。忽一丈夫至。予之菽麥餅數枚。曰。竟此。可以至通路矣。由是得生。遇歙商謝氏。素知君孝。延爲童子師。卒從謝氏得東下江南。至蕪湖。君時年已六十矣。始娶婦於蕪湖顏氏。而同歸婺源。其母程孺人已前卒。祖以下猶有期功親六人。未幾盡喪。君拮据營其喪葬。其妻顏孺人亦賢女。與同敝屋。忍飢凍而樂爲善。僅一子。能讀矣。則課之甚嚴。如是十餘年。子輝以拔貢生入都廷試。特命爲陝西知縣。遂以鎮安縣知縣覃恩封君及顏孺人。輝乃請養以歸。歸後又三年。爲乾隆四十七年。七月二十八日君卒。年九十有六。又後二十一年。爲嘉慶八年。正月十九日。顏孺人卒。年八十有六。嗟乎。如君生平所遭困厄。且數十年。使竟隕喪。或雖不死而無後。則世亦無由知君矣。而卒於衰老之後。得妻子。身以上壽終者。天之欲表潛德也。夫天且重之。而況人乎。君子輝以某年月日。葬君某原。姚鼎爲之銘。銘曰。
陟山沂水。求親萬里。以瀕於死。身危家圯。茹荼若醴。卒以有子。升爲命士。述之可唏。揚之無既。

【註音】(珙)古勇切(瘵)音界(輝)音揮(沂)同溯(圯)部鄙切(唏)虛豈切

【釋義】(一)文林郎。清七品文階封職。(二)鎮安縣。屬陝西省。(三)婺源。縣名。屬安徽省。(四)重慶。舊府名。

即今四川巴縣。(五)風痺。中風病也。(六)巴縣。屬四川省。(七)峨眉。山名。在四川峨眉縣。(八)期功。喪服。一歲爲期。大功九月。小功三月。(九)拮据。手病也。〔詩〕予手拮据。〔疏〕謂以手爪搗持草也。俗亦謂境況窘迫曰拮据。

（一〇）覃恩。謂朝廷遇有慶典。施恩於下。（一一）潛德。謂人所不知之美德也。（一二）沂。逆流而上也。（一三）茶。苦菜。（一四）唏。哀而不泣。

姚姬傳蔣君墓碣

君諱知廉。字用取。翰林院編修鉛山蔣心餘^二先生士銓之長子也。編修以才稱天下矣。君少。繼有才名。能文。工作書。乾隆四十一年。爲選拔貢生。從編修京師。編修大病。割臂和藥。一進而愈。君鄉試屢不錄。以謄錄勞授州同知^三。發山東。署臨清州同知^四。吏事甚辦。辦獲盜之。不實者。執之力。卒獲真盜。果如君言。值水澇^{*五}。君行視救溺者。中濕。未幾卒。年四十。乾隆五十六年也。當余在揚州時。編修君赴都。過揚州。相見。君以拔貢將入試。與其弟偕從。時丹徒王侍讀^六有家僮善歌吹笛。而編修工爲曲。嘗成曲。俾以笛歌。吾曹相從飲酒。聽歌極樂。以君年少。不呼使與也。第見編修有子英秀侍側。共言其可慶而已。後未十年。聞編修歸里旋歿。又數年而君亡。余頃居江寧。君之子立中。來求爲文紀君。其年已逾君始遇余之年矣。人世之速。而才者之不可留如此。悲夫。君才旣足稱。歿後。其幼子立萬之生母賈氏。卒緘以從。今從君葬。是亦可紀。而余又感思生平故舊。乃書其略。俾立中碣君墓上。云。嘉慶二三年十月。桐城姚鼐書。

【註音】（澇）勞去聲

【釋義】（一）鉛山。縣名。屬江西省。

（二）蔣心餘。名士銓。一字蒼生。號清容。與袁子才。趙甌北。齊名。著有忠雅

堂詩文集。性嗜詞曲。有九種曲行世。(三)同知。官名。清於州置同知。府同知卽以同知爲官稱。州同知。則稱州同。
(四)臨清。清直隸州。屬山東。民國改爲縣。(五)潞。水淹也。(六)丹徒。縣名。屬江蘇省。(七)王侍讀。名文治。號夢樓。
好音律。有家樂。

姚姬傳亡弟君俞厝銘

先贈大夫三子。長鼎。次訐。次鼎。訐字君俞。幼於余八歲。嘗以一鐙環坐三人而讀書。其時家貧甚。中夜。余歎以爲聚讀之樂。不可得而長也。君俞聞而悲獨甚。余二十二歲。授讀四方以爲養。旣孤。又仕京師。使兩弟侍太恭人於家。久者十年。或四五年。兄弟不相見。君俞獨以應順天鄉試。聞入都。每來。學加充。識加明。行加慎。余輒喜。其初病日。幾瞽。及愈而作真行書甚工。余益以喜。然君俞數困場屋。後以監生試吏部。得吏目職。二於是君俞意彌不懌。值南昌李侍郎督學浙江。邀之同往。侍郎事或不當。君俞輒諫之。其夫人聞之太息。而稱爲益友也。君俞聞余歸里。遂亦歸。逾年丙午歲夏三六月。感暑疾。初如甚微。夜不能言。旦遂歿。嗚呼。余不孝不友。不能亢其家。四君俞存。余冀其有以爲太恭人慰也。君俞亡。余其斷棄也已。君俞娶張氏。再娶倪氏。一子三歲。名曰恩。余惡知能卒使其成立邪。銘曰。貌碩以豐。氣寬以有容。宜達而窮。閱期卅*入而奄終。天平人乎。宗之不振乎。厝汝以近先君乎。知我言哀者鬼神乎。

【註音】(卅)悉合切

〔釋義〕 (一) 恭人。婦人四品封號。 (二) 吏目。官名。清於太醫院兵馬司。及各州置吏目。其職事。除太醫院吏目。與醫士相同外。其兵馬司。各州吏目。皆掌緝捕盜賊。防獄囚。典簿籍。 (三) 丙午。清高宗乾隆五十一年。 (四) 亢家。猶言亢宗。本作蔽護意。後人用爲光大意。

姚姬傳建昌新城陳母楊太夫人墓誌銘

太夫人建昌新城楊氏贈朝議大夫諱大柄之女。適同邑陳氏。舅曰贈資政大夫諱世爵。姑曰魯太夫人。夫曰乾隆戊辰科進士封資政大夫諱道子五。曰分巡金衢嚴道守誠。太平府知府守貽。舉人候選內閣中書守中。江蘇按察使守訓。舉人候選中書守譽。女三。壻曰舉人內閣中書楊尙鏞。監生涂志紘。魯勳。孫二十四。曾孫二十七。玄孫三。封大夫以學行稱於世。成進士後。不仕而修於家。世謂之凝齋先生。太夫人之始歸也。能承舅姑以得其歡。能任家事以佐凝齋。使專志以成其業。存能事以禮。亡能述其志。以厲其子孫。子仕爲司道郡守矣。太夫人能持禮法於家。衣服飲食。不侈以踰。以廉正勗其子者。見則數言。遠則數書。於族黨之貧者。能約己而厚恤之。年七十時。諸子方謀爲樂飲燕會。太夫人使止。而以其財設義倉。於近鄉以濟農者。凝齋先生講學。守宋儒法。不言仙佛。太夫人亦樂善而不取福田利益之說。後凝齋三十年而卒。爲乾隆五十五年十一月十日。年八十四。其時長子觀察。四子提刑。先喪。而太夫人顧目見其孫觀。曾孫

希祖皆成進士爲部主事孫煦吉冠會孫希會皆爲舉人而希會爲江西鄉試榜第一太夫人歿後三年以第三人及第爲編修其餘多文學可觀者人謂封大夫及太夫人植德不懈足興其家宜其後之昌也乾隆五十九年某月日合祔封大夫墓余於太夫人子知其伯仲少客南昌及見凝齋先生而太夫人孫用光從余學爲文故得其家世素行宜爲之銘銘曰維清有道天予鉅祿帝見玄孫福錫四方母儀江嶺秉德柔正秀茁會玄國庥家慶夫以儒興子有治聲慈惠鄉閭人樂其榮荷塘之野大夫之墓山周水回宜祔永固

〔註音〕(統)音宏(絛)方鳩切(勳)如陽切(茁)音札

〔釋義〕(一)清制婦人一品二品皆稱夫人(二)朝議大夫清制從四品之稱(三)資政大夫清制正二品之稱(四)乾隆戊辰清高宗十三年(五)分巡金衢嚴道言爲清時浙江金華衢州嚴州三府之道員(六)太平府屬安徽民國廢今當塗縣其舊治(七)隋文帝時長孫平請令民間每秋家出粟麥一石儲之閭巷以備凶年名曰義倉(八)釋氏以敬三寶之德爲敬田報君父之恩爲恩田憐貧者爲悲田此三種謂之福田(九)觀察卽道員(一〇)提刑按察之稱宋置提點刑獄官明清爲提刑按察使(一一)部主事官名明清六部各置主事位次員外郎(一二)清乾隆五十年正月丙寅帝以新舉玄孫命各省撫查明所屬紳士有身及五代同堂者加賞恩賚(一三)母儀爲人母之儀則也(一四)茁草初生貌

姚姬傳章母黃太恭人墓誌銘

太恭人桐城黃氏處士諱貞吉之女適章氏爲贈中憲大夫松太兵備道諱某之冢婦贈中憲大夫松太兵備道諱天祐之妻生二子長曰東桂爲

候選州同知。次日攀桂。爲江蘇松太兵備道。獲以其官贈祖考以太恭人封妣者也。太恭人年三十三而寡。舅姑老且疾矣。而子甚幼。逾十餘年。又喪夫之弟。太恭人能晝夜勤苦操作以殖其產。又能上盡奉養以及舅姑之終。下撫教稚弱以至於壯。祀先人。調親舊。應賓客。皆盡恩誼。人謂章氏一婦任二子事也。其後攀桂仕爲渭源知縣。擢知鎮江江寧府。監司蘇松。皆迎太恭人於官舍。諸孫屢與鄉舉矣。人皆榮之。太恭人被服自奉之具。不加於其素。而修治先廟墓。餽遺族黨。濟人乏匱。則每進而廣焉。乾隆五十年。江淮大旱。民死亡相繼。太恭人適在里。覩大哀之。盡分藏廩於族戚故舊。以書速子於浙江。購山芋^七玉米^八數千石。雜錢米濟賑。所費萬金。攀桂迎之官。不可。曰吾去。若飢者何。於是攀桂亦遂請養歸。逾再期。乾隆五十二年冬十二月。太恭人卒。年八十有一。卒而來哭者填戶。曰微夫人。吾死久矣。孫五。曰夢。橘甫。維極。維桓。維棟。曾孫四。初。太恭人頗通形家^九說。與其子營葬夫贈中憲於縣東南蟾^{*}子湖之北原。命曰。異日勿啓柩以驚神靈。其子乃爲卜宅於縣西二姑峯之麓。登其巔以嚮蟾子之湖。明如趾下。太恭人乃喜。以卒之次年十二月某日葬。銘曰。施則侈也。於己苟完。有子承之。其惠以殫。山之嶽也。中有原。趾出石泉湛甘寒。首於西北嚮東南間。德人居之固且安。載辭堅石永不刊。

【註音】(調)音周(嬉)音喜(嶽)音欽
 【釋義】(一)恭人。婦人四品之稱。(二)中憲大夫。清正四品之稱。(三)清時松江府太倉州設有兵備道。
 (四)調。給也。瞻也。(五)涇源。縣名。屬甘肅省。(六)監察州郡之官曰監司。亦曰憲司。清代則通稱司道為監司。(七)
 山芋。即山藟。亦名番薯。(八)玉米。即玉蜀黍。江南呼為珍珠米。(九)形家。即今之相陰陽墓宅者。(一〇)嶽。山勢聳
 立貌。





惲子居先賢仲子廟立石文

嘉慶十六年七月丁丑。江西瑞金縣知縣惲敬。謹立石先賢仲子廟之庭中而刻文曰。昔者仲子仕於衛大夫孔悝。*二衛靈公出亡之世子蒯聵。*爭其子出公輒之國。執孔悝以求立。仲子死焉。後儒竊有異議者。敬以爲不然。請爲主客之辭。以盡其事之勢與義。而折其衷於孔子。按史記孔子世家。三魯哀公六年。孔子自楚反衛。此去楚之年也。十一諸侯年表。四哀公八年。孔子至衛。此至衛之年也。其時當出公之六年。出公之定爲君久矣。則試問出公之定爲君。義乎不義乎。則謹應之曰。左傳靈公之謂公子郢也。五曰。予無子。是靈公未赦蒯聵也。蒯聵不得自爲赦也。曰。將立女。是靈公不以蒯聵爲世子也。蒯聵不得自居於世子也。然則春秋之書衛世子奈何。曰。蒯聵之出亡。以將殺南子也。靈公蓋爲南子諱焉。未嘗以廢告諸侯也。春秋用史官之法。蒯聵之書世子。宜也。雖然。靈公之心。則以爲廢之云爾。人子者。心父母之心。斷斷不宜自居於世子。是故蒯聵不宜立者也。宜立者。出公而已。立公子郢。非法也。問出公之拒父何如。則謹應之曰。出公未嘗拒父也。衛靈公生於魯昭公二年。其卒年四十七。而蒯聵爲其子。出公爲其

子之子。蒯瞶先有姊衛姬。度出公之卽位也。內外十歲耳。元年。蒯瞶入戚。一二年春。圍戚。衛之臣石曼姑等爲之。非出公也。出公長而勢已不可爲矣。歸罪出公。從君之辭也。問石曼姑之拒蒯瞶何如。則謹應之曰。蒯瞶者。非石曼姑之所宜拒也。蒯瞶得罪靈公。靈公可以父絕之。出公不得以子絕之。是故蒯瞶不可爲衛之君。而可爲衛君之父。所以定靈公蒯瞶父子也。可爲衛君之父。所以定蒯瞶出公父子也。孔子曰。必也正名乎。正靈公父子之名。則蒯瞶宜逐。宜逐奈何。終身不入國可也。正蒯瞶父子之名。則出公不宜拒。不宜拒奈何。蒯瞶在戚。出公以國養可也。以是言之。出公之定爲君無過也。定爲君無過。斯仕於出公者無過也。仕於孔悝者亦無過也。則試問高子之不死何如。則謹應之曰。高子公臣也。士師也。蒯瞶之入。高子無軍師之謀。故無死事之義。無親暱之任。故無從亡之義。孔子曰。柴也其來。以此也。則試問仲子之死何如。則謹應之曰。仲子家臣也。邑宰也。以孔悝爲主君。視其禍而不知救。禮歟。孔子之於衛也。蒯瞶與其亡。不與其爭。出公與其立。亦不與其爭。是故蒯瞶之入。出公之亡。仲子不與也。曰。太子焉用孔叔。曰。必舍孔叔。知有孔悝而已。所謂食焉。不避其難也。孔子曰。由也其死。以此也。夫以一聖知二賢。豈有不揆於義。以其愚而決其來。以其勇而決其死哉。且夫聖人之道。五倫而已。不辨於君臣。

則父子兄弟夫婦朋友之倫不序。不辨於去就死生。則君臣之倫不明。君臣之始事。去就為大。君臣之終事。死生為大。仲子之仕孔悝也。君子將以推明乎去就之義。其死孔悝之難也。君子將以求當乎死生之仁。顏淵死。子曰。天喪予。天喪予。子路死。子曰。天祝予。天祝予。曾是以去就死生之不辨。而冒然為之者。此後儒之過言也。世之為聖人之徒者。其視茲刻焉。

【註音】(悝)音恢(贖)讀如償

【釋義】(一)仲子。即仲由。孔子弟子。時為孔氏邑宰。蒯贖之入。孔悝被執。仲子死焉。事見《左哀十五年》。

(二)孔悝。孔圉之子。《左傳》衛孔圉娶太子蒯贖之姊生悝。(三)孔子世家。史記篇名。(四)十二諸侯年表。亦史記篇名。(五)公子郢。靈公庶子。蒯贖出奔。公欲立之。靈公卒。郢不受而讓輒。事見《左哀二年》。(六)《春秋哀十六年》。衛世子蒯贖自戚入於衛。(七)南子。衛靈公夫人。有淫行。太子蒯贖欲殺之。不克而出奔。事見《左定十四年》。(八)衛姬。孔悝母。蒯贖藉之以入國。(九)石曼姑。衛大夫。《左傳哀公二年》。衛石曼姑帥師圍戚。(一〇)高子。名柴。字子羔。孔子弟子。時為衛大夫。不死其難。(一一)春秋時凡仕於大夫者稱家臣。(一二)食焉不避其難。子路當時語。(一三)天喪予。孔子喪顏淵語。見《論語》。(一四)祝。斷也。讀如字。言不得子路為輔佐而已亦將亡也。語見《公羊傳》。

惲子居新喻縣文昌宮碑銘

嘉慶六年九月二十六日。江西省臨江府新喻縣。奉本府正堂牌開。為移咨事。轉奉布政使司奉巡撫部院准禮部咨議奏文昌帝君。仿照崇祀關帝典禮致祭一摺。奉旨依議欽此。移咨遵照辦理等因。到縣。該縣每年春秋祀文昌帝君。動地丁銀二十六兩。牛一。羊一。豕一。登一。^{*六}銅一。^{*七}簋一。^{*八}籩各一。籩豆各十。鑪一。鐙一。帛一。香盤一。尊一。爵三。承祭官朝服行三跪九叩禮。

祀文昌帝君三代。羊一。豕一。豈一。劔二。簋簋各一。籩豆各八。鑪一。鐙二。帛
 三。香盤三。尊二。爵九。承祭官行二跪六叩禮。時敬奉檄襄文武鄉試。在南
 昌。十二月十一日。回縣任事。與儒學訓導胡君。暨縣中同官。屬摺紳先生
 耆老。謀所以安神者。於是筮地得吉於虎鬪山至聖先師廟之西偏。為門
 三楹。東西塾為殿三楹。序夾室階陳皆備。祀文昌帝君。少後為殿三楹。祀
 文昌帝君三代為位。於八年四月戊辰。越翼日己巳。落其成。斲龔丹腹如
 禮。是日。肇祀於新宮。牲脔酒馨。旌旄從風。羣執事給敏以暇。終事益虔。環
 門而觀者。忻舞相告。喝喝於廣術。皆知神之具醉飽。而有以福吾喻之人
 也。敬肅受嘉胙。爰揚厥美。刻之廟石。而系以詩。詩曰。
 油油清渝。虎鬪其坻。倚厓為牆。蕩蕩持持。鬻門居陸。煥乎樓軫。其修五雉。
 畫霞為畛。作宮於旁。維神則宜。我父我子。協於筵著。乃糾乃斂。乃削其坪。
 其廷則直。乃碣乃楹。庖犧肆醴。業篋之所。自門而階。而堂而戶。緜緜文學。
 弟子具來。役夫不勞。不匱於財。維神聰明。欽其信直。登筵憑几。強飲強食。
 維吾喻民。各服其疇。禾麥茂茂。滿吾車篝。維吾喻民。舟車所通。伐梓捕鯉。
 以有以豐。維神之職。厥曰司祿。維吾喻士。以貞延福。天子之德。際天並海。
 維神相之。便章同軌。吾喻一隅。如冶待型。千山萬仞。尺鼎先成。小大稽首。
 荷神之庥。於萬斯年。毋怠毋尤。

〔註音〕(登)等平聲(劍)音刑(簠)音甫(簋)音晏(鬲)苦濫切(壺)音籠(腹)烏郭切(甗)音突(喙)魚容切(坻)陳知切(鬻)音橫(陸)音店(筵)音庭(著)音尸(坪)音平(碣)音昔(簾)音巨(幡)音婆(籥)音溝(卮)古礦字(於)音烏

〔釋義〕(一)新喻縣屬江西省。(二)文昌神名。世稱梓潼帝君。(三)移咨。官文書名。(四)關帝。神名。蜀漢關羽。明萬曆中封協天護國忠義大帝。省稱關帝。(五)清康熙十五年。以丁賦攤入地賦。稱地丁。(六)爾雅釋器。瓦豆謂之登。(七)銅。鑊器。(八)簠。宗廟盛黍稷之器。(九)邊豆。古禮器。邊。編竹為之。豆。刻木為之。(一〇)明嘉靖二十七年。用張孚敬等議。釐正祀典。稱孔子為至聖先師。(一一)家廟中藏祧主之室曰夾室。見清通禮。(一二)堂。途謂之陳。傳云。陳者。北堂階。其南接門內。雷。(一三)晉語。趙父子為室。斲其椽而襲之。(一四)丹腹。油漆所用之顏料。(一五)脂。肥也。(一六)喙。喙。聲相和也。(一七)廣術。邑中大道也。(一八)胙。祭肉。(一九)油油。光悅貌。(二〇)清渝。縣以渝水得名。二國吳時。為新渝縣。改渝為渝。自元始。(二一)虎闕。山名。在縣治南。屹臨渝水。勢如虎踞。(二二)坻。澤障也。(二三)蕩蕩。廣大貌。(二四)持持。猶言持重之意。謂端凝貌。(二五)寶門。學宮之門。(二六)陸。下也。(二七)軫。盤曲也。言樓之盤曲也。(二八)長三丈高一丈為雉。(二九)畛。界限也。(三〇)楚人結草折竹。卜曰筵筭。見楚辭。著。草名。中庸注。著所以筵。(三一)坪。地平處也。(三二)碣。柱下石。(三三)庖犧。古帝名。亦作伏羲。教民佃漁牧畜。養犧牲以充庖廚。故名。(三四)業。大版也。懸鐘鼓之木。直者曰簾。橫者曰柶。業以覆之。(三五)幡幡。鬢白貌。(三六)禮考工記。梓人祭侯之辭曰。強飲強食。貽女會孫。諸侯百福。(三七)籥。籥也。史記滑稽列傳。甌篥滿籥。汗邪滿車。言年之豐也。(三八)司祿。神名。周禮。若祭天之司民司祿。注。司祿。文昌第六星。

惲子居文昌宮碑陰錄

古者天子祀天地社稷宗廟五祀而已。祭法。有天下者祭百神。山林川谷。邱陵是也。周官大宗伯以醴辜祭四方百物。入蜡是也。漢用方士之說。祀典多無稽。後世佛氏日昌。所祀神皆託之西域。及所謂四天下焉。道士生中土。祖方士之言。效佛氏為誑誘。陶弘景寇謙之。杜光庭諸人。妄構真靈。紀官纂職。復舉中土君臣之名迹。及叢祠淫鬼。錯入徵之。其說至後世。益

乖歧無可信考者。文昌帝君之祀。不知其所始。崔鴻二後秦錄。姚萇一三隨楊安一四伐蜀。至梓潼嶺*一五見一神人謂之曰。君早還秦。秦無主。其在君乎。萇請其姓氏。曰張惡子也。後據秦稱帝。卽其地立張相公廟祠之。常璩*一六華陽國志。梓潼縣一八善版祠。一名惡子。民歲上雷杵*一九十枚。璩志終於永和二年。在萇稱帝前五十年。是萇之前已祀惡子矣。唐封順濟王。宋改封英顯王。元以道士之說。封輔元開化文昌司錄宏仁帝君。於是山經地志。稗乘外書。附會不經之辭。布滿天下。道士悉刺取之。以意牽合。錄爲化書。而學士大夫之好怪者。竊其妄說。捕聲附影。曠聽瞽說。嗚呼。可謂不祥也已。在前明之季年。大臣議禮者。以爲宜罷其祀。是又不然。夫王者受命。進退羣神之祀。凡以爲民已耳。其合乎天神地祇人鬼之典法者。秩宗二三之所掌。縫掖諸生之所誦習。百世不廢者也。其不合乎天神地祇人鬼之典法。而能見靈爽爲徵驗。捍禦水旱兵革。爲天下所奔走。王者亦秩而祀之。所以從民望也。本朝承平既久。上下以休養爲福。愚氓積煽。遂盜兵戈。今全蜀就平。楚陝亦靖。皇帝以文昌帝君爲蜀之神。歸功底定。祇闕*二五其祀。有司考定禮樂。頒之*二六四。挺意以天下爲集寧。則將士之宣力不暇。百姓之效順也。然以天下之大。智者愚者。皆赫然於天人之交際。百神之呵護。則國家之大社。百世之所以治安也。敬以愚瞽*二七隨肩州縣下吏。無以仰輔朝廷之制作。竊以私見

鄙識。窺測萬一如此。若夫道士所言。如里巫巷祝。視鬼造妖。以惑蚩蚩者^{二七}之視聽。豈足信哉。豈足信哉。敬以其行世已久。恐爲大蔽。爰取其太甚者條辨之。列於左方。使天下知朝廷所以祀文昌帝君。在彼不在此。庶幾后夔伯夷之倫。所是許焉。

王氏見聞錄。雋州越雋縣^{二九}張翁畜蛇。令欲殺之。一夕雷電。縣陷爲巨湫。蛇爲陷河神張惡子。謹按梓潼嶺卽七曲山。華陽國志五丁迎秦女^{三〇}見蛇挫之。山崩卽其地也。因五丁之說。附會蛇爲梓潼嶺之神。遂取邛都^{三一}地陷之說益之。卽見聞錄所傳是也。考後漢書西南夷傳。武帝初置邛都縣無幾。而地陷爲汚澤。因名爲邛池。無陷河神之說。邛都至隋始改爲越雋縣。見聞錄之言。其出隋唐間野人歟。又明一統志。稱神爲越雋人報讎。避居梓潼。蓋始以神附會爲蛇。繼復以蛇附會爲人。化書又託之戚夫人趙王如意^{三二}。皆可謂無忌憚也。

太平寰宇記濟順王本張惡子晉人。戰死而廟存。文獻通考^{三四}從之。謹按華陽國志元和郡國志^{三五}。俱無晉人戰死之說。是後人以秣陵尉蔣子文^{三六}戰死爲神附會之無疑。路史黃帝子揮造弓矢。受封於張爲張氏。詩傳^{三九}張仲賢臣也。箋吉甫之友也。化書以張仲著於詩。附會神爲張仲。且以爲張宿^{四一}之精。謹按史記天官書。張素爲廚主觴客。晉書天文志。張六星

主珍寶宗廟所用及衣服。於張氏何與耶。於張仲之孝友何與耶。西陽雜俎^{四二}天翁姓張名堅。竊騎劉天翁白龍至元宮。易百官。劉天翁失治。爲太山守。是張角^{四三}謀代漢之妖言也。竈神姓張名單。有六女皆名察。以張爲廚。故竈神張姓。張六星故神六女。皆妖言不可從。

晉書天文志。文昌六星在北斗魁前。天之六府也。四曰司祿。司中。司隸。賞功進。與天官書四曰司命。五曰司中。六曰司祿。不同。星經又曰六曰司法。蓋古之言天者。以四獸配四時。占生殺。其附天樞者。皆占宮廷。命名徵驗。取近是而已。化書既以文昌帝君爲魁前之司祿。又以爲外垣^{四四}之上相。吾誰欺。欺天平。蓋唐宋之時。士大夫及進士過梓潼嶺得選者。皆爲宰相。得殿魁。如鐵圍山叢談^{四五}所記多矣。妄者遂有司祿之說。其尤妄者。證以星之司祿。並尊以星之上相。以相煽動。而不知二星之不相屬也。本朝朱錫鬯^{四六}氏求其說而不得。謂文昌祀蜀之文翁^{四七}。何其益誕耶。說文魁。羹斗也。從斗鬼聲。臣鍇^{*}曰。謂斗首爲魁。柄爲標也。蓋器名耳。星象之取北斗南斗小斗中斗同名。皆以首爲魁。柄爲標。於是轉訓爲首者爲魁。漢書里魁黨魁是也。復轉訓試名之冠其曹者爲魁。老學菴筆記^{四八}宋元憲夢大魁天下。揮塵錄^{四九}呂文穆等以大魁至鼎席是也。今乃以斗倚鬼爲魁星之神。復以文昌在斗魁之前而祀之於文昌宮。大可^{五一}攷

也。其他如化書所言以白羸進僖宗。乃因明皇青羸入蜀而附會之。朱衣神則因歐陽文忠公而附會之。不知侯鯖錄所言。乃刺關節者得售。以誣文忠。不可訓也。

〔註音〕(羸)音通(蜡)助駕切(潼)音同(璩)音渠(杵)出語切(祗)音脂(闕)音秘(埏)音延(瞿)音茂(禱)息委切(批)音裔(錯)音楷(塵)音主(坎)音矧(羸)落戈切

〔釋義〕(一)五祀。始見〔禮祭法〕其說有五。一為句芒、蓐收、玄冥、祝融、后土是也。一為門、行、戶、竈、中霤是也。一為司命、中霤、門、行、厲是也。一為門、井、戶、竈、中霤是也。一為禘、郊、宗、祖、報是也。(三)周禮六官。春官曰大宗伯。

(三)〔周禮〕以醴辜祭四方百物。〔注〕醴。劈牲胸也。醴而醢之。謂用牲者。既劈其胸。更析其體也。(四)八蜡。先嗇。司嗇。農、郵、表、畷、貓、虎、坊、水、庸、昆、蟲。詳〔禮郊特牲〕。(五)方士。方術之士。講求神仙燒金丹。及祈禳禁呪諸術。(六)四天下。即四大洲。東勝身洲。南瞻部洲。西牛貨洲。北俱盧洲。(七)陶弘景。字通明。齊梁秣陵人。好神仙。稱華陽真人。

(八)寇謙之。魏昌平人。遇仙成功。與藥服之。遂成仙。(九)杜光庭。唐縉雲人。入天台山學道。應制為道門領袖。後封廣成先生。(一〇)真靈。神仙之別稱。道家有真靈位業圖。分紀神仙所居之位。所任之職。(一一)叢祠。謂荒祠也。

(一二)崔鴻。南北清河人。博綜經史。撰有十六國春秋等書。(一三)姚萇。晉赤亭人。羌種。殺苻堅自立。為後秦主。(一四)楊安。前秦苻堅將。(一五)梓潼嶺。在四川梓潼縣境。(一六)常璩。晉人。撰華陽國志二十卷。(一七)華陽。縣名。舊為四川成都府治。屬西川道。(一八)梓潼縣。屬四川省。(一九)杵。春杵也。雷神所執者。故曰電杵。(二〇)永和。晉穆帝年號。(二一)刺。採取也。(二二)化書。南唐譚峭撰。宋齊丘攘為己作。亦名齊丘子。凡六篇。大旨多出黃老。而附合儒言。(二三)秩宗。唐虞時禮官。(二四)縫掖。儒衣。〔禮儒行〕丘少居魯。衣縫掖之衣。(二五)祗。敬也。闕。慎也。(二六)埏。地際也。(二七)黃蚩。敦厚貌。(二八)后夔。伯夷。皆堯臣。夔典樂。伯典禮。(二九)嵩州。舊廳名。屬四川省。民國廢。越嶲縣。屬四川省。(三〇)五丁。力士也。〔蜀王本紀〕天為蜀王生五丁。力士能徙山。秦王獻美女於蜀王。王遣五丁迎女。見一大蛇入山穴中。五丁共引蛇。山崩。壓殺五丁。化為石。(三一)邛都。古國名。在今四川西昌縣東南。(三二)戚夫人。漢高祖之寵姬。生趙王如意。後為呂后所殘殺。(三三)太平寰宇記。宋樂史撰。(三四)文獻通考。元馬端臨撰。(三五)元和郡國志。唐李吉甫撰。(三六)蔣子文。漢末為秣陵尉。逐盜山中。傷額而死。後封蔣侯。(三七)路史。宋羅泌撰。(三八)〔唐書世系表〕黃帝子少昊青陽氏第五子。揮為弓正。賜姓張。(三九)張仲。周賢臣。性孝。與君吉甫為友。(四〇)吉甫。姓尹。周大夫。(四一)張宿。二十八宿之一。(四二)酉陽雜俎。唐段成式撰。(四三)張角。漢末鉅鹿人。奉事黃老。聚眾數十萬。時人謂

之黃巾賊。(四)星有三垣。曰紫微垣。太微垣。天市垣。外垣。指太微垣言。(五)鐵圍山叢談。宋蔡條撰。(六)朱錫鬯。名彝尊。(七)文翁。漢舒人。景帝末爲蜀郡守。治化大行。蜀民感之。(八)老學菴筆記。宋陸游撰。(九)揮塵錄。宋王明清撰。(十)呂文穆。名蒙正。字聖功。宋河南人。擢進士第一。累官至太子太師。封許國公。(十一)笑不壞顏曰狄。見(說文)。(十二)侯鯖錄。宋趙令時撰。

惲子居都昌元將軍碑銘

天下有形必有神。而有血氣者最驗。有血氣之中。毛羽鱗介。並在五蟲^三。而人爲最驗。人之骨肉筋血毛髮一體也。而心爲最驗。人心之神。與毛羽鱗介之神。推之天地之神。昭明^四。昏^五。微分巨合。充塞乎無間。是以日月之明。山嶽之成。江湖之盈。其積形之神。與有血氣者常往來。而人之所接。皆以人之事事神。爲之像設。爲之廟庭。爲之牲牢酒醴。爲之官爵名號。蓋神之依於人。道固如此。然而神依於人。以爲禍爲福。而所憑或假之毛羽鱗介者。何也。其物皆老。則血氣聚。聚則變。其物若有知。若無知。則血氣專。專則通。日月山嶽江湖。卽以其神之變與通者憑之。故聖人能知萬物之情狀。而後能知鬼神之情狀。都昌元將軍。自明洪武^六中。敕封。附祀於左蠡山^七之湖神廟。嘉慶十有四年。江西巡撫先福公立廟特祀。奏請加號。敕封顯應元將軍。公用古碑法。勒部^八於石。敬與都昌知縣陳君煦交。過左蠡爲碑文。言其所以神。以發明朝廷進退百神之義。詒陳君使立石於廟庭。銘曰。萬物之動。一道所蕃。沄沄^九。渾渾^{一〇}。根支萬千。其分如沙。其合如水。神哉神哉。

何此何彼。惟元將軍。黑帝股肱。雲旗千尋。指揮鯨鵬。左蠡之山。據湖三面。爰宅將軍。爲門爲殿。天子之命。顯應孔昭。萬艘安行。五雨蕭蕭。水之爲波。乃氣之淳。以理平之。微於絲忽。上達九天。下通九淵。將軍所屆。其雲沛然。吏走民奔。擊鮮進旨。鼓鐘欲欲。將軍歆此。天子甚聖。百神是懷。滌江障海。萬福具來。

【註音】(一) 肱(喜乙切)音響(江)音云(輝)音潤(濛)同艘(淳)蒲沒切(欲)音宏
【釋義】(一) 都昌縣名。屬江西省。(二) 將軍。水神也。按似龍而爲神者。(三) 五蟲。毛羽鱗介外。人爲保蟲。(禮月令)其蟲保。(四) 詩大雅。昭明有融。傳昭明猶光大也。(五) 肱。蠡。分布也。(六) 洪武。明太祖年號。(七) 左蠡山。在都昌西北五十里。臨彭蠡湖。(八) 部咨。部頒之公文。(九) 江。水流貌。(一〇) 渾渾。波相隨貌。(一一) 黑帝。水神之長。(一二) 郭璞賦。占五雨之動靜。注以雞羽爲之。重五兩。繫於櫓尾。以候風。(淮南子)若統之候風也。(注)統。候風扇也。楚人謂之五兩。(一三) 淳。滂淳也。憤鬱貌。(一四) 擊鮮。殺牲也。見漢書。(一五) 欲欲。大聲也。

惲子居莊經饒墓誌銘

莊經饒。名雋甲。陽湖人。曾祖柱。浙江按察司副使。祖存與。禮部侍郎。父通敏。右春坊中允。母錢氏。經饒以縣學生。乾隆五十一年鄉試中式。屢赴會試。不第。大挑一等。試知縣。不就。改教諭。選歙縣教諭。在官六年。辭歸。歸三年卒。年四十五。嘉慶十三年十月乙亥也。與同歲生張惠言。皋文交。皋文言黃叔度。漢末第一流。在郭有道之右。若經饒者。可以觀古人之槩矣。娶汪氏。子續。濟續。樹銘。銘曰。其視端然。其立頎然。其行圈然。其色夷然。骨肉斃於下。陰爲野土。魂氣則

無不之也。萬物之爭。百世之日積而成。此經饒之所知也。而又何所疵乎。

【註音】(饒)音蕘(雋)全上聲(續)以淺切(續)匹賓切(樹)音注(頤)音祈(陰)音蔭

【釋義】(一)陽湖。舊江蘇縣名。與武進同為常州府治。民國併入武進縣。(二)右春坊中允。清制詹事府官名。(三)清制。每經數科會試後。揀選三科以上舉人。每省挑若干人。分為一等二等。以知縣教職用。謂之大挑。(四)黃叔度。名憲。東漢慎陽人。陳蕃謂不見黃生。則鄙吝復存。郭林宗謂叔度汪汪若千頃波。(五)郭有道。名泰。字林宗。東漢界休人。嘗舉有道不就。當世重之。(六)頤然。長貌。(七)圈然。禮王制。圈豚行。論語所謂如有循也。(八)陰。依蔭也。言骨肉蔭於野為土壤也。見禮祭義。

惲子居張皋文墓誌銘

張皋文。名惠言。先世自宋初由滁州遷武進。遂世為武進人。曾祖采。祖金第。父蟾賓。皆縣學生。母姜氏。皋文生四年而孤。姜太孺人守志。家甚貧。皋文年十四。遂以童子教授里中。十七補縣學附生。十九試高等。補廩膳生。乾隆五十一年。本省鄉試中式。明年赴禮部會試。中正榜。例充內閣中書。以特奏通榜。皆報罷。是年。考取景山宮官學教習。五十九年。教習期滿。例得引見。聞姜太孺人疾。請急歸。遂居母喪。嘉慶四年。今皇帝始親政。試天下進士。加慎。皋文中式。時大學士大興朱文正公珪為吏部尚書。以皋文學行特奏。改庶吉士。充實錄館纂修官。武英殿協修官。蓋皋文前後七試禮部而後遇。年三十有九矣。六年散館。奉旨以部屬用。文正復特奏。改授翰林院編修。七年六月辛亥。以疾卒。年四十二。皋文清羸。須眉作青紺色。

面有風稜二一而性特和易。與人交。無賢不肖皆樂之。至義之所在。必達然後已。其鄉試中式。文正以侍郎主考。皋文自出其門。未嘗求私見。以所能自異。默然隨羣弟子進退而已。文正潛察得之。則大喜。故屢進達之。而皋文斷斷二二以善相諍*。不敢隱。文正言天子當以寬大得民。皋文言國家承平百餘年。至仁涵育。遠出漢唐宋之上。吏民習於寬大。故奸孽萌芽其間。宜大伸罰以肅內外之政。文正言天子當優有過大臣。皋文言庸狠之輩。俸致通顯。復壞朝廷法度。惜全之當何所用。文正喜進淹雅之士。皋文言當進內治官府外治疆場者。與同縣洪編修亮吉二四於廣坐諍之。亮吉後以上書不實。遣戍。赦歸田里。皋文則竟死矣。方皋文爲庶吉士時。今皇帝加上列聖尊號。盛京二五太廟舊藏寶。例遣官磨治。篆所加尊號。刻入之。皋文以能篆書。受廷推二六。言於當事者。宜自京師下所司等上上玉。刻成。遣使奉藏。其舊藏寶不得磨治。當事者以爲然。格於例不果奏。又言於當事者。翰林院乃皇帝侍從。奉命篆列聖寶。宜奏請馳驛二七。不得由部給火牌二八。亦格於例不果奏。已而歎曰。天下事皆如是邪。吾位卑能言之而已。皋文篆書。初學李陽冰二九。後學漢碑額三〇。及石鼓文三一。嘗曰。少溫言篆書如鐵石。陷入屋壁。此最精。晉書篆勢。是晉人語。非蔡中郎三二語也。少爲辭賦。嘗擬司馬相如揚雄之言。及壯。爲古文。效韓氏。愈歐陽氏。修。言易。主虞氏三三。翻。言禮。主鄭氏三四。玄。始至京師。

與王灼賓麓陳石麟子穆及敬友最善。嘗曰。文章末也。為人非表裏純白。

豈足為第一流哉。皋文娶於吳子成孫。女適國子監生董士錫。銘曰。

車掣馬攻二六駕千里。隆隆之輪躓於二七阨。勿乎二八皋文誰訊此。銘之幽局二九俟來祀。

【註音】(須)同鬚(紺)古暗切(棲)盧登切(斷)魚斤切(譁)爭去聲(掣)音宵(阨)音豕

【釋義】(一)涿州。舊直隸州。屬安徽。民國改縣。(二)武進。縣名。屬江蘇省。(三)附生。附學生員之簡稱。清代

初入學者。皆稱附生。(四)清制。於會試落卷中。錄取若干名。用為內閣中書及國子監學錄學生。名為中正榜。

(五)唐時開榜。有專取知名之士。不問其試藝。曰通榜。(六)清時內務府佐領下子弟肄業之所。因在景山。故名。景

山。即萬壽山。(七)朱文正公。名珪。字石君。號南崖先生。官至體仁閣大學士。卒贈太傅。諡文正。(八)實錄館。設館

派人。專紀帝王一人之事迹。明清皆有之。(九)武英殿。在京師舊紫禁城內。殿宇前後。皆藏書版。(一〇)紺。色青而

帶赤。(一一)風核。猶風骨也。(一二)斷斷。爭辨貌。(一三)淹雅。猶言博雅。(一四)洪亮吉。字稚存。號北江。嘉慶時上成親王

書論時事。言詞切直。聞於上。戊伊犁。尋赦還。(一五)盛京。即今瀋陽縣。清太祖會自遼陽遷都於此。(一六)廷推。明時

銓選之法。公推二三人。由君主決定任用。(一七)馳驛。即古乘傳。清制各省皆設驛。凡官之奉差出京者。地方官供

其夫馬廩給。謂之馳驛。(一八)火牌。符信也。清制凡有公事。給與火牌。以為沿途具領口糧之用。由兵部每年發給

督撫提鎮。有定數。(一九)李陽冰。字少溫。唐趙郡人。善篆書。(二〇)漢碑額。為漢碑題額之字。(二一)石鼓文。即鼓上有

大篆。相傳為周史籀所作。今存四百六十四字。鼓凡十。列北平國子監。(二二)蔡中郎。即蔡邕。東漢陳留人。嘗與楊

賜等奏定六經文字。後以卓黨死獄中。(二三)虞翻。字仲翔。三國餘姚人。精易。(二四)鄭玄。東漢高密人。著周禮儀禮

禮記注等書。(二五)董士錫。字晉卿。武進副貢。達章之子。亦深於易。著有遁甲因是錄。又文詩詞若干卷。(二六)掣。殺

小貌。周禮考工。欲其掣爾而織也。攻。堅也。詩。我車既攻。(二七)阨。阪也。崖際也。周禮考工。故登阨者。信任者

也。(二八)勿。慈愛貌。禮記祭義。勿勿乎。其欲饗之也。(二九)局。門關木。

惲子居姜太孺人墓誌銘

本朝之制。命婦不得以節旌門。所以教士大夫之家。守禮明讓也。張皋文

曰。聖天子整一海內。激揚大典。輕重以倫。法備矣。若為子者之心。以為有

列於朝。吾母不寵旌門。將以邀天子之命。不幾於以子之貴加母之節歟。其罪與沒親之善等。皋文成進士。改庶吉士。其明年。當以高宗純皇帝升祔禮成。覃恩海內。因亟呈牒禮部。爲母姜太孺人請旌門。事下府縣。然後復呈牒禮部。如庶吉士例。賜孺人。始卜日改葬。皋文師友多大官。爲文章宗師。顧以敬之言爲不欺後世。屬之銘。嗚呼。皋文可謂能事其親者矣。按狀太孺人武進人。父本濰縣學增廣生。母胡氏。太孺人年十九。歸皋文。尊府君同縣府學廩膳生蟾賓。二十九而寡。貧甚。日不得一食。卒守志不易。撫孤以訖於成人。乾隆五十九年十月十八日卒。卒年五十九。子二人。長卽皋文。名惠言。孤始四歲。翰林院編修。次翌。遺腹生。縣學生。女一人。適國子監生董達章。銘曰。

之死難。甯飢死而不死尤難。而甘之及三十年。宜其子之賢也。

【註音】「濰」音維

【釋義】(一)以夫貴。或子貴。而得封號者。曰命婦。

(二)祔者。祭名。後死者。合食於先祖也。高宗升祔。在嘉慶

五年。(三)舊制。朝廷遇有慶典。則沛恩遠下。謂之覃恩。

(四)濰縣。縣名。舊屬山東萊州府。

張皋文封文林郎惲君墓誌銘

惲本楊氏。漢平通侯惲。其子違難。以父名爲氏。是曰貞道。爲梁相。後遷於毗陵之黃山而葬焉。子孫世爲毗陵人。君之支祖曰巍。明湖廣按察司副使。卒亦葬黃山。君祖曰燮臣。父曰士璜。由君至副使幾世。由副使至梁相

幾世。武進當吳越之要。屢有兵燹。故其望族不及宋以上。惟惲氏自漢子孫不他徙。能識其祖之居葬。至於今不婚楊氏。君之所居曰石橋。去黃山十里。自祖考皆不仕。君以經授鄉里。教其三子。爲人好善而嫉惡。持之甚嚴。辨取予甚力。不取虛美。不逐世法。獨行己志而已。患濕疾。以嘉慶元年月日卒。年六十有三。其明年某月日。葬於其祖考之兆南。在所居之北西三里。君之子敬。嘗試禮部不第。君時已病。敬請歸省。輒弗許。其意欲以成其子之名。以信其志也。已而以教習官學生得官。當選爲知縣。固非所欲。請於君。君命就選。其意又欲以所欲爲者。屬之子以施之民也。敬爲吏廉。奉祿不足以豐養。君以疾困。未能之所治。見其政成。而君於是死矣。余與敬交最久。今年春。卜葬吾母。先時請於敬。以銘墓之文。敬許之矣。未及爲而遭君憂。嗚呼。吾母不得敬之銘。而乃使余銘君之葬也。其可感也夫。君諱輪。字印槐。配鄭氏。考曰縣學生賓石。今舉人環其兄也。內德盛茂。事君疾備至而不衰。子三人。長曰敬。江寧鄉試舉人。由浙江富陽縣知縣調江山縣。以覃恩封君文林郎。配孺人。賜贈君之考如君。妣錢。如配鄭氏。次數。次數。順天鄉試舉人。女一。適鄒氏。孫二。銘曰。

是惟君子之親。翳此幽德。今曜其後人。千秋萬世。今無或涇。

〔釋義〕 (一)漢平通侯惲。卽楊惲。字子幼。其母司馬遷女。因事伏誅。 (二)望族。爲鄉黨所推重之姓也。 (三)毗陵。今江蘇武進縣治。 (四)江浙古爲吳越之地。 (五)望族。爲鄉黨所推重之姓也。 (六)教習官學生。見張皋文墓誌銘。景山宮官學注。 (七)富陽。縣名。屬浙江省。 (八)江山。縣名。屬浙江省。 (九)明清以七品封階爲文林郎。 (一〇)清制以己所應得封誥。呈請改授遠祖。及伯叔或外祖父母焉。謂之賜封。婦人曰賜贈。

張皋文江安甫葬銘

江承之。字安甫。年十四。從余學時文。十五。讀江永^一鄉黨圖攷^二。奮然請治經。受鄭氏^三禮記。日夜誦習。旁及他鄭氏書。先漢諸儒說。攷校推究。往往通大義。時余方次虞氏^四易。又請受之。每一卷就。輒手寫講解。比余書成。而安甫悉能指說。益爲余校其不合者數十事。十七。從余來京師。更受儀禮。讀未竟。以嘉慶五年正月一日病死。年十八。安甫於世事無所嗜。獨好治經。於世之人無所悅。獨好余。惟余言是從。飲食寢處必余依。暫去余。皇皇若無所稅。其從余而來也。余不忍沮。其父母憐之。亦不忍拂也。其治經惟好鄭氏。疾非鄭者如讎。嘗寫後漢書鄭康成傳。而次其年譜。繫之以文。悠然有千載之思。往往欲著書。余每戒之。今檢其錄。有曰周易爻義。曰儀禮名物。皆無書。鄭氏詩譜。虞氏易變。表略已具。未就。余取其易表附於吾書。而錄其條於各書者。次爲一卷。庶以存其大凡^五。安甫徽州之歙人。父曰毓英。有兄弟。聘妻吳氏。先二一年死。年十有七。歙俗嫁殤^六。以其喪歸江氏。安甫死之三日。余殯之京師。某月日毓英以書來歸其柩。某月日至歙。以某月日。與

吳氏合葬於某原。余既傷安甫之死而重悲其志。故為之銘以遺其父。使刻之。銘曰。

爾以吾為歸。爾之死。吾尤誰。天乎人乎。後其尚有聞乎。嗚呼。

〔釋義〕 (一)江永。字慎修。清婺源人。康熙時諸生。 (二)鄉黨圖攷。清江永撰。凡十一卷。 (三)鄭氏。即東漢鄭玄。有毛詩箋。周禮儀禮禮記注。 (四)虞氏。即三國虞翻。嘗以所著易示孔融。融曰。聞延陵之禮樂。觀君子之治易。乃知東南之美者。非特竹箭也。翻字仲翔。 (五)大凡。即大概。 (六)嫁殤。女子未及二十而死。歸其喪於夫家也。〔周禮〕禁遷葬與嫁殤者。

陸祁孫建陽知縣陸費君墓誌銘

陸費君諱鑿^{*}字舟若。桐鄉^三人。君之先諱賜者。順治十八年進士。山東平原^四知縣。始姓陸費氏。賜生淮。縣學生。淮生椿。候選訓導。椿生熙。用。雍正六年舉賢良。官至山東武定^五知州。熙用生墀。乾隆三十一年進士。由庶吉士歷官禮部左侍郎。是為君考。母一品夫人張氏。君以四庫全書館謄錄。議敘^六州同。發安徽試用。署鳳陽^七通判。宣城^九合肥。縣丞。丁父憂去。服除。補亳州^二州同。擢宿松^三知縣。緣事革職。尋復官。選福建建陽知縣。歸省張夫人。卒於里第。時嘉慶十八年九月十二日也。春秋六十有三。配安人祝。繼配安人蔡。皆無子。以弟元鎮子觀瀾後。方君之充四庫謄錄也。侍郎公實總書局。君處儕輩。未嘗有所表異。與人交。若落落難合。亦終無^{*}在。館事畢。即歸讀書。京朝大官稱佳子弟。輒首君。以為清素恬退。稱其家風也。既試吏。手批口

答。案牘無留滯。暇則讀書如在館時。其宰宿松也。宿松民悍而狡。子弟讀五經畢。卽讀律。習訟辭。術成。武斷鄉里。吏弗敢犯。君至。驟以法繩之。姦民大譁。陰謀去君。某生者其尤也。逋課積年。糧胥雖屢受杖。相戒不以聞。至是君索之急。胥不得已。伺其入城。探示懷中牒。擁之而行。某大怒。拳傷數人。然竟不得脫。既至。訊逋課得實。移檄校官繫明倫堂。約曰。納課乃釋。某生暴橫久。猝被摧折。以爲大慚。一夕。自經死。臨檢得書懷中。列校官婪索狀。辭連君。姦民欣然。欲藉以傾令。嗾其子歷控府司院。以至刑部。事下巡撫。奏請革職。比鞫訊。告者坐誣。君奉特旨開復。以原官注選。嗟乎。良吏之難其人也。下者操行不謹。爲宵小所挾持。甚至束縛馳驟。不克自振拔。其或稍知自好。則務爲優容含忍。冀且無事。然聞有一二武健不畏強禦者。又易爲蜚語所中。罷任待勘。勘幸得直。大吏輒以旣革職無庸議。坐廢棄者。往往而有。如君者可謂幸矣。然亦卒不獲盡其才以歿。則豈非其命歟。余與君從子恩洪交相善。觀瀾將以今二十二年月日葬君某鄉某原。恩洪自湖北麻城馳書請銘。道遠不可以辭。銘曰。

君之宗。本費氏。舅氏陸。撫爲子。凡五傳。始兼姓。兩不忘。誼之正。越秩宗。門益昌。名父子。宜循良。志未展。吁可惜。利後人。固幽宅。

【註音】(鑿)古盤字(在)吳魯切(婪)盧含切(嗾)思毆切(蜚)同飛

〔釋義〕 (一)建陽。縣名。屬福建省。 (二)陸費。複姓。 (三)桐鄉。浙江縣名。 (四)平原。山東縣名。 (五)武定。府名。屬山東。民國廢。今惠民縣其舊治。 (六)清制。官員有功。交部核議。謂之議敘。以定賞功之等級。 (七)鳳陽。舊府名。治安徽鳳陽縣。民國廢。府留縣。 (八)通判。官名。宋初欲削藩鎮之權。命朝臣通判府州軍事。與知府共治政事。後遂為例。其稱府通判曰通判。州通判曰州判。 (九)宣城。縣名。屬安徽省。 (一〇)合肥。縣名。屬安徽省。 (一一)亳州。清直隸州。屬安徽。今改縣。 (一二)宿松。縣名。屬安徽省。 (一三)逋。欠也。課。謂國家之課稅也。 (一四)明倫堂。學宮內講學之堂。 (一五)婪索。貪求也。 (一六)蜚語。偽作飛揚謗訕之語。 (一七)麻城。縣名。屬湖北省。 (一八)秩宗。禮部官也。〔書〕咨伯。汝作秩宗。

陸祁孫掌廣西道監察御史管君墓表

君姓管氏。諱世銘。字緘若。所居曰韞山堂。門下士因稱韞山先生。故韞山之字特著。曾祖^{*}倫。刑部郎中。祖高。雍正間舉人。廣東鹽場大使。父基承。國子監生。祖父俱贈朝議大夫。浙江道監察御史。加二級。祖母徐。母王。贈恭人。君乾隆三十九年舉人。四十三年進士。引見以主事^二用。分戶部行走^三。旋補山東司。充軍機章京^四。擢雲南司員外郎。山東司郎中。六十年。改浙江道監察御史。奏留軍機處。嘉慶二年。轉掌廣西道。故事。部郎充軍機章京者。改官御史。即罷直^五。或經軍機大臣奏留。其儀注^六仍如司官。不得專達封事。君少讀史。慕汲黯^七朱雲^八之為人。及成進士。金壇于文襄^九公實為總裁。文襄好士。所援引。或數年至卿貳。君旅進旅退^三。未嘗獨求見。以所能自異。文襄卒。和珅浸用事。君益憂憤。每與同官論前代輔臣賢否。語譏切無所避。和珅微有聞。而章佳文成公^{一三}方倚君如左右手。猝未有以中傷君。君既擢御

史則大喜。夜起。徬徨中庭。搆疏藁未成。而仍留軍機命下。俞文成公請也。君廢然入謁。文成自言媿負此官。文成知君意。慰之曰。報稱行有日耳。何必汲汲以言自見耶。蓋文成期君大用。不欲君以擊姦獲譴。其用意至深。君亦感悟。稍自韞晦。而諷諭之意。一以寓之於詩。今所傳韞山堂集是也。後四年。朝廷行大賞罰。^{一五}薄海臣民。歡呼相告語。而君已前歿。不及見。嗚呼。可哀也已。卒於嘉慶三年十一月十二日。春秋六十有一。配恭人張氏。以五年十一月日。合葬陽湖新塘鄉之原。子學洛。候選知州。後君十一年卒。孫繩萊。慷慨尚氣節。習君者以爲酷似君。用形家言。於君既葬之十八年。始立石君墓而徵文於繼輅。繼輅既與繩萊遊處。有多獲交於君及門弟子。熟聞君之志行。不可以文辭。因系以辭曰。君子小人。消長固有時耶。胡四凶之誅殛。必有待於重華。嗚呼。君雖齋志以歿。而慶慰之意。當無閒於死生。後之人尙讀君之遺詩。而信余言之有徵。

【註音】(榆)株綸切(有)同又

【釋義】(一)朝議大夫。清制從四品爵。(二)主事。官名。明清於六部各置主事。位次員外郎。(三)舊事。凡不設專官之處。及非專任者。均設行走。(四)章京。清代官名。爲各衙門辦理文書之員。軍機處亦有之。(五)直宿曰直。(六)儀注。猶言禮節。(七)汲黯。字長孺。漢濮陽人。武帝時爲東海太守。東海大治。召爲九卿。面折廷諍。帝憚之。(八)朱雲。漢成帝時爲槐里令。上書願借上方劍斬佞臣張禹。帝怒欲斬之。御史將雲去。雲攀折殿檻。以辛慶忌救得免。帝命勿治檻以旌之。(九)于文襄。名敏中。江蘇金壇人。官至大學士。(一〇)總裁。謂會試主考官。(一一)貳。謂

副也。卿貳。謂次於卿大夫下之官職。(二二)旅進旅退。謂隨衆進退。(二三)文成公。名阿桂。章佳氏。滿洲人。平伊犁。緬甸大小金川。官至大學士。(二四)俞允也。(二五)大賞罰。指嘉慶時和坤賜死。(二六)陽湖。即今江蘇武進縣。(二七)四凶。即渾敦。窮奇。檮杌。饕餮。舜按其罪而放流之。(二八)重華。虞舜號。(二九)齋。持也。〔江淹賦〕齋志歿地。



卷十九 碑誌類三

鄧湘臬湖南靖州訓導毛府君墓誌銘

國家以經藝取士。學政歲科兩試。拔其尤。入府州縣學爲附生。又拔其尤。予餼*二爲廩膳生。三年大比三中格者隨解牒四上之禮部。不中格。幸有倣古五三舍法五。餼久。給以歲貢六。又久。官以教職。早者三四十。年。遲者五六十。年。其中老病窮餓死者比比。及貢十無七八。得官十無二三焉。幸歲貢且得官。計其年皆中壽七以上。偃*八僂*九聾聵。涕洟垂胸。爲人所厭棄。不者苟且貪戀。與生徒較執贄。同官爭錐末*九。大府以不甚愛惜之閒。曹置之。爲糾劾所不及。而學校乃大不可爲。嗚呼。可哀也已。惟故靖州訓導毛府君則不然。府君諱學古。字經三。號松鄰。世爲新化望族。新化人以文學禮法世其家者。必稱毛氏。祖自成。有至性二。割股療母病。雍正間旌表孝子。父大鶴。康熙辛卯舉人。善化教諭三。子六人。府君其五也。英敏好學。甯鄉四王先生文清五與修六禮爲時經師。府君從遊。稱高足弟子七。與長沙郭焮八衡山曠敏本九齊名。湖以南稱能文者。率首舉三君。府君十四舉不第。乾隆己丑年六十。循例歲貢。又二十七年乙卯。選授靖州訓導。年八十有五矣。靖州界湖南陞*俗鄙儉。府君日與諸生講說經義。立課程。束脩非禮不以入。武生某以武斷被訐。

請於刺史魯公。嚴繩以法。魯公曰。繩之且不利於君。府君厲聲曰。官可去。法不可^{*三}翫也。始府君至。咸謂老病可狎。至是羣嚴憚之。居靖州三載。乞歸。家居又七載卒。年九十六歲。實嘉慶乙丑十一月。其年月日祔葬於原周嶺先塋。府君至孝。父死以鄉試未及視含^{二三}。終身哀痛。歲時生忌。號泣不食。教諭君遺書滿篋。緘^{*二四}甚固。每一開讀。流涕被面。官靖州時。冬至朝賀。故事。朝罷晏坐。主者坐學正^{二五}於刺史之次。而訓導與吏目^{二六}列坐於下。府君執會典抗爭曰。朝廷以訓導貳學正。未聞以訓導貳吏目。今同等別尊非法。某不敢坐。刺史起。執府君手曰。今而後知毛訓導也。其峭直如此。讀書喜博覽。年九十。能鐙下作楷書。終日危坐。行立不倚。幼侍教諭君側。及見海內耆宿。所與遊。皆當時名士。博聞殫見。文章風義。爲後進矜式。自府君歿。士大夫咸悼惜之。配會孺人。先八年卒。子一人高翔。病^{*二七}癱。女四人。孫太和。殤。遂無嗣。以弟之孫家煒^{*}嗣。歿後十年。其外孫同邑鄧顯鶴奉母命志其墓。未成而顯鶴連遭大喪。追悼所出^{二八}五情^{二九}屠割。大懼哀痛餘生。奄忽^{*}漸沒。無以終先孺人之志。又三年己卯。新免於喪。延及視息^{三〇}。乃敘次而系以銘。將以遺家煒。使刻石而納之壙中。銘曰。設官教士。抗顏爲師。師實不學。何以教之。奕奕^{三一}毛公。望崇位卑。公曰匪卑。師道在茲。人亦有言。大剛則折。哀哉中郎。典型中絕。惟余小子。實公所出。

匪惟出之。左右提挈。內外家風。門祚單子。永懷生我。哀哀罔絕。悲風踳號。*三三
寒泉嗚咽。刻此貞珉。以表銜恤。

【註音】(餼)於既切(偃)於上聲(樓)音樓(煖)音夷(錐)音佳(燮)音俊(陞)是為切(飢)音委(鑄)古穴切(瘳)音肥(煒)音偉(漸)音斯(蹠)古弔切(珉)音民

【釋義】(一)靖州。清為直隸州。屬湖南。民國改靖縣。(二)餼。饋餉也。(三)周禮。鄉大夫之職。三年則大比。考其德行道藝。而興賢者能者。按鄭司農云。五家為比。故以比為名。後因稱鄉試為大比。(四)蹠。官文書也。鄉試本名解試。首薦者為解元。其黜因曰解蹠。(五)宋制。初入學者為外舍。由外舍升內舍。由內舍升上舍。如生員之有附生。增生。廩生也。(六)生員。食餼久者。貢於太學。曰歲貢。見清會典。(七)莊子。中壽八十。(八)偃。脊梁彎曲之病。(九)錐。末微利也。(一〇)新化。縣名。屬湖南省。(一一)至性。謂孝弟之性也。(一二)善化。縣名。舊與長沙並屬湖南。長沙府。今廢。(一三)清制。縣學設教諭訓導二人。(一四)寧鄉。縣名。屬湖南省。(一五)王文清。號九溪。寧鄉人。官至御中。著有儀禮分節句讀。周禮會要六卷。考古源流二百卷。(一六)三禮。周禮。儀禮。禮記也。(一七)世說。鄭玄在馬融門下三年。不得相見。高足弟子傳授而已。(一八)郭煖。字昆甫。善化人。著有羅洋詩文草。(一九)衡山。湖南縣名。舊屬衡州府。(二〇)曠敏本。字魯之。乾隆進士。學者稱岫巖先生。有岫巖集。(二一)刺史。知州之稱。(二二)飢。曲也。(二三)古者人死。以玉含其口中。謂之含玉。周禮。太宰。大喪。贊贈玉含玉。按後世謂送死曰視含。(二四)鑄。箱篋鎖處也。莊子。固扁鑄。(二五)學正。官名。即教諭。(二六)吏目。清代官名。掌捕盜賊典簿籍。(二七)瘳。風病。(二八)姊妹之子。曰出。見爾雅。(二九)五情。喜。怒。愛。惡。欲也。(三〇)視息。宋書徐湛之傳。覲然視息。忍此餘生。謂僅目能視。鼻能息。苟全性命也。(三一)奕奕。大也。(三二)蹠。高聲大呼也。(三三)貞珉。刻碑之美石也。

鄧湘皋例授修職郎歲貢生候選訓導鄒君墓誌銘

距新化縣治之南八十里。曰羅洪村。是為首望山之麓。其下有君子儒焉。姓鄒氏。名文蘇。字望之。景山其自號也。鄒氏自五代時有瓚者。仕於楊氏。徐溫秉國。棄官來湖南。自以楊氏臣。不願仕馬氏。竄入梅山。谿峒中為客。

戶。宋熙寧間。開梅山。置新化縣。爲新化人。君高祖懋極。縣學生。祖養蒙。父
睿。三世皆以行誼載府縣志。君性穎敏嗜學。片言隻字。必鉤稽其源流同
異。年十二。隸郡學籍。學使爲昆明錢通政澧。天下所稱南園先生者也。性
嚴厲。試士終日坐堂。皇閱卷。以別紙記其譌俗字。計點畫加撲責。君試日。
以中石飲羽命題。備舉熊渠。養由基。李廣三事。卷中無譌俗字。通政大奇
之。欲將去。竟所學。君以事兩寡母辭。次年科試爲廩膳生。越歲舉行拔貢。
銳意以君充選。而猾胥索百金。始注册。弗得。竟以此不與試。屢試舉人。俛
得復失。嘉慶十六年。循資充歲貢。乃絕意進取。教授鄉里。闢精舍爲古經
堂。制依周禮。與弟子肄士禮十七篇於中。嘗屈竹篾爲渾儀一四。製綸牒爲古
弁冕深衣一六。禮服。又以車制難明。與子漢紀。依近世江氏戴氏一七所圖古制。以
寸代尺。製爲車。窮十晝夜之力成之。於是鄉曲學徒。始稍聞有指藪一八蓄蚤一九
騎較二〇駸股二一之目。然知其意者鮮矣。君考證典禮。力尊漢學。而於心性之學二三
確守宋儒。嘗曰。里巷迂生。抱學究一經。不知鄭賈爲何人。近時儒碩。又厭
薄程朱。務爭勝於一名一物。拾末而遺本。語細而昧大。學術所關。非細故
也。嗚呼。如君者。可以謂之通儒矣。君至孝。丁嫡母憂。哀毀骨立。事生母會
太夫人。彌盡色養二四。課子嚴。不及程軫怒。聞太夫人言卽解。一日怒甚。太夫
人使漢紀聚灰爲禹貢山川圖。自臨上坐視。婦吳侍焉。君繼配也。邑名士

蘭柴詩老女。於地理爲專門學。從旁指漢紀誤。君聞太夫人在堂。屏息趨出。忻然意解。更督漢紀。布置以爲歡笑。又可想見君母子夫婦間。于嗚娛侍之樂。爲不可及也。晚歲遭會太夫人喪。漢紀吳夫人相繼逝。鬱鬱不自得。以道光十一年六月二日卒。春秋六十有三。元配劉氏。子六人。漢紀。縣學附生。漢潢。漢勛。郡學廩生。漢嘉。縣學附生。漢章。漢池。女三人。適歐陽信。歐陽康。艾文雋。孫十八人。孫女四人。會孫女一人。君初葬古經堂。後改葬柏子山。諸子皆能讀父書。漢勛尤銳於著述。嘗丐余文志墓。數年未報。今年修寶慶府志。漢勛兄弟實佐余。復泣請曰。先君葬且易地矣。不可無銘。茲有事郡志。於法當立傳。微先生言。何以徵信。嗚呼。君行應銘法。余與君又久故。有連二六。非余誰銘君者。乃銘曰。嗚呼。鄒君。行古之道。持禮之躬。授徒講習。以嚴見憚。亦善爲頌。化俗澆薄。玩侮婚葬。匪斥而崇。君革其弊。居德善俗。啓曠振聾。儒者之效。匪徒言說。彰彰事功。矧有令子。以恢其緒。以興其宗。古經之堂。柏子之山。是遷是封。我言不誣。後當有考。視此幽宮。

【註音】(侷)音詭(綸)音投(牝)音比(捐)音簫(敷)音湊(蓄)側異切(轄)音倚(較)同較音覺(駁)胡飽切(估)音吉

【釋義】(一)修職郎。清八品文職封階。(二)新化。縣名。屬湖南省。(三)楊氏。卽楊行密。字化源。廬州合肥人。唐昭宗時。爲淮南節度使。後封吳王。悉有淮南江東地。在位十五年。其後子涇稱帝。追尊爲太祖。楊涇既立。政事

咸委於徐溫。以溫為大丞相。都督中外諸軍事。(四)徐溫。見楊氏注。
 為湖南節度使。有潭衡七州之地。乃使降將呂師周攻嶺南。取昭賀梧蒙龔富等州。唐明宗時。封為楚王。(六)梅
 山。距新化縣五里。初為洞蠻蘇氏巢穴。宋章惇招降之。遂為內地。(七)熙寧。宋神宗年號。(八)行誼。謂品行及道
 誼也。(九)堂皇。官吏判事處。(一〇)熊渠。周楚人。夜行。見臥石以為虎。射之沒鏃。視之。石也。復射。矢耀開。(一一)養由
 基。楚之善射者。嘗與潘尪之黨蹲甲而射。徹七札焉。事見「左成十六年」又嘗射蜻蛉。拂左翼。事見「尸子」。(一二)
 李廣。漢隴西成紀人。以射名。嘗夜山行。以石為虎。關弓射之。沒箭欽羽。(一三)侷得。偶得也。(一四)渾儀。即渾天儀。測
 天之器。(一五)綸。布也。帋。殘帛也。(一六)古代制服。衣裳相連。被體深邃。故謂之深衣。(一七)江戴。即江永。戴震。(一八)捐
 除也。(周禮考工記)輪人以其圍之助。捐其藪。(注)捐。三分之一也。藪者。衆輻之所趨也。(一九)蚤。當為爪。蓄。輻入
 轂中者。蚤。輻入牙中者。(周禮考工記)察其蓄蚤不類。則輪雖傲不匡。(二〇)輻。車旁也。輳。車輻上曲銅也。(二一)駁
 近牙者。言駁以喻其細。股。近轂者。言股以喻其豐。(按)駁為脛骨。近足細處。(二二)心性之學。即心理學。(二三)鄭即
 鄭玄。賈名達。字景伯。漢平陵人。通五經及左氏學。(二四)色養。謂以愉悅之顏色。孝養父母也。(二五)「莊子」前者唱
 于。而隨者唱喁。(注)于喁。形其相和之聲也。(二六)有連。姻親為連。

鄧湘皋叔父璧園府君墓誌銘

鄧氏於新化不顯。明季始居下渡村之梓木衝。自始遷祖至於贈文林郎
 巖隱府君。凡五世。單丁不振。及贈君之子文學府君。始以其學授徒資湘
 間。有名於時。二子能世其業。其一舉於鄉。官縣令。是為鉅野府君。以忤上
 官獲罪。仕復不顯。府君幼慧。七歲能文。隨文學君館益陽。益陽人赫然稱
 之。十一歲應童子試。郡守覺羅德興額公。詫為神童。言之學使者。面試十
 二三經。皆背誦通曉大意。詩文奇肆。操筆立就。補博士弟子員。年三十。中式
 乾隆二十六年舉人。又十年。以大挑官山東知縣。初試高唐州。補鉅野縣。

縣多盜而好訟。府君至，懲積猾，決滯獄，鋤奸擊暴。縣大治。府君剛果任氣，外嚴內明，人不敢干以私。大府亦憚其方直，而銜之者衆矣。姚大者，縣細民也，以事繫府待質。歷城丞楊甲奉檄緝盜至縣，欲文致其罪以爲己功。府君訊無左證，釋之。楊怏怏去。後姚以江南句容縣劫庫案牽連舉發。大府以縱盜罪府君。楊愆^{*一}之，因以洩前忿。府君曰：「他邑盜，吾邑民殺人以媚人，吾不爲也。」遂落職。先是山東大饑，餓殍盈道。府君賑濟不遺餘力。鉅野歲例濬運河八十里，重臣往來相視，皆駐縣境，民不堪其擾。府君一切蠲罷，出私錢雇夫役，坐是大困。又前令積虧攤款三萬有奇，大府責令償補。將中以危法。府君陰籍出入數爲二冊，將上之，計無如何，則授意代者毛索^三細故，久乃撫姚氏官錢坐以贓。姚氏官錢者，姚丙兄弟以爭產訟，府君案之，斷五十緡，充官濬河，而主吏漏報，竟以是坐遣戍伊犁^三。八年釋歸，課徒自給。又二十年，以嘉慶二十有一年十一月日卒於家。春秋七十有六。其年月日葬太平原祖塋之麓。會祖諱林材，祖諱元臣，父諱勝達。祖父皆贈如府君官。祖妣李氏，妣劉氏，皆贈孺人。配彭孺人。後府君四年卒，子二人：鴻，國子監生；鸞^{*}，孫五人：琦，郡學生；璣^{*}，縣學生；女一人。府君諱長信，字玉符，一字璧園。初試高唐時，巡撫國泰貪暴陵其屬，不敢加無禮於府君。阿桂文成公^{一四}以視河工過鉅野，亟稱府君才可任，卒獲重譴，不竟其用。不

顯於時。嗚呼。府君於顯鶴。叔父也。銘其叔父所能言者止此。可痛也夫。銘曰。

學足以用世而不庇其身。政足以易俗而不諒於人。其罷而譴也。既無以理其枉。其窮老而死也。復無以救其貧。豈賦命之果厄。胡所遇之皆屯。嗚呼。廉吏而可為也。吾以待其子孫。

【註音】「懲」音悚。「息」音甬。「殍」被表切。「據」之石切。「鸚」音運。「璣」音津。

【釋義】(一)文林郎。明清七品封階。(二)資湘。二水名。皆在湖南。(三)鉅野。縣名。屬山東省。(四)益陽。縣名。

屬湖南省。(五)覺羅。滿清姓氏也。(六)高唐州。舊屬山東東昌府。民國改為縣。(七)文致。舞文法以入人罪也。

(八)左證。證據也。(九)句容縣。屬江蘇省。(一〇)懲息。勸導他人行事也。(一一)餓殍。餓死之人也。(一二)毛索。搜索也。

(一三)清法。有罪者遣戍軍臺效力贖罪。伊犁。西陲重地。屬新疆省。(一四)文成公。名阿桂。章佳氏。滿洲人。

【評語】銘可採。

鄧湘皋黃虎癡繼室陳氏墓誌銘

孺人姓陳氏。龍陽人。父統。廣東平海營參將。孺人幼慧。長通書史。工篆書。參將歿。家遂落。母呂病風。不良於人。醫藥飲食。皆孺人鍼劑所易。陳氏既衰。母又慎擇壻。年三十。嫁寧鄉黃孝廉本驥。本驥於是三娶婦矣。本驥好蓄金石文字。孺人肆力於古篆。益工。求者益衆。本驥兄本騏。有才名。卒無子。母劉太孺人痛甚。孺人婉婉承順以解母憂。本騏居長沙。或過其家。見孺人據案作書。太孺人靜坐聽。女孫彈琴。童稚僕婢。皆怡然有自得之色。

居無何。本驥以貧故如南陽。孺人舉一子。甫二月病。以道光七年閏五月辛酉卒。春秋三十三。葬長沙東關外郝坡原。征夫在途。孀姑篤老。呱呱甫*七。婉期功無親。寡嫂弱息。經理其喪。斯人生之極哀也已。孺人歿三月。本驥歸。以諸城王金策所為狀。屬其友新化鄧顯鶴銘諸幽。本驥前室子二人。邁迪。迪後兄病。危將以孺人所生子達。於免喪後踵繼。是皆不可以不志。銘曰。

笄而弁。通經史。嫁雖遲。能備禮。婿雖貧。得才士。不永年。而有子。有一於此。可以死。何殤何彭。趨一軌。郝坡之原。近湘水。往即汝宅。利後嗣。無悔識字。憂患始。我言不誣。石不毀。

【註音】〔翦〕陟几切〔驥〕音奇〔婉〕音晚〔郝〕音壑〔呱〕音姑〔媿〕音免〔危〕音狂

【釋義】(一)龍陽。今改漢壽縣。屬湖南省。(二)鍼黹。猶言女工也。(三)寧鄉。縣名。屬湖南省。(四)〔禮內則〕

婦教。婉。婉聽從。婉謂容貌。媿。媿謂語言。(五)南陽。縣名。屬河南省。(六)呱呱。小兒啼也。(七)媿。婦人生子也。(八)期

一年喪。大功九月。小功五月。(九)諸城。縣名。屬山東省。(一〇)危。廢疾。(一一)何。殤何彭。猶言壽夭也。彭祖。古之長壽者。殤。未成人而死也。

周星叔試用從九品吳君墓誌銘

余至吉水之明年。有以故試用從九品吳君之殯告者。君諱長春。大興人。嘉慶十七年冬。以縣民盧炳京控事會勘來此。十月己酉。會食縣署之西廳。遇疾不能語。索筆以進。已不知人。遂以其日卒。君子身來江西。無知君

家世者。僕張貴從君需次^四會城^五久。言君有母。就養廣西之左州^六。知州田文煦。君姊夫也。又言君有兩弟在京師。不能舉其名。其他皆不能知。於是前令無錫華^七翊^{*}。殯君於城東之龍華寺。為告於大府。咨君之籍以達君家。而使以喪歸。又使貴訃於左州。皆不報。又二年。吳興^八章耀會。來權縣事。悼君喪之淹也。於是田君亦去左州。乃為書以告知州高作霖。使訪田君以達君家。訖不得報。嗚呼。君以奉檄。客死三千里外。旅殯十有一年。兩弟耶。母耶。姊耶。今皆安在耶。君之喪其不可以待。余既重哀君而忝茲邑誼。得為君主。遂以道光三年四月癸卯。葬君龍華寺之原。直浮屠^九之西若干步。余讀柳子厚襄陽丞趙矜墓誌。矜客死柳州^三。官為葬於城北之野。後十餘年。孤來章始壯。自襄州^{一三}徒行。求其冢不得。至日哭於野。凡十有九日。卒感神卜以得之。嗚呼。君家既不可知。君儻有子若來章者耶。余又懼夫秦^四訕之不可再遇也。為之誌而哀之以銘。銘曰。

仕為貧。死胡子^一今。羈十載。魂長怛^{*一五}今。人亦有言。隨葬達今。抑返葬仁。君儻歸今。龍華之原。草萋萋^{一六}今。我為之銘。冢不夷今。

【註音】（翊）音弋（訕）直廉切（怛）音旦

【釋義】（一）從九品。清代之末秩官。（二）吉水。縣名。屬江西省。（三）大興。縣名。屬河北省。（四）補官以次。故

候補官。缺曰需次。（五）會城。省城也。（六）左州。屬廣西。民國改為縣。（七）無錫。縣名。屬江蘇省。（八）吳興。縣名。屬

浙江省。（九）浮屠。釋家語。即塔也。（一〇）襄陽。唐縣名。今屬湖北。（一一）趙矜。唐河南新安人。國子祭酒弘安會孫。襄

城主簿。歷襄陽丞。客死柳州。官爲殮葬。後十七年。子來章自襄陽往求其喪。不得。野哭再闕旬。卜人秦訓爲筮曰。金食其墨。而火以貴。其墓直丑。在道之右。南有貴神。冢土是守。宜遇西人。深目而髯。乃得其實。明日有老人過其所。問之。得矜墓。遂歸葬弘安墓次。(一三)柳州。今廣西馬平縣治。(一四)襄州。今襄陽縣治。(一五)秦訓。卜人姓名。(一六)恒兮。悲慘也。(一七)萋萋。草盛貌。

毛生甫贈奉直大夫福建臺灣縣知縣姚君墓誌銘

君諱斟元。字儀匡。又字春樹。桐城姚氏。乾隆間。編修君諱範。與從子^三刑部郎中君諱鼎。皆以經術文章。學問閎粹。爲世儒碩。君編修君第五子。郎中君弟也。嶽生嘗志郎中君墓。自君大父^四以上官世名績詳焉。君性孝友。廉直彊志。其治身。自起居衣服。壹意恭肅。門以內。雖童稚皆謹聲息。而事尊長與待交友。又極和遜。其治經。務先綜括傳記。詁訓名物制度。而疑遜雜博。必折衷宋賢。達其理道。爲文章。率導源於漢。通軌唐宋。論議雅贍。不踰法則。然行茂而弗章。業紹而弗仕。名屈於材。年五十七。卒於增生。吁可慨已。始編修君問學淹沈。穿弁輿^五蹟。凡有所考覈解駁。都不纂述。輒注於簡。或寫別紙附之。蓄書十數萬卷。條列幾徧。後頗遺佚。君勤搜緝。又錄所作詩文都若干卷。君孫瑩。乃克次序成書。模準羣哲。副君志焉。君家世顯達。然率貧約。在君尤困。諸兄輒稱貸以給。君繼娶^六潛山徐氏。有裝送。君悉出以償負。仍不足。乃遂客遊至歿。嗚呼。富貴壽考。古不盡以畀賢者。人士恢其器識學藝。誠不以時命通塞。毫髮增損焉。矧君子之篤於道哉。君淳重

儒者其訖無怨恨決矣。然天必報以賢子孫。不耀前烈而慰其純嘏。不遇其羸絀何如也。前夫人張氏無子。後夫人生二子一女。子曰騃。曰僕。僕為兄後。女曰某。孫四。朔鑾瑩四和。鑾四和。瑩四和。塲。朔監生。瑩進士。江蘇金壇縣知縣。攝武進元和。其追贈君奉直大夫福建臺灣縣知縣。乃其前除官焉。會孫四。某某。君歿於乾隆五十九年七月朔日。葬於道光十三年某月日。桐城某鄉某原。夫人皆祔。女某。字張法。前夫人從子也。未嫁。法死。隱矢死以守。後聞他族來問名。遽病。遂死。君憫其志。曰後必葬張夫人兆。明其志在張也。今去墓若干步者。某姑塋也。銘曰。

行植於義。志繩於禮。以介以沖。坦坦素履。維昔名德。歷世彰美。忠亮惠貞。外內濟濟。吁嗟閔達。宜多受祉。胡蔚國器。而與命掎。既修既闢。既續既啓。弗羸於室。迺崇其阼。慎卜其藏。逾世十祀。既坎以恤。用慶孫子。

【註音】(蹟)乍核切(騃)音潛(騃)音達(僕)魚短切(掎)羈上聲(恤)虛域切

【釋義】(一)奉直大夫。清正五品文階封職。(二)臺灣縣。清置。後改府。光緒間割讓日本。(三)從子。姪也。

(四)大父。祖也。(五)與蹟。義蘊深祕也。(六)灑山。山在安徽霍山縣。(七)裝送。猶俗云奩贈也。(後漢書)鮑宣嘗

就少君父學。父奇其清苦。故以女妻之。裝送資賄甚厚。(八)純嘏。因頓挫跌也。(九)拜官曰除。(漢書田蚡傳)君

除吏盡未。(一〇)祔。合葬也。(一一)婚禮之程序。主人具書。遣使者至女氏。問女之名。女氏復書。具女所生及生年月

日以告也。納采問名。本一使所行之事。故亦謂之納采。(一二)坦坦。平也。(易履)履道坦坦。(又)素履往無咎。(一三)

濟濟。衆盛之貌。(一四)國器。言其才足為國用也。(一五)掎。偏引也。(一六)續。繼也。(一七)恤。寂也。靜也。(詩魯頌)閔宮有

恤。

管異之恩縣四女祠碑

山東恩縣之西。有四女祠焉。舊碑云。漢景帝時貝州傅清女。讀書不嫁。以
養其親。一日與其親皆得僊飛去。世咸詆其無稽。然莫能知其所由誤。陽
湖孫使君^四督糧山東。起痿瞭矇。百廢具作。聞乃觀邑志。披地圖。得是祠而
立之。曰此唐貝州清陽宋廷芬之五女^五。所謂若莘若昭若倫若憲若荀者
也。事具唐書后妃傳。言貝州則地符。言讀書則事合。其去一^六人。其以若憲
被誅之故乎。傳之者謬矣。孫公宏博淹雅。習知古事。千載曠^六瞽。一辨而明。
於是議者欲毀其像。且去其祠。孫公復^七諗於衆曰。是無庸。吾聞之。狄公焚
項羽之祠。道州^九毀鼻亭之祀。彼皆以淫昏之鬼。汙祀典而敗人心。故剗^八除
之。今是女也。撤其環^一瑱。不嫁以養父母。是率民而出於孝行者。昔之人深
重之。吾豈以其無考而除之。且官之職。在乎便^二章百姓。宣美風俗。今茲縣
民。不祀淫昏而孝女是奉。其俗美風靡。伊吾與^一二三子實嘉賴焉。雖然。以
爲漢則荒矣。以爲僊則誕矣。吾辨之。吾因而存之。凡爾縣民。自今至於後
日。其各敦孝弟。黜^三奇^四褻。無稽之言勿聽。民既喻。則相與訟公之化曰。我公
之明也。千載之神。其舛者能辨之。況吾儕乎。我公之嘉善也。千載之神。因
其孝而不忍除之。況吾儕乎。某時客山東。獲從公遊。公令爲之碑。遂書其
事而繫以文曰。
有唐宮人。帝曰學士。產於茲鄉。實彰青史。俗語有誤。爰變丹青。班^三婕^三之流。

化爲緹縈*一四。緹縈有一。今則四之。炎劉之間。疇則志之。其志誠誣。其行孔嘉。

有舉莫廢。毀祠則那。使君之智。燭及於幽。使君之仁。欲去仍留。歷亭縣西。

歸然舊宮*一五。神罔時怨一六*。民罔時恫。神之報公。使君壽考。民之報公。比戶忠孝。

〔註音〕（瞽）音茂（諗）音審（剗）楚限切（瑱）他甸切（衰）音斜（媿）音接（緹）音題（歸）庫位切（恫）音

通

〔釋義〕（一）恩縣。屬山東省。（二）漢景帝。名啓。文帝子。（三）貝州。北周置。宋改恩州。今爲河北清河縣。（四）

孫使君。名星衍。字淵如。陽湖人。乾隆進士。官山東督糧道。（五）〔唐書后妃傳〕宋廷芬。生女若莘。若昭。若倫。若憲。

若荀。皆性素潔。不願嫁人。以學名家。若莘著女論語十篇。若昭又爲傳申釋之。貞元中。昭儀節度使李抱真表其

才。德宗召入禁中。問經史大誼。高其風操。呼學士。擢其父饒州司馬。自貞元七年。祕禁圖籍。詔若莘總領。穆宗以

若昭尤通練。拜尙宮。嗣若莘所職。后妃與諸王主。率以師禮見。寶曆初卒。若憲代司祕書。文宗尤禮之。太和中。李

訓。鄭注用事。惡宰相李宗閔。譖言因駙馬都尉沈彥厚賂若憲。求執政。帝怒。函之外第賜死。家屬徙嶺南。若倫若

荀。早卒。（六）瞽。目無睛也。瞽。目不明貌。（七）諗。告也。（八）狄公。卽唐狄仁傑。唐中宗四年。仁傑以吳楚多淫祠。奏

焚其一千七百餘所。項羽廟亦與焉。獨留夏禹吳太伯吳札伍員四祠。（九）道州。卽今湖南道縣。（一〇）鼻亭。在州

北七十里。舊有象祠。唐元和中。刺史薛伯高毀之。（一一）環。卽耳環。瑱。塞耳之玉。〔國策〕北宮之女。嬰兒子無恙耶。

撤其環瑱。至老不嫁。以養父母。（一二）便章。百姓。平和章明。百官之族姓也。語見〔堯典〕。便與平通。（一三）媿好。漢宮

中女官名。位在昭儀下。成帝時有班婕妤。曾作賦及紈扇詩。（一四）緹縈。漢文帝時孝女。父淳于意有罪。當刑。緹縈

請入身爲官婢。以贖父刑。帝悲其意。爲除肉刑。（一五）歸。獨貌。（一六）恫。痛也。

卷一十一 碑誌類四

梅伯言原任予告大學士戴公墓碑

嘉慶二十五年。大庾^二戴公以吏部尙書^三直軍機。拜文淵閣大學士^四。國家設軍機大臣。凡宰相非兼是官。兼是官而位尙書以下。皆不爲真相^五。惟公與兄子文端公^六相繼。皆以是入相。天下以爲榮。公諱均元。字可亭。先世自休寧^七遷甘泉^八。再遷大庾。考諱珊。爲大庾貢生。娶溫氏。生第元策元銓元。娶側室江氏。生淑元及公。自考以上。會祖諱洪度。祖諱時懋。皆贈光祿大夫^九。自江太夫人以上。會祖妣湯氏。祖妣傅氏周氏。皆贈一品夫人。公以乾隆四十年成進士。歷編修御史九卿。以刑部侍郎出視河南衡工^{一〇}。官吏畏其清。斂手葺事^{*一一}。工以速成。仁宗以爲賢。遷戶部吏部侍郎。嘉慶十年。黃河奪運河入江西。風敗高家堰^{*一二}數百丈。命馳往赴工。卽授南河河道總督^{一三}。凡三年。改定木石工價。及開塞修廢所宜。次第畢舉。賞太子少保花翎。以事左轉副都御史。改倉場侍郎。再出爲東河河道總督^{一五}。復入爲吏部侍郎。左都御史。禮部尙書。賜紫禁城騎馬^{一六}。是時公年六十九矣。遂以吏部尙書。協辦大學士^{一七}入直軍機處。兼上書房總師傅。拜文淵閣大學士。太子太保^{一八}。今上卽位。以錄遺詔語有誤。出軍機。旋命相度萬年吉地工。道光四年。公陳情乞

休得俞旨。製詩寵行。在籍食全俸。先是仁宗賜公七十壽衣服珍器。宴會
二日。至今上復賜八十壽衣服珍器聯扁。就加太子太師。戊子。重赴鹿鳴。二〇
上親賜書三朝耆舊。蓋朝廷恩禮於公。先後優異如此。適寶華峪地水滲。三一*
嚴旨逮入都。上以公引咎陳詞。得大臣體。除名放還。後子詩亨。孫嘉德。皆
賞還官及舉人。道光二十年九月七日。薨於南昌里第。年九十五。公情斂
志約。聰明外周。其形神清和舒平。動若有餘。吐詞流音。朗潤暢遠。識者皆
知爲承平公輔氣象。始以侍從發身。三二嘗任湖北及江南正副考官。四川安
徽山東學政。與伯兄太僕公兄子文端公若士編修。使車往還。結轍於道。
又視學順天。主辛巳順天鄉試。典壬戌丁丑己卯會試總裁。及閱卷教習。
門生幾數千人。而仁宗知公深。不與他文臣比。四方有大疑獄災患。及萬
年吉地工程。戶部三庫事務。三五非親臣不輕領是事。皆一以委公。蓋仁宗在
位久。以天地覆燾之德。三六*挈持綱維。含宏羣生。而公以耆年長德。不急功近
名。合道於仁厚清靜。相孚之德。固如是也。配崔夫人。先公卒。子詩亨誠亨
晉亨孚亨。女適陳適黃適溫。四女未嫁卒。孫幾人。四世孫幾人。詩亨以是
年十二月某日。葬公於某鄉某原。崔夫人合祔。告會亮曰。必以銘。會亮故
公辛巳科門下士也。道光二年正月。嘗召至第曰。吾定拜疏乞休。試草其
文。時竣巡辭謝。後語座主顧侍郎曰。梅生得縣令無奈何。且無令遽出京

也。今二十一年。執筆爲公銘。追思昔言。可痛也夫。其詞曰。

庚山建標。四戴鍾祥。兩爲真相。公兼壽昌。三十登朝。八十致仕。庸功事樞。

歷試有煒。謂公崇高。約志愈卑。收迹於先。割榮不虧。幾人百歲。身此元老。

十年川觀。宴處勳表。我銘公墓。不華其詞。非我有文。公實我知。書此碩德。

以奠龜螭。

【註音】(戴)丑善切(堰)於扇切(峪)音欲(滲)音導(煒)音偉(螭)音癡

【釋義】(一)漢書注]年老致仕曰予告。(二)大庾縣名。屬江西省。(三)吏部掌銓叙勳階黜陟之政。尚書

爲一部之長官。(四)清順治十五年。始設中和殿。保和殿。文華殿。武英殿。文淵閣。東閣。大學士。官皆正一品。乾隆

時。因中和殿名。從未用過。命增入體仁閣。爲三殿三閣。(五)真相。謂實任宰相也。[却掃編]十年爲執政。然決不

爲真相。(六)文端公。名衢。亨。乾隆四十二年授修撰。官至體仁閣大學士。文端其諡也。(七)休寧。縣名。屬安徽省。

(八)甘泉。縣名。今併入江蘇江都縣。(九)光祿大夫。清正一品文階封職。(一〇)清仁宗嘉慶八年十月。東河衛家

樓河溢。明年三月。河工合龍。(一一)事。畢事也。(一二)高家堰。地名。在今江蘇淮安縣西南四十里。爲供澤湖屏蔽。

(一三)清制。凡徐州道淮陽海道所管之黃河。邳宿運河。洪澤湖。海口。山清高寶運河。皆屬南河。(一四)倉場。收納糧

米之場所。清制別設倉場衙門。置倉場總督。(一五)清制。凡山東之運河。通惠河。泇河。衛河。黃河。皆屬東河。(一六)紫

禁城。在京師皇城内。舊爲皇宮之地。(一七)清設殿閣大學士四人。協辦大學士二人。秩皆正一品。(一八)上書房。清

皇子讀書之處。命大臣爲之傳。(一九)太保。次於太傅。(二〇)清制鄉試中式後甲子一週。再遇是科鄉試。奏准得重

赴鹿鳴筵宴。(二一)寶華峪。陵寢地。(二二)滲。水下漏也。(二三)發身。猶言發迹。謂立功顯名以起家也。(二四)太僕。官名。

舊官制太僕寺卿少卿各一人。爲九卿之一。掌輿馬及牧畜。清光緒間併入陸軍部。(二五)清時戶部所筦三庫。銀

庫。緞疋庫。顏料庫。(二六)覆燾。燾。燾同。覆也。[中庸]無不覆燾。(二七)逡巡。行不進貌。(二八)國史補]進士稱有司曰

座主。(二九)庾山。卽大庾嶺。在江西大庾縣南。(三〇)煒。赤威也。(三一)國史補]宰相相呼爲元老。(三二)昔時碑首圖

螭形。而樹碑負于石龜上。

梅伯言光祿大夫經筵講官禮部尚書李公墓碑

光祿大夫經筵講官禮部尙書李公。以道光二十六年葬山陽縣郭南十五里曰高粱。咸豐五年二月十九日清明節。門下士南河總督楊以增署江寧布政使何俊^五。以牲牢樽俎奠祭於墓。及禮部員外赫特赫訥。戶部郎中梅會亮。亦與焉。皆門下士也。既禮畢。周覽北域。追維教思。外碑巍然。文字未琢。僉喟然曰。吾師有碑。不宜無詞。以屬會亮。乃謹撰曰。公山陽人。姓李氏。諱宗昉^{*}。字靜遠。亦號芝齡。曾祖諱培。祖諱慶會。考諱崇德。皆贈光祿大夫。妣皆贈一品夫人。公以嘉慶六年辛酉拔貢。舉於鄉。壬戌進士第二人及第。授編修。充實錄館纂修。文穎國史兩館協修。甲子陝甘鄉試正考官。己巳會試同考官。十六年大考^八。賞大段^九。遷贊善中允^{一〇}。任貴州學政。歷侍講。侍讀。庶子。國子監祭酒。旋改侍讀學士。授浙江學政。遷少詹事。充日講起居注官。還京。稽察覺羅學^{二三}。遷詹事。內閣學士。兼禮部侍郎銜。道光元年辛巳。監臨順天鄉試。稽察中書科。補禮部左侍郎。充壬午會試副總裁。殿試讀卷官。江西鄉試正考官。接任學政。回京。自戶部左侍郎。調工部。戶部右侍郎。兼管錢法^{二三}。充經筵講官。戊子順天鄉試副考官。己丑會試副總裁。朝考閱卷官。教習庶吉士。兼管國子監。順天府府尹。署吏部右侍郎。以失察戶部書吏僞照。降三品留任。再署吏部侍郎。充辛卯順天鄉試副考官。壬辰浙江正考官。賞還三品服。調吏部右侍郎。母憂服闋。補吏部左侍郎。

擢都察院左都御史。父憂服闋。署兵部尚書。補原官。充武英殿試讀卷官。賜紫禁城騎馬。升禮部尚書。兼署兵部尚書。以疾乞休。二十六年四月十日薨。年六十八。所著有妙香室詩集十二卷。文集十九卷。經進集五卷。詞一卷。金石存十五卷。黔記四卷。致用叢書十七卷。應場屋詩賦文若干卷。配沈夫人。先卒。以弟子鼎琛嗣。其詞曰。

公爲世瑞。文華道豐。天衢揚光。攬輝入紘一五*西北之英。東南之美。翰車風馳。

入我包匭一七*成均一八大師。六館詠歌。秋賦春闈。頻繁主科。謂公得士。述德未備。

其於民瘼。靡不軫計。黔撫見功。請文匿田。瘠土增賦。利一害千。當乾隆初。

議此被駁。公持往告。撫乃大覺。豫章有饑。曷吏束手。碁二三之成規。民活升斗。

建此兩利。皆以學臣。循分媿媿。孰此比倫。公有幼弟。年減三十。不慢以童。

翼教惟式。公有年友。宦蹇而終。恤孀教孤。俾以仕通。神明內含。不億人誑。

告匱拯窮。答過所望。嗚呼我公。歿爲人思。沉門下士。厚蒙恩私。輕重泯懷。

不以勢差。扶其躓顛。完其瘡痍二二*。誰無門牆。孰如公師。憶春載陽。養堂致壽。

公侍尊前。羣士拜後。羔雁委積。垂纓佩珂。擁戶交階。絳纒聲磨二五。榮親致歡。

威儀之多。盛事如在。流光逝波。刻文此碑。以永摩挲二六。

【註音】(昉)音仿(紘)音宏(曷)音猶(匭)古委切(瘼)音莫(碁)音忌(瘠)羽軌切(瘳)音夷(絳)取內

切(纒)音蔡

【釋義】(一)歷代以經筵爲天子研究經史之所。臣僚受命講解者。爲經筵講官。清時由大學士各部尚書

中簡派。(一)山陽縣名。舊為江蘇淮安府治。今為淮安縣。(二)清制。漕運總督所治為南河。徐州道淮陽道所管之黃河。邳宿運河。洪澤湖。海口山清高寶運河皆屬之。駐江蘇清江。(四)楊以增。聊城人。字益之。一字至堂。道光進士官至江南河道總督。卒謚端勤。(五)何俊。未詳。(六)康熙時開館。飭編皇清文頌。雍正乾隆時修增之。嘉慶十一年勅續修。(七)陝甘。陝西甘肅也。(八)清雍正十一年上諭。嗣後庶吉士等雖經授職。或數年以後。或十年。朕再加考驗。若依然精熟。必從優錄用。其或遺忘錯誤。亦必加以處分。後因之。(九)大段。謂繡緞也。段與緞通。
(一〇)贊善中允。皆官名。屬詹事府。掌侍從禮儀。駁正啓奏等。(一一)庶子。官名。周官謂之諸子職。諸侯卿大夫之庶子。掌其戒令與其教理。六朝後為太子官屬。隋改為左右庶子。唐時分掌左右春坊。擬侍中中書令。其後歷代相沿不改。(一二)覺羅。清滿州族姓氏。覺羅學。清代覺羅子弟肄業之所也。(一三)清制。戶部設錢法堂。掌京外錢幣事務。以右侍郎兼管。(一四)天衢。京師輦轂之地。(一五)淮南子。八殞之外。而有八紘。亦方千里。〔注〕紘。維也。維絡天地而為之表。故曰紘也。(一六)輶車。輕車也。(一七)書禹貢。包匭菁茅。〔按〕包。包裹。匭。匣也。古者以之納貢。此以喻得士。(一八)成均。古之大學。(一九)六館。實錄館。文頌館。國史館。四庫全書館。四庫會要館。內廷方略館也。(二〇)瘼。病也。(二一)豫章。即今江西南昌縣。(二二)基。教也。(二三)瘡。皮膚瘡也。(二四)金雁。卿大夫贄也。(二五)絳繅。衣聲也。(漢書外戚傳)紛絳繅兮統索聲。(二六)摩挲。謂撫摩也。

梅伯言禮部侍郎陳公墓誌銘

公諱用光。字碩士。江西新城人。其大王父贈資政公世爵生道。乾隆戊辰科進士。贈光祿大夫。光祿公生守詒。陳州府知府。贈資政大夫。陳州公生公兄弟五人。公次三。自陳州公以上。皆以名德尊重。振匱濟貧。於州里有恩。公七歲喪母魯夫人。逢忌哀感。天性夙成。年十四。為四書文。有明人程度。中嘉慶五年順天鄉試舉人。次年進士。改庶吉士。散館授編修。十九年轉御史。巡視西城。以部議回編修供職。道光二年。遷司業。歷中允。侍講。庶子。侍講學士。詹事府詹事。內閣學士。禮部侍郎。署戶部侍郎。終禮部侍郎。

階資政大夫。公自少好爲文章。及壯。師桐城姚學士鼐。以爲古文詞必扶植理道。緣經術爲義法宗。贅儒不根。而高材生又奴主同異。破碎大體。學不杓行。藝精道荒。慨然欲以文章道術自表見。於歐陽文忠歸熙甫。有意乎其爲人也。其爲御史甚暫。然嘗建深遠之論。不趨避形勢。擴^{*二}摭^{*三}細故。自御史回編修。益貧甚。人勸其出遊。公曰。吾近臣也。又爲人客奈何。嘗有貸於友人。至則賦詩弈棋盡日。暮忘所事而返。平居著作鈔錄圖史。几案至無空隙處。斷章片紙。粘帖滿屋壁中。或過從賓客。遊賞吟弄。不嘗省有無費。前後爲編修二十年。始轉司業。司業例不與大考。公語會亮曰。吾性好閱文。而拙於書。莫宜是官。不數年。驟遷至閣學。上諭曰。汝非有保舉人也。朕知汝恬退。進汝官。公頓首謝。嘗充日講起居注官。文淵閣直閣事。國史館文穎館^{一四}及明鑑總纂。以編修爲甲戌乙卯會試同考官。乙卯順天鄉試副考官。戊辰河南鄉試正考官。以侍講學士爲乙酉江南鄉試副考官。以閣學侍郎爲福建學政。壬辰科會試覆試閱卷大臣。武會試總裁。浙江學政。爲學政時。以宋臣孫覲^{一五}擢忠助邪。奏罷其專祠。訓諸生宣詩布文。原本古儒先警戒之道。科舉契^{一六}戾^{一七}屏不置口。至後進文士。則稱心褒賞。薦寵廣坐。不顧人有厚薄然否。使事畢。上以訊獄事留。道光十五年三月獄成。復命以禮部左侍郎供職。適上賜平定回疆圖^{一七}。公觴客敬觀。樂甚。未幾病。夢

陳州公曰。求吾木於家。以是藥汝。疾其逃逋。會亮聞而傷曰。病求木。兆之棺矣。疾篤。賞假者再。以八月十三日薨。年六十八。公以文學結主知。正道樂易。立身有本末。故始終優禮如此。俸祿所入。皆散贍昆弟親族。及師友。姚學古。鼎魯進士。仕驥。祭田千金。或數百金。其卒也。家無餘財。有衲被錄。太乙舟詩文集若干卷。春秋屬詞會義若干卷。未成。配魯夫人。四子。蘭瑞。國學生。早卒。蘭滋。上思州知州。蘭第。戶部河南司候補郎中。蘭豫。高唐縣縣丞。孫三人。會孫一人。女七人。適魯。適徐。適祁。適譚。適曹。其三四所適皆王姓。以某年月日。葬公於新城鄉某鄉某原。公之孤蘭第來告曰。知公者莫如子深。敢請銘。其詞曰。

公行高世。帝遂其逢。人巧人趨。安安而通。持古律衡。命觀五風。貪賢利善。

悃悃斷斷。年不極位。孤士幽歎。山盤交交。公神是愉。空石鑿詞。以奠陰墟。

【註音】(杓)音嬌(據)據運切同据(據)音灼(訾)音子(斷)去聲(空)方驗切(鑿)鋤銜切

【釋義】(一)大王父。會祖。(二)陳州。河南府名。今廢。淮陽縣其舊治也。(三)資政大夫。清正二品文階封職。

(四)司業。古典樂之官。兼教國子。隋用其名置國子監司業。歷代因之。清季廢。(五)庶子。見前篇注。(六)唐建詹

事府。總東宮內外庶務。歷朝因之。清光緒時廢。(七)清制。滿六人。漢四人。例兼禮部侍郎銜。掌批本。除循資遞升

外。有缺。則由大學士開列三四品京堂。翰林院侍講侍讀學士。內閣侍讀學士等。請旨簡放。(八)督儒。謂愚瞽之

儒也。(荀子)世俗之溝猶瞽儒。(九)後漢書。乃詔諸儒各選高才生。受左氏穀梁春秋古文尚書毛詩。謂材質

穎異者。才亦作材。(一〇)韓愈文。入則奴之。出則主之。(一一)杓。標的也。此言行不以學為標的也。(一二)據。拾取

也。(一三)訾。省。思索也。(一四)文穎館。注見前篇。(一五)孫觀。字仲益。宋晉陵人。嘗附張邦昌。(一六)契。合也。辰。乖也。言不

以科舉文為重也。(一七)道光初回匪亂。七年匪會張格爾就擒。回亂平。(一八)上思州。屬廣西。今改縣。(一九)高唐縣

名屬山東。(二)五風。五方之風。(七發)衆芳芬鬱。亂於五風。(三)悃悃斷斷。誠一之貌。(三)交交。交加參錯貌。
(三)鏡刻也。

梅伯言誥授朝議大夫貴州遵義府知府胡公墓誌銘

君姓胡氏。諱鐘。字山音。又字蘭川。後自號晚晴居士。江寧人。其先自婺源_三以明末來居。數世有隱德不仕。君性孝友。博學多能。書畫尤工。年十六。補邑庠生。應乾隆丁酉科拔貢。以是科舉於鄉。於四庫會要內廷方略兩館。謄錄議敘。授雲南太和縣_五。歷任至貴州遵義府知府。以嘉慶九年致仕歸。始在雲南時。靖變民。嚴苞苴_六。立學校。卓卓可紀述。而家居不一語人。鄉里善事。銳身堅行。與後進均勞逸。當事者知君署可輒行。而平居不一至官府。自學士大夫老親流輩。新進小生。至山僧羽士_七。無不交。茂樹幽石寂寥莽蒼_八之墟。無不遊。州閭_九聚會文酒之盛事。人必引之以爲名。而未嘗辭以事。古今圖書錢鼎畫印。其妍媸_{一〇}。真僞。有問者必告以誠。所作丹青真行篆隸。無疏戚。爲之必盡其技。然常退然若無能。和平齋莊_{一一}。以一律持物。不見其待富貴貧賤迹者。二十年而不衰。七十七歲而卒。嗟夫。士君子度其身。其時其地。有可以裨國家庇民人者。則出可也。不自苦其心而逍遙無爲。以適己。則處可也。使君乞身之時不早。志不堅。以增其祿位榮寵。卽優游強健之樂。亦時有兼得者。而必有所棄以全之。可謂能尊生矣_三。君卒於嘉

慶二十四年十一月二十一日。後二年而配盧恭人卒。以道光某年月日。合葬於聚寶門三外某鄉。子灤四。湖南候補縣丞。徵嘉慶癸酉科舉人。充鑲紅旗官學教習。沛縣學生。女三人。適張。適藍。適汪。孫男八人。女孫六人。凡嫁婚皆仕族。雍雍可風。銘曰。騁高衢。日未晡一六*。忽解轡。肆嬉娛。眺嶽岑一七。水舒舒一八。古官人。為民癯一九*。味其艱。謂退愚。明古義。先生歟。銘其質。奠幽墟。

【註音】(蠟)音蚩(縻)音營(晡)音浦(嶽)音欽(灤)音羅

【釋義】(一)朝議大夫。清從四品文階封職。(二)遵義府。屬貴州。治遵義縣。今廢府留縣。(三)婺源。縣名。屬安徽省。(四)庠生。舊時府縣學之生員也。(五)太和縣。元置。明清皆為雲南大理府治。民國改為大理縣。(六)苞苴。包裹餽贈之物。謂納賄也。《說苑》苞苴行耶。讒夫昌耶。按苞。草也。苴。裹也。(七)羽士。道士之別稱。(八)莽蒼。近郊之邑。《莊子》適莽蒼者。三飡而返。(九)州閭。即鄉里。(一〇)妍媸。謂美惡也。(一一)齋莊。恭敬尊重貌。(一二)尊生。猶今言衛生。《管子》公亦固情謹聲。以嚴尊生。(一三)聚寶門。江蘇江寧之南城門。(一四)鑲紅旗。滿族八旗之一。(一五)雍雍。和也。(一六)日過午後為晡。申時也。(一七)嶽。山之高者。岑。山小而高者。(一八)舒舒。寬緩貌。(一九)癯。與臞同。瘠也。

【評語】中段摹昌黎極工。

梅伯言戶部郎中湯君墓誌銘

君姓湯氏。諱鵬。字海秋。湖南益陽人。父義豈一。妣某恭人。道光三年。君年甫二十。成進士。所為制藝二。列於肆中。士子模擬。相接得科第。而君是時已專力為詩歌。自上古歌謠。至三百篇離騷。漢魏六朝唐。無不形規而神絜之。未幾。成詩集三千首。其始官禮部主事。既兼軍機章京三。旋補戶部主事。轉

貴州司員外郎。擢山東道監察御史。年始三十餘。意氣踔厲。謂天下事無不可爲者。其議論所許可。惟李文饒張太岳輩。徒爲詞章士。無當也。於是勇言事。未踰月。三上章。最後以宗室尙書叱辱滿司官非國體。言過當。且在已奉旨處分後。罷御史。回戶部員外郎。轉四川司郎中。是時。英夷擾海疆。求通市。君已黜。不得言事。猶條上尙書。轉奏夷務善後者三十事。後美利堅求改關市約。有君奏中不可許者數事。人以是服其精。非疏闊大略者也。君既負才氣。久居曹司。以爲事無論利鈍成敗。有所爲。當震^{*六}瀑人耳目。拘拘焉成易就之功。弗貴也。既不得施於事。則將著之言。吾書出而人以爲古嘗有是言。雖工弗貴也。於是爲浮邱子一書。立一意爲幹。一幹而分數支。支之中又有支焉。則支復爲幹。支幹相演。以遞於無窮。大抵言軍國利病。吏治要最。人事情僞。開張形勢。尋躡要眇。一篇數千言者九十餘篇。最四十餘萬言。每遇人。輒曰。能過我一閱浮邱子乎。其自喜如此。姚石甫以臺灣道創英夷。受誣訴。事白出獄。君大喜。觴客於萬柳堂。爲石甫賀。余於是始識君。得讀浮邱子者。君嘗爲會試同考官。門下士多至九列。譽君者不患無其人。願欲得余言爲可否。於是歎世徒畏君之才而豪。不知其不自足者乃如是也。嗚呼。君今其死矣。士而才。固宜負病於世。迨既死而世無復見其病者。獨其才在耳。君之名。其可無慮於後世矣。君卒以道

光二十四年七月九日。年四十四。未卒前。過予曰。石甫以同知官四川。為大吏者當何如。既而曰。天下事恐難滿人意也。後八日而卒。余過長春寺。記與君揖張亨甫。柩而歸也。未踰歲而君復殯於是。黯然傷之。君娶於某。子倣昭。佶昭。佑昭。什昭。啓昭。孫惇允。女二人。適杜。適李。以道光三十年某月日。葬君於某縣某鄉之原。其友生王少鶴九謂余曰。銘以屬君。乃為之詞曰。

天與以才。副之氣。神豪語快。士所悸。大力者推幸以遂。容頭。平進不可意。摧堅犯難。壯莫掣。蹶而改圖。幾後世。四十餘萬載。厥字。魂雖埋幽。靈不翳。

【註音】(豈)音立(裸)音博

【釋義】(一)益陽。縣名。屬湖南省。(二)制藝。謂經義制科之文。(三)清代凡都統副都統。以至各衙門辦理文書之員。多謂之章京。(四)李文饒張太岳。即唐之李德裕。明之張居正。皆權相之有才者。(五)曹司。謂官吏之職司。(六)裸。表露也。(七)萬柳堂。在北平沙窩門內。本元廉希憲別墅。(八)九列。猶言九卿。(九)王少鶴。名錫振。字定甫。少鶴其號也。廣西馬平人。(一〇)容頭。喻得過且過也。〔後漢書西羌傳〕公卿選懦。容頭過身。

梅伯言台州府同知龍君墓誌銘

君姓龍氏。諱光甸。字見田。廣西臨桂縣人。曾祖贈文林郎二鎮海。祖贈奉政大夫三翹四。考贈奉政大夫濟濤。官柳州府教授。娶朱宜人五。生光輔。而君為繼配。王宜人出。嘉慶二十四年舉於鄉。大挑知縣。攝湖南溆浦縣事。君初試吏。僕從滑胥。謂可以面謾誘愒六。便為姦。然一不為動。聽訟不留不私。改湘

陰^六淑浦民張樂送。緣道奔走。大吏知其賢。檄留省斷疑滯獄。卻求直者金。補黔陽縣。淑浦鄰邑也。聞君至。皆喜。楊姓民詭明封爵。列祖像於堂。皆冕。君聚焚之。火妖神廟。禁龍舟戲溺人。既興置利害。與學官子弟講習文藝。修古蹟。唐詩人王昌齡樓^八。時觴詠其上。大吏以爲能治劇。改武陵^九。道光二十一年。薦舉召見。擢乍浦同知。夷亂^二後。民貧多姦。穴於墓。狀羣鬼劫人。君巡至穴。役懼前。卽執炬燧^三先入。皆就縛。巫幻術斂錢子罪並發。入其財於官。尤慎海防。嚴市舶^{一三}私貨營其利者不便。大吏入其言以爲讓。而君詞直。然心^{一四}曠其^{一五}。調台州同知。官無畧。皆留省。君心知其難。然不欲苟從衆。乃借廨於民。聽事未久。民皆恐君去。朔望講示聖訓^{一六}爲木牌十六方。條目書上。先奉某牌敬立。大言曰。今日宣講某條。始入坐。巨盜名捕未得。一日至鄉。講未畢。械以歸。衆以爲神。於是官署立。市廛橋道修。二十九年十一月八日引見歸。卒許州旅舍。年五十八。著宰黔防乍隨錄。詩文集若干卷。少工繪畫。能劇飲。及爲吏。一皆屏絕。吏所入。衣食其族嫗者十餘家。惟不能以言詞假人。或面責人過。退無後言。至斷獄。則與人反覆導諭爲家人語。或感悟罷訟。而未嘗時讀律例^{一八}。嘗曰。合人情。安吾心。卽中律令矣。故用法正而不拘。配黎恭人。子啓瑞。以修撰官侍講。任湖北學政。請君就養。而君官台州。方日夜馳捕盜賊。每冒寒中夜歸。手足僵冷。或謂君。人爲

吏求逸樂耳。君固自苦。今子貴矣。盍少休。君曰。父子各受恩。各盡職。無相貸也。女四人。長者亡。幼者未許嫁。其二皆適士族。孫男二。維梁維棟。女孫二。三十年十月某日。葬桂林南關外之北村。啓瑞以書告。且乞銘。銘曰。吏也而勞。避位者媮。三古致身。不聞乞休。吏也而嬉。得喜失悲。逃爵之士。世見為奇。於今則奇。在古為譏。古義孰明。惟君念茲。不以子逸。去崇就卑。供養曰否。臣力未疲。翦蔓除荒。為民去疵。我銘其德。以告吏師。

【註音】(翻)呼會切(叙)音叙(媮)許葛切

【釋義】(一)台州府。屬浙江。民國廢。今臨海縣其舊治也。(二)文林郎。明清為七品封階。(三)奉政大夫。清時從五品文階封職。(四)柳州。即今廣西馬平縣。(五)宜人。清婦人五品封贈。(六)湘陰。縣名。屬湖南省。(七)黔陽。縣名。屬湖南省。(八)昌齡。字少伯。唐江寧人。黔陽有芙蓉樓。昌齡賦詩送辛漸於此。(九)武陵。縣名。屬湖南省。(一〇)乍浦。地名。浙江平湖海鹽兩縣交界。為海口重地。(一一)夷亂。指清道光間鴉片之戰。乍浦會為英兵所陷。(一二)炬燧。今日火把。(一三)舶。海中大船。(一四)噉。銜恨也。(一五)戇。剛直也。(一六)清康熙時有聖諭十六條。雍正朝作廣訓萬言。頒布宣講。謂之聖諭廣訓。(一七)許州。舊直隸州。屬河南。民國改為許昌縣。(一八)律。謂法律。例。謂例案。法律所不盡者。以例案比擬之。清有律例一書。(一九)伏羲時為上古。周文王時為中古。孔子時為下古。

梅伯言國子監學正劉君墓表

君諱傳瑩。字蕉雲。漢陽人。祖良瓚。父方行。余初識君。君年二十餘。以舉人官國子監學正。方考古。務為精博。又好為古文詞。然常多疾。疾每發。輒廢食。且不能近書。君家故貧。去父母兄弟久。又連喪婦。愛君者皆以君有所不自得者。戒於學宜少休。而君自苦彌甚。志益高。且欲追古為己之學而

從之。不以文學人自處也。而不自標異。雖余亦於其疾且歸。始知其日進也。可愧也。歸未數月。道光二十八年九月十八日卒。年三十一。既卒。乃得其日記並遺令讀之。始若可怪。繼爲之悲。卒乃起人敬。嗚呼。君之學。蓋自不妄語始矣。^三嘗以爲世之困人者。獨功利耳。文章傳述之事。得其深者。亦有以淡外慕而自足。要不若守身義理之學。超萬累之表。而莫吾挫。此豪傑之士。所以必志於是。而不以自作也。如君所志者是已。君始娶湯。繼娶陳。終娶鄧。鄧有高行。父兄媵以財數千金。夫不樂受。遂反之。母氏以是知君固窮之節。行於家也。無子。嗣兄子世圭。卒之明年某月日。葬祖墓側。將卒。書告友人曰。上元梅先生表吾墓。龍侍講^四書。會侍郎^五誌吾墓。何編修^六書。遂皆如其言。

【釋義】 (一)國子監學正。國學之教官也。 (二)漢陽。縣名。屬湖北省。 (三)宋史劉安世傳。從學于司馬光。咨盡心行己之要。光教之以誠。且令自不妄語始。 (四)龍侍講。即龍啓瑞。 (五)會侍郎。即會國藩。 (六)何編修。名紹基。字子貞。湖南道州人。道光進士。工書。

梅伯言侯子有先生墓誌銘

先生諱雲錦。字子有。亦字抑菴。江寧人。父學誼。母顧氏。試中嘉慶二三年舉人。再娶羊氏陳氏。皆無子。先生於內行修也。少以文名於時。於仕宦^{*}僥得之矣。卒不遂。晚乃頽墮委靡。務爲無訾省^二狀以自適。然終不能自勝。其卒

也。疾以肝。凡不至聽事者數年。卒時年五十七。將死。自書其行曰。父母已衰。孝不勝慈。有弟曰松。友不勝恭。少治章句。乃爲祿利。晚逃佛老。未捐忿伎。詩今之奴。字古之隸。嗚呼哀哉。名與生敝。其伯父諱學詩。由進士歷江西撫州府知府。文學政事皆可書。有外孫梅會亮。於先生爲弟子。實銘其墓。銘曰。

生靡樂。死奚若。嗚呼先生此其壑。

【註音】（俛）音詭

【釋義】（一）俛得。謂小有所得也。（二）「漢書」端心慍。遂爲無訾省。【注】蘇林曰。爲無所省錄也。師古曰。訾。貲財也。省。視也。言不視訾財也。劉奉世曰。無訾省。猶今不藉賴。（三）忿。恨也。怒也。伎。嫉妬也。（四）撫州府。屬江西。民國廢。今臨清縣其舊治也。

梅伯言王惠川墓誌銘

君名渭。字惠川。蘇州府吳縣人。自曾祖至君。始業儒。爲吳縣生員。以嘉慶二十二年卒於南昌客舍。年四十一。以某年月日。其妻子葬君於某所。友人梅會亮爲之銘。君博覽強記。尤熟於史。著五代史職方考一書。同里顧廣圻^{*三}以精博擅一世。尤亟稱許惠川。然惠川惟志於討論得失。要最爲文章。成一家之書。嘗曰。古人與身誰親。分章竄句。甘心古人之功臣。吾不暇也。其爲文辨博廉悍。以有關於道術爲主。其詩悽慘幽邃。雖小物必有所指。而用思至精。世俗人莫能知也。國家興文教。幾二百年。名儒大師聞出。說一字之誤。陳書至數十種。窮搜而遠探。以上及杳冥不可知之年。下至^{*四}骯髒^{*五}慢戲。假託名字。閒脫分裂。古人之所不稱。往往立之。而書出於刺取。收攬^{*五}之中。蓋幾於盡矣。獨文章之學。倡之者既寡其人。而爲之者。又或束書不觀。割裂首尾。惟閭里師戶。知童守之文。形樵^{*六}聲襲。游談無根。爲樸學者。鬪其捷而奪之氣。故其道益孤而不能振。然則惠川以魁奇鴻博之才。棄俗尙以從事於斯道。而卒不得以壽考成其材。此非獨君之不幸。亦斯道之不得其人以倡之者之不幸也。君爲人落落^{*六}自喜。每自詫曰。吾豈長

貧賤者。又曰。吾雖貧。不能為童子師。人信之。君益困。惟南昌太守張敦仁。雅重君。其卒也。太守實歸其喪。未卒之三月。君過江寧時。病瘧者半載矣。余阻其行。君曰。歸易耳。即不病。當餓死。奈何。送君至歧路而別。君儼然逐行李去。百步外猶數數反顧。時二十一年十二月十三日也。余之見君。蓋自此止矣。嗚呼。死生離別之感。固今古所饜見。而以生平意氣之合。其文采又足以表見於後世。而會不得假之年。以極其才力之所至。如君者。其可悼惜為何如也。銘曰。

儒嵬義弱文杌^{*二*}。胥鈔計帳以塞責。無賢與姦用一格。使忠義人色有墨。鬼蜮逡巡貌不得。誰追使還文字職。君志未就死誰惜。觀所成者視此石。

〔註音〕(折)音析(斃)音委(骸)音被(擿)據運切(撫)同模(訛)丑亞切(儼)音壘(嵬)音巍(杌)音兀

〔釋義〕(一)五代。梁、唐、晉、漢、周。(二)職方考。考正輿地職貢之事。(三)顧廣圻。字千里。號澗蘋。清元和人。為江沅弟子。精於小學天文。歷算輿地之學。(四)斃。邪曲也。(五)擿。取也。(六)落落。坦白率真也。(七)訛。誇也。(八)張敦仁。字古餘。乾隆進士。官至雲南鹽驛道。(九)儼。懶懈也。病也。(一〇)饜。飽足也。(一一)嵬。幽貌。(一二)杌。不

梅伯言朝議大夫臺灣府知府蓋君墓誌銘

嘉慶初。賊起川楚。以文吏著殺賊功者。四川劉公清。河南林君嵐。陝西則蓋君方泌也。君字季源。亦字碧軒。山東蒲臺人。曾祖越。祖國杰。皆縣學生。

父諱熙。早卒。娶靳恭人。無子。以弟子爲後。本生父諱東烈。任安徽司獄。本生母王恭人。自祖以下及本生。皆贈如君之官。乾隆十六年。以己酉科拔貢。就州判陝西。署漢陰廳^四。通判石泉縣^五。署商州州同^六。時嘉慶二年也。治商州東百里曰龍駒寨^七。寨之東河南。南出武關湖北。路四通。綰商賈輸寫^九之會。又多林莽山徑。易憑匿。賊自武關入陝寨。數創。君始至。民吏掃地赤立。而賊會張漢潮擁衆至。乃置藥麪中誘賊食。多死。遂西走。大軍乘之。漢潮由是不振。然且揚言曰。必報若。君集衆謀曰。賊雖去。必復東。若等逃亦死。守不得耕種。亦坐餓死。我文官也。無兵。若能爲我兵。當相爲全活爾命。衆議三日。而後復曰。生死惟命。乃築堡聚糧。據見戶三丁抽一。得三千人。無丁者以財佐兵械糧糗。且教之戰。辰集午散。曰無廢農事。四年。賊屯山陽鎮安^二。將東走河南。迎擊敗之。又擊賊於鐵峪鋪^{*}。逐賊入林中。矛折。賊已近。奪矛以斃賊。時賊踞山上而伏其半於溝。乃分兵翦伏。奪據其東山上。數乘懈擊之。殺傷過當。賊宵遁。卒不得東。後賊由雒南^三東逸。君馳至分水嶺。閒道走鐵洞溝。出賊前而伏。賊錯愕迎戰。遂敗。殺數百人。鄉兵名由是大振。自武關至竹林關。鄉兵皆請隸龍駒寨。五年。知州困於賊。君馳百九十里至北灣。賊驚曰。龍駒寨鄉兵至矣。遂遁去。是時。賊屯商州西及雒陽^三山陽。各萬餘人。集衆勢欲東出。君合武關竹林兵二萬人。列三大營以待。

賊不敢前。而聞揚忠武公^{一四}以兵自商州至。卽前擊賊。東西夾攻。賊大敗。幾殲。是役枕戈而寢者五十日。遊擊誣以事。解職。大吏直其謾^{一五*}。得留任。賊遂相戒無適商州。八年。賊平。始授^{一六*}整屋知縣。公在商州六年。賊出入陝西久。無所掠利。銳欲窺河南甚。狼奔鼠偷。情狀捷出。而眇然以一文吏。不憑一城。藉一餉。起千百農家子於逃亡餓羸之餘。抗堅悍滑習之賊於必爭之衝。摧鋒守堅。賊死突不能入平地。便奔走。牢困山谷。卒就擒滅。夫古人有身受重寄。一失守。縱賊出隘。奔騰瀆漫。不可收拾者。人必舉後此禍敗之罪。歸重於首禍之人。幸有大力者當之。奔騰瀆漫之禍。泯不復見。又習而忘之。未嘗以歸罪於敗者之重。增重於成者之功。然則惟無赫赫之名。而其功乃有益於人國。此固君所不得而辭者也。在整屋。猶時時入山搜賊。巡撫方勤襄公^{一七}。奏賞藍翎。又生得十三年寧陝^{一八}倡亂者四十餘人。奏授寧陝廳撫民同知。睿皇帝^{一九}召見。問商州事甚悉。授四川順慶府^{二〇}知府。改成都府。十八年。岐郿^{二一}有賊入川。以鄉勇屯川陝通路。賊知爲統龍駒寨鄉兵者也。卽遁歸陝。就滅。母憂服闋。授福建延平府^{二二}知府。改臺灣府。兩攝臺灣道事。道光三年。以病歸里。十八年六月卒。年七十一。君始在陝。後在川。皆以知兵重。然精吏事。重民命。其在整屋。賊甫平。卽捐俸賑飢。旌死節婦。及河灘馬廠鹽法^{二三}。皆區畫久遠計。始至順慶。大吏聞渠縣民叛^{二四}。屬以兵。君曰。此

作會人衆。客主相驚疑。訛言橫生。非叛也。請毋用兵。捕十二人而其變息。始至閩。以三十金賞捕。得周永和。乃總督命鎮將欲以兵取者也。在臺灣所讞四獄。皆千百聚羣。稍激則變。君一以理論。民輸其誠。蔽罪如法。彰義飢捕劫者七十人。置之法。天乃雨。民呼爲太守雨。其行事操舍。適機會。又如此。配萬恭人先卒。里居時聞君日戰賊。憂甚。侍斬恭人前。言笑若無事者。嘗誡子曰。爾守有餘。然居官當求濟於事。有七子八女。長子鈺。陝西佛坪廳同知。萬恭人出。次錯。錕。錡。鑣。孫男一。女孫二。以道光十九年十月二十八日。葬君於蓋村北原上。會亮在江南時。嘗記劉公清林君嵐及君遺事。君長子。後爲同年進士。走京師。以狀示曰。子於先君嘗有述也。請遂成之。乃系以銘曰。

討賊方亟。募民以攻。始仗其力。終怙其功。養之病國。汰之爲賊。勿養勿汰。惟龍駒寨。晝趣爾耕。朝揚其麾。飽德飫義。奮如虎螭。遂遏逋寇。成誅於師。勝兵萬人。計臣不知。嗚呼。此則府兵之遺。而後事者可以爲規。

【註音】(嵐)盧含切(杰)音桀(寨)助邁切(峪)音谷(護)母官切(整)音周(厓)音窳(郿)音眉(讞)音彦(鈺)音玉(坪)音平(錯)音措(錕)音昆(錡)音技(鑣)巨偃切(鏃)時連切(鏃)音鄰(怙)音戶(螭)音瘞

【釋義】(一)清仁宗時。白蓮教起事。四川湖廣。擾及西南各省。九年始平。(二)蒲臺。山東縣名。(三)司獄。清按察使及各府。有此官。(四)漢陰廳。今爲縣。屬陝西。(五)石泉縣。屬陝西。(六)商州。今改商南縣。屬陝西。(七)龍駒寨。地名。古時屯戍之處。(八)武關。地名。戰國時爲秦之南關。在今陝西商縣東。(九)寫。通瀉。(一〇)赤立。無有也。

(二)山陽鎮安。均縣名。屬陝西省。(三)維南。縣名。屬陝西省。(四)楊忠武。即楊遇春。清崇慶人。嘉慶時平川陝楚教匪有功。歷官陝甘總督。卒謚忠武。(五)謾。款也。(六)盤匡。縣名。屬陝西。(七)方勤襄。名維甸。號葆巖。官至直隸總督。(八)寧陝。舊廳名。今改縣。(九)睿皇帝。即清仁宗。(一〇)順慶府。屬四川。今廢。南充縣其舊治。(一一)岐郿。皆陝西縣名。(一二)延平府。屬福建。今廢。南平縣其舊治。(一三)鹽法。商民課稅行鹽之法也。(一四)渠縣。今屬四川。(一五)讞。平議罪獄也。(一六)佛坪廳。今改縣。屬陝西。(一七)計臣。即謀臣。(一八)府兵。注見卷一。

梅伯言項府君墓誌銘

君諱^{*}烜。字作豐。溫州瑞安縣^二歲貢生。祖啓龍。考諱昌基。生一子五女。君性孝友樂善。移兄弟之愛於女兄弟。嫁而貧者。析產置田。不以母同異爲厚薄。遠祖墓田廢。充以己田。不以族遠近爲公私。推其愛及父母之姻族。權疏戚緩急。時凋給以爲常。推其愛及鄰里州黨。凡橋梁道路。有不便於人者無不修。年歲飢疫。有活人之事無不爲。粟米錢帛。衣袴藥物。可以給人之物無不蓄且具。偶出欲有所衣寒者。不及歸取。解傭衣而歸償以新衣。傭皆樂從之遊。見空器在門。實錢物令滿。其人來自持去。人忘其施。君亦不以爲德也。治家及外所交際事。盡日乃休。而又好詩及書法。習科舉學。乃先明而興。客至始盥沐。則程課畢矣。學使者每拔冠其曹。比鄉試。數不售。有人爲主司先遊者。峻拒之。以諸生終。嘉慶六年五月十四日卒。年四十九。君始娶戈。繼娶於李於林。長子俊。次霽。次傅霖。女四人。適林。適孫。適張。其次三者未嫁卒。傅霖試禮部京師。與曾亮善。將以某年月日。

改葬君於某鄉某原。以君之行告。且乞銘。嗟夫。君之行。古所謂獨行有道。名應選舉者也。論士於古。有循是而至公卿者矣。然使古取士之法。與士自修其身之道。離而二之。其操行果盡出於是。而無待而然者歟。抑勢之相激。中材有不能自阻者歟。夫古人善其身而祿及之。猶不可因祿以疑其善。況乎祿不出於是。而獨爲於今之世如君者。勤孰與古人多。吾以是知謂選舉興而行多僞者惑也。銘曰。命於福爲嗇。性於善爲豐。名於己爲阨。功於人爲通。愴乎其幽宮。固安其宗。

【註音】（疇）音洪（愴）音淡

【釋義】（一）温州。舊浙江府名。今之永嘉縣其舊治也。（二）瑞安縣。屬浙江省。（三）愴。安也。

梅伯言贈按察司照磨吳府君墓表

君諱達德。字懷新。明初自江西遷。今湖南者。爲君十四世祖。始著籍巴陵。至起家爲富人者曰傳經。生君及其二季。嘗應試。人踐屨不得前。吏前卻之。徑出。不再應試。專意於宋五子書。扁表其言。使出入見之。座事繼母。待異母弟弟婦。嫠居者。及家子弟親族少長。必隱度於恩義之平。人求貸必應。貸以訟必辭。開諭情事。使兩息而後已。嘉慶十八年歲飢。出穀萬石賑之。大驚其縣人。君曰。吾自惟心計衰。冀少事耳。暇則手寫書史。自種菜果。

課傭佃指授田法。時與諸昆弟歡飲。醉則益和而恭。道光五年正月二十日卒。年七十一。母胥氏。繼母孫氏李氏。配羅氏徐氏。子友樹敏樹庭樹。女一。孫八人。曾孫十二人。以其年十一月五日。葬君於橫板橋。直其家南十里。敏樹以舉人官教諭。會亮見其文京師。以為能學歸熙甫者^四也。狀君行。請為之表。嘗以謂三代後。道德衰而游俠^五盛。然通財之義。固道德中所自有者也。以古之無甚貧富而不以是為名高也。遂謂自游俠者倡之。儒者避其名而不復權其義。世因以儒之行病不廣大。豈所謂能弘道者乎。君學道人也。散萬金不以概其心。是異夫儒而不利於物者。

〔釋義〕 (一)照磨。官名。清制布政按察兩司及各府。皆置照磨。掌照刷卷宗。 (二)巴陵。縣名。屬湖南省。 (三)宋五子書。即宋儒周敦頤、程顥、程頤、張載、朱熹五人。為道學正宗。 (四)歸熙甫。即明歸有光。 (五)游俠。謂好交游而急人難者。〔史記〕有游俠列傳。 (六)〔論語〕人能弘道。非道弘人。〔注〕弘。廓而大之也。

梅伯言館陶縣知縣張君墓表

君姓張氏。諱琦。字翰風。陽湖人。祖政誠^{*}。考蟾賓。皆以君兄惠言官編修。贈翰林院庶吉士。祖妣白氏。妣姜氏。皆贈孺人。君以舉人膾錄議敘。道光三年。官知縣山東。補館陶縣。始至權鄒平^二。歲且盡。君閱村四百七十。麥無入土者。即申牒報災。其詞堅。大吏破成格入奏。因鄒平得緩徵者十六州縣。民失物。誤訟於長山^三。歸獄於君。君曰。汝失物地。大樹北。抑樹南也。曰。大樹

北。君曰。若是則我界也。民愕然曰。誠鄒平耶。卽不欲以數匹布煩父母官。持牒去。後權知章邱^四。鄒平民時赴訴。君曰。此於法不當受者也。慰遣之。章邱俗好訟。又多大府書吏撓令權。君結正二千餘事。私書絕跡。然君所權兩縣。或數月。或歲餘。卽受代。惟館陶八年。人戴之如親戚。而君政固不爲姑息。始受事。久旱。君禱雨既應。糶倉穀。平價振口糧。士民皆洽歡。乃嚴捕劫盜。姦民。士有訟者。閱其詞不直。卽曰。課汝文不至。訟乃至耶。試責以文。不中程。後乃決事。士訟遂稀。其仁術兼濟。類如是。然君尤以館陶地斥鹵^五不宜穀。又衛水^六數敗田。精求古溝防。及區田法。試行之。未遂而病。道光十三年三月十二日卒。年七十。子珏^{*}。孫。殤。曜。孫。以舉人令武昌。女子四。長適吳廷珍。刑部員外郎。次適章政。次適孫劫^{*}。次適王曠。皆士族。以是年十一月六日。葬君於縣之龍山。湯孺人先卒而祔墓。旣誌。曜孫乃乞爲之表。君少以文學名。與兄臯文編修。伯仲也。詩詞醫學書法。皆能得其深。著錄十餘種。人以君爲文人傑魁者矣。而未意其能爲循吏如是。嗟夫。是乃所以爲文人也。夫政不達而言立者。蓋亦寡矣。苟以君所爲者有過乎文人。此可謂能知君矣。未可爲知文人也。且世之所謂文人者又何也。

〔註音〕(誠)音咸(珏)音覺(劫)丘八切

〔釋義〕(一)館陶縣。屬山東省。(二)鄒平。山東縣名。(三)長山。山東縣名。(四)章邱。縣名。屬山東。(五)〔說

文〕東方謂之斥。西方謂之鹵。鹹地也。(六)衛水。卽衛河。在縣西二里。其舊渠。卽漢屯氏河。自隋湯開永濟渠。疏

白溝入屯氏河。遂有此名。(七)溝。田間水道。所以瀉水而防水也。(八)舊說區田地一畝。闊十五步。每步五尺。計七十五尺。每一行。占地尺五寸。該分五十行。長十六步。計八十尺。分五十三行。長闊相折通二千六百五十區。空一行。種一行。於所種行內。隔一區。種一區。除隔空外。可種六百六十二區。舊說每區可收斗穀。則每畝可收六十六石。此可行於土曠之地。(九)循吏。謂循良之吏也。

梅伯言男八十墓碣

男八十。又名煥枝。梅會亮伯言第三殤子也。以嘉慶壬申年十月十三日生。殤於道光二年十一月之十日。生三歲而其母病且卒。指八十以示吾而後死。今汝又死。前一夕徧呼家中人。漏下五鼓始絕聲。朝晡後氣絕。其叔父仲卿痛之甚。以成人禮葬於西城內烏龍潭之東。西面城。先一月。八十隨奴子韓貴謁其母及叔母墓。循是潭而歸也。今所葬適值其地。嗚呼。兒憨癡如凡童。又年不及中殤。吾家人待之。蓋情過於禮矣。然獨以為天下之可悲者。莫吾兒若也。

【註音】(憨)呼甘切

【釋義】(一)漏。漏壺。古計時器。(唐書百官志)宮門局。宮門郎二人。掌宮門管籥。凡夜漏盡。擊漏鼓而開。夜漏上水一刻。擊漏鼓而閉。(二)晡。當作舖。食也。(三)憨癡。愚頑也。(四)男女未成人而死。年十五歲至十二歲為中殤。

梅伯言鄒孺人墓表

道光二十六年冬夜發篋。得管異之遺墨。述其母鄒孺人事。凡百五十字。曰。先母鄒氏。考諱森。安東縣教諭。母周氏。諱璵之女。歸先君。生子女四人。

年三十七而遭先君喪。以女工典質。支柱門戶。事先大母。葉孺人八年。葬先祖祖母及殤弟妹。嫁一女。娶一婦。延師於家。教同讀書。至十七歲而後止。嘉慶二十三年九月二十七日卒。年六十六。道光七年四月二十八日。與先君合葬於江寧安德門外之傅家山。子一人名同。孫一人名嗣復。孤管同泣血謹述。嗟夫。此異之書。示其友乞墓表者也。異之書。此未幾。試禮部道卒。子方幼。今十餘年矣。而嗣復始成立。乃追書以遺之。以卒吾先友之志。夫異之所述。自世俗務虛美者觀之。無絕殊者。然以家之貧薄而事之危苦也。獨以一女子當之。詩曰。哀哀父母。生我劬勞。異之蓋有以知劬勞之人。無有過於爲父母者矣。此所以爲善述其親。而余不能有加於是者也。嗣復今爲諸生而甚文。庶其知先人以誠敬其親而不自飾於其友者。於古道皆有合焉。孺人之夫諱文郁。余記揭帖圖字西京者也。

【註音】(尋)音尋(柱)音主

【釋義】(一)孺人。婦人七品之稱。

(二)安東縣。舊屬江蘇淮安府。今爲漣水縣。

(三)支柱。卽支撐也。

(四)先

大母。卽已死之祖母也。

(五)嗣復。字小異。

(六)清時科舉會試稱禮部試。

梅伯言朱孺人墓誌銘

吾友繡山。以函封詩詞及摹漢魏篆隸書。告會亮曰。此吾婦朱孺人作也。吾婦幼失母。專其事母者事父。及後母遺腹弟。調燥濕。禦侵侮。皆與其勞。年二十而歸余。移其事親者事吾親。不敢有失焉。不逮事吾母。移其事姑

者事祖姑。不敢有失焉。吾家素貧。而族大嫗衆。賓客酒漿束脩之供饋。能
 內外支拄。不見罅漏。使吾無自失於人者。又以其餘功。習詩詞繪畫隸楷。
 女嫗好學者多從之遊。其性情好尚。固絕異乎常女子也。然親戚時聚處。
 酬高應卑。各適其人。未嘗以才語自標異。其密於用心者如是。故瘁而病。
 且產。遂卒。吾哀其賢且勞。致夭其生而嗇於報。以女子而求託於沒世不
 可知之名。而其所喜以自見者。又僅有是。敢質之以徵於墓詞。嗚呼。其哀
 也如是。其可無銘。孺人諱璵。字寶瑛。海鹽人。內閣學士兼禮部侍郎諱方
 增之女。曲阜孔憲彝之繼室。道光二十五年六月十五日卒。年三十五。所
 著詩詞各一卷。子慶第慶篤。女慶婉。以其年十一月二十七日。葬於衍聖
 恭愨公墓左。銘曰。
 古傳列女多雅才。以才為諱孰致斯。惟德不淑才乃疵。能宜尊章敬持持。
 囊篋細大安提提。六親攜嫗歡如歸。箴管餘事藻筆摛。才若此者乃可詩。
 有然疑者徵余詞。

【註音】(罅)喜亞切(璵)音余(瑛)音英(愨)苦角切(嫗)同嫗

【釋義】(一)罅。裂也。(二)瘁。勞也。(三)海鹽。浙江縣名。(四)曲阜。山東縣名。(五)衍聖。孔子後裔世襲之公

爵名。(六)章。亦作璋。舅姑也。(七)持持。敬以自持。不稍怠也。(八)提提。安靜也。(九)六親。父子兄弟姊妹甥舅。皆

媾姻婭也。(一〇)攜嫗。謂遠姻也。(一一)箴。說文綴衣箴也。管。置針線之具。(一二)楚辭。君思我兮然疑作。注。然。

不疑也。疑。未然也。是非交作莫知所決。

梅伯言崔恭人墓誌銘

道光六年二月二日。太守余公之配崔恭人。卒於江寧官署。將葬。子炳堃^{*}泣告會亮曰。吾母事舅姑。愛稱其敬。事家大人。德稱其義。性好施與。周嫻族。禮稱其情。大人少好書史。外嗜不移。及成進士。官刑曹。直樞廷。一心奉公。不問生產。母縮衣嗇食。區畫綜理。未嘗使大人憂。及隨宦大郡。以約守盈。虔於神先。朝夕必致敬。課兒嘗至夜分^二。畢課。出緘綾補綴^三以爲常。吾數省試不售而歸。母必強言笑以慰之。及吾幸售。歸稍遲而母疾已殆。吾欲如昔不售而歸。見吾母強爲歡。不可得也。吾母雖及待吾歸。實如未見。吾稍有成也。吾之悲。蓋非人所能知也。家大人實知子。子辱與炳堃交。敢請銘。會亮不得辭。則謹序曰。恭人姓崔氏。江西德化^四國學生耀采之子。縣學生立達之第。年二十一。歸欽加道銜江寧府知府德化余公。子五人。思森堯恩早卒。炳堃道光五年乙酉科舉人。屋^{*}恩廣東鹽大使。寶錕^{*}附生。候選知縣。孫安炘^{*}安炯^{*}安耀。恭人生乾隆三十四年正月五日。年五十八。道光八年某日。葬於德化縣某鄉某里。銘曰。

〔註音〕(堃)同坤(屋)古厚字(錕)音昆(炘)音欣(炯)戶頂切

〔釋義〕(一)刑曹。卽刑部之司官。(二)夜分。半夜也。(三)〔禮內則〕衣裳綻裂。紉箴。請補綴。(四)德化。縣名。

舊屬江西九江府。今為九江縣。(五)莊莊。矜直貌。(六)神君。賢長官之稱。見〔晉書〕。(七)令子。猶稱賢郎。

梅伯言倪孺人墓誌銘

孺人倪氏。望江人。桐城劉孟塗妻也。孟塗以文名於時。家貧客遊。供養事。一委之孺人。能敬禮不怠。道光四年七月十四日。孟塗客亳州二暴卒。時孺人生子數不育。又新喪女。而妾所舉子病且殆。大慟曰。吾夫殆無後矣。即自剄三不殊。至人定四後縊死。時去孟塗死百日。二十三年。其子繼來京師。輿歸孟塗集。告會亮曰。吾母以今年某月日。葬縣之某鄉某原。敢請銘。且言孺人殉夫時事。俯首淚下。噫。夫亡矣。孺人不孺忍以待其子者。以是子之必不可保也。今孺人葬而是子來乞銘焉。如之何其不悲也。銘曰。不忍靡遺五。豫死塞悲。子壯既成。不見母生。悲夫以有。此烈與名。

〔釋義〕 (一)望江。縣名。屬安徽。(二)亳州。即今安徽亳縣。(三)剄。以刀自割其頸也。(四)人定。謂人皆安息之時也。(五)〔詩大雅〕周餘黎民。靡有子遺。〔傳〕遺。餘也。

卷二十一 一碑誌類六

會滌筮江忠烈公神道碑銘

公諱忠源。號岷樵。新寧江氏。曾祖登佐。太學生。祖獻鵬。父上景。歲貢生。母陳太夫人。生子四。公其長也。少而豁朗英峙^{*}。以縣學附生。選爲道光十七年丁酉科拔貢生。旋中是科鄉舉。久客京師。以大挑得教職。與會國藩。陳源^二。克^二。郭嵩燾^三。馮卓懷^四。數輩友善。嘗從容語國藩。新寧有青蓮教匪。亂端兆矣。既歸。二年而復至京。余戲詰公青蓮會匪竟如何。何久無驗也。公具道家居時。陰戒所親。無得染彼教。團結丁壯。密繕兵仗。事發。有以禦之。逮再歸。而果有雷再浩^五之變。公部署夙定。一戰破焚其巢。誘賊黨。縛再浩^六。湖廣總督上其功。賞戴藍翎。以知縣用。公入都謁選^七。又語國藩。前事雖定。而大吏姑息。不肯痛誅餘黨。難猶未已。踰年而復有李沅發^八之變。又踰年而廣西羣盜蠢起^九。洪秀全楊秀清之徒出。大亂作矣。公爲縣令浙江歲餘。咸豐元年。丁家艱歸。大學士賽尙阿公^{一〇}督師廣西。馳疏調公赴粵。既至。則又爲副都統烏蘭泰^二公所賓敬。事無巨細。必再諮而後行。人無疏戚貴賤。必察公意嚮而薄厚之。敘公之勞。請擢同知直隸州^三。換戴花翎。公亦竭誠贊畫。募楚勇五百人助戰。湖南鄉勇出境討賊。自此始也。烏公慷慨負氣。

與提督向公榮積有違言。公以書曉譬烏公。禮下之已甚。冀感動向公。卒不能得。逮圍賊於永安。復代爲一書抵向公。力諫圍師缺隅之說。請合圍而盡殲之。又不能得。因引疾歸。歸而永安賊出。大敗官軍。遂至桂林。公聞警募勇。倍道赴援。將終佐烏公以平嶺表。未至而烏公陣歿。自是獨領一隊。賊中往往指目江家軍矣。既解廣西之圍。旋大捷於簑衣渡。賊不得掠舟而北。衡永以安。賊攻長沙。公與力爭南門天心閣。築堅壘。據要害。長沙以完。賊之渡洞庭而東也。實惟咸豐二年十月之杪。旌旗帆檣蔽江而下。公痛時事之益壞。怨吾謀之不見納。悵然不復欲東。巡撫張公亮基亦奏公留守湖南。是冬破賊目晏仲武於巴陵。剿平徵義堂會匪於瀏陽。明年春。署湖北按察使。翦叛民劉立簡於通城。搏陳北斗於崇陽。皆以疲卒千餘。盪寇數萬。天子褒歎。由是有幫辦江南軍務之命。公拜疏將赴金陵。中途聞廣濟宋關佑爲亂。移師討之。事甫定。而朝廷命公速救鳳陽。不數日而江西巡撫檄公速援南昌。公曰。金陵鳳陽。雖有朝命。然殘破之區。效遲而事易。江西雖無朝命。然完善之士。禍急而事難。吾當先其難者。遂挈師由九江踔四百里。入南昌。翌日賊至。則設施略備。上下恃以無恐。賊晝夜環攻。闕地十道。分擾旁郡。以眩我謀。終不得窮公方略。凡九十餘日而圍解。上嘉公功。賞一品頂帶。賜翎管班指諸物。厥後田家鎮失。上疏自劾。

詔旨雖許鑄四級。然旋有安徽巡撫之命。又詔公楚皖一體。當相緩急。爲去留。不必拘於成命。蓋聖主倚公辦賊。不復中制。而海內企踵喁喁^{二十七}。亦咸知非公莫屬也。公以爲武昌差足自保。廬州^{二八}新立行省。危在旦夕。法官經營淮南。以分吳楚賊勢。拜疏自鄂之皖。饋^{二九}雨而行。將卒終歲奔命。道病。公亦病。至六安病甚。六安^{三〇}吏民遮道請留。不許。昇^{*}疾竟達廬州。部分未定。而賊大至。公設策應敵。一如守長沙南昌時。而城無見糧。藥鉛罄竭。元從之士。不滿千人。諸軍屯四十里外。觀望莫救。公弟忠濬。自楚來援。爲賊所梗。咫尺不得通問。公病益困。不食數日矣。城陷。發憤投水死。咸豐三年十二月十七日也。春秋四十有二。越八日。募人入賊中。負公屍以出。事聞。天子震悼。追贈總督。賜祭葬。命廬州及湖南江西皆立專祠。褒公三代如其官。予諡忠烈。咸豐五年。劉公長佑^{三一}聞關歸公喪新寧。六年某月。葬於某里某山。公弟三人。仲卽忠濬。以兵事積功至道員。歷官安徽四川布政使。次忠濟。戰功最偉。殉難岳州。予諡壯節。次忠淑。縣學附生。保敘知府。夫人陳氏無子。以弟子孝椿爲嗣。妾楊氏。公既歿而生子孝棠。國藩昔與公以學行相切^{三二}。文宗御極。薦公以應求賢之詔。公嘗疏請三省造舟練習水師。又嘗寓書國藩。堅屬廣置礮船。肅清江面。以弭巨禍。其後國藩專力水軍。幸而有成。從公謀也。自公之薨。忠濬等數乞余文。表公墓道。大義相許。神人

共鑑。余其敢讓。軍興以來。死事者多矣。或邂逅^{三三}及難。而倖廁忠義之林。何可勝道。當公赴江西之急。有詔令至金陵。及赴廬州之急。有詔且留楚中。宜可稍安。以惜有用之身。而公必蹈危地。甘死如飴^{*}。但求無疚於神明。豈所謂皎然不欺者耶。嗚呼忠已。余既揭其用兵始末。乃並述他行義。聲之銘詩。用告異世治國聞者^{三四}。銘曰。

儒文俠武。道不並張。命世英哲。乃兼厥長。惟公之興。頽俗實匡。明明如月。肝膽芬芳。有師鄧君^{三五}。有友鄒子^{三六}。臥病長安。朝夕在視。亦有會生^{三七}。燕南旅死。謀歸三喪。反葬萬里。兩以躬致。義泣鬼神。近古之俠。孰與比倫。作宰吳越。風教露養。秀水^{三八}賑飢。翼民以長。蘇其枯^{三九*}。衣以文襁^{*}。儒吏之風。並時無兩。蘊此兩美。風雷入懷。砰然^{四〇}變化。陰闔陽開。宜哉^{*}大難。重奠九^{四一*}。坡半駕而稅^{四二}。天乎人哉。楚師東征。倏逾十秋。三十萬人。金甲^{四三*}。緇^{四四}。死者半之。白骨嵩邱。人懷忠憤。如報私仇。千磨百折。有進無休。終^{四四}。殄元惡。盡復名城。天河盪穢。海宇再清。公勦其始。不觀其成。九原可作。慰以茲銘。

【註音】（岷）音民（峙）直矣切（磔）音摘（杪）音藐（膊）匹各切（挈）苦結切（踔）音卓（姦）音標（闕）同掘（鑄）子全切（喁）魚容切（贖）音悔（昇）音余（見）同現（礪）同磨（飴）音移（飴）資四切（襁）舉兩切（砰）音耕切（戢）音堪（垓）音該（緇）頻脂切（緇）音休（殄）步北切

【釋義】（一）新寧。湖南縣名。（二）陳源克。字岱雲。清長人。道光進士。官編修。為國史館纂修官。二十五年。出

為江西吉安府知府。後遷安徽池州府知府。卒與江公同殉難。（三）郭嵩燾。湘陰人。字伯琛。號筠仙。道光進士。光緒間官至兵部左侍郎。充出使英法大臣。築室曰養知書屋。學者稱養知先生。（四）馮卓懷。未詳。（五）清宣宗道

緒間官至兵部左侍郎。充出使英法大臣。築室曰養知書屋。學者稱養知先生。（四）馮卓懷。未詳。（五）清宣宗道

光二十七年。湖南新寧縣黃坡崗雷再浩糾黨滋事。(六)礫。分裂肢體也。(七)謁選。謂官吏赴部應選也。(八)道光二十九年。新寧亂徒李沅發滋事。旋即討平。(九)道光三十年六月。廣西洪秀全起兵於桂平縣之金田村。湖南雷再浩李沅發之黨。時均竄至粵境。遂起應之。(一〇)清文宗咸豐元年。令大學士賽尚阿馳往湖南。辦理防務。旋又令馳赴廣西。代李星沅接辦軍務。(一一)烏蘭泰。滿洲人。以廣東副都統。嘗辦廣西軍務。生擒洪大全。與向榮不合。戰死。(一二)明清置直隸州。不屬于府。而直隸于布政使。其知州自領一州之地。而有屬縣。與知府同。今均改為縣。(一三)向公榮。四川大寧人。字欣然。官至湖北提督。洪楊竄南京。築長圍圍之。咸豐六年病死。始賽尚阿督向榮烏蘭泰等攻永安。不克。遂圍之。時向榮統北路。烏蘭泰統南路。互有違言。江公調停其間。不能得。因引疾去。(一四)永安。廣西州名。今改蒙山縣。時圍永安。闕城北一面。賊卒由北路犯桂林。(一五)嶺表。五嶺之表。即嶺南也。通稱湖廣各地。(一六)咸豐二年四月。洪楊軍入湖南境。江公敗之於篔簹衣渡。焚其舟。幾盡。並破斃馮雲山。(一七)衡永。湖南之衡州永州也。(一八)張亮基。字石卿。江蘇銅山人。時為湘撫。(一九)周國虞於瀏陽設徵義堂。傳邪教。聚眾萬餘人。欲起應太平軍。清咸豐二年冬。傾眾來犯。江忠源設伏敗之。斬首七百。以自首免誅者萬人。(二〇)通城崇陽。皆湖北縣名。(二一)膊。磔也。(二二)廣濟。縣名。屬湖北。(二三)宋關佑抗糧為亂。戕縣令。聚眾數萬。江忠源征之。戰三捷。亂以平。(二四)挈師。即提兵也。(二五)踔。越也。(二六)森。疾走貌。(二七)喁喁。羣魚以口上向之謂。借喻為向慕意。(二八)廬州。舊安徽府名。今之合肥。其舊治也。(二九)贖。洗面也。(三〇)六安。舊安徽直隸州。今改縣。(三一)劉長佑。字子默。號印渠。湖南新寧人。道光貢生。官至直隸總督。(三二)問關。難行之狀。(三三)邂逅。不期而會也。(三四)治國聞者。即撰史之人。(三五)鄧名鶴齡。湘鄉人。(三六)鄒。名與。陝西人。(三七)會。名如隴。武岡人。三君先後死京師。公為之歸葬。(三八)秀水。縣名。屬浙江省。(三九)齒。腐肉也。(四〇)砒然。石聲。(四一)九垓。九天之上也。(四二)史記李斯傳。吾未知所稅駕。〔索隱〕稅駕猶解駕。言休息也。(四三)緇豨。猛獸名。古者軒轅教熊羆羆豨。以與炎帝戰于阪泉之野。故亦沿用為軍隊之稱。(四四)瘞。斃也。

曾滌笙羅忠節公神道碑銘

公諱澤南。字仲嶽。號羅山。湘鄉羅氏。咸豐四五年間。公以諸生提兵破賊。屢建大勳。朝野歎仰。以為名將。而不知其平生志事。裕於學者久矣。公之學。其大者。以為天地萬物。本吾一體。量不周於六合。澤不被於匹夫。虧辱

莫大焉。懷降衷之大原。思主靜以研幾。於是乎宗張子^三而著西銘講義一卷。宗周子^四而著人極衍義一卷。幼儀不慎。則居敬無基。異說不辨。則謬以千里。於是乎宗朱子^五而著小學韻語一卷。姚江學辨二卷。嚴義利之閉。窮陰陽之變。旁及州域形勢。百家述作。靡不研討。於是乎有讀孟子劄記二卷。周易本義衍言若干卷。皇輿要覽若干卷。詩文集八卷。其爲說雖多。而其本躬修以保四海^六。未嘗不同歸也。始公家世貧甚。曾祖王父曰阮。王父拱詩。皆以公貴。贈通奉大夫。父嘉曰。公歿後。賞加頭品頂戴。曾祖王母蕭氏。王母賀氏。母蕭氏。皆贈夫人。公少就學。王父屢典衣市米。節縮於家。專餉於塾。年十九。卽藉課徒取貲自給。喪其母。又喪其兄。旋喪王父。十年之中。連遭期功之戚十有一。嘗以試罷。徒步夜歸。家人以歲饑不能具食。妻以連突。三子喪明。公益自刻厲。不憂門庭多故。而憂所學不能拔俗而入聖。不恥生事之艱。而恥無術以濟天下。其後年逾三十。乃補學官附生。逾四十。乃以廩生舉孝廉方正。假館四方。窮年汲汲。與其徒講論濂洛關閩之緒。瘖口^七焦思。大暢厥旨。未幾兵事起。湘中書生。多拯大難。立勳名。大率公弟子也。咸豐二年。粵賊攻圍長沙。縣令召公練鄉勇以備不虞。省城解圍。明年春。巡撫張公亮基。檄公帶勇長沙。維時國藩奉命督治團練。因與公講求束伍技擊之法。晨夕訓練。擊土寇於桂東^八。擒逆黨於衡山^九。其夏賊

圍江西省城。乃益募湘勇二千。輔以新寧^二之勇。鎮^三箬^三之兵。檄公赴援南昌。湘軍越境討賊。自此始矣。既解南昌之圍。復破賊於安福^{一三}。歸及衡州。殲土匪於永興^{一四}。四年春。湖北之賊。大舉南侵。官軍失利於岳陽^{一五}。克捷於湘潭^{一六}。提督塔齊布^{一七}公。追賊至岳州。余檄公與李公續賓佐之。公扼大橋以遏其衝。凡七戰而羣賊潰。岳州平。乘勝逐北。連復三縣。將攻武昌。公手一圖。就余決策。師出兩路。以塔公進洪山一路。而自請攻花園一路。當其堅者。如其策。果克武昌漢陽兩城。賊既東奔。追及於興國^{一八}。大膊於田家鎮^{一九}。公提卒二千。禦數十倍之寇。蹙之江濱。挂石墜崖。死者萬計。而水師亦斷橫江鐵鎖。燔賊舟數千。當是時。公名震天下。前此累功。保至道員花翎。至是有寧紹台道^{二〇}之命。加按察使銜。既而引兵北渡。克廣濟黃梅^{二一}。賞葉普鏗^{二二}額巴圖魯^{二三}名號。又引兵南渡。攻圍九江^{二四}。進規湖口^{二五}。賊堅守不可遽下。適會水師分兵入宮亭湖^{二六}。江上之軍不利。而湖北諸軍屢敗。賊自黃梅長驅西上。武昌再陷。公太息深憂。歎世變之未已也。益討部衆而申警之。或解說周易以自遺云。時別賊陷饒州^{二七}弋陽^{二八}。公入江西援剿。大戰弋陽。克之。賊陷廣信^{二九}。又戰信州^{三〇}。克之。又以其間收復德興^{三一}景德鎮^{三二}。東路甫定。而義寧復陷。公軍渡湖漢而西。至則示形杭口。而暗進贛嶺。屯高峯以瞰敵。設三伏以要之。四戰而賊大燬^{三三}。義寧既克。有詔加布政使銜。公以書抵國藩。具論吳楚形勢。欲

取九江湖口。法當先圖武昌。欲取武昌。法當先清岳鄂之交。於是馳疏以公回援武漢。朝廷嘉焉。遂略通城。克崇陽。挫衄於濠頭堡。大捷於蒲圻。將達武昌。巡撫胡文忠公三五歡迎勞問。凡事咨而後行。城外賊壘。鏟除略盡。殄滅有緒矣。公以霧中搏戰。中槍子傷。創甚。咸豐六年三月初八日。卒於軍。春秋五十。事聞。天子震悼。照巡撫例賜卹。二子皆賞給舉人。三省建立專祠。予諡忠節。公在軍四載。論數省安危。皆視爲一家骨肉之事。與其所注西銘之指相符。其臨陣審固乃發。亦本主靜察幾之說。而行軍好相度山川脈絡。又其講求輿圖之效。君子是以知公之功所蓄積者夙也。非天幸也。配張氏。誥封夫人。妾周氏。子兆作。配胡氏。兆升。配曾氏。國藩第三女也。余與公以學行相勗。又相從於金革。申之以婚媾。迺撫其大節。銘諸墓道。

銘曰。

漸車之澗。三六積潦縱橫。崇朝卽涸。卷勢收聲。大江西來。其源萬里。澤溥寰區。不矜厥美。無本者竭。有本者昌。羅公淵默。三七所蓄孔長。洞徹天人。潛睇往聖。一物未康。終虧吾性。提師苦戰。荆揚三九二州。斧彼凶豎。爲民復讐。矯矯學徒。相從征討。朝出塵戰。四一暮歸講道。洛閩之術。近世所捐。姚江四二事業。或邁前賢。公慎其趨。旣辨其詭。仍立豐功。以雪斯恥。大本內植。偉績外充。茲謂豪傑。百世可宗。

【註音】（瘡）音徒（皐）讀如干（鏗）丘耕切（燿）音燿（峴）女六切（鏗）楚限切（漸）音尖（曉）音希（慶）於刀切

【釋義】（一）天地四方謂之六合。（二）書湯誥降衷於下民。【注】衷善也。（三）張子即宋張載著有正蒙及東銘西銘等書。（四）周子即宋周敦頤為宋理學之開祖。（五）朱子即宋朱熹。（六）通奉大夫清從二品文階封職。（七）瘡病也。【詩豳風】予口卒瘡。（八）公弟子王珍李續賓續宜蔣益澧劉騰鵬鍾近衡近廉易良翰羅信東羅鎮南謝邦翰等。（九）桂東縣名屬湖南。（一〇）衡山縣名屬湖南。（一一）新寧縣名屬湖南省。（一二）岳陽縣名屬湖南省。（一三）湘潭縣名屬湖南省。（一四）永興縣名屬湖南。（一五）岳陽攻九江氣脫死。（一六）興國舊州名屬湖北武昌府今為陽新縣。（一七）田家鎮在湖北蕪湖縣東南江濱南扼九江東控北皖為全楚門戶。（一八）寧紹台道清時管轄浙江寧波紹興台州三府之道員。（一九）廣濟黃梅皆縣名屬湖北。（二〇）葉晉鏗額巴圖魯巴圖魯滿洲語譯言勇士上四字勇號也。（二一）湖口江西縣名。（二二）宮亭湖今鄱湖壘子口以南也。（二三）饒州舊府名屬江西民國廢今鄱陽縣其舊治。（二四）弋陽縣名屬江西。（二五）廣信舊府名屬江西民國廢今上饒縣其舊治。（二六）信州唐制屬江西清為廣信府今上饒縣其舊治。（二七）景德鎮在江西浮梁縣西南二十里宋景德中置鎮產瓷器有名。（二八）義寧舊州名屬江西南昌府今為修水縣。（二九）燿火滅也師敗亦曰燿。【左襄二十六年】王夷師燿。（三〇）峴挫也。（三一）蒲圻縣名屬湖北。（三二）胡文忠名林翼字潤之官湖北巡撫。（三三）漸濕也。【詩衛風】漸車惟裳。（三四）莊子淵默而雷聲。（三五）曉慕也。（三六）荆揚古荆州揚州通稱兩湖及江淮之地。（三七）矯矯勇貌。（三八）慶苦擊而多殺也。（三九）明王守仁為浙江餘姚人世稱其所學曰姚江學派。

曾滌笙李忠武公神道碑銘

公諱續賓字迪庵湘鄉李氏湘軍之興威震海內叔之者羅忠節公澤南大之者公也咸豐二年賊圍江西省城國藩募湘勇三千往援公隨忠節公以行初至失利右營主者戰歿公代領其衆自是忠節公將中營公將

右營所向有功。在江西克復太和安福^二。歸至湖南。克復永興。明年粵賊犯岳州。忠武公塔齊布率師禦之。余檄忠節公與公助之。所部僅千人耳。賊衆數十倍。塔公控其東。湘軍扼其西。盛暑鏖兵。出奇制勝。凡兩旬而岳州平。轉戰而北。連下三城。八月。進攻武昌漢陽。克之。十月。大戰於田家鎮。破之。田家鎮者。江流盤折偪隘之處。其南岸爲半壁山。峭壁斗絕。賊以鐵鎖橫江。萬舟翔集。氣銳甚。公手刃怯卒三人。士皆殊死戰。連破賊壘。而水師亦乘機斷鐵鎖。焚賊舟。好事者至摩崖^三以紀績。公前以累功保至直隸州知州。至是記名以知府用。賞給摯勇巴圖魯名號。旋有安慶府之命矣。先是湖南水師中江而下。陸師趨江之南岸。湖北陸師趨江之北岸。南軍屢捷。羣寇蜂屯北岸。於是公輩引兵北渡。掃蕩廣濟黃梅之賊。既又南渡。會攻九江郡城之賊。城堅不可遽下。又議分兵先剿湖口^四梅家洲^五之賊。無何。累攻不克。水師失利。北軍撓敗。金陵逆渠益縱羣凶西上。武昌漢陽再陷。南軍孤立潯陽^六。國藩以爲大戚。公亦深憂之。痛世亂之靡有屆也。五年二月。信州^七告警。公與忠節公自潯馳援。迭克廣信府城。及弋陽等四縣。東路甫定。遂建西援武昌之議。大捷於義寧。小挫於通山。下崇陽。略通城^八。趾^九半樓峒。擣蒲圻。撥咸寧^二。次第戡定。乃以十一月杪師次武昌。巡撫胡文忠公林翼大喜。事無鉅細。惟忠節公與公言是聽。忠節挈持大綱。其戰守機宜。

胥公主之。公含宏淵默。大讓無形。稠人廣坐。終日不發一言。遇賊則以人當其脆。而已當其堅。糧仗則予人以善者。而已取其窳者。士卒歸心。遠近慕悅。咸豐六年三月。忠節公中槍不起。公接統全軍。衆志愈勵。剗平城外悍賊之壘。卻劇寇石達開來援之衆。周城掘塹。引江水入湖。困以長圍。十一月。再克武昌漢陽。天子偉其功。賞加布政使銜。記名以按察使用。未幾提兵而東。再薄九江。九江賊會林啓榮者。堅忍得衆。內與小池口湖口梅家洲諸城首尾相掇。外與皖廬之賊互爲聲援。公既掘長塹以圍潯。又分軍援剿江北。舟載奇兵。夜襲湖口之背。遲明水師至。而陸軍伏發。立克兩城。事聞。拜浙江布政使。明年四月。卒克九江。殄滅無遺。天下快之。賞穿黃馬褂。加巡撫銜。公每建一功。晉一秩。數省官民歡忭稱道。若寵榮之在躬。或歌誦戰狀以爲樂。傳播中外。浙人仕京朝者。疏請敕公東兵以救浙難。而胡文忠公以皖中糜爛。請留公軍圖皖而固鄂。天子許之。公乃整旅入皖。踰月。連下潛山太湖桐城舒城四縣。師次三河。毀賊九壘。而逆會陳玉成等。四面來援。截我糧路。我軍銳氣日蹙。師少而半潰。公力戰終日。自度事不可爲。夜半。怒馬陷陣。死之。咸豐八年十月初十日也。諸將堅守營壘。又三日而俱敗。又六日而桐城守兵亦敗。前後死者殆六千人。無苟活者。疏入。文宗震悼。手詔曰。惜我良將。不克令終。尙冀其忠靈不昧。他年生申。

甫以佐予也。追贈總督。湖北江西安徽湖南立祠。予諡忠武。賞騎都尉兼
一雲騎尉世職。公之先人。世有令德。曾祖本桂。祖詩白。皆以公貴。贈祭祿
大夫。父登勝。公歿後。特恩加封光祿大夫。曾祖妣張氏。賀氏。王氏。祖妣戴
氏。母蕭氏。皆封一品夫人。公端凝敦篤。愛人不尚美言。而意溢於色。色餘
於辭。雖他軍之將士。逃難之流民。皆歸之若父兄。聞其死。哭之皆慟。至不
忍聞。同治二年。朝廷遣官賜祭。三年克復金陵。推恩有功之臣。賞二等輕
車都尉世職。配謝夫人。子三。其二殤亡。光久欽賜舉人。引見。賞六部員外
郎。又以兼襲二世職。併爲男爵。孫二人。某某。咸豐九年。葬公於湘鄉四十
二三都黃牯^{*}冲星子山之陽。同治八年某月某日。改葬某鄉某山。乞余文其
墓道之碑。余既羸。敘戰績。乃兼述其懿德而系以銘。銘曰。

器有洪纖。因材而就。次者學成。大者天授。嶽嶽^三李公。表裏完好。匪琢匪追。^{*}
動合大道。羅公講學。遠紹洛閩。公分其緒。握衣^二恂恂。出而禦寇。戎馬艱辛。
入而問道。克己求仁。誰悔誰尤。責躬獨厚。胸劈衆流。曾不出口。負重含汗。
浩如山藪。險趨人先。利居衆後。豈無羸財。不阜我私。不忍己飽。而人獨飢。
分餉諸軍。蘇槁^一噓^二。反自潯陽。少憩武昌。將請於朝。覲親還湘。王事有嚴。
離局^二匪遑。斯願不遂。茹涕閨傷。遣將分兵。助我東征。擇良而予。出以至誠。
四分五剖。精銳星散。自攜部曲。疲羸^{*}居半。捐己濟物。近古無倫。終焉師燿。

以仁隕身。行類大愚。乃動鬼神。公功久著。爛若二辰。德或不顯。考此銘文。

【註音】(黜)音此(脆)此芮切(窳)音愈(塹)七豔切(馘)音淮(牯)音古(迨)讀如堆(搯)驅侯切(獸)

才資切(羸)音雷

【釋義】(一)江西省城。即南昌府。(二)太和。福安。皆縣名。屬江西省。(三)碑文。就刻于名山岩石之上者曰

摩崖。(四)湖口。縣名。屬江西。為長江水師中路之要塞。(五)梅家洲。在江西德化縣梅家湖中。面臨大江。(六)潯

陽。本水名。在江西九江縣北。即大江也。唐改江西九江。亦曰潯陽。(七)信州。見前篇注。(八)通山。崇陽。通城。皆湖

北縣名。(九)趾。踏也。弭也。足踐之使弭服也。(一〇)羊樓峒。在蒲圻縣西南。(一一)咸寧。亦湖北縣名。(一二)石達開。廣

西桂平縣舉人。太平朝封翼王。(一三)塹。繞城水也。(一四)小池口。在大江北岸。與九江城隔江對峙。為江皖入楚咽

喉。太平軍在此築城。凌濠據收。(一五)揀與救同。(一六)皖。安徽省。(一七)清制。凡文武大臣或以大射中侯。或以行陣

功烈。皆特賜黃馬褂。(一八)三河。鎮名。在安徽舒城縣。(一九)濞。歌也。散也。(二〇)申甫。申伯。仲山甫。皆周名臣。「詩大

雅」。惟嶽降神。生甫及申。(二一)清會典。直省武職之未封爵者。正從一品官。均封榮祿大夫。(二二)嶽嶽。長角貌。

(二三)摳衣。挈衣也。(二四)恂恂。信實之貌。(二五)馘。骨之尚有肉者。(二六)離局。猶言離去職守也。(二七)羸。弱也。(二八)三

辰。日月。星也。

會滌笙李勇毅公神道碑銘

公諱續宜。字克讓。號希庵。兄弟五人。忠武公諱續賓。次居四。公其季也。余

既銘忠武公之墓。茲不復具其家世。公少好深湛^{*}之思。強探力索。洞徹幽

微。師事羅忠節公澤南。常以躬行不逮為恥。咸豐三年。羅公募勇援救江

西。公遂參軍事。以功累晉知縣同知。賞戴花翎。而名顧不顯。六年冬。湘軍

再克武昌漢陽。巡撫胡文忠公奏公有勞。特為兄續賓所掩耳。有詔以知

府選用。賞加道銜。既而隨兄圍攻九江。明年。以事省。余瑞州軍中。遂偕諸

軍圍攻瑞州。會皖北羣賊上竄蘄黃。公乃自瑞挈千七百人回救湖北。師

至黃州。與胡文忠公並轡謀野^三。周覽形勢。自巴河^四。蘄水。廣濟。黃梅^五六戰。破賊壘無算。遂會克小池口^六。由是公之威名。與忠武公差頡頏^七矣。公率所部。既集九江。忠武公乃得以其閒分兵克復湖口。連下彭澤^八。小孤^九。梅家洲。諸城。公又以偏師卻湖口之賊。禦竄陷麻城。黃安^二之寇。忠武公乃得專力破滅九江。皆公之助也。湖北事已大定。胡文忠公以皖中久困水火。奏請敕忠武公廓清皖北。而留公以固楚疆。天子亦南憂江淮。絕重李氏昆季矣。無幾何而有舒城三河之變。忠武公殉難。將士死者六七千人。天驚地^{二*}。公在黃州哀迫之際。經緯^{一三}萬端。入則損食悲咽。出則拊循潰卒。思鄉者遣歸。願留者編伍。哺粟賜衣。接以溫語。差討諸將之罪。而簡用其良。部署麤定。適胡文忠公以母喪奉詔起復。相與申警簡練。而湘軍復振。明年夏。劇賊石達開竄擾湖南。圍攻寶慶^{一四}。公時新奉荆宜施道^{一五}之命。統兵自鄂援湘。朝廷壯之。師抵長沙。進自資水^{一六}之西。四戰而解寶慶之圍。圍中官軍三萬。與飢困之民。一時得蘇。衆聲大和。論功賞加布政使銜。當是時。余與胡公方議併力規取安慶省城。余弟國荃^{一七}與將軍多隆阿^{一八}分圍安慶桐城。公自湖南東還。駐軍兩路之中。曰青草橋^{一九}者。大敗逆會陳玉成^{二〇}於挂車河^{二一}。布陳之廣。近世罕聞。旋拜安徽按察使。十一年。又有安徽巡撫之命。公具疏。以謂逆會圖解安慶之圍。悉銳西竄。必犯湖北。以攻我之所以必救。湖北爲衆

軍根本。臣宜提師回援。不能遽受皖撫之事。比公馳抵武昌。而賊已犯黃州德安兩府五縣。其別賊自江西至者。又陷興國大冶等縣。公經營七月。始將列城恢復。安慶亦藉以告克。而胡公薨於位。文宗亦晏駕。八音遏矣。今上嗣位。褒安慶功。賞穿黃馬褂。調補湖北巡撫。既又命移撫安徽。公初蒞安慶。繼駐六安。屢奉密詔以苗沛霖叛服無常。詢問剿撫機宜。公覆疏謂苗沛霖官至道員。公犯不韙。圍撫臣於壽州。陷其城。屠其衆。乃復詭言求撫。此豈足信。不過假稱反正。號召近縣。養成羽翼。若正彼叛逆之名。人得而誅之。而寬其黨與。使爲我用。彼勢日孤。終成禽耳。天子韙之。公又以時解潁州之圍。克霍邱之城。綏撫各圩。陰散逆黨。選任賢吏。安民墾田。功緒漸彰矣。詔授爲欽差大臣。而公適聞訃丁母憂。不克受事。朝廷命仍署理巡撫。三疏陳謝。始奉命賞假百日。回籍治喪。公既以苦思遘疾。徹夜不寐。夙患咯血。至是增劇。歸里後。六奉詔旨起復。墨經視師。公以哀慕未忘。而嬰疾轉篤。請假四十日調養。既而輿疾就道。又請假四月。併開巡撫之缺。朝廷鑒其至誠。所請未嘗不許。而以淮南事棘。又未嘗不敦促上道。詔召相銜。至冬初。再疏。自陳病狀。公亦自知不起。遂以同治二年十月二十八日卒於家。春秋四十有一。敕照總督例賜卹。三省建立專祠。予諡勇毅。配彭氏。子光英。特賞直隸州知州。同治三年某月某甲子。葬某處某山。

八年某月某甲子。改葬某山。公與忠武公。皆負重名。淡於榮利。昆弟同之。忠武好蓋覆人過。公則嫉惡稍嚴。忠武戰必身先。驍果縝密。公則規畫大計。而不甚校一戰之利。至其臨陣。百審一發。發無不捷。成功一也。余不詳敘戰狀。而略述公言以綴之。銘曰。

凡戰有機。鬼神翕闕。^{三二}靜如山寒。終日闐寂。動若電飛。百霆齊擊。蓄勢宜久。氣囂宜^{三三}停。此公之言。吾耳所聆。凡公勳績。好謀乃成。博籌多算。終格神明。匪直戰事。學道亦然。精思力踐。誠可達天。立功雖偉。公不自賢。立德未竟。齋志九泉。我銘昭之。永詔萬年。

【註音】(湛)同沈(吸)鄂合切(圩)音于(亭)同停

【釋義】(一)瑞州。舊府名。屬江西。高安縣其舊治。(二)蕪。清為州。即黃州府。旋廢府。設黃崗縣。現移治於團

風鎮。蕪州亦改蕪春縣。俱屬湖北。(三)左襄二十一年。與裨謀乘以適野。使謀可否。(四)巴河。出湖北羅田縣

北。流至黃崗縣入江。(五)蕪水。廣濟。黃梅。均縣名。屬湖北省。(六)小池口。在封郭洲。去江西德化縣城十里。(七)

頡頏。上下也。(八)彭澤。縣名。屬江西。因山為城。俯瞰小孤山。采石以上江路。扼塞處。(九)小孤山。山名。在彭澤東北

大江中。俗稱小姑。與南岸彭郎磯相對。為江中扼要處。(一〇)梅家洲。注見前篇。(一一)麻城。黃安。均縣名。屬湖北。

(一二)峽。動搖貌。(一三)經緯。整齊之也。(一四)寶慶。舊府名。今改縣。(一五)荆宜施道。清時管轄湖北荊州。宜昌。施南三

府之道員。(一六)資水。出湖南綏寧縣之唐糾山。(一七)國荃。字沅甫。國藩弟。官至兩江總督。封威毅伯。(一八)多隆阿。

字禮堂。清蒙古正白旗人。官至荊州將軍。死於捻難。(一九)青草橋。在安慶桐城之間。(二〇)陳玉成。暉名四眼狗。太

平軍中之驍勇善戰者。(二一)挂車河。在桐城縣西南三十里。向東南流入鴨子湖。(二二)德安。清府名。屬湖北。今廢。

安陸縣其舊治也。(二三)興國大冶。均縣名。屬湖北。(二四)晏駕。天子崩也。(二五)金石絲竹。匏土革木。謂之八音。遏。歇

也。謂天子崩。而民間不舉樂也。(二六)苗沛霖。初以生員為團練長。叛而復降。以功授川北道。猶持兩端。咸豐十一年四月。與壽州豪族仇殺。遂攻壽州。巡撫翁同書被劫。詔令同書來京。以公代。同治二年。殺沛霖。降其黨。(二七)頡

州。舊府名。屬安徽。民國廢。今阜陽縣其舊治。(二六)霍邱。縣名。屬安徽。(二九)圩。岸也。(三〇)墨經。喪服也。(三一)淮南事。指苗沛霖。(三二)翕。合也。歛也。闕。開也。(三三)淳。水止也。

會滌笙畢君殉難碑記

自楚軍之興。忠武公塔齊布。實始以勇名天下。楚人剽悍者。率低首塔公。亦豔稱雲南畢君。塔公每臨敵。負槍。挾弓矢。又令二卒樹長矛。執曳馬繩。竿以從。其爲器也。四。畢君每臨敵。負槍。腰五十矢。又令卒手蛇矛。持八尺刀以從。其爲器也。亦四。塔公躍馬。飜馳。瞋人迫從。從輒反鞭之。畢君怒馬。直穿賊陣。戒後者無得妄從我。人亦自不敢從也。畢君名金科。字應侯。雲南臨沅人。以征開化苗匪功。敘藍翎外委。署臨沅鎮標外委。咸豐四年。隨副將王國才。赴湖北軍營。破賊於天門。丁司橋。累敘至花翎都司。十一月。國藩檄令隨塔公攻圍九江。明年正月。賊犯武昌。王國才回軍援鄂。畢君遂爲塔公所留。其後塔公物故。畢以驍勇冠薄軍。逆會石達開之寇江西也。連陷瑞州臨江等八府數十州縣。畢君所至。常陷陳克捷。旋爲他部牽率失利。終不得獨錄其功。自九江奉檄而南。以五年十二月。破賊於樟樹鎮。明年二月。軍敗失之。自南昌而東。以六年五月。破賊於饒州之章田渡。六月。郡城陷失之。畢君自痛爲他部所累。益發憤。募死士再入饒州。誓衆曰。今日上岸破賊。不捷。吾不復歸舟矣。一鼓克復府城。饒之耆黎婦孺見

聞者。與不見聞者。皆曰畢君功也。由是賞加呼爾察巴圖魯名號。補鎮沅
鎮都司。升用遊擊。^{一五}名譽大振。而忌君者日以次骨。^{一六}飛謀薦謗。迭相污染。君
提千餘人。當四戰之地。索餉不至。又惡忌者出己上。中夜鬱鬱不自得。常
思立奇功以自旌異。會徽池之賊大至。歲暮。士有飢色。有司者責君能破
景德鎮。軍食可圖也。君以正月二日出師。初四日驟攻景德鎮。入市。乃無
一賊。別挈十人搜剿後街。賊蜂起。從卒亡七人。傷三人。君縱橫擊刺。踐血
而出。最後。賊以噴筒環攻君於王家洲。隕焉。年二十五歲耳。閱十有八日。
前從傷卒三人者。收得遺屍。又三載。咸豐九年。予弟國荃破賊景德鎮。憑
弔畢君殉難之所。而壯士則既死矣。功名之際。有天有人。在己者獨足恃
哉。於是伐石以表遺蹟。聲之銘語。俾行路歌之。以永饒人之思。銘曰。
橫目蚩蚩。同出一冶。衆雌無雄。誰是健者。塔公首出。次乃畢君。軀幹雖小。
陳安之倫。匹馬斫陣。萬夫莫當。人心之賊。一矢或傷。內畏媚嫉。^三外偪強寇。
進退靡依。忍尤叢詬。鬱極思伸。矯首^{二三}舐天。徒飛無翼。或墜於淵。淵則有底。
憤則無已。萬代千齡。哀此壯士。

【註音】(彌)音標(曠)稱人切(沅)音元(斫)音勺(舐)音士

【釋義】(一)剽悍驍勇也。(二)蛇矛。兵器名。(三)臨沅。清爲州。今爲縣。屬雲南。(四)開化。舊府名。屬雲南。今

改縣曰文山。(五)清代總兵管轄之兵謂之鎮標。(六)外委。清代額外差遣之武員。(七)清制。提督下。有總兵副

將。各轄其兵。總兵所轄者爲鎮。副將所轄者爲協。故亦稱協鎮。(八)王國才。清雲南人。咸豐初。由雲南調至湖北

大營守荊州府。以功擢副將。(一)天門。縣名。屬湖北。(二)都司。四品武職。位次游擊。(三)臨江。府名。今廢。清江縣其舊治。(四)樟樹鎮。在江西清江縣東北。有城周十里。本新淦縣舊治。亦曰清江鎮。(五)饒州。府名。今廢。鄱陽縣其舊治。(六)章田渡。在饒州北七十餘里。(七)游擊。位次參將。按參將位次副將。(八)次骨。謂恨之甚也。(九)景德鎮。在江西浮梁縣。(一〇)噴筒。實藥之火器。(一一)橫目。指人類而言。〔莊子〕夫子無意於橫目之民。(一二)蚩蚩。無知之貌。(一三)陳安。〔隴上歌〕隴上壯士有陳安。軀幹雖小腹中寬。愛養將士同心肝。(一四)媚。忌也。(一五)舐。以舌掠取之也。

會滌笙林君殉難碑記

嗚呼。自余倡率楚師。轉戰荆揚。一州之域。其閒相從死事者不可勝道。或貞白無他。誓不相背棄。而慷慨一瞑。志不得稍伸。名不^{*二}曝於當世。愛之而莫能收焉者。尤可悲也。林君源恩。字秀三。四川達州^三人。道光丁酉科拔貢生。癸卯順天鄉試舉人。咸豐元年。選湖南平江縣知縣。二年。粵賊洪楊之屬圍長沙。其冬瀏陽匪徒爲亂。明年春。通城匪徒爲亂。三縣者皆與平江壤接。君詰姦守隘。如防禦水。截然不得^{*四}墊盜。江忠烈公才君之爲。既保奏以同知直隸州補用。又以書播告士友。道林君堪軍旅也。會國藩治舟師。檄君募平江勇五百人以從。四年三月。賊自鄂中南犯。君禦之平江九嶺。果大捷。同官有忌君者。功不得敘。又別^{*五}撫他事中之。君悒悒^{*六}內不能堪。而口獨重滯。嘗發憤欲一廷辨。宿戒設辭甚具。至則爲衆所噤害^{*七}。卒不得發。或反引咎自責。是歲十月。追隨國藩於九江軍次。造次欲有所申理。亦不

竟白也。明年春。檄君治湘軍糧臺。歸自廣信。又治塔軍門。忠武公糧臺。又
佐理鄱湖水師營務。十一月。又攝理陸軍於廬山之麓。姑塘之南。而江西
巡撫文公聞君賢。飛檄調至南昌。付以所新募之平江營者。君在廬山。與
一二武人爲儔。折節內交。武人益不孫。慢辭侵侮。或稱書生跬步矍矍焉。
知戰事。君既痛其獷。又口重滯。卒無以折之。獨夜歎曰。丈夫壹死強寇耳。
終不反顧矣。及至南昌。領新軍。乃稍自喜。是時劇賊石達開犯江西。連陷
入府五十餘州縣。六年丙辰三月。李元度次青。率師自湖口南來。君與鄧
輔綸彌之。自南昌而東。兩軍會於撫州。疊戰皆捷。人心始定。賊亦糾合列
郡醜類。更番擗戰。我軍輒卻之。又至。又大創之。疲極不得休息。秋九月。分
軍出攻崇仁。宜黃。適會援賊大至。君竟以十七日戰敗。死之。始君嘗誡其
下曰。好相保。吾與若共命於茲也。至是衆知君不屈。相從死者三百餘人。
君歿二歲。咸豐八年四月。官軍克復撫州。又明年。國藩師次於此。弔君殉
難之所。尋逝者之白骨。邈然其不可復識矣。於是爲立石以表遺蹟。綴以
銘詩。以告於不知紀極之世之一二君子。以達余之耿耿。銘曰。
胡古胡今。強吞弱伏。佞者刀礮。訥者魚肉。文吏賊深。武夫悍激。訥者避之。
負牆屏息。忽入戰場。萬馬辟易。士固難料。理固難推。災祥顯晦。孰執其機。
昔聞人述。言出君口。我不知戰。但知無走。平生久要。臨難不苟。大信不盟。

堅可鑿^{*二五}金。澆俗所侮。鬼神所欽。精魂遠矣。北斗帝鄉。遺骨莫辨。蔓草茫茫。有欲求之。環此石旁。

〔註音〕(一)裸(音博)音店(摠)音灼(悒)音邑(嬰)厥縛切(獷)音礦(擗)音匿(蕩)音砧(鏗)苦結切
〔釋義〕(一)荆揚古二州名。通稱兩湖江淮之地。(二)襮表白也。(三)達州今改縣。(四)墊下也。(五)摠拾取也。(六)悒悒憂念也。(七)噤害口不言而心害之也。(八)塔軍門。即塔齊布軍門。清時為提督之敬稱。(九)鄱湖在江西省之北境。(一〇)廬山在江西九江縣南。(一一)姑塘在江西彭澤縣北。(一二)折節謂屈己以下人也。(一三)跬步半步也。矍矍視遠貌。(一四)獷猛橫也。(一五)撫州舊府名屬江西今為臨川縣。(一六)擗〔說文〕按也。(一七)崇仁宜黃皆江西縣名。(一八)綴連綴也。(一九)〔左文十八年〕聚斂積實不知紀極。猶言不知所極也。紀亦作極解。(二〇)耿耿不安也。(二一)礎刀板也。(二二)訥性遲鈍也。(二三)辟易退避也。項王瞋目叱之。辟易數里。見〔史記〕。(二四)〔論語〕久要不忘平生之言。(二五)鏗刻也。

會滌笙何君殉難碑記

嗚呼。軍興十載。士大夫君子橫死者多矣。獨吾友何君丹畦。尤深痛不忍聞。自近古以來。未有行善獲禍如是之烈者也。豈不悲哉。君以咸豐四年五月。由翰林院侍講。上書房行走。出為安徽徽寧池太廣兵備道。時則安慶暨濱江府縣。淪沒賊中。廬州新立行省。亦陷於賊。副都御史袁公^五軍臨淮。提督和公^七巡撫福公^八軍廬州。君當之官。不克南渡。袁公欲資君以兵。西會楚師。福公亦具疏留君江北。檄君募勇出征。公私匱乏。沮傷百端。最後得二百餘人。率之以西。至霍山^九。徵集潰兵團勇三千餘人。推誠獎勵。遂以十月二日。大破捻匪^{*一〇}李兆受於城東。追至麻埠^{一一}。又五日。至流波^{一二}。檄商城

固始團練堵其北。金家寨團丁禦其東。而自率所部遏其西。捻黨洶懼。李

兆受與馬超江等相繼投誠。遺散脅從。遠近大悅。環三四縣。皆輸豬雞糗

糧金錢之屬。聲終宵不絕。先是大府帥檄君救援廬江。檄未至而城先陷。

至是奉被劾革職之命。軍士懷不能平。雖百姓亦惘惘也。方楚師之出岳

州而東也。克武昌。下黃州。破田家鎮。水陸電邁。席卷千里。其後塔齊布羅

澤南兩軍。由黃梅南渡以圍九江。賊循北岸而上。復陷蘄黃。竄武漢。自長

淮以南。天柱內外。所在蜂屯。君以孤軍流離。西與楚師不相聞。東與廬州

大府隔絕。朝不謀夕。嚙指誓衆。五年正月。進攻蘄水。克之。又分軍克復英

山。又殲劇賊田金爵。大府帥以君西征有效。疏令留駐英山。君出師至是。

凡八閱月。僅支見銀三百兩。士卒及民團相從者。增至三千人。又益以李

兆受新降之衆。無以爲食。居無帳幕。雨無薪。村郭無居民。遠近無援。傷亡

無以爲卹。始什人賦麵一斤。繼而削減半之。既又半之。而賊來益盛。日提

飢卒。轉戰不得休。五月十二日軍敗。徒行泥淖中。鄉民或哀而進食。君雖

強自振厲。然憊甚。瘠瘠發體。氣亦稍餒矣。李兆受者。故反側持兩端。感君

忠勤。不忍遽背負。絕糧既久。怪君無以活之。意望甚。又同時降人馬超江。

爲匪徒所殺。怨官不能捕誅以抵罪也。則大戚。議爲超江復仇。設位受弔。

捻黨畢集。於是河南安徽兩省。皆以兆受復叛入告。而縣令懸賞購兆受

頭千金。兆受益不自安。匍匐^三詣君。自陳無他。君撫慰稍稍緩定矣。會大府帥有密書抵君。教以圖翦叛賊。毋後人發。爲兆受所得。遂陽^三爲置酒高會。而伏兵戕君於英山。之小南門。遺骸殘燬。同遇難者四十七人。咸豐五年十一月初三日也。君諱桂珍。字丹畦。雲南師宗人^四。道光甲午科舉人。戊戌進士。翰林院編修。丙午提督貴州學政。旋晉侍講。入直上書房。數抗疏陳軍事得失。推本君德。又采朱子真西山大學之說^五。傳以己意。引申條例。手繕成帙。隨疏奏進。君之意。嘗以爲聖人者德無不可爲。功無不可就。獨患人不自克。不能竭其心。與力之所竟耳。及君出而蒞事。飢餓經年。而百戰不息。黨所謂自克者耶。竭吾心與力而不遺者耶。卒其獲禍如是之烈。而或不免身後之餘責。然則爲善者何適而不懼哉。咸豐十年。國藩屯軍江北。詢君患難馳驅之所。乃立石英山。綴以銘詞。俾來者有考焉。銘曰。飢寒偪身。難顧廉恥。聖主不能安其民。慈母不能撫其子。況於揭竿烏合之徒。亡命歸誠之始。倏順忽逆。朝人暮豕。封豕^六負塗。積疑張弧。鋸牙鉤爪。殪我閔儒。赤舌燒城^{二八}。死有餘議。羣毀所歸。天地易位。悠悠之口。難可遽勝。我銘諸石。少待其定。上訊^{二九}三光。下訊無竟。

【註音】(捻)念入聲(瘡)傳江切(堵)音賭(糗)去九切(齧)同咬(倖)奴教切(瘰)音漏(瘳)音且

【釋義】(一)橫死。不正之死也。(二)上書房。清皇子讀書之處。(三)行走。官名。舊時凡不設專官之處。及非專任者。謂之行走。(四)徽寧池太廣兵備道。清時轄理徽州寧國池州太平四府廣德州之道員。(五)袁公。名甲

三。字午橋。平捻有功。官至漕運總督。(六)臨淮。鎮名。在安徽鳳陽縣東二十里。(七)和公名春。滿洲人。以提督總江南軍務。(八)福公。名濟。姓必祿氏。滿洲鑲白旗人。(九)霍山。縣名。屬安徽。(一〇)清嘉慶時。山東江蘇安徽三省交界處。鄉人迎神賽會。有燃油紙捻為龍戲之俗。咸豐時結黨造反。謂之捻子。(一一)麻埠。在今六安縣西南九十里。(一二)流波磯。地名。在舊河南光州屬商城縣東南。(一三)商城。固始。河南縣名。(一四)金家寨。地名。在潁河源南岸。霍山縣西北八十里。(一五)糶。乾糧。(一六)惘惘。中心如有所失也。(一七)天柱。即霍山。在縣之西北。(一八)英山。縣名。屬安徽。(一九)泥淖。泥水相和。深厚之處。(二〇)癩。久瘡。癩。惡瘡。(二一)望。怨也。(二二)匍匐。伏行也。(二三)陽。詐也。(二四)師宗。舊雲南州名。民國改縣。(二五)朱熹。有大學集注。或問等書。真名德秀。字希元。宋浦城人。著有大學衍義。(二六)封豕。大猪也。(二七)「易睽」見豕負塗。載鬼一車。先張之弧。後說之弧。按負塗。穢也。張弧。防害也。(二八)赤舌燒城。喻讒口也。「太玄經」赤舌燒城。吐水於蜃。側曰。赤舌吐水。君子以解崇也。(二九)天上有三光日月星。見「白虎通」。

會滌笙劉君季霞墓誌銘

君諱蕃。字季霞。吾友劉蓉子孟容之弟也。國藩治團練於長沙。提水師自巴陵至九江。及入江西。屯軍南康。孟容皆展轉相從。三年奔走。夷險共之。季霞常以其太公^三之命。省孟容於軍中。出則美意相迎。諷勉其兄。歸則傳會吉語。慰安其父。咸豐四年三月岳州官軍失利。賊犯寧鄉^四。季霞聞關至長沙。存問孟容。孟容方以疾先歸。其六月。孟容將率舟師渡洞庭而北。季霞復送至省垣。明年八月。又自其家二千里。視孟容於南康。中途聞羅君澤南督師至義寧州^五而西。將掃蕩岳鄂之交。規復湖北。孟容亦分領湘右軍。從羅君俱西也。季霞與兄會於羊樓峒^六。時我師遠來。新有濠頭堡之敗。士氣初復。料簡糧仗。稍與休息。賊踞蒲圻^{*}縣。得以其暇益築堅壘。完守備。十

月十七日。我師進營百石鋪。以蒲圻南門地險而偏。不利仰攻。乃繞道出公安^{*七}。抵城西。駐軍鐵山^八。湖北巡撫胡君林翼以師來會。二十一日辛亥。分四路進攻。賊扼險立柵。穿塹數重。槍礮環擊不可近。聞出悍賊。揚旗跳盪。自辰至午。相持不決。軍勢稍卻。季霞從兄督戰。進曰。事急矣。賊將乘我。遂棄所乘馬獨步而前。賊遽奔之。季霞發槍斃二賊。又鞭卒之稍退者。一賊伏下田發槍。中傷季霞仆地。孟容昇其弟歸營。而自麾衆禦之。短兵確鬪。驍將銳卒。傷亡數十人。賊亦大創。我軍乘間舉火燔其木柵。煙燄漫天。五壘齊破。是夕。遂攻蒲圻縣。克之。孟容還營。視其弟創在臍旁。氣息僅屬。撫之大慟。季霞徐曰。兄勿爾。命也。語訖而絕。春秋二十有五。事聞。諭旨追贈知縣。照知縣例賜卹。季霞事兄致嚴以順。而風韻各異。孟容於士類揚清激濁。而季霞不置臧否。孟容稍立崖岸^九。別白是非。無所假借。而季霞脫去哇封^{一〇}。暝無一語。款誠相接。其臭如蘭^{一一}。以是人樂近之。劉氏世居湘鄉之四十都。近歲兵事方殷。有司分都團練。季霞部勒鄉人獨嚴整。喪歸自蒲圻。族之少長。遠近之耆德學徒。與羈者團結之丁壯。會葬送死。哭者至數千人。如喪親戚。然後知其得衆。宿將^三不及也。咸豐八年某月日甲子。葬於樂善里之王湖嶺。配孔氏。故國子監學錄廣璠^{*}之女。生女一人。無子。以孟容子培^屋爲嗣。銘曰。

元二^{一三}之厄。兵氣崢嶸^{*二}。方州大府。鼠卻狐驚。提戈殺賊。年少書生。厥少惟何。星終兩紀。溫玉刻苕^{一四}。翔翔文史。事親從兄。辟^{*一五}而詔。仗劍出門。海飛龍嘯。蒲首之山^{一六}。故壘嵯峨^{*一七}。一儒奮臂。永奠山河。位豈在大。齡豈在多。我銘斯石。萬代不磨。

【註音】(折)音祈(販)音販(燔)音煩(璫)音煩(厘)古厚字(崢)鋤耕切(嶸)音榮(呬)音耳(嵯)倉河切(峨)牛何切

【釋義】(一)巴陵。今湖南岳陽縣。(二)南康。舊府名。今廢。星子縣其舊治也。(三)太公。父也。(四)寧鄉。縣名。屬湖南省。(五)義寧州。今江西修水縣。(六)羊樓峒。見李忠武公神道碑注。(七)販。平曠也。(八)鐵山。在大冶縣北。(九)性不和易曰崖岸。唐書陳羣傳。不為崖岸。嶄絕之行。(一〇)哇封。猶言界限。(一一)易繫辭。同心之言。其臭如蘭。(一二)宿將。老將也。(一三)後漢書鄧騭傳。時遭元二之災。注。元二。即元元也。(一四)燉煌紀年。刻其名於苕華之玉。按。苕華玉名。(一五)辟呬。傾頭與語也。(一六)蒲首山。在蒲圻縣西二十里。(一七)嵯峨。山高貌。

會滌笙新甯劉君墓碑銘

君諱時華。字廷材。號寶泉。先世自江西徙湖南之新寧。會祖有義。祖儒禹。府學增生。父世貴。太學生。家貧。為商賈。化居以自給。君生有至性^一。不忍其父久勞市廛。乃跪請曰。大人宜少休。兄學且有成。弟弱。兒願代父勞而服賈矣。遂遊資於江漢之間。量物度時。廣取而節用。後人而往。先人而歸。家用阜康。親以大悅。父病。在視終宵。醫者言痰鹹可生。淡則死。君輒以手承痰。嘗之。味淡。因大哭。父歿。母亦前卒。則推其所以事父者。以事繼母。歸自武昌。繼母不憚。長跪自陳。遲歸之咎。繼母病。服勞達旦。營治藥物。必自其

手不自他人繼母歿。則推其所以事親者以事長兄。而畜季弟。兄病。調護年餘。兄卒。弟後卒。則又推恩以恤其孀。以鞠其孤子。厥後兩家孤兒皆成立。兩孀皆旌表於朝。壽皆七十八十。涕泣頌君之德。不敢忘云。新寧山邑也。僻在楚南黔粵之交。巨嶺層巒。穹窿雜襲。鬱撓而不得少舒。自古未聞偉人傑士出於其間。亦乏甲乙科第。居民治生纖嗇。有唐魏之風。獨君與江太公一峯。輕財好義。不屑屑於自殖。江君之子諡忠烈。詔授安徽巡撫。而君之子蔭渠。今爲直隸總督。並有勳伐。爲時名臣。蓋褊陋之俗一變。而山川之氣昌矣。當君初賈異縣。頗求饒益。以娛親心。既而經紀有方。智足以擴其業。利足以仁其三族。所得貲財。隨手散去。壹以濟物爲功。息耗都大不訾。省鄉里除道成梁。捐金錢惟恐不贍。施藥療疾。惟恐不周。嘗遇益陽大水。買小舟拯百人。藁葬數百人。新寧大饑。餼鄰里親舊粟日半升。全活無算。又嘗修育嬰堂。建忠義節孝祠。皆縣中前此所無。自君叔之。城東北有義塚。歲歲常以冬春培其阬塋。而植其仆碑。城南有義塾。器物缺乏。常於君家取給焉。人或謂君歲入幾何。施諸人者什七。而自謀不及什三。後將難繼。何不頗買田宅。爲子孫稍立基業。君笑謂家有薄田。足供疏食。焉用多爲。吾以人情爲田。以培養士類爲種。耕不計年。穫不計世。庸詎知留貽子孫者。不更大乎。逮君歿而門內鼎興。君子四人。長名長佑。卽蔭渠也。

以拔貢生歷官廣西巡撫。兩廣總督。直隸總督。加兵部尚書銜。次長佐某官。次長伸長健某官。孫某某。曾孫永祚。永祺。天子褒長佑功。贈君暨君之祖父皆為光祿大夫。君配鄭氏。暨祖妣某氏。妣李氏。曾氏。皆為一品夫人。蓋君言於是果驗。為善之報。抑何捷也。鄭太夫人恭儉寬仁。悉秉夫教。似婦弟婦寡居。敬之終身有恩紀。君卒以道光三十年六月十四日。壽六十有一。太夫人先三日卒。壽五十有九。是歲十一月某甲子。合葬新寧西鄉楊溪村之鸞嶺。昔道光丁未戊申間。江忠烈公常為余稱道蔭渠之賢。兼述其世德。及蔭渠入京。聞親之訃。求余文銘其墓。展轉兵閒。久疏文字。越今十有七年。始得而銘之。銘曰。舉世奔利。獨行抱義。庸德庸言。感格天地。外救飢溺。內撫諸孤。仁心難慊。百憂一愉。孰云不顯。在幽彌馨。孰云無報。如影隨形。神覲在室。奇福在庭。郎君崛起。為國干城。削平寇亂。鼎祭鐘銘。自天錫寵。褒榮先隴。夫夷之南。萬山環拱。我表其阡。來者欽竦。

【註音】(穹)區充切(隆)音隆(贍)時豔切(藁)古老切(鱗)於既切(隄)音豕

【釋義】(一)化居。變化其居積也。如在山者販魚鹽。在川者販薪木等是。〔書益稷〕懋遷有無化居。(二)至性。孝悌之性也。(三)穹隆。長曲貌。(四)唐魏。古二國名。今山西省地。風俗勤儉樸嗇。詩有唐風魏風。(五)父族。母族。妻族。謂之二三族。(六)息耗。猶羸虧也。(七)藁。草也。藁葬。謂草葬不備物也。(八)〔國語〕聚不隄崩。而物有所歸。

〔注〕大曰崩。小曰隄。(九)人情為田。語見〔禮禮運〕。(一〇)夫夷。水名。源出廣西全縣西。東北流入湖南境。經新寧縣。至邵陽縣南入資水。

卷一 十一 碑誌類七

會滌笙仁和邵君墓誌銘

位西仁和邵氏。諱懿辰。與國藩交二十餘年矣。咸豐十年二月。賊入杭州。五日而復。七月。位西訪余祁門軍次。語余以城破時。盡室陷賊中。賊退。乃挈家東徙紹興。老母考終。羸得盡禮。欲乞師以援兩浙。不果。遂別去。明年十一月。杭州再陷。位西之妻余恭人。二子順年順國。轉徙滬上。余聞而迎致之安慶。順年語余以城破時。盡室飢困。其父麾家人出避。圖延宗祀。亦詭詞自稱將出。遂泣別不復相聞。國藩心知位西烈士也。必不苟免。其家固知之。以無定問。不敢發喪。同治三年二月。杭州克復。順年奔哭周詢。具得三日不食。罵賊遇害狀。實以十一年十二月朔日殉難。於是始除次。執喪。赴告遠近。浙江巡撫上其事。天子下詔褒卹。然後知親在則避。親歿則死。賢者遭難。如是其不苟也。位西之學。初以安溪李文貞公。桐城方侍郎。爲則。擯斥近世漢學家言。爲文章務先義理。不事縟色繁聲。旁徵雜引。以追時好。厥後以舉人仕京師。爲內閣中書。刑部員外郎。入直軍機處。與上元梅會亮伯言。臨桂朱琦伯韓。數輩遊處。博覽國故朝章。其文益奧美。盤折亦頗采異己之說。以自廣。詢訪高才秀士。折節造請。交譽互證。酣恣而

不厭狎習而彌虔。然位西性故戇直。往往面折人短。以謂書籍所無。公何得漫爾不應。再糾焉。猶不獲。三諫焉。無問新故。疏戚貴賤賢否。一切蹙頞相繩。人不能堪。終以此取戾於世。大學士琦善一五公在獄。嘗發十九事難之。大學士賽尙阿一六公視師廣西。手疏七不可諱之。諸公貴人病其附直。由是一七齟齬焉。不得安其位。咸豐四年。坐濟寧一八防河無效。吏議鑄職一九位西既罷歸。則大覃思經籍。纂著尙書通義。孝經通義。詩古文若干卷。飢餓圍城之中。猶著禮經通論。誦聲鏘然。徹於巷外。亂後僅得禮經一卷。文三十餘首。刻之淮安二〇。蓋不能什之一二。餘則散佚矣。位西之曾祖王父寶勤。王父又曾。父宗贄。本生父鳳儀。世著清德。有兄懿藩。早喪無子。以順年後之。有女二人。順年歸自杭州。未得父屍。大痛遘疾。同治四年六月十三日。歿於金陵。余恭人少而刲*股療親。晚而事姑有聲。既痛其夫。又悲其子。七月十二日亦卒。嗚呼。傷已。國藩於是命順國與其壻鄭興儀。具位西衣冠。葬之西湖三一龍山。以余恭人及順年祔。順年之妻伊氏。前死賊中。至是亦以衣冠祔葬。銘曰。

城有時而爲湖。海有時而成田。物固有非常之變。烏可以常理測彼昊天。善不必福久矣。會不自夫子而始然。愍東南之大戾。仁聖與螻蟻而同捐。著述*三盡其蕩盡。僅弔煨燼*之殘編。文之精者不復存。存者又未必果傳。獨

其耿耿不磨之志。與日星而長懸。魂無遠而不之。魄則依妻子以全。庶上為神祇所許。而下為百世學者之所憐。

【註音】(緝)音辱(附)七育切(鰾)魚侯切(剗)音奎(靈)音恤(煨)烏恢切(燼)除亦切

【釋義】(一)仁和。縣名。舊與錢塘同屬浙江杭州府治。今併為杭縣。(二)賊。指太平軍。(三)祁門。縣名。屬安徽。(四)紹興。縣名。屬浙江省。(五)考終。善終也。(六)兩浙。謂浙東浙西。錢塘江以南曰浙東。以北曰浙西。(七)滬。水名。在江蘇上海縣東北。故稱上海曰滬上。(八)除次。除位以祭。(九)赴告。謂往來相赴告也。崩薨曰赴。禍福曰告。(一〇)安溪。福建縣名。(一一)李文貞。名光地。清福建安溪人。康熙進士。篤信程朱。所著詩文曰榕村全集。(一二)方侍郎。即方苞。曾任禮部侍郎。(一三)緝。采色也。(一四)臨桂。舊縣名。即今廣西桂林縣。(一五)琦善。清滿洲人。會因辦理廣東煙禁不善。鎖拿擬罪。事在道光二十一年。(一六)賽尙阿。清滿洲人。洪楊發難。視師廣西。事在咸豐元年。(一七)黜齒相忤也。(一八)濟寧。舊山東州名。今改縣。(一九)鑄。誦也。鑄職。猶言削職也。(二〇)淮安。縣名。屬江蘇省。(二一)西湖。在浙江杭縣城西。周三十里。三面環山。為我國勝境。(二二)靈。傷痛也。

【評語】銘詞倚天拔地。

會滌笙唐確慎公墓誌銘

公諱鑑。號鏡海。唐氏先世。自江西豐城。徙居湖南之善化。四傳至諱煥者。以舉人官至山東平度州知州。公之祖也。生子仲冕。以進士即用知縣。官至陝西布政使。公之父也。平度君以子貴。誥贈通奉大夫。配李氏譚氏。俱封夫人。譚夫人歿。而葬於山東之肥城。布政君及配寧夫人。皆踵葬肥城。公以父命徙籍山東。故又為肥城人焉。少而邁異精勤。嗜學如渴。以廩生入貲為臨湘縣訓導。嘉慶十二年舉於鄉。十四年成進士。改翰林院庶吉士。又二一年。授職檢討。又六年。補浙江道監察御史。充甲戌科會試同考官。

戊寅科順天鄉試同考官。坐論淮鹽引地。一疏。吏議鑄級。以六部員外郎。降補。會宣宗登極。詔中外大臣各舉所知。諸城劉文恭公鏗之。薦公。由是有廣西知府之命。後再爲平樂府。知府。一爲安徽徽寧池太廣道。量移江安十府糧道。拜山西按察使。遷貴州按察使。擢浙江布政使。遷江寧布政使。敷歷於外。蓋二十年。其守平樂也。亭平民搖之獄而解其仇。屢磔劇盜。境內肅然。是時布政君解組東歸。僑居金陵。公聞母病。卽引疾去官。省親江南。旣遭內外之艱。皆北葬肥城。廬墓讀禮。服闋。以例仍發廣西。再守平樂。道光十二年。廣東湖南生搖爲亂。公出防邊圉。內譏奸宄。往來富川賀縣。安撫熟搖。獸擾而兒畜之。設立五原學舍。延師教讀。羣搖大悅。擒郡中煽亂者譚於先等十餘人。立斬以徇。而貫其脅從千餘。火其名籍。一無所問。其按察貴州也。平反疑獄。歸美令長。曰非吾能正之。某縣尹來省。自易之耳。其在江寧。拯災修廢。百度畢張。時總督陶文毅公樹寢疾。公代行使院政事。文牘如山。賓僚填咽。昧爽而勤職。丙夜而不休。忘寢輟餐。形神交瘁。而言者乃劾其多病近藥。廢閣公事。又雜摭他端以相訾毀。朝廷遣使者按問。率無左驗。宣宗知公端謹。一切弗論。忌者或憚其方嚴。未幾內召爲太常寺卿。道光二十年四月也。公潛研性道。宗尙洛閩諸賢。所至以是救其躬。亦以牖於人。亦時時論著以垂於後。在翰林時。著有朱子年譜考

異。省身日課。畿輔水利等書。在廣西著讀易反身錄。居喪著讀禮小事記。官平樂時。延納人士。入署親與講授。設立義塾。誨誘寒畯。官貴州時亦如之。官江寧亦如之。及入爲九卿。又著易牖學案小識等書。扶掖賢俊。倡導正學。時如今相國倭仁良峯。侍郎吳廷棟竹如。侍御竇塈蘭泉。何文貞公桂珍輩。皆從公考德問業。國藩亦追陪几杖。商榷古今。觀其陋室危坐。精思力踐。年近七十。斯須必敬。蓋先儒堅苦者亞。時賢殆不逮也。已而致仕南歸。主講金陵書院。文宗踐阼。有詔召公赴闕。凡進對十有五次。中外利弊。無所不罄。諭旨以其力陳衰老。不復強之服官。令還江南。矜式二四多士。公至金陵。學徒益盛。以賊犯湖南。急欲歸展先塋。咸豐三年。乃自浙還湘。卜居於寧鄉之善嶺山。深衣疏食。泊然自怡。晚歲著讀易識。編次朱子全集。別爲義例。以發紫陽之蘊。十一年辛酉正月十八日病卒。春秋八十有四。其家函封遺疏。郵寄東流軍中。國藩以聞。天子軫悼。予諡確慎。配王氏楊氏。皆封夫人。前卒。無子。以弟子爾藻嗣。女四人。適某某。孫男三人。某某。孫女三人。某年月日。葬公某縣某鄉某山。又八年。國藩始追爲之銘。銘曰。俗學徇時。行與名釣。孰捐其華。而練其要。唐公翼翼二七與世殊趨。懼明戒曰。篤信程朱。有譏其隘。或諷以迂。浩然不顧。履我康衢二八。顯皇初政二九。詔徵國老。造膝前陳。嘉謨要道。願致吾君。上躋軒昊三一。進退以禮。斂茲宏抱。宦遊所至。

我求童蒙。晚居京國。羣彥景從。何才不育。有金皆鎔。以善孳善。借之大同。播此芬韻。昭示無窮。

〔註音〕(鑲)音還(敷)古揚字(搖)音遙(磔)音摘(煽)音扇(撻)同序

〔釋義〕(一)豐城。縣名。屬江西。(二)平度州。屬山東。民國改縣。(三)通奉大夫。清制。從二品文階封職。(四)

肥城。縣名。屬山東。(五)訓導。官名。明清於縣學置教諭訓導。(六)檢討。官名。位次于編修。(七)鹽法。請引行鹽。均有指定口岸。謂之引地。(八)六部員外郎。清官制。六部皆設員外郎。位在郎中之次。因未分部。故統言之。(九)劉

文恭公。鑲之。統勳孫。官至吏部尚書。(一〇)平樂府。屬廣西。治平樂縣。今廢府留縣。(一一)徽寧池。太廣道。清時轄理

徽州寧國池州太平四府及廣德州之道員。(一二)江安十府糧道。清江寧安徽接界之督糧道。(一三)敷歷。言仕宦

所經歷也。〔杜牧文〕敷歷中外。(一四)〔漢書酷吏傳〕張湯平亭疑法。〔按〕亭。均也。亦平也。(一五)生搖。未歸化之搖

蠻也。清時廣東湖南設理搖同知。所屬者為搖戶。(一六)邊圉。即邊疆。(一七)富川。賀縣。皆縣名。屬廣西。(一八)擾。馴養

也。(一九)輕重酌中曰平。盡翻舊案曰反。謂廉察怨獄而出其罪也。(二〇)填咽。多也。〔南史陶弘景傳〕賓客填咽

(二一)昧爽。將明未明之時。(二二)丙夜。半夜子時也。(二三)寒峻。寒士也。(二四)矜。敬也。式法也。(二五)寧鄉。縣名。屬湖南

(二六)東流。縣名。屬安徽。(二七)翼翼。恭也。敬也。(二八)康衢。大路也。四達曰衢。五達曰衢。(二九)顯皇。文宗顯皇帝也

(三〇)國老。卿大夫之致仕者。〔禮王制〕有虞氏養國老於上庠。(三一)軒昊。黃帝軒轅氏。太昊伏羲氏。

會滌笙苗先麓墓誌銘

君諱夔。字先麓。肅寧苗氏。自幼讀書。即異常童。不好為科舉文藝。而竊者

六書形聲之學。讀許氏說文。若有夙悟。精研而力索。滯解而趣昭。已又得

顧處士炎武音學五書。慕之彌篤。曰吾守此終身矣。年二十餘。即纂毛詩

韻訂。繼又纂廣籀一編。授徒窮鄉。制藝試帖之屬。不中有司程度。學子稍

稍引去。君益冥心孤往。子焉寡儔。聞之河間城外。得漢時君子館。又得

開元瓦於獻王墓旁。私獨欣喜。以為神者餉我以慰寂寞。久之。道光十年。

縣令王君聞而敬異。聘君主講翼經書院。明年。爲學使沈侍郎維鎬*一所知。舉辛卯科優貢生。高郵二大儒王氏念孫父子三聞君之說。禮先於君。遂與暢論音學源流。由是譽望日隆。督學使者爭欲致之幕下。與共衡校。初隨編修汪君振基衡文山西。繼隨祁文端公嵩藻衡文江蘇。所至甄拔宿儒。周覽山水。又以其暇編摩撰述。從事於其所謂聲韻之學。道光二十一年。祁公還京師。乃釀*一三金刻君所著說文聲訂若干卷。說文聲讀表七卷。毛詩韻訂十卷。建首字讀一卷。君以爲許叔重遺書。多有爲後人妄刪或附益者。乃訂正說文聲類八百餘事。顧氏音學所立古音表十部。宏綱已具。然猶病其太密。而戈麻既雜西音。不應別立一部。於是併耕清及蒸登於東冬部。併歌戈於支脂部。定以七部。槩*一五樞羣經之韻。書出。識者歎其精密。又數年。侍讀馮君譽驥視學山東。國藩薦君偕往。役未畢而先歸。於是君亦齒衰而倦遊矣。道光之末。京師講小學者。卿貳則祁公。及元和一六吳公鍾駿一七庶僚則道州一八何紹基子貞。平定一九張穆石舟。晉江二〇陳慶鏞頌南。武陵二一胡焯*一光伯三。光澤三何秋濤願船。君既習於祁公。又與諸君傾抱寫誠。契合無間。子貞嘗命工圖己及石舟及君三人貌。蓑笠而處田間。蓋三人者。皆同年優貢。又皆有逸士之風。謂宜與負耒者伍也。君既泊然無營。暇則徒步造訪諸君。與辨論前世音學。暨近人江戴段孔二三諸家。部分之多寡。意指之得失。褒譏

亭決。窮日夜不倦。閒亦過余劇談。歸自山東。余從容問東士亦有研究說文者乎。有得見吾子著述者乎。曰有之。何以知之。曰吾書中有自稱夔按云者。東人稱引及焉。會不知夔之爲誰氏名也。則相與拊掌二四大笑。君徐又曰。吾家有戇僮。昨者日晏。吾責豎子何不具食。僮輒報以錢物罄矣。欲以何具。吾柔聲謝之。僮乃不遜竟去。吾今方躬治爨耳。則又相與大笑。蓋君處困約。有以自怡如此。他日。君又語余曰。吾窮於世久矣。甘之若飴。死無所恨。獨平生著書。尙有數種。未及刊刻。不能無耿耿於懷。自余咸豐初出京。展轉兵閒。至同治七年。重入都門。昔之與君遊者。十人蓋八九死。君之嗣子玉璞來告。君以咸豐七年五月初七日逝矣。春秋七十有五。抱君所著書曰說文聲讀考者。曰集韻經存者。曰韻補正者。曰經韻鈎沈者。述君遺命。謂當送國藩觀覽。且以銘墓之文相屬。君且死。戒其子必葬我衆書叢中。其子乃擇君生平尤嗜之書。納諸棺中以殉。嗚呼。斯亦篤古之徵已。銘曰。

銘曰。

視以多歧而*二五瞢。聽以雜奏而聾。技之精者。不能兩工。苦思專壹。可與天通。

課形而得聲。勘異而得同。黜陟百氏。惟許君是崇。胡學之旁達。而遇之不豐。抱此孤賞。永奠幽宮。

【註音】(麓)音鹿(著)同嗜(籀)音宙(鑄)乎老切(醜)其虐切(隳)音隳(楮)音括(焯)音酌(瞢)音蒙

【釋義】 (一)肅寧。縣名。屬河北省。 (二)周禮保氏教國子先以六書。一曰指事。二曰象形。三曰形聲。四曰會意。五曰轉注。六曰假借。見《說文序》。 (三)許氏說文。書名。東漢許慎注。 (四)顧炎武。號亭林。字寧人。明末崑山人。其學以朱子為主。而長于考證。著述甚多。 (五)制藝。經義之別稱。以爲制科之文。故稱制藝。 (六)唐制。帖經試士。以所習經。掩其兩端。中開一行。裁紙爲帖。謂之試帖。見《通考》。 (七)《二輔黃圖》。獻王嘗設客館二十餘區。以待學士。此館特其一。又《河間府志》。府北三十里堡。有毛萇祠。距祠二三里。有村曰君子館。祠內掘得石碑。有明道於君子館設教於詩經邨之語。似此館專以屬毛萇者。甄文有君子二字。 (八)開元瓦。當是漢瓦。開元云者。亦吉字如意之類耳。 (九)獻王。名德。漢景帝子。河間爲德所封國。 (一〇)沈侍郎維鏞。嘉興人。嘉慶進士。累官工部侍郎。 (一一)高郵。縣名。屬江蘇省。 (一二)念孫。字懷祖。清高郵人。學者稱石臞先生。乾隆進士。通聲音訓詁之學。撰《廣雅疏證》。讀書雜誌。子引之。字伯申。嘉慶進士。能傳父學。成《經義述聞》、《釋詞》等書。 (一三)臧。合錢也。 (一四)叔重。許慎字。 (一五)爨。正邪曲之器。亦作爨。俗誤作括。以爲包括之意。 (一六)元和。舊江蘇縣名。今併入吳縣。 (一七)吳公鐘。駿。清道光十二年進士。以殿試一甲一名授修撰。 (一八)道州。舊屬湖南永州府。今改爲縣。 (一九)平定。清直隸州名。今改爲縣。 (二〇)晉江。福建縣名。 (二一)武陵。舊湖南縣名。今改爲常德縣。 (二二)光澤。福建縣名。 (二三)江。即江永。戴即戴震。段即段玉裁。孔即孔廣森。 (二四)拊掌。即拍手。 (二五)曹。目不明也。

會滌笙翰林院侍讀學士丁君墓誌銘

君諱善慶。字伊輔。號養齋。丁氏。世居清泉之白沙里。幼孤。從母劉太淑人。育於外王父劉文恪公家。自少而好惡欣戚不主於己。惟母志之從。長亦如之。終身亦如之。久處京師。寄籍宛平。由順天府學生。中式道光壬午科舉人。明年癸未成進士。選翰林院庶吉士。散館授編修。其歷階爲國子監司業。詹事府右中允。左中允。右庶子。翰林院侍講學士。其任職。爲國史館總纂。庶常館提調。文淵閣校理。奏辦院事。日講起居注官。其使事。爲戊子科貴州鄉試正考官。辛卯科廣東鄉試正考官。乙未科會試同考官。其秋

順天鄉試同考官。丙申以後。迭爲廣西學政。君雖闇然自飭。無所矜異。宣宗嘗從容問翰林中孰爲篤學。曹文正公舉君以對。天子旣異之。在廷名卿耆德亦多稱歎。以爲令僕之器。歲月可冀。君以母老。懷思鄉里。歸自廣西。遂解官。養親於長沙。早歲事母。執爨必躬。浙米必絜。至是益加謹焉。母或加餐。輒喜述諸人。以爲至幸。或有饋賜。輒豐其好貨。端篋而將之。或體中不適。則憂皇如不終日。或意有不懌。則長跪引咎。旣解乃起。或將他適。則先於其所往。百物畢齎。所欲立應。室無纖埃。庭無高語。一身肅戒。舉家兢兢。宦游餘財。爲其弟所耗。君則經營置產。以覆弟短。而悅母心。舅氏劉若珪謫官遠戍。君又傾其前產。以贖舅罪。而慰母於地下。蓋畢生孺慕。自順親外。不知天地更有何事也。母沒數年。而廣西寇賊大起。咸豐二年秋。攻圍長沙。君矢死堅守。寓書其弟曰。城陷。弟收吾骨於桂樹旁井中矣。日夜令其子馴巡警周垣。馴以勞致疾。妻蔡氏。割股療之。不愈。遂卒。君乃曰。兒致身衛國。婦割肉救夫。吾門之祥也。吾母幸而考終。吾身若家皆可殉難。尙何惜哉。賊退則趣治戰船。以濟水師。立共武社。使諸生與衆練。卒肄習火器。事上。議敘加三品銜。論者謂謹厚如君。乃能臨危應變如是。爲不可測也。同治八年六月十五日卒於家。春秋八十。其年十一月十六日。葬於北關外洪山渡饗堂坑莊山之陽。會祖某。祖某。父某。皆贈中憲大夫。會

祖妣氏某。祖妣氏某。贈恭人。妣氏劉。累封恭人。晉贈淑人。旌表節孝。配陶氏。繼配周氏。妾呂氏。生子馴。早卒。乃以弟之子驊為後。妾廖氏。生子騃。女六人。孫四人。焯^{*}煥^{*}煊^{*}煒^{*}皆驍出。煥復出為馴後。女孫二人。君之學詳於治經。尤嗜易春秋。著有左氏兵論。主講嶽麓書院^四二十餘年。以洛閩正軌陶鑄羣弟子。亦頗參陰德感應之說^五。警發愚蒙。生徒翼翼。無敢軼踰法度。庶幾以身教者。銘曰。

不斷不壘。不揭己以為崇。公以校士。毅以即戎。勇以辭祿位。而誠以啓羣蒙。皆以仁孝為之本。本立而用自不窮。老成逝矣。康此幽宮。

【註音】(浙)音析(繫)同潔(齋)音躋(封)音奎(驊)音華(騃)音達(焯)音酌(煊)音萱(煒)音衍
【釋義】(一)清泉縣名。舊與衡陽並為湖南衡州府治。民國併入衡陽。(二)婦人三品封贈曰淑人。(三)外王父。即外祖父。(四)劉文恪。名權之。字德輿。號雲房。湖南長沙人。官至大學士。(五)宛平。縣名。屬河北。舊為順天府治。(六)曹文正。名振鏞。字儷笙。安徽歙縣人。官至大學士。(七)令僕。謂向書令與僕射也。【晉書殷浩傳】浩有德有言。向使作令僕。足以儀刑百揆。(八)【孟子】則君使人道之出疆。又先於其所往。(九)齋。行裝也。(一〇)兢兢。小心戒慎也。(一一)劉若珪。劉權之次子。由副榜員外郎。出為湖北知府。署漢黃德道。死太平軍之難。(一二)坑。字典無此字。或係坑字之誤。(一三)中憲大夫。清正四品文階封職。(一四)嶽麓書院。在湖南長沙嶽麓山下。宋張栻朱熹講學其處。後為書院課士之所。(一五)陰德。言有德于人而不為人知也。感應言以其精誠感動神明。而神明自然應之也。

會滌笙戶部員外郎彭君墓表

君諱永思。號兩峯。世居湖南長沙。少而峻整自將。忱恂^二纘栗^二。訥訥^三如不能語。事至則剖晰毫釐。枝分縷解。辨窮萬變。而斷以片言。長老往往驚異。以

爲吏才。天所授也。年三十一。以嘉慶五年庚申舉於鄉。十四年己巳成進士。卽用知縣。明年署雲南嵩明州知州。斷獄入百。民譽翔洽。徙補楚雄縣。楚雄故附郭劇邑。君至。一以治嵩明者治之。訟牒入。立判紙尾。期以某日質訊。出則聽民遮道自言。停輿研鞫。前者辭窮。後者大畏。或就逆旅操筆定讞。且判且詰。決遣如神。尤善爲離參之法。離參者。如欲知豆價。則先以麥問甲。次以稻問乙。次以粱問丙。離其事。異其人。而旁參之。然後進退以定豆價。百不失一。君用此術多奇中。他人效之。亦不能得民情僞也。大吏以君旣政成。常使兼聽鄰縣之訟。大姚有薛繼賢者。殺人獄成。省中覆覈。則詭辭翻異。問官數易。爰書數十易。終不能決。君訊之。七晝夜。卒以參鞫其子。乃得情實。論決如律。某官解餉銀至省。發封則失銀而得數石。以獄屬君。君察石有蟲齧痕。非道途閒物。因問輦運之卒。寧覺馱負左右。敲乎。頗憶敲側始何日乎。卒對某日過某店。始覺右敲。君自省返楚雄。挾此獄與卒與石俱行。途中雜采羣石較之。皆不類。至某店。得石與蟲齧者類。一鞫而伏。遂抵旅店主人於法。五侯神者。不知所起。淫祀也。士民與江西客商爭祀。構訟數十年。君以黷祭宿獄。終無已時。令昇神像至縣庭。取筆判八字曰。爾像不滅。訟端不絕。立飭吏卒。碎而毀之。兩造相顧愕眙而散。蓋君之明而能斷類如此。嘉慶十七年。大姚令上變。告烏龍口有衆數千。嘯

聚爲亂。郡守夜召君問策。君立與區畫。草數書抵旁縣。戒勿輕動。遣數人
僞與賊暱者。風使解散。而潛發輕兵掩捕。擒七十人。罪數人。而事定。於是
遠近又歎君才堪濟變也。在滇六年。凡三署大姚。四署廣通。兩署南安州。
再爲鄉試同考官。上官方以治行卓異薦君。而君以父命不樂久爲吏。遂
援例改就京職。官戶部員外郎貴州司行走。兼管廣東司。議蠲逋賦。釐定
*^{一七}。漕政。多所匡贊。道光二年。丁家艱歸。自是山居。二十載。養母教子。收族振
貧。祭田義渡。凡諸善舉。皇然如有失而急圖之。陶然與販夫農父相狎。自
忘其爲宰官之身。人亦忘之。亦愈敬之。道光二十二年八月二十一日以
疾卒。春秋七十有四。會祖從美。祖必化。*^{一八}。贈奉直大夫。考勝桂。誥封奉政
大夫。^二以五世同堂。獲旌於朝。祖妣氏范。妣氏黃。皆封宜人。^三君之配黃恭人。
以賢孝特爲舅姑所倚。嘗一從夫雲南官舍。而未及從宦京師。凡綜理彭
氏家政。七十餘年。敕始^{二二}。終^{二四}。內外秩秩。室靡棄物。里無違言。妣婦有先亡
者。叔早逝者。撫其諸子。女公^{二六}早寡者。撫其孤甥。曲有恩紀。齒踰八十。猶籌^{*}
^{二七}。鐙紡績不倦。同治元年閏八月二日告終。蓋九十有六矣。子申甫。道光乙
未科舉人。候選通判。婦陶氏。安化文毅公女也。女三。皆適士人。孫樹森。同
治甲子科舉人。志本。序本。豐本。孚本。孫女十二。申甫以道光壬寅九月某
甲子。葬君於長沙之文家段蓮花台。同治壬戌閏八月某甲子。葬恭人於

木魚山墳壠相望。約一二百步而近。屬國藩表其墓。於是敘述大節。而綴以銘。銘曰。

流水不腐。古傳斯語。賢侯之明。積勤所補。壽母之壽。本諸勞苦。居上而逸。天所不許。降福者天。宰天者人。治獄陰德。恒大厥門。科名賡續。有子有孫。更千萬禩。長裕後昆。

【註音】(响)音納(讞)音孽(齧)音結切(敲)音羈(贖)音獨(昇)音余(摔)存入聲(愕)五各切(貽)答去聲(獨)古玄切(離)才何切(馳)余支切(毖)音祕(籌)音鉤(禩)古祀字

【釋義】(一)忱恂。誠信也。〔書立政〕迪知忱恂於九德之行。(二)縝。緻也。栗。堅也。〔禮記聘義〕縝密以栗。(三)响响。難言也。〔禮記檀弓〕其言响响然。如不出諸其口。(四)嵩明。舊屬雲南府。今改縣。(五)楚雄。舊為雲南

楚雄府治。民國改縣。(六)大姚。縣名。屬雲南。(七)爰書。鞠囚考實之判辭也。爰訓易。古者重刑。嫌有愛惡。故變易其判辭。使他官考實之。見〔史記注〕(八)贖。煩數也。〔書〕贖于祭祀。(九)宿獄。言獄事不能速決也。(一〇)昇。共舉也。(一一)摔。手持也。(一二)愕。驚視也。(一三)廣通。縣名。屬雲南。(一四)南安。今改為摩芻縣。(一五)舊制三年大計。舉官

之才能優異者。(一六)獨。除也。(一七)離政。鹽政也。(一八)丁家。艱歸。言遭父喪而歸也。(一九)陶然。和悅貌。(二〇)奉直。大夫。清從五品文階封職。(二一)奉政大夫。清正五品文階封職。(二二)五品命婦曰宜人。(二三)敕。警飭也。(二四)毖。慎也。

(二五)秩秩。肅敬貌。(二六)爾雅。夫之姊為女公。(二七)篝。籠也。以籠蔽燈也。(二八)安化。縣名。屬湖南省。(二九)文毅。即陶

樹。字雲汀。嘉慶進士。官至兩江總督。卒謚文毅。

會滌笙翰林院庶吉士遵義府學教授莫君墓表

君諱與儔。字猶人。一字傑夫。貴州獨山人。先世居江南上元縣。有名先者。

明弘治時。從征都勻。苗。因留守家焉。三傳至如爵。累官游擊。君高祖也。祖

嘉能。考強。州學附生。兩世皆以君貴。敕封文林郎。翰林院庶吉士。妣皆封

孺人。君少隨兄與班讀書發聞。兄歿持期服。不與有司之試。旋以州學廩生。中嘉慶二年舉人。明年己未成進士。改翰林院庶吉士。爲紀文達公及洪編修亮吉^七所器異。六年散館。改知縣。署四川茂州事。徙鹽源縣知縣。縣俗富人。好買無征之田。貧人鬻產。售九存一。仍輸全賦。久輒逃亡。君按籍責賦富人。而賞其隱占之罪。河西有寧遠。子稅所。府隸橫征。君上言稅所非經。病民。得裁去。木裏喇嗎^{*二}左所有山。產銀銅。郡守徇奸民之求。請布政司符縣開礦。君持不可。上狀以爲木裏喇嗎^{*三}去鹽源且二千里。朝廷特羈縻之。非真利其土也。彼土^{*一}菽糧不足於食。朝定開廠。暮聚萬人。運夫倍之。不幸鑪礦寡耗。衆散爲盜。非土司受其殃。則吾蜀承其敝。且奸民所呈地圖。開礦去左所經堂甚遠。今得左所人訊之。銅礦得十分二銀者。卽經堂山也。貪小利。賈大釁。事誠不便。大吏躡君狀。檄君往左所覆勘。春暮鏟雪^{一五}而行。至則礦山者。果在其經堂右。其衆嚴兵以待。旣瞻君貌。又聆溫語。乃皆解甲羅拜。謝使君幸奠我居。世世不敢忘。故事縣令入土司境。戶率錢二百五十。雜市雞豚百物。居有供。行有餽。君盡卻其物。又縣之禁。比還。老幼遮道獻酒。其會項克珠進銅佛爲壽。填咽^{一六}苦不得前。由是舉治行卓異。政以大成。充甲子^{一七}科鄉試同考官。以父憂去職。服闋。母張太孺人。年七十餘矣。遂以終養請。凡事母十有四年。入則牽衣索棗。聽於無聲。出則生徒

雲從。多文而粟。既除母喪。吏部檄之復起。君北行至襄陽。歎曰。吾壯也。猶不能枉道事人。今能老而詭隨耶。立歸。請改教職。選遵義一八府學教授。遵義之人。習聞君名。則爭欲就而受業。學舍如蠡房。又不足。乃僦居*二〇半城市。日暮進諸生而詔之。學以盡其下焉者而已。上焉者聽其自至可也。程朱氏之論。窮神達化。乃不越灑掃應對日用之常。至六藝故訓。則國朝專經大師。實邁近古。其稱易惠氏二二。書閻氏二三。詩陳氏二四。禮江氏二五。說文詁釋。有段氏二六。王氏父子二七。蓋未嘗隔三宿不言。言之未嘗不津津。聽者雖愚滯。未嘗不怡。如旱苗之得膏雨也。久之門人鄭珍二八。與其第五子友芝二九。遂通許鄭之學。充然西南碩儒矣。道光二十一年七月二十二日卒官。春秋七十有九。將絕。戒曰。貧不能歸葬。葬吾遵義可也。其明年十二月二日。葬縣東青田山。配唐氏。繼配李氏。子九人。希芝。次殤。次方芝。州學增生。秀芝。友芝。辛卯科舉人。庭芝。拔貢生。瑤芝。生芝。州學附生。祥芝。湖南候補縣丞。女七人。孫十一人。曾孫五人。君所爲書。有二南近說四卷。仁本事韻二卷。詩文雜稿。爲族子攜至廣西。佚去。友芝掇輯。編爲四卷。友芝又別記君言行。爲過庭碎錄十二卷。既葬十有八年。友芝以書抵國藩。乞爲文表其墓。當乾隆之季。海內矜言考據。宗尙實事求是之說。號曰漢學。嘉慶四年。仁宗親政。大興朱文正三一。儀徵阮文達三二。以巨儒爲會試總裁。是科進士。如姚文田三四。秋農。王引之三五。伯申。

張惠言皋文。郝懿行蘭臯。皆以樸學播聞中外。科目得人。可云極盛。君於是時寂寂無所知名。及君出而為吏。恩信行於異域。退而教授。儒術興於偏陬。校其所得。與夫同年生之炳炳者。孰為多寡。未易遽定也。余為表章一二。士之孤行而憂無和者。可自壯也。

【註音】(喇)羅達切(嗎)讀若麻(叢)音翹(傲)酒去聲

【釋義】(一)獨山。舊州名。屬貴州都勻府。今改縣。(二)上元縣。舊為江蘇江甯府治。今併入江甯縣。(三)弘治。明孝宗年號。(四)都勻。舊府名。治都勻縣。民國廢府留縣。(五)清制六品官以上曰誥封。以下曰敕封。文林郎。正七品文階封職。(六)紀文達。清乾隆時人。名昉。字曉嵐。四庫全書提要。乃其手纂。官至協辦大學士。(七)洪亮吉。陽湖人。字稚存。號北江。舉乾隆進士。授編修。督學貴州。著有北江集。(八)茂州。舊直隸州。屬四川。今改茂縣。(九)鹽源。舊屬四川寧遠府。(一〇)寧遠。縣名。屬四川。民國廢。今西昌縣其舊治。(一一)子稅。即子口稅。凡進口貨。已於進口處之海關繳納正稅。後如運銷內地。復于所到省之稅關。再繳半稅。以代釐金。謂之子口稅。(一二)木裏喇嗎左所。地名。木裏一作木理。在鹽源縣西北。其地與打箭爐及中甸裏塘接界。土酋塗都。於雍正八年歸附。因授安撫司。(一三)苡。苡芣也。亦曰荊葵。(一四)明清時領有番苗搖蠻之地。即以其人治之。子孫世襲曰土司。(一五)鑿。鑿器。用以鑿削物也。(一六)填咽。言人眾擁擠也。(一七)甲子。清仁宗嘉慶九年。(一八)襄陽。縣名。屬湖北省。(一九)遵義。縣名。屬貴州省。(二〇)傲。租人屋也。(二一)惠氏。名士奇。字天牧。一字仲孺。清吳縣人。著有易說。子棟。字定宇。號松厓。尤邃於易。著有周易述。(二二)閻氏。名若璩。字百詩。清太原人。著有古文尚書疏證等書。(二三)陳氏。名奐。受業段玉裁。作毛詩義疏等書。(二四)江氏。名永。字慎修。清婺源人。著有周禮疑義舉要禮記訓義擇言等書。(二五)段氏。名玉裁。字若膺。一字懋堂。清金壇人。精小學。著有說文解字注。(二六)王氏父子。即念孫。引之。注見苗先簡墓誌銘。(二七)鄭珍。字子尹。貴州遵義人。道光舉人。有巢經巢文集。(二八)友芝。字子偲。道光舉人。有郟亭遺文。(二九)許鄭。即許慎。鄭康成也。(三〇)碩儒。大儒也。(三一)朱文正。名珪。字石君。號南厓。清仁宗師。官至協辦大學士。有知不足齋詩文集。(三二)儀徵。縣名。屬江蘇省。(三三)阮文達。名元。儀徵人。官至大學士。著有學經室集。(三四)姚文田。字秋農。浙江歸安人。官至禮部尚書。著有易原。春秋月日表。說文聲系。說文考異諸書。(三五)王引之。即王念孫之子。(三六)張惠言。字臯文。武進人。著有茗柯文集。(三七)郝懿行。字恂九。棲霞人。官主事。注山海經。及爾雅義疏。(三八)炳炳。光明也。

會滌笙鄧湘皋先生墓表

先生新化鄧氏。諱顯鶴。字子立。晚歲學成。遠近稱爲湘皋先生。先生自甫
撥科名。卽已厭薄仕進。愜然有志於古之作者。與同里歐陽紹洛*三。東以
詩相厲。客游燕齊淮揚嶺南。所至悲愉抑塞。一寓於詩。覷幽刺怪。遏之使
平。終歲顛顛。誓不履近人之藩。而又恥不逮古人。每有篇什。輒就*六。東與
相違覆。引繩落斧。剖晰毫釐。書問三反。或終不得當。交嘲互訟。神囚形瘁。
已而窒極得通。則又互慰大歡。以爲解此者。天下之至豪也。先生以嘉慶
九年甲子科舉於鄉。道光六年。大挑二等。官寧鄉縣訓導。凡十有三年。引
疾歸。其遺外時榮而有事著述。與*九。東略同。然*八。東持律矜嚴。體勢稍褊。
先生則波瀾益壯。跌宕昭彰。東牆宇自峻。與人少可。先生則闡揚先達。
獎寵後進。知之惟恐不盡。傳播之惟恐不博。且久。用是門庭日廣。而纂述
亦獨多。詩歌所不能表者。益爲古文辭以彰顯之。其於湖南文獻。搜討尤
勤。如飢渴之於飲食。如有大譴隨其後。驅迫而爲之者。以爲洞庭以南。服
嶺以北。旁薄清絕。屈原賈誼傷心之地也。通人志士。仍世相望。而文字放
佚。溼鬱不宣。君子懼焉。於是搜訪濱資郡縣。名流佳什。輯資江*二。耆舊集六
十四卷。東起*一三。源。西接黔中。北匯於江。全省之方輿略備。鉅製零章。甄采
略盡。爲沅湘耆舊集一百卷。編求周聖楷楚寶*六一書。匡謬拾遺。爲楚寶增

輯考異四十五卷。繪鄉邨經緯圖。以詔地事。詳述永明播越之臣。以旌忠烈。爲寶慶府志百五十七卷。武岡州志三十四卷。衡陽王夫之^二之明季遺老。國史儒林傳列於冊首。而邦人罕能舉其姓名。乃旁求遺書。得五十餘種。爲校刻者百八十卷。瀏陽歐陽文公玄^三全集久佚。流俗本編次失倫。爲覆審補輯若干卷。大儒周子^三權守邵州。錄其微言。副以傳譜之屬。爲周子遺書若干卷。所至釐定祀典。褒崇節烈。爲召伯祠從祀諸人錄一卷。朱子五忠祠^三傳略考證一卷。五忠祠續傳一卷。明季湖南殉節諸人傳略二卷。嗚呼。可謂勤矣。蓋千秋者。人與人相續而成焉者也。惟衆人甘與草木者。伍而腐耳。自稍有智識。卽不能無冀於不朽之名。智尤大者。所冀尤遠焉。人能弘道。無如命何。或碌碌而有聲。或瓌材而蒙詬。或佳惡同時同位同。而顯晦迥別。或覃思孤詣。而終古無人省錄。彼各有幸有不幸。於來者何與。先生乃舉湖南之仁人學子薄技微長。一一掇拾而光大之。將非長逝者之所託命耶。何其厚也。先生生於乾隆四十二年十二月十六日。卒於咸豐元年閏八月二十五日。春秋七十有五。會祖元臣。祖勝達。父長智。妻曹氏。仁厚淑慎。里黨欽之。妾何氏。子二。琳廩貢生。候選訓導。前卒。琮道光丁酉科拔貢生。癸卯科舉人。父歿後一月以毀終^二。女子子三人。孫四。光黼。光緝。光紱。光組。會孫大程。自先生以名儒篤行昌其家。羣從子姓。皆孝友力

學。兄子瑤。尤賢而能文章。先生之書。其不係於湖南文獻者。又有南邨草堂詩鈔二十四卷。文鈔二十卷。易述八卷。毛詩表二卷。校勘玉篇廣韻札記二卷。自訂年譜二卷。瑤皆敬謹^{*二五}弄藏。其未刻者皆寫定。可傳於世。先生內行完粹。教澤在人。瑤所為行狀甚詳。茲故不著。獨著其治詩之精。與其有功於鄉先哲者。揭於墓道。以式鄉邦而訊異世。

【註音】(慎)音覓(澗)音諫(覲)音疽(編)音扁(離)音離(弄)音舉

【釋義】(一)新化。縣名。屬湖南省。(二)澗。東。後易名輅。字念祖。乾隆舉人。工詩。(三)覲。窺伺也。

(四)覲。窺伺也。(五)顛顛。猶言區區。一曰圓貌。漢書。顛顛獨居一海之中。(六)篇什。詩雅頌十篇為一什。後世因沿稱之。(七)

違覆。反復詰難也。(八)編。狹也。(九)跌宕。不羈也。(一〇)文。典籍也。獻。賢也。見論語朱注。(一一)服嶺。即五嶺。(一二)裴

氏廣州記。大庾。始安。即越城嶺。臨賀。即萌渚嶺。桂陽。即騎田嶺。揭陽。即都龐嶺。(一三)資江。在益陽縣

南。(一四)離。源出廣西。(一五)舊說謂天圓地方。而在易坤為地。又謂大輿。故謂地為方輿。(一六)沅。湘。二水名。沅水源

出貴州。入湖南。湘水出零山。入湘潭縣。(一七)楚寶。明湘潭周聖楷輯。凡四十五卷。專記楚中人物。(一八)永明。即永

明王由榔。順治四年。清命孔有德等率兵下湖南。定興伯何騰蛟與總兵郝永忠退保衡州。張先壁走寶慶。湖北

巡撫堵胤錫走永定衛。王有才馬進忠等。走五溪山。五月清兵抵衡州。總兵黃朝宣等被擒。騰蛟退保永州。八月。

清兵破武岡。常德寶慶盡失。永明王入柳州。柳州陷。王走象州。時清兵已定湖南。永州亦破。騰蛟與永忠盧鼎俱

入桂林。與留守瞿式耜議分地自守。王回桂林。五年清兵入粵西。永忠潰於興安。五月騰蛟復全州。六月。李成棟

以粵東叛。歸於王。騰蛟復督師出湖南。由永入衡。胤錫亦自常德趨湘潭。六年。清兵下湘潭。執騰蛟。二月。成棟敗

於信豐。墮水死。(一八)寶慶府。今廢。邵陽縣。其舊治。(一九)武岡州。今改縣。(二〇)王夫之。字而農。號薑齋。明末衡陽人。

入清不仕。隱居石船山。學者稱船山先生。(二一)歐陽玄。字原功。元翰林學士承旨。著有圭齋文集。(二二)周子。即敦

頤。會攝邵州事。(二三)五忠祠。在長沙縣北門內。朱熹帥潭時所立。祀晉司馬永。宋孟彥卿。趙民彥。劉玠。趙聿之。

(二四)毀終。謂哀毀而歿也。(二五)弄。藏也。

【評語】椽筆淋漓。聲大而遠。

會滌笙隨州李君墓表

道光二十六年某月。隨州李君。年八十四。考終於里第。其兄之子。戶部主事樹人。聞赴京師。將去官持喪。余往弔。語之曰。於古期功之喪。仕者去職。總之喪。士不得應舉。今子之歸。禮也。樹人曰。豈以爲禮。致吾哀爾。且泣曰。叔父葬有日。既埋石幽宮。維墓道當別立碣。將揭其行義。以視來者。敬以屬先生。則爲余縷述一一甚詳。樹人事予甚敬。又以禮請。余其可辭。惟君受性剛介。於事無所不敢。凡所力任。必自於公。或私於己。毫毛不以措意。人所愈憚。當之愈勇。嘉慶初。川楚教匪蠡起。漢沔荆襄蹂躪殆遍。隨州之西有濃潭者。巨鎮也。賊將大掠而窟之。君戒鎮家出一人。負薪一束。執長竿籠一炬。臨水雁列。竟夕焚薪。火光互六七里。賊不敢渡。隨以不陷。近村有田。久沒於水。吏責賦於比鄰。民絕苦之。君徧哀諸司。乞蠲無田之賦。竟以得請。其他施於鄉者稱是。是故邑有舉也。非其倡不興。里有爭也。非其解不息。其貴盛也。人皆稱願之。其疾皆奔視。其歿也。哭之皆哀云。李氏世居隨州。家微也。君少與其兄某。發憤力學。自度終無以大其門。乃去爲賈。累致千金。一以資兄宦學不問。久之。乃爲兄納金縣官。得除爲丞。稍遷至雲南嵩明州知州。而君亦以武學生入資爲都司。於是諸子翩翩。文學仕進。寢昌大矣。君諱某。字某。會祖某。祖某。皆不仕。考某。以嵩明君貴。誥封奉

直大夫。子二人。長某。以嵩明君得子遲。與為嗣。後遂不還。次某。孫某某。自嵩明君之歿二十年。君撫諸孤。恩勤備至。樹人之官京師。君一資之。如資其兄。其視兄子。不知其非己子。其視己子。不知其非兄之子也。嗚呼。自眾人論之。彼施於鄉者博矣。自知道者觀之。獨其施於家者不可能耳。不可能也。則亦不可朽也。

【註音】(躡)音吝(還)音還

【釋義】(一)隨州。舊屬湖北德安府。今改縣。(二)赴。告喪也。(三)行義。猶言行狀。(四)漢河。水名。漢入江處

謂之河口。即今湖北漢口。荊州襄陽。皆清時湖北府名。(五)蹂躪。踐踏也。(六)還。水名。在湖北舊德安府境內。

(七)都司。清為四品武職。位次游擊。(八)翩翩。風流文采之喻。《史記》平原君翩翩濁世之佳公子也。

會滌笙誥封光祿大夫會府君墓誌銘

咸豐七年二月初四日。我顯考會府君卒於湘鄉里第。春秋六十有八。男國潢。國葆。謹視含斂。男國藩。降服男國華。自江西瑞州軍營聞訃。男國荃。自吉安軍營聞訃。皆奔喪來歸。天子廣錫類之仁。賜銀四百兩。經理喪事。閏五月初三日癸未。卜葬於二十四都周壁衝山內。從形家言。丙山壬向。去先世舊廬六里而強。去梁江新宅八里而近。國藩少長至冠。未離親側。讀書識字。皆我君口授。自竊祿登朝。去鄉十有四年。逮待罪戎行。違晨昏者又五年。府君之至。言懿行。不可得而盡識。僅從季父驥雲所泣問近事。而昆弟子姓諸姑姊妹亦稱述音容。往往而悉。其述府君侍先大父疾病。

至難能矣。道光二十六年八月。大父病痿痺。*_二動止不良。明年冬。疾益篤。*_三暗不能言。卽有所需。以頤使。四以目求。卽有苦。蹙頰而已。五府君朝夕奉事。常先意而得之。夜侍寢處。大父雅不欲煩煩驚召。而他僕殊不稱意。前後洩益數。一夕六七起。府君時其將起。則進器承之。少聞亦如之。聽於無聲。不失分寸。嚴寒大溲。則令他人啓移手足。而身翼護之。或微沾污。輒滌除。易中衣。拂動甚微。終宵惕息。明日則季父入侍。奉事一如府君之法。久而諸孫孫婦。內外長幼。感化馴習。爭取垢污襦袴。*_六澣濯爲樂。不知其有臭穢。或挽篋輿。遊戲庭中。各有常程。大父病凡三載有奇。府君未嘗得一安枕。愈久而彌敬。是時府君年六十矣。吾會氏家世微薄。自明以來。無以學業發名者。府君積苦力學。應有司之試十有七。始得補縣學生員。不獲大施。則發憤教督諸子。國藩以進士入翰林。七遷而爲禮部侍郎。歷官吏部兵部刑部工部侍郎。遭逢兩朝。推恩盛典。褒封三世。會祖諱竟希。誥贈光祿大夫。會祖妣彭氏。誥贈一品夫人。祖諱玉屏。累贈光祿大夫。祖妣王氏。累贈一品夫人。府君諱麟書。字竹亭。誥封中憲大夫。疊晉榮祿大夫。光祿大夫。妣江氏。誥封一品夫人。小子非材。微府君厚澤。曷克成立。以蒙茲光顯。於是泣述一二。并列刻系屬。敬銘諸幽。若其懿德純行。宜傳不朽者。將以俟諸知言君子。銘曰。

西望新居。東望舊廬。此焉適中。羣山所都。我先人之靈。其尙妥於斯而永於斯乎。嗚呼。

〔註音〕(橫)音黃(痿)音猥(痹)音界(暗)音音(瘦)疏有切(糲)音儒(篋)音輟

〔釋義〕(一)吉安縣名。屬江西省。(二)痿痹。風濕病。(三)暗。失音也。(四)頤使。謂口不言而動頤示意也。

(五)頰。鼻莖也。(孟子)舉疾首蹙頰而相告。(六)禮內則。衣不帛襦袴(按)襦。短襖也。(七)篋。竹編之輿也。

〔史記張耳傳〕上使泄公持節問之。篋輿前。(八)兩朝。即咸豐同治。

會滌笙大界墓表

王考府君。以道光二十九年十月四日棄養。倏歷二十三年。當初葬時。吾父以書抵京師。命國藩爲文。紀述先德。揭諸墓道。國藩竊觀王考府君。威儀言論。實有雄偉非常之概。而終老山林。會無奇遇重事。一發其意。其型於家。式於鄉邑者。又率依乎中道。無峻絕可驚之行。獨其生平雅言。有足垂訓來葉者。敢敬述一二。以示後昆。府君之言曰。吾少耽游惰。往還湘潭。市肆。與裘馬少年相逐。或日高酣寢。長老有譏以浮薄。將覆其家者。余聞而立起。自責。貨馬徒行。自是終身未明而起。余年三十五。始講求農事。居枕高嶺山下。壠峻如梯。田小如瓦。吾鑿石決壤。開十數畛。而通爲一。然後耕夫易於從事。吾昕宵行水。聽蟲鳥鳴聲。以知節候。觀露上禾顛。以爲樂。種蔬半畦。晨而耘。夕而糞。庸保任之。入而飡。出而養魚。彼此雜職之。凡菜茹手植。而手擷者。其味彌甘。凡物親歷艱苦而得者。食之彌安。

也。吾宗自元明居衡陽之廟山。久無祠宇。吾謀之宗族諸老。建立祠堂。歲以十月致祭。自國初遷居湘鄉。至吾曾祖元吉公。基業始宏。吾又謀之宗族。別立祀典。歲以三月致祭。世人禮神徼福。求諸幽遐。吾以爲神之陟降。莫親於祖考。故獨隆於生我一本之祀。而他祀姑闕焉。後世雖貧。禮不可墮。子孫雖愚。家祭不可簡也。吾早歲失學。壯而引爲深恥。既令子孫出就名師。又好賓接文士。候望音塵。常願通材宿儒。接迹吾門。此心乃快。其次老成端士。敬禮不怠。其下汎應羣倫。至於巫醫僧徒。堪輿星命之流。吾屏斥之。惟恐不遠。舊姻窮乏。遇之惟恐不隆。識者觀一門賓客之雅正。疏數而卜家之興敗。理無爽者。鄉黨戚好。吉則賀。喪則弔。有疾則問。人道之常也。吾必踐焉。財不足以及物。吾以力助焉。鄰里訟爭。吾嘗居間以解兩家之紛。其尤無狀者。厲辭詰責。勢若霆摧。而理如的破。悍夫往往神沮。或具尊酒通殷勤。一笑散去。君子居下。則排一方之難。在上。則息萬物之囂。其道一耳。津梁道塗。廢壞不治者。孤嫠衰疾無告者。量吾力之所能。隨時圖之。不無小補。若必待富而後謀。則天下終無可成之事。蓋府君平昔所恆言者如此。國藩旣稔聞之。吾父暨叔父。又傳述而告誡數數矣。府君諱玉屏。號星岡。聲如洪鐘。見者憚懾。而溫良博愛。物無不盡之情。其卒也。遠近咸唏。或涕泣不能自休。配我祖妣王太夫人。孝恭雍穆。娣姒欽其

所爲。自酒漿縫紉^{七*}以至禮賓承祭。經紀百端。曲有儀法。虔事夫子。卑詘已甚。時逢愠怒。則竦息減食。甘受折辱。以迴眷睠^{*}。年逾七十。猶檢校內政。絲粟不遺。其於子婦孫會羣從外姻童幼僕媪。皆思有惠逮之。權量多寡。物薄而意長。閱時而再施。太夫人道光二十六年九月十八日卒。春秋八十。葬於木兜沖。其後三年而府君卒。春秋七十有六。葬於八斗沖。遷太夫人之柩附焉。其後十年。爲咸豐九年己未十二月。均改葬於大界。府君之先。六世祖曰孟學。初遷湘鄉者也。曾祖曰元吉。別立祀典者也。祖曰輔臣。考曰竟希。曾祖妣氏曰劉。祖妣氏曰蔣。曰劉。妣氏曰彭。以國藩忝竊祿位。府君初貤封^{一八}中憲大夫。後累贈爲光祿大夫。大學士兩江總督。祖妣初封恭人。後累贈爲一品夫人。聖朝推恩。追而上之。竟希公。累贈光祿大夫。妣彭氏。亦贈一品夫人。府君生吾父兄弟三人。仲父上台早卒。季父驥雲無子。以吾弟國華爲嗣。孫五人。軍興以來。惟國潢治團練於鄉。四人者。皆託身兵閒。國華貞幹歿於軍。國藩與國荃遂以微功。列封疆而膺高爵。而高年及見吾祖者。咸謂吾兄弟威重智略。不逮府君遠甚也。其風采亦可想已。曾孫七人。玄孫七人。凡茲安居足食。列於顯榮者。繫維祖德是賴。於是敘其大致。表於斯阡^{一九}。令後嗣無忘彝訓^{二〇}。亦使過者考求事實。知有衆徵。無虛美云。

【註音】(壠)力腫切(畛)之忍切(畦)音攜(畝)同飼(擗)胡結切(攝)之涉切(唏)音喜(紉)音人(踈)洛代切

【釋義】(一)來葉。後世也。(二)湘潭。縣名。屬湖南省。(三)壠。田中高處。(四)畛。田中路也。(五)畦。分區之田。(六)耘。去草。(七)庸保。亦作傭保。受值而爲人役者。(八)擗。采也。(九)衡陽。縣名。屬湖南。(一〇)湘鄉。縣名。屬湖南。(一一)微。要求也。(一二)音塵。猶言消息也。(一三)相地者稱堪輿家。(一四)霆。霹靂。(一五)的破。謂如射之中的而破也。(一六)哀而不泣曰唏。見【方言】。(一七)紉。繡縷展而續之。(一八)清制。職官以己所應得封誥。呈請改受遠祖及伯叔或父祖父母等者。謂之貤封。(一九)阡。墓道也。(二〇)彝訓。法訓也。

會滌笙台洲墓表

嗚呼。惟我先考先妣。既改葬於台洲之十三年。小子國藩。始克表於墓道。先考府君諱麟書。號竹亭。平生困苦於學。課徒傳業者。蓋二十有餘年。國藩愚陋。自入歲侍府君於家塾。晨夕講授。指畫耳提。不達則再詔之。已而三覆之。或攜諸途。呼諸枕。重叩其所宿惑者。必通徹乃已。其視他學童亦然。其後教諸少子亦然。嘗曰。吾固鈍拙。訓告若輩鈍者。不以爲煩苦也。府君既累困於學政之試。厥後挈國藩以就試。父子徒步橐筆。以干有司。又久不遇。至道光十二年。始得補縣學生員。府君於是年四十有三。應小試者十七役矣。吾會氏由衡陽至湘鄉五六百載。會無人與於科目秀才之列。至是乃若創獲。何其難也。自國初徙湘鄉。累世力農。至我王考星岡府君。乃大以不學爲恥。講求禮制。賓接文士。教督我考府君。窮年磨厲。期於有成。王考氣象尊嚴。凜然難犯。其責府君也尤峻。往往稠人廣坐。壯聲訶

斥。或有所不快於他人。亦痛繩長子。竟日嗃嗃。詰數愆尤。聞作激宕之辭。以爲豈少我邪。舉家聳懼。府君則起敬起孝。屏氣負牆。踖踖徐進。愉色如初。王考暮年大病。痿痺瘖啞。起居造次。必依府君。暫離則不怡。有請則如響。然後知夙昔之備責府君。蓋望之厚而愛之篤。特非衆人所能喻耳。咸豐一二年。粵賊竄湘。攻圍長沙。府君率鄉人修治團練。戒子弟講陣法。習技擊。未幾國藩奔母喪回籍。奉命督辦湖南團練。明年。又奉命治舟師。援剿湖北。府君僻在窮鄉。志存軍國。初令季子國葆募勇討賊。既又令三子國華。四子國荃募勇北征鄂。東征豫章。羸有成效。而府君遽以咸豐七年二月四日棄養。閱一年而國華殉難於三河。又四年而國葆病歿於金陵。朝廷褒卹。并予美諡。而國藩與國荃遂克復安慶江寧兩省。雖事有天幸。然亦賴先人之教。盡驅諸子執戈赴敵之所致也。初國藩以道光閒官京師。恭遇覃恩。封王考暨府君皆爲中憲大夫。祖妣暨先母皆爲恭人。逮咸豐間。四遇覃恩。又得封贈三代。皆爲光祿大夫。妣皆一品夫人。今上嗣位。四遇覃恩。又以戰績。兄弟謬膺封爵。於是會祖府君儒勝。王考府君玉屏。暨府君。皆封爲大學士。兩江總督。一等候爵。會祖妣氏彭。祖妣氏王。先妣氏江。仍封一品夫人。嗚呼。叨榮至矣。江太夫人爲湘鄉處士沛霖公女。來嬪會門。事舅姑四十餘年。饒饒必躬。在視必恪。賓祭之儀。百方檢飭。有子男

五人。女四人。尺布寸縷。皆一手拮据。或以人衆家貧爲慮。太夫人曰。某業讀。某業耕。某業工賈。吾勞於內。諸兒勞於外。豈憂貧哉。每好作自強之言。亦或諧語^三以解劬苦^三。咸豐二年六月十二日疾卒。九月二十二日葬於下要里宅後。府君以七年閏五月初三日葬於周壁衝。至九年八月某日。并改葬於台洲之貓面腦。府君有弟二人。仲曰上台。年二十有四而歿。府君視病年餘。營治醫藥。旁皇達旦。季曰驥雲。推甘讓善。老而彌恭。無子。以國華爲之嗣。後府君三年而歿。女四人。其二先卒。其一繼逝。諸子今存者。惟國藩與國潢國荃三人。諸孫七人。曾孫七人。於是略述梗概^四以著先人懿德。垂蔭無窮。而小子才薄能鮮。忝竊高位。兢兢焉惟不克負荷。是懼云。

【註音】(嗚)呼各切(歟)子六切(踏)音積(瘖)音音(饒)音熾(纓)音竄

【釋義】(一)「詩」匪面命之。言提其耳。不徒面命之。又提其耳。使之卒聽。言教誨之懇切也。(二)「漢書注」

囊盛書。簪筆。插筆于首以紀事。(三)唐制取士。有秀才明經。進士俊士。明法。明字。明算等五十餘科。故曰科目。後世止進士一科。亦稱科目。沿用之誤也。見「訂譌雜錄」(四)嗚嗚。嚴酷貌。(五)歟。踏。「論語注」恭敬不寧之貌。(六)軍國。言軍務與國政。(七)三河。鎮名。在安徽舒城。李續賓喪師於此。國華死之。(八)覃恩。國有慶典。加恩於下。覃及也。(九)嬪。婦也。(一〇)饒饒。炊黍稷也。「儀禮」主婦視饒饒於西堂下。(一一)恪。敬也。(一二)諧語。即笑話。(一三)劬苦。即勞苦。(一四)梗概。即大略。

會滌笙季弟事恆墓誌銘

同治元年十一月十八日丙寅。我季弟歿於金陵軍中。逾月。喪過安慶。國藩設次哭奠如禮。遣之反葬。弟名國葆。字季洪。後更名貞幹。字事恆。少則

落落自將。脫去町畦^一。視人世毀譽。及書史褒譏^{*}。不甚厝意^{*}。不隨衆爲疑信。時或詰難參任^二。大破羣惑。嘗應縣試。及學政試。再冠其曹。已而厭薄舉業。不肯竟學。咸豐三年。國藩奉詔討賊。召募水陸諸軍。季弟挈六百人以從。提督楊載福^三。侍郎彭玉麟^四。始皆客季弟所爲僚佐。季亟薦此二人。爲英毅非常器。己願下之。四年三月。岳州兵敗。季又亟白諸將無罪。己願獨坐之。其後楊彭二人。果以水師雄視東南。而諸將亦次第登用。掇取高官大名。獨季弟黯黜^{*五}歸去。築室紫田山中。柴門絕人事。身與世若兩不相收。八年十月。母弟國華戰歿三河。季則大慟。誓出殺賊。以報兄仇。而雪前恥。鄂帥胡文忠公^六。方廣求將材。命季分領千人。自黃州^七建旆而東。十年正月。連克太湖潛山^八。三月。始與叔弟國荃會師。以圍安慶。十一年八月。克之。明年爲今皇帝元年。弟以正月師次三山^{一〇}。三山者。宣池羣賊四萃之區。軍入援絕。寇十倍我。乃以計招降三縣義民之陷賊者。噢咻^{*二二}而厲使之。得四千人。編伍約法。用破魯港^{一三}。克繁昌^{一四}。下南陵蕪湖^{一五}。而國荃亦以是時克東西梁山^{一六}。徇和州^{一七}。當塗^{一八}。奪采石^{一九}。兄弟復會師。進薄金陵之雨花臺^{二〇}。江東久虐於兵。疹疫繁興。將士物故相屬。弟病亦屢瀕於危。定議假歸養疾。適以援賊大至。強起戰守^{二三}。四十六日賊退。而疾甚不可復治矣。季弟初以功敘儒學訓導。加國子監學正銜。克復安慶。晉秩同知。賞戴花翎。厥後連克繁昌三縣。

天子雖以國藩前有辭賞之奏。猶特賜迅勇巴圖魯名號。至大破援賊。晉階知府。命下。而弟不及見矣。事聞。遂追贈按察使。照軍營病故例議卹。詔書謂朝廷早欲擢用。特以國藩懇辭。留以有待。嗚呼。聖主之於臣家。恩寵不訾。^{二四}獨惜國家欲大用吾弟。與吾弟欲得當以報國。兩相須於微莫之中。而卒不克少待以竟厥志。嗚呼。茲所謂命焉者非耶。季弟生以道光八年九月二十日。春秋三十有五。會祖諱竟希。妣彭氏。祖諱玉屏。妣王氏。父諱麟書。妣江氏。三代皆封光祿大夫。妣皆一品夫人。配鄧氏。先弟十月卒。兄弟五人。自仲氏國潢外。四人者。皆從事戎行。季無子。以國潢子紀渠嗣。同治二年。某月某日甲子。葬於某里某山之陽。輒敘次事狀。繫以銘語。以寫吾哀。銘曰。

智足以定危亂。而名譽不並於時賢。忠足以結主知。而褒寵不逮於生前。仁足以周部曲。^{二六}而妻孥不獲食其德。識足以祛羣疑。而文采不能伸其說。嗚呼。予季。缺憾孔多。天乎人乎。歸咎誰何。矢堅貞而無怨。儻彌久而不磨。

【註音】(町)他頂切(儼)古美字(厝)同措(黠)他感切(噢)音郁(咻)虛羽切(珍)音麗

【釋義】(一)田踐處曰町。畦區也。(莊子)彼且為無町畦。亦與之為無町畦。此喻不守成法也。(三)〔易繫辭〕參伍以變。(注)參。三也。伍。五也。或三或五。以相參合。以相改變。(三)揚載福。後更名岳斌。字厚靈。善化人。官

至陝甘總督。(四)彭玉麟。字雪琴。衡陽人。累官兵部尚書。(五)〔楚辭〕彼日月之照明兮。尙黯黩而有瑕。按作黑

暗解。(六)胡文忠公。名林翼。字貺生。益陽人。官至湖北巡撫。(七)黃州。舊府名。屬湖北。今黃岡縣其舊治。(八)太湖。潛山。均安徽縣名。(九)皇帝。指穆宗。(一〇)三山。鎮名。在安徽蕪湖繁昌二縣間。(一一)宣州池州。舊二府名。屬安徽。

(三)噢咻。痛念之聲。(二)魯港。鎮名。在安徽蕪湖縣。(四)繁昌。縣名。屬安徽。(五)南陵。蕪湖。皆縣名。屬安徽。(六)在和縣者。爲西梁山。在當塗者。爲東梁山。(七)和州。舊直隸州。屬安徽。今爲和縣。(八)當塗。縣名。舊爲安徽太平府治。(九)采石。地名。在當塗縣西北二十里牛渚山下。突出於江中之磯。(一〇)雨花臺。在江蘇江甯縣南。據崗阜最高處。遙瞰大江。俯臨城市。爲金陵扼要之地。(一一)診。惡氣也。(一二)時。太平軍之忠王李秀成。率援軍數十萬至。貞幹扶病而起。自當西路。衛鑲道。與太平軍血戰。(一三)巴圖魯。滿洲語。譯言勇士。清代凡有武功者。多賜以此號。(一四)不訾。猶無限也。(一五)微。隱微。莫虛無。(一六)部曲。謂行伍也。

會滌笙彭母會孺人墓誌銘

天道五十年一變。國之運數從之。惟家亦然。當其隆時。不勞而坐獲。及其替也。憂危拮据而無少補救。類非人所爲者。昔我少時。鄉里家給而人足。農有餘粟。士世其業。富者好施與。親戚存問。歲時餽遺。繼屬^二。自余遠遊以來。每歸故里。氣象一變。田宅易主。生計各蹙。任恤^三之風日薄。嗚呼。此豈一鄉一邑之故哉。王姑^四彭孺人。吾祖之伯姊。其冢婦^五又吾姑也。兩世之好。視他戚尤厚已。王姑之未嫁也。事吾曾祖王父母以孝聞。既適彭宜仁先生。相夫敬。克厥愛。無片言稍忤。自吾成童以後。王姑已五十餘。其堂上舅姑。八十有奇矣。每見王姑。奉甘旨。未嘗不潔。議酒食。未嘗不豫。大而課讀勸農。未嘗不營慮。小而廁^六灑掃。未嘗不躬親也。蓋余所見賢母。無如王姑勤者。早歲物產殷饒。內奉菲薄。外圖豐潔。比年以來。稍稍歛^七絀矣。己亥秋。余將入都供職。走辭王姑。視其庭除。氣象不侔。閱其愈勤。又驚其衰。爲之

泣王姑亦泣蓋心知其不可復見而哽咽不能言也竟以次年春卒豈不悲哉王姑生乾隆二十九年甲申十一月十七日卒於道光二十年庚子三月二十三日壽七十有七葬湘鄉二十四都西坪山陽首辛趾乙子三人長慶齡予姑夫也先孺人二年卒次慶吉次慶平好學能文孫六人毓耒毓楷^{*}毓橘^{*}毓椿^{*}毓材^{*}毓麓^{*}女一孫女一人銘曰

懿我王姑既莊以嫺^{*八}佩管舟^{*九}德容棣棣^{一〇}勸哉夫子儷光儷鴻^{一一}五十餘載无遂有終^{一二}曷瘁厥躬言育我鞠^{一三}無恥我壘^{一四}實繁旨蓄^{一五}離離令問匪爾伊遙^{一六}貽澤之蔭何幽不喬南山^{*一六*}峯翠宰樹^{一七}青青弗騫^{*一八}弗拜^{一九}萬代千齡

〔註音〕(儷)音住(楷)音戶(櫛)於計切(儷)音攜(嶧)勒沒切(萃)慈卹切(騫)音衍
〔釋義〕(一)遣使往候曰存問(二)繼錢貫也謂相屬如繼也(漢書兒寬傳)輪租繼屬不絕(三)以恩相信曰任賑濟貧乏曰恤(四)王姑王父之姊妹見(爾雅)(五)冢婦嫡長子婦也(六)廁坑臉短牆也(七)庭除庭前階下也(八)櫛卽婉嫺順也(九)婦事舅姑右佩箴管大儷左佩小儷見(禮內則)(按)箴同鍼管所以藏鍼也(十)解結之物舟帶也(一一)棣棣閑習貌(一二)儷光儷鴻言妻似孟光夫似梁鴻也梁鴻東漢高士與妻孟光同著賢名(一三)无遂有終謂无所必遂終致有成也(易家人)无攸遂在中饋(一四)壘酒樽也(詩小雅)嶧之壘矣惟壘之恥(一五)旨蓄言儲藏菜類以爲冬時食品(詩邶風)我有旨蓄亦以御冬(一六)離離光明也(一七)嶧萃高也(一八)宰塚也(九公羊傳傳二十二二年)宰上之木拱矣(一九)拜攀下其枝如人之拜(詩召南)勿剪勿拜

會滌笙陳岱雲妻易安人墓誌銘

道光二十四年正月陳君岱雲喪其配易安人則大戚哀溢於禮已而謂國藩曰子知吾之哀乎吾祖自康熙間由茶陵徙長沙六世百餘年今其

存者五人。吾門祚之衰。可知也。吾父之歿。至今十六年。而死亡相繼。凡十三役。吾母之不能一日以歡。可知也。吾妻從宦五年。既歿而斂。求_二相衣。無一完者。吾之貧可知也。人之居此世者。謂何。吾欲不過哀得乎。則又曰。吾妻之賢。子宜有所知。請爲銘。余曰。然。固知之。蓋安人卒之前一歲。陳君嘗大病。余朝夕存問。備得安人侍疾狀。他日。又得陳君所述。以是頗詳。陳君之病。凡三閱月矣。安人單憂極瘁。衣不解帶者四十餘日。凡可以自致者。無弗致也。久之。則禱於室神。求促其身之齡。以益夫壽。猶不應。六月丙戌。乃割臂和藥以進。當是時。安人之母弟易光蕙。及陳君之友三數人者。皆在。惶愕不知所爲。國藩則仰天歎曰。陳氏累世賴以不墜者。獨此人耳。而有他乎。然已無可奈何。明日疾乍平。則皆訝。光蕙覘安人衣袖血迹。稍廉得之。不敢以詢。又數日。疾漸瘳。乃詢之。安人曰。其有之。此不幸事耳。勿復言。傷病者心也。道微俗薄。舉世方尙中庸之說。聞激烈之行。則訾其過中。或以罔濟尼之。_三其果不濟。則大快奸者之口。夫忠臣孝子。豈必一一求有濟哉。勢窮計迫。義不反顧。效死而已矣。其濟。天也。不濟。於吾心無憾焉耳。安人本醴陵人。居長沙。處士昌綱之孫。歲貢生履元之子。以孝謹特爲父母所愛。生二十二歲矣。而難其適。有王秀才者。自負知人。謂歲貢君曰。茶陵陳某。神仙人也。卽擇壻不可失。此子今貧不能衣食。數年後當爲達官。

不者且挾吾目也。是時陳君之元配歿一二年矣。既歸陳。不逮事舅。以事其父者敬姑。而以事其母者致愛焉。以是得姑歡。凡修所職。皆衷於大體。無鉅細必懃。詩曰。何有何無。黽勉求之。^五茲可謂賢矣。況有至行足感神明者哉。安人生於嘉慶某年月日。年三十有一。生子男二人。長遠謨。次遠濟。生四十日而安人卒。女一人。將以某年某月某日。歸葬於某縣某鄉某原。余既重其請。乃先期銘之以激懦者。亦少塞陳君之悲。陳君名源亮。今爲翰林院編修。纂修國史也。銘曰。

民各有天。惟所治。燾^{*}我以生。託其下。子道臣道。妻道也。以義擎天。譬廣廈^六其柱。苟頽無完瓦。自今無以身代者。有一於此。雙蓋寡。憂勞積劇焉。可支天之所隕。非人尸^七。跽修淵短^八。誰敢訾。銘茲大節。貞厥垂。有他淑行。以類推。

【註音】(相)音日(尼)去聲(燾)同燾
【釋義】(一)茶陵。舊州名。屬湖南長沙府。今爲縣。(二)相。婦人近身衣也。(三)尼。止也。(四)醴陵。縣名。屬湖南。(五)「詩衛谷風」句。(六)廣廈。大屋。(七)尸。主也。(八)跽修淵短。謂盜跽壽終。顏淵短命也。

會滌笙劉母譚孺人墓誌銘

國藩不肖。幸得內^{*}交於當世之通才碩學^二。仁人君子。不爲不多。而莫夙於里中劉蓉孟容。誼亦莫隆焉。以是褻於人。人亦褻之。以謂兩人者。天下之至愛也。自余挂名朝籍。待罪六官^三。去父母之邦^四。十有四年。孟容之中履儀度。不可接於吾之目。其語笑。不可際於吾之耳。僅以書問勞遺。然且闊絕。

或望甚。私怨喁喁。咸豐二年六月。先太夫人棄養。孟容亦以五月二十八日喪母。國藩匍匐來歸。兩人者。相遇於縣門。斬焉對泣。自傷老大。又離凶疚。而是時粵中逆賊。方渡湖而北。聯巨艦數十里。旌旗蔽江。譌言雷動。其後遂破漢陽。陷武昌。明年。又殘九江。掠安慶。入江甯揚州而據之。烽火達於淮徐。天下震駭。國藩以天子命。治團練於長沙。挾孟容以俱出。苦語窮日夜。相與悲憤。追憾誠不意世變遽已抵此。患氣之積。有自來也。五月辛亥。孟容將葬母於樂善里。莫衝山之陽。乃不敢自致。謹致其太公之命曰。四方多難。而陵谷有不可知。汝既獲私於會君。葬有日。宜從會君謀。所以識於葬者。遂督銘。銘曰。譚有淑妃。衛姜之姨。仍世不墮。名媛紹之。來室於劉。莫逮先姑。繼姑曰謝。投溫承愉。胡洪胡瑣。室事敦我。未匱先防。有置無頗。夫子人傑。是名振宗。畸以平劑。如羽諧宮。廣賚窮民。鄉亭大悅。身無華御。終年補綴。魚菽尸祭。蠲饘必躬。孝婦篤敬。遂與天通。篤生五子。長其蓉也。徑睇淵騫。吾見亦寡。二仲並殤。化爲黃土。次葵次蕃。驂駕如舞。三女婉婉。皆嫁士人。兩孫葩茁。玉立振振。長曰培基。幼者培屋。女孫惟四。不書誰某。乾隆辛亥。託生十月。六二春秋。返其大宅。受形之初。萬邦太和。畢命之歲。天地干戈。生死盛衰。難究難詳。感慨泐銘。以詔茫茫。

【註音】(內)同納(鶻)五禾切(駭)同駭(莫)侯欄切(畸)音羈(劑)才詣切(睇)音希(婉)音晚(蒨)音巴(茁)音札(屋)古厚字(勸)音勸

【釋義】(一)通才。明達有才者。(二)碩學。謂學問廣博也。(三)六官。謂六部之官吏。公時為禮部侍郎。故云。

(四)去父母之邦。言離開家鄉也。(五)湖。指洞庭湖。(六)譎言。即謠言。(七)太公。稱父也。(八)《詩衛風》譚公維私私。女子謂姊妹之夫也。見《爾雅》。衛姜。謂莊姜。(九)名媛。美女。(一〇)《詩邶風》王事敦我。敦。迫也。(一一)畸。曲也。

零也。(一二)劑。物之配合而成者曰劑。(一三)鄉亭。地較縣為小。《後漢書百官志》功大者食縣。小者食鄉亭。(一四)尸祭。主祭也。(一五)蠲。潔也。饔。酒食也。(一六)淵。即顏淵。閔子騫也。(一七)《詩小雅》四黃既駕。兩驂不犗。《又鄭風》兩驂如舞。(一八)婉婉。和順也。(一九)茁。生長貌。(二〇)振振。威貌。(二一)大宅。謂天地也。(二二)勸。勒之假借字。勒。刻也。

會滌笙錢塘丁烈婦墓表

道光二十有七年十月。錢塘丁士元。圖其五世祖妣烈婦周安人之墓道。又譜其世系。述其節行。踵吾門而告曰。士元之五世祖妣周氏。南疆繹史。會以掇^三之列女傳者也。實以順治初殉難。今一二百載矣。維坐域有下窆^四之石。不克宣刻事蹟。暴諸道路。懼終將晦溷。且無以與救世世子孫。先生天下之夙於文。如不余屏^五。請為文揚之墓。是寵施吾族。而厚吾先世以不朽也。國藩禮辭不獲。則謹次丁氏之系。烈婦之畸行。與聖朝旌顯幽微之義。有顛有委。以激懦者。其語曰。丁氏之別子^六居山陰^七者曰際龍。世農也。其玄孫曰瑞南。始為賈杭州。是為烈婦之夫。烈婦生而篤孝。其母患心痛絕急。或稱海上方指血和藥。可立已。烈婦則盡刺十指。劑血以進。病良已。瑞南既貿遷於杭。家中有無。壹仰烈婦。裁穴而緝匱。羸事而縮食。秩如也。順治

三年。我大清兵下紹興。土賊乘閒。四出焚掠。烈婦挈二子奔竄。賊數規之。烈婦度終不得脫。乃以二子付族屬之老成者。曰以累若。襁歸兒父。吾不可為賊辱。遂自投水。賊追救之不殊。凡三溺乃絕。年二十有三歲。瑞南在杭。聞難奔焉。三日矣。屍不腐。蚊蚋不集。其卒以六月四日。天盛暑也。瑞南悼妻之義死。痛土賊之獸心。曰孰不可居。又奚為於故里。遂占籍杭州。前烈婦所挈竄之二子。長曰聘賢。季曰茂卿。至是茂卿始為錢塘人矣。其後百有數載。至乾隆十四年。孫可學。上其事於朝。乃蒙恩予旌表。又數載。以可學官某官。贈烈婦為安人。又九十載。至道光二十五年。烈婦之裔孫士元。以進士入翰林。丁氏寢寢昌大矣。維明季之亂。匹夫匹婦。蹈死如歸者。所在多有。而食祿者往往孺忍不決。或偷活無幾時。旋亦周章。就斃等死也。血氣之軀。非必久長不敝之物也。彼獨須臾不審耳。人固有斷不可不慎之須臾。如烈婦之光顯。豈須臾也哉。亦且長久焉爾。

【註音】(掇)朶入聲(窆)方驗切(蚋)音芮

【釋義】(一)凡已嫁殉夫與捐軀拒強敵者曰烈婦。(二)南疆繹史。清溫審臨著。審臨。字晒園。烏程人。(三)掇。拾取也。(四)窆。葬下棺也。窆石。引棺下穴之石。(五)屍。棄也。(六)禮記大傳。別子為祖。注。諸侯之庶子。別為後世之祖者。(七)山陰。舊浙江縣名。民國併入紹興縣。(八)殊。死也。(九)蚋。蚊也。(一〇)周章。倉皇之貌。

邵位西易安人墓表

道光乙巳冬。十有一月。翰林編修茶陵陳君。承命出守吉安。翼日入對。上

語曰。日禮部章上。汝妻與請旌。其有諸。卽頓首伏謝。臣源克故妻易氏。蒙
恩予旌表。幸甚。其可旌奈何。對曰。易氏有孝義行。鄉人哀之。以聞有司。非
臣望可及也。上爲動色。稱歎久之。而後勸以守官之道。陳君出而流涕述
諸人。先是君邁危疾。反復輒增劇。凡三月餘。瀕^三死者數矣。妻易安人方娠。
晝夜奔迫牀下。數泣禱於神。期以身代。最後割臂肉和飲。飲君。一進疾若
失。而安人由是積勞疾。未幾益以他疾。三十六日而死。年三十一。於是陳
君大哀慟。幾溢於禮經。自斷不更取他氏。其鄉人會侍講國藩。爲詩以慰
其悲。爲墓誌以序其實。且曰。婦人於法。旌節與孝而已。若安人之義。服勤
至死^四。以貫^五其夫之死。有功於陳氏甚大。以孝旌其可。乃聯其鄉士大夫。列
於鄉有司。以達於禮官。蓋期年而得旌。旌命下。不旬日而陳君有吉安之
命。自世俗言之。急其夫以死。不幸而不及其榮祿。然盡其道而死。死而無
嗾^{*}於心。有稱於人。安人非不幸也。獨陳氏方熾。而失安人之賢。君今出守。
人事日生。回思京居空約時。夫婦寂寞相慰。與安人舍身相爲之情。歲月
遙遙。恐久漸遷忘。益愴顧遺迹以悲。而君之意亦如是爲不可及矣。余交
會君久。獲識君。安人之返葬也。得卜厝以待事。瀕行。來請爲豫表。以俟他
日揭於安人之墓上。其世次居里卒葬月日之詳。則會誌備矣。

【註音】(瀕)音賓(嗾)同歛

〔釋義〕

(一)茶陵。縣名。屬湖南省。

(二)吉安。縣名。屬江西省。

(三)頰。猶近也。

(四)服勤至死。語見〔禮檀弓〕

(五)貫。賒也。



卷一十四 雜記類一

姚南青方頌椒山居記

士日居塵世喧闐嘈雜之中。車馬賓朋酬酢之地。與之登巉巖披蒼茸盤桓寄思。探究窈窕未嘗不顧而樂之。及使之久乎山溪岑寂之區。賓媿不至於室。軒屨不造於門。鳥獸嗥音。鼯鼯悲嘯。則恍然誘慕於中。而向之發舒志意。蕩滌耳目者。或以導憂而增戚。抑又何邪。蓋食芻豢者。或思螺蛤。酣醺醴者。或沃茗蔗。而非必其能舍滋味而終慕乎此也。昔宋高士种放常秩之徒。隱於布衣。甘貧食素。若將終身。及後屢用大臣引薦。則牽於世榮。而不能自全其初志。由是觀之。豈非其初徒寄耳目於清曠。而非能見聲利而卓然不移者耶。吾友方君頌椒。結室於龍眠山麓。龍眠既爲桐山之秀。而君所居。蒼巖翠嶺。綠波澹淡。凡四時雜卉之茂植。雲霞之舒卷。鳥獸之嬉遨。畢獻於几席之下。而君左圖右書。嘯歌不輟。暇則登高以遠望。臨流而爲漁。自謂噓精歛和。灑灑乎與造物者遊。而非世人之所知也。夫君之居。既兼山水之勝。而君又能樂詩書聖人之道。吾知其能處之而終身焉者。雖然。士非有求於世。而世或求之。君匿景藏采。將有拔而起之者。吾恐欲終其樂而不得也。

【註音】(闌)音田(噲)音曹(嶠)鋤銜切(菁)音翁(昔)音戎(姪)依嫁切(嗥)音豪(鼪)音生(鼯)音吾

(怵)音黠(醜)音乳(种)音蟲(萃)慈卹切(擗)音律(淡)音燄(飲)同吹

謂曰姪。(六)軒車也。屨履也。(七)嗥聲之猛者。(八)鼪俗稱黃鼠狼。鼯飛鼠。(九)草食曰芻。牛羊是也。穀食曰豢。

犬豕是也。(二)醜醜厚酒也。(三)种放字名逸。洛陽人。隱終南。自號雲溪醉叟。真宗時召為左司諫。(三)常秩字

夷甫。潁州汝陰人。舉進士不中。廢居里巷。神宗時屢召而起。仕至待制兼侍讀。(三)龍眠山在安徽桐城縣西北。

(二)萃嶽山高峻貌。(二)澹淡水播蕩貌。(二)灑灑淡然自得之意。

朱梅崖霞浦縣先農祠記

先農祠。州縣長歲行耕藉^三以祠先嗇^四。天下皆有之。祠方位在治城東門外。

先嗇炎帝。南方之神。而祠於東者。耕藉本堯典東作^五之事。故就其地祭之。

禮各有宜也。古者每食必祭先嗇。無常祀。賀循^六藉田儀曰。漢耕時以太牢^七

祭先農於田所。亦掃地而祭也。而後世立祠以棲神。則所以教民生在勤^八

之義益備。祠凡三室。一藏農器。一為廩。又於事便也。霞浦先農祠。其建已

久。乾隆十六年壞於水。棟宇無存。歲行耕藉^九。則設主祠旁浮屠之宮祭焉。

媿於非所。神用弗歆^一。民益無嚴。偷惰每生。盲風淫潦^{一三}。嘆魃^{一四}聞作。螽蟥^{一五}為虐。

稊稗^{一六}滋蕃。仍歲荐飢^{一七}。歲某某。余來知縣事。既行耕藉。惕於廢典。載寢載興。

於歲戊寅。因川潦^{一八}之浮材。即其故址。命工造作神祠。某月日落成。惟霞浦

福甯首縣。四屬縣所走集。因陋就簡。非禮所宜。又負山臨海。地勢陘陘^{一八}。民

食稻蟹穀蔬之外。列市衆鱸^{一九}。量其本末。嘉種為貴。漁獵之功。不先粒食。詩

曰。明昭上帝。迄用康年。一神與有力焉。敢或忘哉。夫修廢舉墜。有司之職也。是役也。豈以爲功。特以教民勤則不匱之義。嚴民事之本。不忘祈報。二故於祠之廢興。詳其始末。用志歲月云爾。

【註音】(藉)同藉(嘆)音罕(魃)音跋(蝨)音終(蟻)音沿(稊)音題(稗)音敗(療)音老(蠱)同鮮

【釋義】(一)霞浦縣。舊爲福建福寧府治。(二)先農。始教民稼穡之神。〔後漢書〕縣邑嘗以乙未日祀先農

於乙地。(三)藉。藉田也。〔禮月令〕天子帥三公九卿諸侯大夫躬耕帝藉。天子三推。三公五推。卿諸侯九推。〔按〕

清制立省府州縣。各於東郊先農壇側擇沃壤爲藉田。督撫及州縣皆三推三返。見〔吾學錄〕(四)先嗇。卽炎帝

神農氏。始爲耒耜。教民稼穡。亦稱田祖。(五)東作。謂春時耕作之事也。〔書堯典〕平秩東作。(六)賀循。字彥先。晉

會稽山陰人。(七)牛羊豕之閑曰牢。故三牲皆謂之太牢。(八)〔左傳〕民生在勤。勤則不匱。(九)藉。通作藉。田也。

(一〇)媿。褻瀆也。(一一)歆。享也。(一二)盲風。疾風也。(一三)淫潦。大水也。(一四)嘆。乾也。魃。旱鬼也。〔詩王風〕嘆其乾矣。〔

又大雅〕旱魃爲虐。(一五)蝨。蝗類。蟻。蝗子之未生翅者。(一六)稊稗。草之似穀者。(一七)荐。重也。〔左傳十二年〕晉荐

饑。(一八)陘。同狹。阨。同隘。道路狹窄也。(一九)見〔詩〕周頌臣工篇。(二〇)祈報。春祈秋報也。皆以祭神。

朱梅崖蘭陔愛日圖記

蘭陔愛日圖者。建安鄭君有章圖其小象。取傳記孝子愛日之義。兼採晉東哲補詩而名之者也。君成進士。當選爲縣。而太夫人年高。徘徊未肯仕。蓋孟子稱世俗所謂不孝者五。其爲不顧父母之養一也。小序曰。南陔孝子相戒以養也。補詩曰。循彼南陔。言采其蘭。眷念庭闈。心不遑安。彼居之子。罔或游盤。馨爾夕膳。潔爾晨飧。夫晨夕者。日之所有也。人之忤愾*五晨夕。而安棄之者多矣。孝子曰。奉養。見親已老。念如此晨夕之不可多得。故皇然閔然。內有不遑安之心。外有游盤之戒。此所爲顧養而愛日者也。夫

往而不可反者。年也。接而遞遷者。人之情也。人之生。知有父母而已。稍長而婚媾嗣續賓好。富貴燕玩。利害恩怨。百端之事起於前。而不見父母矣。憧憧往來。樂此不疲。而父母之年日以老矣。古之人知人情之如此也。遞遷變化而忘父母之在後也。哀矜呼號。思有以反之。故稱顧焉。顧而生戒。始知養焉。夫孝子之接於天下。與衆人無以異也。而獨摯其養親之情者。惟能屢顧而生戒心而已。日之在西。蒼蒼涼涼。餘光凜然。有不能少待之勢。顧之者。亦灑淅悽慄於體。愴惶於心。不能自安。雖有百端鬪進之情。於此得無少駐乎哉。嗟夫。此孝子之心。而鄭君名圖之指出。鄭君才士也。繼其先人從父。以文學科第得名天下。世皆豔之。不知其篤於內行乃如此。昔蔡中郎七爲東京文宗。世稱崔蔡。元魯山九以學授宗人結。結文遂洗唐風之陋。史載二人孝友之異。白兔起坐二。乳湮*二二爲出。若鄭君之健文卓行。視二君子豈異哉。余記斯圖。而益仰慕慨歎於其人云。至圖之布置曲折。與夫寓形取象之稱。蓋畫者之常理。無與於生人之大節。故此不著。

【註音】(忼)音玩(惕)音磔(憧)音童(湮)音棟

【釋義】(一)南陔。笙詩篇名。《小序》孝子相戒以養也。有其義而亡其辭。東哲補亡。有循彼南陔言采其蘭

句。後人習用爲養親之義。人子愛日之誠。自有不能已者。見《論語注》。後人稱子事父母之日爲愛日。本此。(三)

建安。舊與甌甯縣並爲福建建寧府治。民國廢府。并爲甌甯縣。(三)東哲。字廣微。晉元城人。補亡詩南陔。白華。華

黍。由庚。崇丘。由儀。六篇。(四)小序。即詩序。子夏所作。(五)忼惕。皆貪也。(六)憧憧。不定貌。(七)蔡中郎。名邕。字伯

喈。東漢陳留人。以祭酒遷中郎將。奏定六經文字。著書百餘篇。性篤孝。母卒。廬于冢側。有兔馴擾其旁。(八)崔駰。

字亭伯。東漢安平人。博學善屬文。與班固傳毅齊名。子瑗能世父業。瑗子實。舉至孝。獨行。崔氏世有美才。遂爲儒家之林。(一)元魯山。名德秀。唐人。其兄子襁褓喪親。無資得乳媪。德秀自乳之。數日鍾流。能食乃止。(二)結字次山。嘗爲道州刺史。韓愈稱唐文人。必推結。(三)白兔起坐。見蔡中郎注。(四)鍾。乳也。

朱梅崖重遊靈應峰記

靈應峯在吾邨水口。峯上寺傳劫自隋開皇中。後加修葺。按縣志。建寧縣宋置。志亦無寺名。疑非隋寺也。然寺廡^三下古碑。載隋年月甚具。蓋不可考。峯上古木萬株。多產藥卉。邨人採取之。亦饒竹石。清泉雜其間。鏘鳴^四可聽。近邨十餘寺。靈應峯獨稱勝絕。來遊人。余爲童子時。常一陟峯而嬉焉。積十年。爲今上雍正甲寅^五。復至寺。迫日暮。以炬^六反。竟無所睹。客問寺之勝於余。茫然如未嘗至者。蓋峯距余家。二里而近。余生處峯下二十年。僅再至。至又如未嘗至焉。其間豈有數耶。因記之。以見士營千里之外。而嘗失於耳目之前。有如此也。

【註音】(廡)音武

【釋義】(一)開皇。隋文帝年號。(二)建寧。縣名。屬福建省。(三)廡。廊也。(四)鏘鳴。玉聲也。(五)雍正。清世宗年號。甲寅爲十二年。(六)炬。俗呼火把。

朱梅崖髻亭記

族叔父含輝書屋。在楊林東山。余記所謂靈應峯者也。峯高出地二十丈許。邑諸山環焉。而大弋當其南。大弋山者。世傳越王無諸^二西巡。弋獵於山。

遺金鏡三因一名鏡山。山周回數百里。踞臨四邑。雲氣朝暮。上與天接。書屋面之。每當清秋雲開。則岫四者岑五者。若飛若動。踴躍於窗檻間。余取蘇子記六語。名曰髻亭。謂山形象牆外人行。而見其髻也。亭後受之以軒。左右翼以別院。面亭左為樓。木石雕琢之工。丹牖七之文不施。而氣象澁鮮。光景窅異八。四時明晦。其狀萬變。所以發舒心意。懌悅精神者侈矣。靈應峯向屬僧居。地稱幽勝。而諸山之美未出。今含輝益之以亭。披豁翳伏。揖延變態。然後登斯峯者。入之奧如。出而曠如九。於柳子所謂遊有二者。無或缺焉。洵乎含輝之有力於山川也。亭在僧寺之左。經始於乙丑之秋。落成於丁卯之春。實乾隆十一年。族人朱仕琇記。

【註音】(鏡)女交切(岫)似救切(髻)音計(牖)屋郭切(窅)音杏

【釋義】(一)大弋。山名。在福建建寧縣東南四十里。(二)無諸。越王句踐之裔。佐漢有功。高祖立為閩越王。

王今閩縣侯官縣等地。(三)金鏡。軍樂器。(四)岫。山穴。山亦稱岫。(五)岑。山小而高者。(六)蘇軾凌虛臺記。見

山之出於林木之上者。纍纍如人之旅行於牆外而見其髻也。(七)丹牖。油漆所用之顏料。(八)窅。深遠貌。(九)

奧如曠如。見柳宗元永州龍興寺東邱記。(一〇)柳子。即唐柳宗元。(一一)經始。謂土木方興也。

彭尺木重修盤門雙忠祠記

余觀建炎二之事。宋之不止者幸耳。方金兵破揚州三。於時高宗四駐平江五。去敵尚遠。平江固可守也。蹙蹙焉去之臨安七。而越八而明九。不暇一夕息。已而敵破建康一〇。道廣德一一。趨臨安。由越入明。縱掠海上而歸。使其時平江諸將帥。以勁

旅遏其衝。俾隻輪不反。無難者。奈何兵不戰而潰。城不攻而下。坐使五十萬人。并命於鋒刃。而莫之救。相傳金兵自盤門入。有二士者拒敵於門外。一死於陳。一死於水。而盤門破矣。嗚呼。彼守城者。或則侍郎。或則宣撫使。非不顯且要也。委而去之。若棄涕唾。而獨遺二士者。以殉國之烈。此不可為發憤而深痛者哉。然自二士之死。里人神而祀之。迄今六百餘年。而靈爽益著。二士俱汴人。從高宗南渡。守平江。其一劉姓。鼎名。蓋死於陳者也。其一張姓。鼈名。蓋死於水者也。祠有明永樂中俞禎碑。以鼎為順國明王。職天壇傳奏司。以鼈為順濟龍王。職盤溪守禦司。其封爵莫知何昉。要其來也。則遠矣。近者祠久不修。里人醵金千兩。新其宇。既成。屬予記。祠在盤門外靈巖鄉。俗名雙土地祠。余更之曰雙忠。夫其忠也。乃其所以自神也。遂書而記之。

〔註音〕（昉、甫兩切）

〔釋義〕（一）盤門。江蘇吳縣城南門。（二）建炎。宋高宗年號。（三）揚州。今江蘇江都縣。（四）高宗。名構。徽宗第九子。（五）平江。今江蘇吳縣。（六）蹙蹙。縮小貌。（七）臨安。今浙江杭州。（八）越。越州。今浙江紹興縣。（九）明。明年。晉人與姜戎要之殺而擊之。匹馬隻輪無反者。（一〇）陳與陣同。軍伍行列也。（一一）侍郎。指張浚。建炎三年三月。命張浚駐平江。（一二）宣撫使。唐始置。宋不常置。有軍旅大事。則令執政大臣為之。時周望為兩浙荆湖宣撫使。建炎三年九月。詔周望守平江。（一三）汴。河南省。（一四）永樂。明成祖年號。（一五）昉。始也。

姚姬傳寶扇樓後記

朱子穎家有聖祖仁皇帝之賜扇。作寶扇之樓。殿焉。王禹卿為之記。成。以其辭示余。余讀而歎曰。昔漢武既招英俊。程其器能。左右近臣。若主父嚴朱。皆出為守相。獨東方朔以不得任用。至於上書自訟。才士之亟於自效。若此哉。若以人臣愛君之心言之。則日侍帷幄者之志。固已得矣。況乎出臨一方。有吏事之責。人情乖迕。有詘伸應接之難。曷若一意以親媚於主上者之為善哉。都統公以筆墨文字。遭逢聖祖知遇。內侍最久。其後仍出入宣力。躋於二品。今子穎之任用。略同於都統公。而且滋重矣。而回思昔日都統。依天日之輝光。侍清宴之閒暇。聖翰雲章。璀璨懷袖。蓋有邈然不可及之慕。況於禹卿辭玉堂之廬。而飄搖江海者乎。余於是書為後記。子穎既外任。家雖作是樓。而未得以登。異日儻召居闕廷近職。以休沐之餘。俯仰斯樓。循玩吾言。感念國恩之無窮。將有漼然不知泣涕之隕落者已。乾隆四十四年七月。姚鼐記。

【註音】（殿）音詭（迕）音誤（璀璨）取猥切（漼）音摧

【釋義】（一）朱子穎。名孝純。漢軍旗人。官至兩淮鹽運使。有寶扇樓詩集。父名倫瀚。官副都統。亦工詩。（二）

聖祖仁皇帝。名玄燁。世祖子。（三）殿。字書作殿。同度。閣藏物也。（四）王禹卿。名文治。號夢樓。丹徒人。官太守。歸隱

以自娛樂。（五）漢武帝名徹。招選天下文學才智之士。簡而用之。（六）程。品量也。（七）主父名偃。齊國臨菑人。以

齊相被族。嚴名助。會稽人。官至會稽太守。朱名買臣。字翁子。官同助。（八）東方朔。字曼倩。漢平原人。嘗待詔金馬

門。上書。高自稱譽。有可為天子大臣之語。（九）迕。逆也。（一〇）都統公。朱子穎父也。（一一）蘇軾文。手扶雲漢分天

章。比比御製。（一二）璀璨。玉光。（一三）邈然。遠貌。（一四）玉堂。官署名。宋以後專屬翰林院。（一五）漢律。吏五日得一休沐。

唐法。仕於官者。十日一休沐。謂之旬休。見〔徐堅初學記〕（二六）雅。涕垂貌。
〔評語〕摹歐陽公御飛白記太似。

姚姬傳儀鄭堂記

六藝自周時儒者有說。孔子作易傳^二。左邱明傳春秋^三。子夏傳禮^四。喪服禮後有記。儒者頗哀^五。取其文。其後禮或亡而記存。又雜以諸子所著書。是爲禮記^六。詩書皆口說^七。然爾雅^八亦其傳之流也。當孔子時。弟子善言德行者固無幾。而明於文章制度者。其徒猶多。及遭秦焚書。漢始收輯文章制度。舉疑莫能明。然而儒者說之不可以已也。漢儒家別派分^九。各爲專門。及其未造。鄭君康成總集其全。綜貫繩合。負閎洽之才。通羣經之滯義。雖時有拘牽附會。然大體精密。出漢經師之上。又多存舊說。不掩前長。不覆己短。觀鄭君之辭以推其志。豈非君子之徒。篤於慕聖。有孔氏之遺風者與。鄭君起青州^一。弟子傳其學。既大著。迄魏王肅^二駁難鄭義。欲爭其名。僞作古書。曲傳私說。學者由是習爲輕薄。流至南北朝。世亂而學益壞。自鄭王異術。而風俗人心之厚薄以分。嗟夫。世之說經者。不蘄明聖學。詔天下。而顧欲爲己名。其必王肅之徒者與。曲阜^三孔氏^三。僞約^三博學。工爲詞章。天下方誦以爲善。僞約顧不自足。作堂於其居。名之曰儀鄭。自庶幾於康成。遺書告余爲之記。僞約之志。可謂善矣。昔者聖門顏閔^四無書。有書傳者或無名。蓋古學者

爲己而已。以撝約之才。志學不怠。又智足知古人之善。不將去其華而取其實。擴其道而涵其藝。究其業而遺其名。豈特詞章無足矜哉。一五雖說經精善。猶未也。以孔子之裔。傳孔子之學。世之望於撝約者益遠矣。雖古有賢如康成者。吾謂其猶未足以限吾撝約也。乾隆四十九年春二月。桐城姚鼐記。

【釋義】(一)六藝。詩。易。書。禮。春秋。樂也。(二)孔子作易傳。即十翼是。舊以上象。下象。上象。下象。上繫。下繫。文言。說卦。序卦。雜卦。爲十翼。(三)左丘明。魯之太史。孔子作春秋。後人尊爲素王。丘明爲素臣。述夫子之志而作傳。是爲左氏春秋。(四)子夏。姓卜名商。孔子弟子。(五)衰。聚也。(六)禮記多雜諸子之說。如月令之爲呂覽等是。(七)口說。猶口傳也。(八)爾雅。書名。凡十九篇。始于周公。成于孔門。綴緝增益于漢儒。(九)漢儒家別派分。如易有十三家。書九家。詩六家。禮十三家。樂六家。春秋二十三家。見《漢書藝文志》。(一〇)青州。古九州之一。今山東膠東濟南東境皆是。高密縣有鄭公鄉。高密屬膠東。(一一)王肅。字子雍。魏東海人。善賈逵馬融之學。不好鄭氏。采會同異。爲尚書詩論語禮左氏傳之解。又撰其父朗所作之易解。皆列於學官。孔子家語。亦肅所僞託。南北朝學者。大半宗王屏鄭。(一二)曲阜。縣名。屬山東省。(一三)孔撝約。爲孔子六十七代孫。乾隆進士。官檢討。少受經于戴東原。所學爲公羊春秋。(一四)顏閔。即顏淵閔子騫也。(一五)矜。法式也。

姚姬傳登泰山記

泰山之陽。汶水西流。其陰。濟水東流。陽谷皆入汶。陰谷皆入濟。當其南北分者。古長城也。最高。日觀峯。在長城南十五里。余以乾隆三十九年十二月。自京師乘風雪。歷齊河長清。穿泰山西北谷。越長城之限。至於泰安。是月丁未。與知府朱孝純子穎。由南麓登。四十五里。道皆砌石爲磴。其級七千有餘。泰山正南面有三谷。中谷繞泰安城下。酈道元所謂環水也。余始

循以入道。少半。越中嶺^{一五}。復循西谷。遂至其巔。古時登山。循東谷入道。有天門^{一六}。東谷者。古謂之天門谿水。余所不至也。今所經中嶺。及山巔崖限當道者。世皆謂之天門云。道中迷霧。冰滑磴^{一七}。幾不可登。及既上。蒼山負雪。明燭^{一七}。天門。望晚日照城郭。汶水徂徠^{一八}如畫。而半山居霧若帶然。戊申晦。五鼓。與子穎坐日觀亭。待日出。大風揚積雪。擊面。亭東自足下皆雲漫。稍見雲中。白若擣^{*二〇}。擣^{二三}數十立者。山也。極天雲一線異色。須臾成五采。日上正赤如丹。下有紅光動搖承之。或曰。此東海也。回視日觀以西峯。或得日。或否。絳皜^{*二一}。駁色。而皆若儂^{二四}。亭西有岱祠^{二五}。又有碧霞元君祠^{二六}。皇帝行宮在碧霞元君祠東。是日觀道中石刻。自唐顯慶^{二八}以來。其遠古刻盡漫失。僻不當道者。皆不及往。山多石。少土。石蒼黑色。多平方。少圓。少雜樹。多松。生石罅^{*三〇}。皆平頂。冰雪無瀑水。無鳥獸音迹。至日觀。數里內無樹。而雪與人膝齊。桐城姚鼐記。

【註音】(磴)都鄧切(擣)音擣(皜)音昊(罅)虛訝切

【釋義】(一)陽山之南也。(二)汶水。即大汶河。出萊蕪縣東北原山。(三)陰山之北也。(四)濟水。亦稱泲水。

源出河南王屋山。東流至山東。(五)陽谷。言山陽谷中之水。(六)陰谷。言山陰谷中之水。(七)管子。長城之陽。

魯也。長城之陰。齊也。〔竹書〕梁惠成王二十年。齊築防以爲長城。〔按〕此長城。非萬里長城也。(八)日觀峰。泰山

頂觀日出處。(九)齊河。長清。皆縣名。屬山東。(一〇)泰安。舊府名。今爲縣。(一一)南麓。此路有丹壁懸崖。謂之紅門。

(一二)磴。自下而上之石路。(一三)躡道元。字善長。北魏范陽人。著有水經注四十卷。(一四)環水。總名中溪。亦名梳洗

河。(一五)中嶺。又名中溪山。中溪發源於此。(一六)所謂天門者。各立二石以表志之。(一七)燭。作照字解。(一八)徂徠。山

名。在山東泰安縣東南四十里。(一九)居。停留也。(二〇)日觀亭。在德星巖玉帝觀東側。(二一)擣。擣色。賭戲。古用五

子。謂之擣。亦稱五木。(二二)立字與粒字通。(二三)絳。紅色。皜。白色。(二四)儂。俯也。言皆卑亞於日觀峯。(二五)岱祠。即

玉帝觀。(二)碧霞元君。東嶽大帝之女。見〔山東考古錄〕祠建於宋真宗時。(三)行宮。清聖祖及高宗所建。(四)顯慶。唐高宗年號。(五)漫失。卽漫滅。(六)罅。裂縫也。

〔評語〕具此神力。方許作大文。世多有登嶽輒作遊記自詫者。讀此當爲閣筆。

姚姬傳遊靈巖記

泰山北多巨巖。而靈巖最著。余以乾隆四十年正月四日。自泰安來觀之。其狀如疊石爲城墉。高千餘雉。周若環而缺其南面。南則重嶂蔽之。重谿絡之。自巖至谿。地有尺寸平者。皆種柏。巖高塞深。靈巖寺在柏中。積雪林下。初日澂徹。寒光動寺壁。寺後鑿巖爲龕。以居佛像。度其高當巖之十九。峭不可上。橫出斜援。乃登。登則周望萬山。殊驚而詭趣。惟張而軍行。巖尻有泉。皇帝來巡。名之曰甘露之泉。僧出器酌以飲。余回視寺左右立石。多宋以來人刻字。有墁入壁內者。又有取石爲砌者。砌上有字。曰政和。云。余初與朱子穎約來靈巖。值子穎有公事。乃俾泰安人聶劍光偕余。聶君指巖之北谷。沂以東。越一嶺。則入於琨瑞之山。蓋靈巖谷水西流。台中川水入濟。琨瑞山水西北流入濟。皆泰山之北谷也。世言佛圖澄之弟子竺僧朗。居於琨瑞山。而時爲人說其法於靈巖。故琨瑞之谷曰朗公谷。而靈巖有朗公石焉。當苻堅之世。竺僧朗在琨瑞大起殿舍。樓閣甚壯。其後頽廢至盡。而靈巖自宋以來。觀宇益興。靈巖在長清縣東七十里。西近大路。來

遊者日衆。然至琨瑞山。其巖谷幽邃。乃益奇也。余不及往。書以告子穎。子穎他日之來也。循泰山西麓。觀乎靈巖。北至歷城一五。復泝明公谷一六東南。以抵東長城嶺下。緣泰山東麓。以反乎泰安。則山之四面盡矣。張峽夜宿。姚鼐記。

〔註音〕(龕)音堪(尻)音考平聲(塼)莫牛切(琨)音昆

〔釋義〕(一)墉。小城。(二)長三丈高一丈爲雉。(三)嶂。山如屏者。(四)龕。供佛之小室。(五)驚。奔馳也。(六)詭。奇異也。趣。謂有定向而疾行以赴之也。(七)尻。脊骨盡處。(八)皇帝。指乾隆帝。(九)塼。牆壁之飾。此作嵌入解。(一〇)政和。宋徽宗年號。(一一)佛圖澄。晉時天竺之僧。少學道。妙通玄術。(一二)明公谷。舊名琨瑞溪。沙門竺僧朗隱於此。(一三)苻堅。晉時前秦主。(一四)長清。山東縣名。(一五)歷城。縣名。屬山東。(一六)逆流而上曰泝。

姚姬傳遊媚筆泉記

桐城之西北。連山殆數百里。及縣治而迤平。其將平也。兩崖忽合。屏矗墉回。嶄橫若不可徑。龍谿曲流。出乎其間。以歲三月上旬。步循谿西入。積雨始霽。谿上大聲澌然。十餘里旁多奇石。蕙草松樅。槐楓栗橡。時有鳴雉。谿有深潭。大石出潭中。若馬浴起。振鬣宛首。而顧其侶。援石而登。俯視溶雲。鳥飛若墜。復西循崖可二里。連石若重樓。翼乎臨於谿右。或曰。宋李公麟之垂雲泚也。或曰。後人求公麟地不可識。被而名之。石罅生大樹。蔭數十人。前出平土。可布席坐。南有泉。明何文端公摩崖書其上曰。媚筆之泉。泉漫石上。爲圓池。乃引墜谿內。左文學沖於池側。方平地爲室。未就。邀客九

人飲於是。日暮半陰。山風卒起。肅振巖壁。榛莽羣泉。磯石交鳴。遊者悚焉。遂還。是日薑塢先生與往。鼎從。使鼎為記。

切
【註音】(迤)音以(巖)土減切(縱)音叢(檉)七恭切(橡)音象(雋)音規(鬻)音獵(泝)音判(塢)安古

【釋義】(一)迤平。斜行漸平也。(二)崖。說文。高邊也。(三)臺。高聳也。(四)巖。高峻貌。(五)縱。水會也。(六)檉。木名。松葉柏身。(七)橡。栲實也。【列子】冬食橡栗。(八)雋。鳥肥也。又與雋通。指鳥聲之雋異者。(九)鬻。獸頸上毛。(一〇)宛首。即抬頭。(一一)李公麟。字伯時。宋舒州人。長於詩。多識奇字。尤善畫。號龍眠山人。(一二)泝。水厓也。(一三)何文端。桐城人。名如寵。崇禎時相。(一四)磯石。水中大石也。(一五)薑塢先生。即姚範。為鼎之伯父。

姚姬傳快雨堂記

心則通矣。入於手則窒。手則合矣。反於神則離。無所取於其前。無所識於其後。達之於不可^一。無度而有度。天機闔闔^二。而吾不知其故。禹卿之論書如是。吾聞而善之。禹卿之言又曰。書之藝。自東晉王羲之^四至今。且千餘載。其中可數者。或數十年一人。或數百年一人。自明董尚書其昌^五死。今無人焉。非無為書者。勤於力者不能知。精於知者不能至也。禹卿作堂於所居之北。將為之名。一日得尚書書快雨堂舊扁。喜甚。乃懸之堂內。而遺得喪^六。忘寒暑。窮晝夜為書。自娛於其間。或譽之。或笑之。禹卿不屑也。今夫鳥鷖^七而食。成翼而飛。無所於勸。其天與之邪。雖然。俟其時而後化。今禹卿之於尚書。其書殆已至乎。其尚^八有俟乎。吾不知也。為之記。以待世有識者論定焉。

〔註音〕（注）音誤（殷）音寇

〔釋義〕（一）注。逆也。（二）闔。閉也。闢。開也。（易）闔戶謂之坤。闢戶謂之乾。（三）禹卿。王夢樓字。（四）王羲之。字逸少。晉人。導從子。爲右軍將軍。會稽內史。世稱王右軍。臨池學書。池水盡黑。草隸爲古今之冠。（五）董其昌。字元宰。號香光。明華亭人。善書畫。快雨堂乃其舊額。（六）喪。失也。（七）雛鳥須母哺而食曰鷓。

姚姬傳甯國府重修北樓記

佳山水名絕著。爲古今賢士君子所頌歎。四海之內可百餘區。雖其所以稱盛之故。大體略同。而其間各負絕異之境。非人意度所至。有必不可以相似之地。儷而一之者。此天地之文也。君子因所身遇。覽天地之至文。以養神明之用。是爲智而已。若夫較量優劣之論。則智者所不爲。余素持是論。往時丹徒王禹卿侍讀。最取其說而稱之。今夫江以南列郡之名樓。鎮江有北固^三。甯國有北樓。其山勢皆自南入城。陂^{*}池^{*四}再聳。樓當城北而面南山。此圖可傳言可著者也。而其各有獨絕之異境。非親覽不知。圖與言不能具也。而此二樓。皆在太守署內。余嘗數至丹徒。不識其太守。不獲登北固。幸識甯國太守魯君矣。而余足迹未至宣城。二地之勝。故皆想慕而不見焉。嘉慶十一年。魯君爲守之三年。治內謐安^{*五}。惜故北樓之頽敝。命工飭之。既竣。以書告鼐使爲之記。余謂君賢明仁決。善吏事而能文章。可謂智者也。又王侍讀弟子。家於丹徒而臨宣州^六。其成是樓也。余雖未登。而能用吾意以觀於其間。將以踰越謝玄暉李太白^七之所舊得者。非君而何。爰書

以為之記。君名銓。乾隆庚戌科進士。其樓之落成。在嘉慶十一年月。桐城姚鼐記。

〔註音〕（陂）音碑（隄）堂何切（謚）音蜜

〔釋義〕（一）寧國府。屬安徽。民國廢。今宣城縣其舊治也。（二）北樓。在宣城縣治北。南齊謝朓建。朓字玄暉。

會任宣城太守。（三）北固。樓名。在丹徒縣北固山上。（四）陂隄。阪也。山脊為阪。（五）謚。安靜也。（六）宣州。即宣城。

（七）李太白。即李白。白詩有誰念北樓上。臨風懷謝公之句。

〔評語〕空靈動盪。

姚姬傳孫忠愍祠記

明北平都督副使^二燕山忠愍侯^三孫公諱興祖^四。始以雄傑之材。從高祖於淮上。渡江開國。數立戰功。終奮伐元遺孽。深入失援。身沒沙漠。其忠烈之蹟。具載明史本傳。忠愍兄子諱繼達。始以同族從淮上。積戰功。為濠梁衛指揮使^六。忠愍侯定遠人也。及指揮使守常州。與張士誠拒戰最久。從徐達平士誠。復有功。高祖乃賜之田宅於常州武進。指揮子孫遂為武進人。指揮之子泰。當建文時。為北平都指揮使。燕師起。與戰於懷來。中矢。裹血力戰。竟陷陳死。惠帝追封廣威侯。廣威有從父兄恭。亦早從太祖取沂州密州^{一五}。益都^{一六}及克元都。屢有功。官至前軍都督僉事^{一七}。授驃騎將軍。孫氏一門在洪武建文時。功業著聞。凡四人。而死事者二焉。忠愍之子恪。亦繼為良將。爵至通侯矣。而不幸與藍玉之禍。故孫氏之居定遠者衰。而武進獨盛。明禮

部尙書文介公慎行。則濠梁指揮之八世孫。而廣威侯之弟後也。今兗沂
曹觀察星衍。^三又文介兄七世孫也。觀察以謂孫氏建功。肇始於忠愍。而無
專祠。非所以表忠義。以光後嗣。乃於江甯城中。買地建爲祠。所以奉忠愍。
而以濠梁指揮廣威侯都督僉事三主祔其左右。又於祠室置書籍彝器^{二四}
之藏甚備。俾後子孫能讀書者守之。餘皆可假觀。而終歸於祠。因請余爲
之記。余謂孫氏之始興也。以武烈。而後子孫之達者。以文學。文武雖異。而
一歸於忠孝大義。則同。今觀察建祠之法。上以崇先祖。下以啓後賢。不以
遠遺。不以己私。其用意甚厚。其望於族人者甚巨且遠。孫氏忠孝之美。其
將有世濟者乎。^{二五}

〔註音〕(愍)米引切

〔釋義〕(一)北平。舊北平府。即今北平也。

(二)明初置大都督府。又設左右都督。同知。副使。僉事。照磨。各一

人。(三)燕山。山名。在河北薊縣東南。又古府路名。

(四)高祖。即明太祖朱元璋。(五)濠梁。今安徽鳳陽縣。(六)明

時有都指揮使。爲一省武官之長。內外各衛。皆設指揮使。(七)定遠。縣名。屬安徽。(八)張士誠。泰州人。元末起兵

吳中。稱誠王。國號大周。又稱吳王。後爲明將徐達常遇春所擒。不食死。(九)徐達。字天德。濠人。明初功臣。封魏國

公。(一〇)建文。明惠帝年號。(一一)燕王。棣亦高祖子。封於燕。以靖難名起師。奪建文位。(一二)懷來。縣名。屬察哈爾

密縣。屬山東。(一三)益都。縣名。舊爲山東青州府治。(一四)沂州。明爲州。屬山東。今臨沂縣其舊治。(一五)密州。今高

密縣。屬山東。帝以霍去病爲驃騎將軍。秩祿與大將軍等。後漢有驃騎大將軍。位在三公下。唐後以爲散官。(一六)洪武。明太祖

年號。(一七)藍玉。明定遠人。常遇春妻弟。平元有功。爲大將軍。後被誅。列侯以下連坐者數百家。(一八)文介公慎行。

字聞斯。萬曆進士。官至禮部尙書。以忠直稱。(一九)兗沂曹。即山東兗州沂州曹州。清均爲府。今磁陽臨沂荷澤三

縣。其舊治。(二〇)星衍。字淵如。清乾隆進士。撰有平津館金石萃編。周易集解。又尙書今古文注疏。文詩若干卷。

雜記類一 姚姬傳孫忠愍祠記

〔二〕〔左傳〕取其所得以作彝器。〔注〕謂鼎鐘。爲宗廟之常器。〔三〕〔左文十八年〕世濟其美。不隕其名。

姚姬傳方正學祠重修建記

天地無終窮也。人生其間。視之猶須臾耳。雖國家存亡終始數百年。其逾於須臾無幾也。而道德仁義。忠孝名節。凡人所以爲人者。則貫天地而無終。故不得以彼暫奪此之常。昔明惠宗^二之爲君。成祖^三爲臣。自下逆上。篡取其位。當時忠義之士。抗死不顧。而方正學先生之事尤烈。此貫天地不敝之道也。天道是非之理。閒不與禍福相附。楚商臣^四。匈奴冒頓^{*五}。皆身享大逆之所取。而傳之子孫。當其造逆之日。亦安知無仗節死難之臣於其間。而古記或略而不傳。要之忠義之氣。自合乎天地。士固不必以名傳也。而靖難^六之事。於今爲近。正學先生。本儒者之統。成殺身之仁^七。雖其心不必後世之我知。而後人每讀其傳。尤爲慷慨悲泣。而不能自己。成祖天子之富貴。隨乎飄風。正學一家之忠孝。光乎日月。此豈非人心之上通乎天地者哉。明萬曆^八時。南京士大夫。始建正學祠於其墓前。至國朝數經修飭。今祠宇又已久敝矣。江甯巡道^九。歷城方公昂。其先金華人。正學之族子也。來謁祠下。因亟修治其漏壞。又增建前後之屋各四楹。旁屋三楹。以便守者之居。而壯祠之觀。歲月久遠。或更有視其敝。感正學之誼而來修者。公乃請余爲記以待之。嘉慶二年秋七月。桐城姚鼐記。

【註音】(冒)讀作墨(頓)讀作突

【釋義】(一)方正學。名孝孺。字希直。一字希古。明寧海人。工文章。闢異端。名書室曰正學。洪武時爲漢中教授。建文時爲侍講學士。燕王入南京。卽帝位。令草詔。不從。被殺。夷十族。(二)惠宗。卽建文帝。(三)成祖。卽燕王棣。

(四)楚商臣。春秋楚成王子。弑父自立。事見「春秋文元年」。(五)冒頓。漢初匈奴主。嘗射殺其父者。(六)明惠宗。

用齊泰黃子澄之謀。削諸藩。燕王內不自安。遂指齊黃爲奸人。請入清君側。名其兵曰靖難。屢爲鐵鉉威庸所敗。帝下詔諸軍。毋使朕負殺叔父名。諸軍因不敢發矢。燕王遂陷京師。帝出亡。(七)「論語」志士仁人。無求生以害

仁。有殺身以成仁。(八)萬曆。明神宗年號。(九)巡道。清設分巡兵備道。(一〇)金華。府名。屬浙江。治金華縣。今廢府存縣。

姚姬傳記蕭山汪氏兩節婦事

蕭山汪君輝祖之母曰王孺人。其生母曰徐孺人。汪君考爲淇縣尉。淇縣君歿。兩孺人皆少。遺孤十一歲。而上有七十之姑。門無族戚之助。或謀殺其孤而奪其貲。忌兩孺人。日欺陵困辱。兩孺人不爲動。卒奉姑保育孤子。教之成立。登第爲聞人。是時有司旣疏兩孺人之節。而旌其門矣。汪子顧悲傷兩母。少所處危苦。徧走士大夫求爲文章。褒揚其行義。所致。凡數百篇。又自越以書遺余。請記其事。汪君志亦勤矣。夫兩孺人之名著海內者。以其子之成立也。設幼孤不幸。或殤。或長而不才。則兩孺人泯無聞矣。方其窮困患難。伏首相對。閨闈之中。豈能知子之必才而待之。雖子成立不可必。而終且不忍負吾志義者。此兩孺人所以賢也。賢者固不求名而名至。然世竟無稱者。亦有之。且女子尙能堅其操持。卓然自立。而顧謂天下

之士。無獨立不懼守死服義其人者乎。其泯無聞焉則已矣。夫人貌榮名_五卒何加於其身毫末哉。

〔釋義〕 (一)蕭山。縣名。屬浙江省。

(二)渾祖。字煥會。號龍莊。乾隆進士。任湖南寧縣知縣。以循良稱。父楷。任

淇縣典史。早歿。痛母茹苦。乞文家撰詞。彙刊曰雙節堂贈言集。著有史姓韻編等書。

(三)淇縣。屬河南。

(四)閩闔。

即閩門。(五)人貌榮名。猶言徒有其名。

吳殿麟重建古紫陽書院記

自古天下治亂興亡之幾。家之慶殃_二。身之福極_三。皆肇於心之存亡。禮也者。持敬以存吾心。而由之蹈乎道者也。夫道莫大於三綱_四五常_五。禮樂之本。萬化之原也。然欲盡倫。必先盡禮。禮盡則仁義亦盡。而倫修焉。倫修而道得焉。三王教養天下之具。甚備而綦隆。而孔子一言以蔽之曰。夏禮殷禮周禮者。此而已。孔子之自爲教也。亦曰博文。曰約禮。學校之設。此物此志也。_六書院之設。亦此物此志也。樂者。和樂其心而忘禮之繁苦者也。禮樂交暢而不自知。是以禮行彝倫。終身安焉而不慕乎外。周亡。樂之遺既不可得聞。而禮亦多墜失。宋朱文公_七集周程張子_八之成。以又身覺世。曰主敬。曰窮理。曰反躬。敬者禮之本也。當是時。去聖已遠。禮樂節文之詳。雖文公亦不得聞矣。然日兢兢從事於敬。盡其禮於君臣父子夫婦長幼朋友之間。本諸躬。宣諸冊。人倫之旨。鬱而復明。蓋其力也。文公少嘗讀書於郡之紫陽

山。理宗淳祐間。郡守韓補。奏請建紫陽書院於城南以祀之。已而其地屢遷。然大率在城以內。其建於紫陽山者。自前明正德己卯郡守張芹始也。今其山書院尙在。建於歙學之後者。自正德庚午郡守熊桂始也。今頽廢久矣。皇上御極之五十五年。予告終。養戶部尙書太子太保曹公文植具以書告歙紳士之在揚州者。願共捐金興復之。復約紳士請於所司。於鹽筴之例。應動支者。歲捐白金三千七百二十兩。爲多士久長脯脩之費。是院興而後兩書院之舊復矣。先是書院皆旋建旋毀。惟此兩院最久而著。而歙學後之院。視在山者又先焉。故曰古紫陽書院也。雖在山者董之於官。在學後者董之於紳士。其陶冶以成人才。則一而已。夫新安自文公以來。代多賢俊。今兩書院屹立。相望於郡城內外之交。俾士之秀良而有志者。無一人不遂其慕學奮發之願。雖近代書院之設。所業者賦詩綴文。非復三代學校之舊。亦非宋四大書院之舊。然禮之大略可考也。科舉之學。代變而莫知所窮。而心性之不可不浸灌。雖培。人倫之禮。不可一日廢墜。則固萬古不可變者也。多士苟卽所業。以求文公之學。孜孜修理彝倫。以培心性。雖三代經紀國家之才。皆由是出矣。豈非新安士子之大幸哉。

【註音】(植)音植

【釋義】(一)紫陽山名。在安徽歙縣城南。宋朱文公讀書其上。榜廳事曰紫陽書室。後人因建紫陽書院。各省皆有之。而歙縣爲初建。(二)「易」積善之家。必有餘慶。積不善之家。必有餘殃。(三)「書洪範」九五福。一曰壽。

二曰富。三曰康寧。四曰攸好德。五曰考終命。六極。一曰凶短折。二曰疾。三曰憂。四曰貧。五曰惡。六曰弱。(四)三綱。謂君爲臣綱。父爲子綱。夫爲妻綱。(五)五常。謂仁、義、禮、智、信。(六)聖人有金城者。比物此志也。語出「賈誼治安策。」後人所用。多作此物此志。(七)朱文公。卽朱熹。(八)周子。敦頤。程子。顥及頤。張子。載。皆以理學著。(九)理宗。名昀。太祖子德昭後。淳祐其年號也。(一〇)正德。明武宗年號。(一一)皇上。謂清高宗。(一二)御極。皇帝登位也。(一三)曹文埴。歙縣人。于乾隆五十二年。告終。養回籍。(一四)鹽筴。謂食鹽者之戶口冊籍。「管子」海王之國。謹正鹽筴。(一五)新安。舊郡名。隋移治休寧。後又移治歙。(一六)宋四大書院。江西南康之白鹿。陝西鳳翔之石鼓。河南商邱之應天。湖南長沙之嶽麓。(一七)孜孜。勤勉不怠也。(一八)彝倫。卽倫常。

【評語】王濱麓曰。樹義立言。皆得紫陽之粹。不意宜黃慈溪諸記而後。再見斯文。

吳殿麟紫石泉山房記

予家舊居歙西巖鎮之南山。先大父旣老。乃築室巖鎮上游。徙居之。門濱溪水。種竹數十竿。入門折而西。有書室兩楹。踰書室而南。則圃也。圃多植桃李梅桂之屬。竹閒之。與門前之竹。中外掩映。故大父自題其圃曰竹圃。圃有紫石池。泉瀧瀧^{*}流其上。豫章尙書曹公秀先^三東遊。嘗棲息於此。愛之。名其軒爲紫石泉山房者。曹尙書也。巖鎮有萬家之市。而予家獨遠市而居。人迹罕至。以處讀書之士爲宜。予生八歲。始讀書軒中。幼穉不自揆。慨然思繼宋賢之蹟而踐其庭。以與游揚黃蔡諸賢伍。而是時塾師方訓迪。以科舉俗儒之學。而予又私愛古人之文藝詩歌。早夜諷習。以分其勤。蓋二十餘年矣。中歲以後。始畢心力於四子之書。四聖^五之易。及凡六藝之文。口吟心繹。奉以爲儀。於出處進退取與之大節。未嘗敢隕越也。然而視聽

言動之違乎禮者不少矣。荒陋之辭。足以宣昭聖訓者。又無幾矣。回憶入塾之初。方冀與古人頡頏千載之上。今老矣。而尺寸之獲。僅終於斯。然後知讀書之士。愛博而業精。力分而功就。自古及今。未之見也。曩者棟宇初興。黝^{*}聖^七鮮濃。泉甘竹綠。童冠咸集。讀書之音琅琅^{*}。不可謂非盛也。轉瞬之間。遊從舊侶。半皆散亡。竹既彫殘。池亦竭矣。此雖志得氣揚之子。追尋舊蹟。有不禁涕零者。況僕以垂老無成之人。日覽斯泉。能不淒然顧影而自悼哉。階下有梅二本。枯朽久矣。嘉慶二年。根旁忽產雙芝。是年予舉孝廉方正於鄉。子邦佐亦遊鄉學。里人以為此雙芝之瑞應。予笑曰。區區者烏足稱瑞哉。意小子衰朽之年。天或者猶成小子之幼志。而為此兆歟。嗚呼。是則誠瑞也已。

【註音】(澗)音統(黝)於糾切(琅)音郎(躅)廚玉切

【釋義】(一)巖鎮。即崑寺鎮。在歙縣西二十餘里。巖與崑同。(二)澗澗。水聲。(三)曹秀先。字冰持。號地山。江西新建人。官至禮部尚書。諡文恪。豫章指南昌府而言。南昌清為府。新建縣屬之。(四)游揚黃蔡。即游酢。揚時。黃幹。蔡沈。(五)四聖。伏羲。文王。周公。孔子。(六)宣布也。昭明也。(七)黝聖。塗飾也。(八)琅琅。讀書聲。(九)躅。腳跡。

(一〇)芝。菌屬。生於多年之枯木。或濕地。古人以為瑞草。

【評語】其志正。故其聲大而遠。不徒以神韻勝。

秦小峴除莊長

永嘉縣民困莊長。莊長何。其始有司急催科。責富民任莊長。督逋稅。浸久

法益弊。民重困。計一縣中析莊至數千以上。僉擇富民為長。遇徭役。惟莊長是誅。^五富民計戶任役。或行賕^{*}賂倖免。越歲任如故。數千莊卒無免者。其民訴之有司。而胥吏資為利藪。除之。於彼不便。輒多方^{*}從^{*六}。民又訴之郡守監司。以至大府。大府下於監司郡守。監司郡守又下於有司。積弊因仍。行之且數十年。以是永嘉無富民。乾隆甲寅^七。余分巡溫處^八。稔其弊。亟議除。郡守某曰。公欲除之。如病官何。余曰。君以莊長為便於催科耶。催科乃有司責。欲責諸莊長耶。夫官所以養民也。民病即官病。奈何欲病民以利官耶。且未有民利而官不利者也。遂定議。請於大府^九。竟除之。縣五十餘都。免役數千戶。役既免。民皆曰。我公實免吾役。吾民慎毋逋官賦。貽我公憂。余記之。庸^{一〇}以告後之官斯土者。

【註音】（賕）音求（從）音悚（惠）音俞

【釋義】（一）秦小峴。名嶼。一字凌滄。號遂庵。江蘇無錫人。官至刑部右侍郎。著有小峴山房文集。（二）永嘉。

縣名。清為浙江溫州府治。（三）催科。催租也。（四）逋稅。積欠之租稅也。（五）誅。責也。（六）從。誘導也。本作縱。與

見〔漢書〕。俗作從。惠。一作從。惠。（七）乾隆甲寅。清高宗五十九年。（八）溫處。即浙江溫州處州兩府。（九）大府。清

時指稱巡撫。（一〇）庸。用也。

惲子居遊翠微峯記一

自寧都西郭外。北望羣山。有虎而踞者一峯。若相負。北峯爲翠微峯。易堂九子講學之所也。背郭十里。陟山西折而北。過前所望虎而踞之南峯。有厓。復北有巖。夾磴^三而上。西折有岡。岡之西爲金精洞。北卽翠微峯。循岡行。有石門。木闔^三背扇之。仰視絕壁而已。岡之東。望果台山。有樓閣。於是欲返遊果台山。而闔爲從遊所排。遂遊焉。過石門。有南北厓相去以尺數。倚立俯仰相隱閉。北厓爲磴以登。級三十有六。道絕植梯。級十有六。以出於穴。有木構^四少息。爲第一巢。復登。爲梯磴之。級二十有八。有巢隘於前巢。不可息。爲第二巢。級十有七。爲第三巢。級八十有三。爲第四巢。皆可息。至此始出厓。日杲杲^五然射諸峯。峯如相蕩矣。復得磴八十有三。有坪^六爲易堂。已燬廢。其北有屋。魏氏居之。其旁後無他道。復循故道而下。魏氏之先。爲避亂計。故鑿山無左右折。上下皆懸身以難其登。登山極勞弊。無遊覽之勝。然九子窮居是山。能各有所守。不欺其志。是則不可歿者。九子。寧都魏際瑞。際瑞弟禧。及禮。李騰蛟。邱維屏。彭任。曾燦。南昌林時益。彭士望。惟際瑞爲本朝招吳三桂^七賊將韓大任^八被難焉。

〔註音〕(磴)都鄧切(坪)音平
 〔釋義〕(一)寧都舊為直隸州屬江西今改為縣。(二)夾磴自下向上之石路。(三)闔門也〔禮月令〕乃修闔扇〔注〕用木曰闔用竹葦曰扇。(四)構架屋也。(五)杲杲明貌〔詩衛風〕杲杲出日。(六)坪地平處。(七)吳三桂字長白明高郵人崇禎時為總兵降清封滇復叛為清所滅。(八)韓大任康熙丁巳踞贛時伯子客總兵哲爾肯所大任揚言非伯子來不降伯子往官兵從而攻之大任疑之遂遇害

惲子居遊翠微峯記二

下翠微峯南西折至金精洞洞北立石三如古敦^{*一}廡洞構橫閣^{*二}款之石之奇不見閣前橫術^三之外石呀^{*四}然起於^{*五}櫺際泉自石落散如珠絕境也洞之南石山相倚如服匿^六地志稱漢仙女張麗英於此上升其言不經下金精洞復西行石山中小者如屋大者皆隱天如鑄精^{*八}鏐如地不能負^{*九}渾渾^{*九}灑灑首銜尾逮肩歧腋附蓋二百步所而北折得平疇數百畝復折而東五百步所出翠微峯之北石山橫蔽之其奇如金精洞之西復三百步所至果台山石矗起數十丈如冰相附自南而西而北磴而上焉寧都之山界閩粵逶迤^二不可盡而城西數十里皆石山益奇古駭心目如此余嘗行太行^三泰山衡山^三多旁薄^四蘊蓄如聖賢豪傑舉事不與人以一端窺測若茲山者其俠徒隱士之流歟是亦可以觀矣

〔註音〕(敦)音對(廡)音彥(款)古款字(呀)虛加切(櫺)同檐(鏐)音留(渾)音涸(灑)音雲

〔釋義〕(一)敦古時盛黍稷之器廡廡屬(二)款誌也此作誌字解(三)術街道也(四)呀然張口貌(五)

櫺也又砌也(六)〔漢書蘇武傳〕單于弟于軒王賜武馬畜服匿穹廬〔注〕服匿如嬰小口大腹方底用受酒

酪 (七)寧都西爲道家第二十五福地。漢張世女麗英。修道於此。長沙王吳芮聞而聘焉。麗英乘紫雲牛空語曰。吾爲金星之精。降治此山。言訖而去。(八)鏐。黃金之美者。(九)渾渾。水波相隨貌。(一〇)灑灑。「說文」江上大波。(一一)逶迤。曲折斜行貌。(一二)太行。山名。亦曰五行山。連互河南山西及河北界。山以百數。隨地異名。(一三)衡山。卽南嶽。在湖南衡山縣西北二十里。(一四)旁薄。充滿廣被之義。

惲子居重建東湖書院記

東湖據豫章城之東隅。周古步十里有奇。東厓爲蘇圃。有宋高士蘇雲卿之遺跡。其南泮翼然亭臨之。祀漢徐孺子。故言東湖之故。必以徐孺子蘇雲卿爲先。南泮之北沙斗入。北佩湖南以南泮爲至。環三面皆水也。宋嘉定中。通判豐君有俊。建東湖書院。館四方游學之士。迨明之初。以其地爲縣學。而書院遂廢。今幾五百歲矣。羅山黎君來令南昌。復卜地於縣學迤東。蓋前事以虧帑。沒入其宅者。黎君歸帑於官。爲銀若干。諸鄉先生。任講堂。學舍。築削之貲。爲銀若干。修殿梁。糗膏油舟輦之貲。復爲銀若干。於是深衣博帶之士。揖讓絃誦於其中。而書院復興。夫聖人之道大矣。學者必先去其害道者。而後事焉。孔子曰。行己有恥。孟子曰。人有不爲也。而後可以有爲。昔者徐孺子不與陳仲舉鈞黨之難。蘇雲卿當宋播越之餘。張德遠欲有所圖。而雲卿褰裳去之。其心皆斷然有不可涅者。夫鈞黨爲君子之過。且遠之如此。況小人歟。張德遠處己甚正。所圖雖不成。其志皆仁人志士所扼腕者。且遠之若此。況以國爲徼倖者歟。學者能見於此。然後依

附攻訐之學術。苟且之事功。不足動其毫末。由是而深造之。則庶幾矣。

〔註音〕(泮)通畔(斗)通陡(格)音儻(服)音鍛(褰)音愆(涅)音捏

〔釋義〕(一)東湖。在南昌縣城東南隅。〔水經注〕東大湖十里。北與城齊。南緣迴折至南塘。水通大江。按南

塘為漢張射所開。宋景平元年。蔡廓又西起堤開塘為水門。因水為啓閉。唐元和時。韋丹開南塘斗門。以節江水。

今湖僅周五里。又分為西北兩湖。(三)豫章。古郡名。即江西南昌。(三)蘇圃。在南昌縣百花洲上。洲在湖之北岸。

(四)蘇雲卿。廣漢人。與張浚善。避難東湖。灌園自給。浚入相。貽書府帥招之。卒不就。(五)泮。邊也。〔詩衛風〕隰則

有泮。(六)徐孺子。名穉。東漢高士。南昌人。陳蕃為豫章守。為穉特設一榻。去則懸之。其宅在南塘之東際湖南小

洲上。亭即其宅址。(七)斗。頓也。〔史記〕成山斗入海。(八)水縈紆為佩。〔水經注〕鮑丘水北佩謙澤。(九)嘉定。宋

寧宗年號。(一〇)通判。官名。宋初欲削藩鎮之權。命朝廷通判府州軍事。與知府知州共治政事。(一一)羅山。縣名。屬

河南省。(一二)格。國庫之資財。(一三)服。脯也。(一四)梁糗。乾糧。(一五)陳仲舉。名著。東漢汝南人。官豫章太守。靈帝時宜

官曹節王甫等恣橫。蕃與大將軍竇武密謀誅之。事泄被害。(一六)鉤黨。謂相牽引為同黨也。(一七)播越。謂流離失

所也。(一八)張德遠。名浚。宋綿竹人。高帝時為川陝京西諸路宣撫使。力抗金人。尋知樞密院。會秦檜主和議被貶。

後復起。卒贈太師。(一九)褰。舉也。(二〇)涅。染皂物。〔論語〕涅而不緇。(二一)扼腕。憤怒貌。

惲子居東路記

南昌城上溯豫章江。南至贛州。東北折。溯貢水至瑞金。共一千五百里。敬

上事及赴行臺省期會。皆由之。此西路也。東路止八百九十里。嘉慶十一

年十月二十六日己亥。奉回任檄。出進賢門。宿舒白香天香館。寢甚安。二

十七日下晡。發行六十里。宿荏港。夜大雨。二十八日早發。泥濘不可行。行

六十里。宿進賢。大風寒。二十九日晴。早發。行九十里。宿臨川署中。秦臨川

言于清端公成龍。作縣事甚備。三十日上晡。發行六十里。宿柘樹亭。柘即

桓。山海經註所謂葉似柳子似棟者也。桓音近華。華近和。漢書尹賞傳注

桓。山海經註所謂葉似柳子似棟者也。桓音近華。華近和。漢書尹賞傳注

桓表。陳宋之俗言桓聲如和。謂之和表。師古曰。卽華表也。和又近何。俗遂作栢。十一月初一日甲辰朔早發。行九十里。宿南城。過會香墅鄧蘭士。蘭士從弟^{一八}薊州。初二日下晡發。取便道。吳白^{一六}厂^{*}草堂在城南。不及過。行四十二里。宿揚村。初三日。行八十里。下晡至南豐^{一九}。王南豐滌硯十一。閱之。渡河復五里。宿楓嶺。初四日。行八十五里。宿甘竹。雨。初五日。行三十里。下晡。至廣昌^{二〇}。復三十里。宿竹橋。初六日。行九十里。宿寧都^{二一}州。初八日。早發。行八十里。宿葛藤凹。雨。初九日。行八十里。下晡。至瑞金。初十日。上事。南昌至南城。皆平道。南城之南。始山行。麻姑山^{二三}旁薄有靈氣。其西南隱然浮一峯。雲氣界爲三成^{二四}。如仙嶠^{二五}。搖漾不可測。最上一成。雲氣背落日如紅綃^{二六}。真奇觀也。問之。則南豐西之軍封山^{二七}。蓋拔見在二百里之外。軍封之南至寧都。多石山。千幢^{二八}萬旗^{*}。皆南指。然無如軍封山者。廣昌之北。盱水^{二九}北流。至新建^{三〇}。與豫章江會。廣昌之南二十里。溪皆南流。又三十里。復北流。又三十里。復南流。皆不可舟。四十里。至寧都。會梅水^{三一}。可舟。寧都之南。溪皆北流。六十里。至九段嶺。始南流。四十里。至嚴阮^{三二}。復北流。五十里。至麻子^{三三}。復南流。不可舟。三十里。至瑞金。會貢水。可舟。皆東路也。貢水至雩都^{三四}。會寧都之梅水。至贛縣。入章水。合爲豫章江。卽西路也。豫章江至新建縣。北入鄱陽湖^{三五}。

【註音】(灣)乃定切(厂)音漢(縮)音宵(幢)宅江切(旗)音余(隩)音奧(鄱)音婆

〔釋義〕 (一)南昌。縣名。屬江西。 (二)豫章江。在南昌城西章江門外。闊十里。 (三)贛州。府名。屬江西。今贛縣其舊治也。 (四)貢水。即古湖漢水。〔水經注〕湖漢水出零都縣西。入豫章水。 (五)瑞金。縣名。屬江西。 (六)行臺省。猶云行署。自元代各路設行御史臺。中書行省。寢變為行政區域之稱矣。 (七)進賢門。江西省治南門。曰進賢。 (八)晡。申時也。日過午後曰晡。 (九)泥濘。言水與土相雜也。 (一〇)進賢。縣名。屬江西。 (一一)臨川。縣名。屬江西。秦臨川。秦姓而為邑宰。 (一二)于成龍。字北溪。清山西永寧人。康熙時。由州縣累官至江南總督。稱天下清官第一。 (一三)山海經。不傳作者姓名。晉郭璞注。明楊慎有補註。 (一四)尹賞。字子心。西漢酷吏。 (一五)師古。姓顏。字籀。唐萬年人。博覽好文。註漢書。 (一六)華表。柱識也。〔古今註〕堯設誹謗之木。今之華表木也。大路交衢悉施焉。或謂之表木。〔按〕後人墓前石柱。亦稱華表。 (一七)南城。縣名。屬江西。 (一八)從弟。同祖之弟也。 (一九)南豐。縣名。屬江西。 (二〇)廣昌。縣名。屬江西。 (二一)寧都。清為直隸州。今為縣。屬江西。 (二二)麻姑山。在南城縣西南十里。道家謂為三十六洞天之一。其西七里曰丹霞山。為第十福地。其旁為出雲山。 (二三)旁薄。同旁礴。充塞貌。 (二四)三成。猶言三重也。 (二五)嶠。山之銳而高者。 (二六)緇。絲織物之輕者。 (二七)軍封山。在南豐縣西。高十九里餘。二百步。見于百里之外。 (二八)幢。旗。並旂也。 (二九)盱水。一名建昌江。源出廣昌縣南血木嶺。 (三〇)新建。縣名。屬江西。 (三一)梅水。在寧都縣東北梅嶺下。一名寧都水。 (三二)嚴阬。在瑞金縣西五里。為零都會昌要津。 (三三)零都。縣名。屬江西。 (三四)鄱陽湖。在新建縣東北。跨南昌、鄱陽、南康、九江、四縣之境。長二百里。闊四十里。即禹貢之彭蠡。以近鄱陽山得名。

惲子居紀言

嘉慶元年。敬以富陽縣知縣。餉貴州平苗軍。五月丁巳。次益陽。有大星隕於西南。聲隆隆然。癸亥。次武陵。一騎自西南來。白衣冠。聞嘉勇貝子。庚午。次桃源。同餉軍者裘烏程。世璘曰。吾屬在浙。貝子方平林。爽文凱旋。自二三衢。方舟下嚴陵江。舟設重樓。陳百戲。中流鼓吹競作。從官舟銜舳艫。並兩岸疾下。頃之。有譁於從官舟者。乃一巴圖魯與都司飲。爭酒佐。貝子出坐。親鞫之。色甚和。貝子曰。汝二人何功。叩額曰。花翎通諸羅道賜。比旋役。

各進一官。貝子曰。今天子神聖。軍以功返。汝二人不知謹。虧朝廷體邪。然重懲汝。非優功盛愾也。目左右曰。花翎不稱。去之。二人叩額下。卒不問所坐何事。方紹興^{一六}應達曰。吾聞文武事貝子。貝子必優以官。頃有府經歷三年至同知。試用知縣五年至分守道者。鍾慈谿^{一七}德溥曰。吾鄉人嘗事貝子。官亦分守道矣。往歲貝子輿夫。與守備爭。毆之傷額。鄉人杖輿夫四十。貝子曰。若忘富貴所自邪。何躡我也。鄉人懼。數月不敢見。語有聞。敬告之曰。吾聞之張臯文。臯文聞之副都御史方葆巖^{一八}先生曰。貝子援諸羅時。壯勇公海蘭察^{一九}前行。行約百里。貝子督師夜繼進。大雨。天黑如覆盤。遇土山。駐軍山頂。貝子中坐。隨軍官圍貝子坐。外親軍。外正軍。皆圍坐。賊遊兵近山。踐泥濘過。火炬千萬。賊自炬處上窺山。黝黑無所見。疑有軍。發銃^{*}礮擊之。貝子令曰。無出聲。無動。久之賊過盡。雨霽。天益明。壯勇公已入諸羅城。捷使至。軍始起行。無一傷。視銃礮子。歷落入山腹也。先生又曰。貝子征衛藏^{二〇}。有隘道幾一里。賊屯軍守隘北。甚嚴。大軍屯隘南三十里許。貝子調軍伏隘東西。而以前軍分五軍攻隘。迭退迭進。戰一日。蓋數十勝負。貝子在大軍中。前軍軍報沓至。不動。及三更。前軍大敗。退不止。賊逐前軍出隘南。忽銃礮聲大震。火炬盡^{二一}。照耀如白晝。東西伏軍皆起。賊驚退。相蹂躪。我軍蹙之入隘。貝子急上馬。萬騎齊足。頃刻至隘口。前軍伏軍已過隘。聞貝子

至。勇氣百倍。大軍乘勢合攻。遂夷賊屯。追逐五十里而後止。

〔註音〕〔璘〕音鄰〔舳〕音逐〔艦〕音盧〔愜〕音指通旨〔躡〕音各〔鏡〕充仲切

〔釋義〕〔一〕富陽。浙江縣名。〔二〕清高宗末年。貴州銅仁府苗石柳鄧作亂。福康安率師征之。〔三〕益陽。縣名。屬湖南省。〔四〕武陵。縣名。屬湖南省。〔五〕嘉勇貝子。即福康安。字瑤林。滿洲鑲黃旗人。謚文襄。曾平臺灣林爽

文之亂。後征貴州銅仁苗石柳鄧之亂。未竟功而卒。貝子。清代以授宗室及蒙古外藩之爵名。嘉勇。封號也。〔六〕

桃源。湖南縣名。〔七〕烏程。縣名。舊與歸安同為浙江湖州府治。今併為吳興縣。〔八〕林爽文。臺灣人。肇亂臺灣。連

陷多郡。福康安平之。事在乾隆五十二年。〔九〕三衢。江名。在浙江之上游。有二源。曰金溪。曰文溪。東北流。合東陽

為蘭溪。曰三衢。〔一〇〕方舟。兩船並進也。〔一一〕嚴陵江。在浙江桐廬縣南。漢嚴子陵所居。故名。〔一二〕舳。方長舟也。

〔小爾雅〕船頭謂之舳。尾謂之艦。〔一三〕酒佐。侑酒之優妓。〔一四〕鞠。審問也。〔一五〕諸羅。清時臺灣地。謂以通道而受

賜也。〔一六〕紹興。縣名。屬浙江省。〔一七〕慈谿。浙江縣名。〔一八〕方葆巖。名維甸。屢佐康安軍事。官至直隸總督。〔一九〕海

蘭察。清滿人。以勇名。康安之功。皆海成之。貴苗之役。海已先卒。〔二〇〕衛藏。即西藏。衛為前藏之別名。〔二一〕蒸。作燒

字解。

王悔生遊歛西徐氏園記

歛^二西徐氏有園。曰就園。方廣可數十畝。其西北隅鑿地為方池。引溪水入

焉。池之四周。皆累以危石。池上橫石為橋。以通往來。由池而西為亭。再西

翼然而出者為樓。池之南端。臨以虛堂。堂半出水上。前有橫闌可俯。堂背

為渠。溪水所從入池者也。循渠折而東行。皆長廊。中累層石為臺。臺高二

尋^三。其上正平。可羅坐十餘人。旁植梅檜竹柏石枅^四甚衆。臺下逶迤。環以複

壁。北復構堂^五三楹。堂之右側。與前池通。由堂左折。循牆入重門。中敞^六以廣

庭。前繚^七以曲榭。繁蕤^八翳生。而牡丹數十百本。環^九以欄楹。花時尤絕盛。由庭

東入。其間重阿。曲房。周回復壁。窅然而深。洞然而明。牆陰古桂。交柯連陰。風動影碧。浮映衣袂。園之外田陸相錯。煙墟遠樹。歷歷如畫。而環歛百餘里中。天都雲門靈金黃羅諸峯。浮青散紫。皆在几席。蓋池亭之勝。東西數州之地。未有若斯園者。予館於歙數年。嘗一至焉。戊申六月。復集同人來遊於此。時天雨新霽。水汨汨循渠流。予與二三子解衣擊壺。俯綠陰。藉盤石。乘風乎高臺。被除乎清流。謹譔淋漓。談嘲談謔。及日已入。猶不欲歸。園者皆瞪目相顧。嗟愕怪駭。既歸。二三子各適其適。顧吾獨悲園之朽蠹頽壞。已異於始至。則繼此而遊。木之蠹。石之泐。其又可問邪。且吾數人暫合於此。一日別去。將欲從數百里外。齊軌連轡。復爲此窮日之遊。其又可得邪。無以寓吾之思。因爲之記。俾後之人知有斯園之勝。并知有斯園今日之遊。同遊者二人。嚴州胡熙陳禹範。常州趙彬。如張一鳴臯聞。

【註音】(蕤)如帷切(窅)音杏(墜)音乘(汨)音骨(盤)同磐(瞪)徐更切(坊)音方

【釋義】(一)王梅生名灼。號濱麓。安徽桐城人。著有梅生文集八卷。(二)歙。安徽縣名。(三)八尺曰尋。(四)

石柑。卽石楠。爲常綠灌木。高七八尺。(五)三楹。卽三間也。(六)傲。高顯也。(七)繚。繞也。(八)蕤。木華垂貌。(九)巾。

通作匝。環繞一周曰一巾。(一〇)阿。庭曲曰阿。(一一)窅。深也。(一二)天都雲門。二峯名。爲黃山三十六峯之二。天都高

九百仞。雲門兩峯齊峙。雲氣中通。有若門焉。(一三)靈山。在歙縣西北二十里。高三百五十仞。周七十里。歙縣東三

十五里。有紫金山。舊名金紫山。歙縣西南三十里。有黃牢山。黃山巖谷以百數。其最高者曰羅條。(一四)汨汨。水聲。

(一五)盤石。大石也。(一六)被除。濯於水邊以除不祥也。(一七)瞪。定視也。(一八)泐。石因其脈理而解散也。(一九)嚴州。府

名。屬浙江。民國廢。今建德縣。其舊治也。(二〇)常州。府名。今江蘇武進縣。其舊治也。

【評語】前半敘次精能。後稍落窠臼。

張臯文書左仲甫事

霍邱知縣陽湖_二左君。治霍邱既一載。其冬有年。父老數十人。來自下鄉。盛米於筐。有稻有杭_{*三}。豚蹄鴨雞。僂_{*四}僂提攜。造於縣門。君呼之入。曰。父老良苦。曷爲來哉。頓首曰。邊界之鄉。尤擾益偷。自耶_五之至。吾民無事。得耕種吾田。吾田幸熟。有此新穀。皆耶之賜。以爲耶嘗。君曰。天降吾民豐年。樂與父老食之。且彼家畜胡以來。則又頓首曰。往耶未來。吾民之猪雞鴨鵝。率用供吏。餘者盜又取之。今視吾圈柵。數吾所育。終歲不一失。是耶爲吾民畜也。是耶物。非民物也。君笑而受之。賞以酒食。皆歡舞而去。曰。本以奉耶。反爲耶費。士民相與謀曰。吾耶無所取於民。而祿不足以自給。其謂百姓何。請分鄉爲四。四又爲三。各以月入米若薪。衆曰善。則請於君。君笑曰。百姓所以厚我。以我不妄取也。我資米若薪於百姓。後之人必爾乎索之。是我之妄取無窮期也。不可。亳州_六之民有訴於府者曰。亳舊寡盜。今而多。其來自霍邱。霍邱左耶不容盜以旤_{*七}亳。願左耶兼治之。嘉慶四年十二月。霍邱有吳生在京師。爲余說如此。余同年友仁和湯吉士金釗告余曰。往歲北來。道鳳_八穎_九間。往往詢其民人。繇_{*十}俗有刑獄不當。賦役無節者。民曰。非霍邱左耶來。誰與辦之。有風俗乖忤。水旱冤抑者。又曰。非霍邱左耶來。吾屬不安樂矣。曰。霍邱左耶。能爲河南省治獄。吾不識左君何如人也。余曰。吾友左

君二十餘年。其爲人守規矩。質重不可徙。非有超絕不可及之才。特以其忠誠悱惻之心。推所學於古者而施之治。效遂如此。今之爲治。輒曰儒者迂闊。患才不任事。以吾觀左君。迂闊人也。如其才。如其才。左君名輔。字仲甫。以進士分發安徽爲知縣。初爲南陵。調霍邱。嘉慶二年。坐徵南陵錢糧不如期。落職。入見。仍用知縣。未補。又坐徵霍邱錢糧不如期。落職。巡撫爲請。天子知其名。特許補合肥縣云。吳生名書常。亦篤實君子人也。

【註音】(杭)音庚(偃)於上聲(樓)音樓(既)同禍(絲)同謠

【釋義】(一)霍邱。縣名。屬安徽。(二)陽湖。縣名。舊與武進同爲江蘇常州府。今併入武進縣。(三)杭。稻之不黏而晚熟者。俗作粳。(四)曲脊謂之偃樓。引伸爲鞠躬恭敬之意。見《說文段注》。(五)耶。父也。(六)亳州。舊州名。今爲縣。屬安徽。(七)仁和。縣名。舊與錢塘同爲浙江杭州府。今併爲杭縣。(八)鳳陽。潁州。皆清代安徽府名。(九)絲俗。歌謠風俗也。(一〇)南陵。縣名。屬安徽。(一一)合肥。縣名。屬安徽省。

姚石甫遊欖山記

余嘗北至京師。東過兗泗。下金陵。觀錢塘。復泝大江。逾嶺以南。幾徑萬里。其間郊原陂隴。狐墟兔窟。尤喜獨窮之。每詢土風。接人士。未嘗不歎幸天下之太平也。及來廣州。值海盜內躡。烽警日聞。足不出者一年。大臣以天子威靈。誅撫之既定。乃以庚午七月之欖鄉。是鄉在香山治東北七十里。居稠而民富。無幽奇壯勝之觀。而人士彬彬有文采。秋日氣爽。有何生者。邀余登是山。出市門數武。阡陌縱橫。人家三五相望。皆牡蠣爲垣。中環峻

牆樓宇傑出。繞屋芭蕉徑丈。其一望深樹蒙密。則荔支龍眼也。時荔支已
三熟。餘實猶纍纍可愛。鬻其利。歲數萬計。三里許。至一坊。曰山邊。卽欖山
矣。先過開元寺。寺小而潔。有老僧聾且病。後有軒。遊人之所憩也。軒面山
而背_〇。多梅。芙蓉一本出檐際。方盛開爛然。有泉甘而_一。才尺許。大旱不
竭。盛潦不盈。欖之戶以萬。咸飲之。既登山。山不甚崇。可眺數十里。欖之比
櫛如鱗。煙火如雲者。皆見焉。南俯平田百頃。遙望水滌_{*}。洄如帶。則內河之
通海者。何生告余曰。此戰場也。吾欖自明以來。未嘗被兵。往歲十月。賊艦
數十。忽登岸。是時賊方得志於內河。河東西七郡皆擾。廣州尤甚。乘銳陵
吾鄉。地無營師。一巡檢_三治之。至是不知所爲。賊進至山下一里矣。倉卒集
鄉人強者數百人。爲三隊拒之。前持刀楯。後張弓矢。最後斬木削竹以繼。
更番戰一日夜。呼聲震陵谷。賊氣奪。旦日水師至。賊乃退。是役也。賊死傷
甚衆。吾鄉亡七人。傷十六人耳。以民素健。習武者衆也。後益修備。賊再至。
不攻而去。方戰時。吾與衆登此山望。勢甚洶洶。帕首_三之衆。數倍我師。觀者
失色。事之解。幸也。七人者既死。鄉人義之。羣葬於此山之陽。祠以報。余往
觀七人家。信然。嗟乎。天下承平久矣。武事漸弛。人不知兵。一旦有急。被難
無足異。粵中海盜已舊。顧大猖_{*}獗_{*}至此。何歟。蓋賊始皆縱橫海外。內河無
恙也。虎門焦門碣石_四諸險。猶逡巡不敢入。然恃內地奸民。私運米物以濟

衆尙書百公嚴其禁以整之。賊始懼。而將卒驕懦。自總兵官許公敗歿。賊遂轉自焦門以入。登岸掠食。內河方議備具。賊已揚帆至矣。倉卒故以不制。不然。胡離披至此哉。百萬虎狼咆哮於門庭之內。欲其無噬人。勢不可得。此計之不能不出於撫也。且當倉卒時。水師既不制。而猶有奮不顧身力戰以衛鄉邑者。皆勇士也。雖曰官募。實由粵民殷富。自能出資給之。然已憊矣。彼不如粵民者。又何如哉。吾始見此鄉井里晏如。如未嘗被兵者。及聞何生言。觀其戰地。瞿然以懼。乃廢遊而返。嘉慶十五年。月日姚瑩記。

切
【註音】(礪)音諫(例)音列(療)音老(濼)同濼音營(帕)音怕(猖)音昌(獺)音厥(咆)音庖(哮)許交
【釋義】(一)充泗。二水名。充即山東之沭水。濟水之源。泗水自山東泗水縣發源。歷江蘇境入淮。今其故道已為黃河所占。(二)錢塘。江名。為浙江之下游。(三)陂隴。山路之險仄者。(四)清嘉慶十三年間。海盜朱績朱瀆張保烏石二等。擾亂粵洋。(五)庚午。時清嘉慶十五年。(六)香山。縣名。屬廣東。(七)阡陌。田間小路。(八)牡蠣。軟體動物。殼可燒灰。功用與石灰同。謂之蠣粉。(九)龍眼。俗稱桂圓。(一〇)礪。山夾水也。(一一)冽。寒氣也。(一二)巡檢。官名。為縣令屬官。(一三)帕。額巾也。盜匪皆以巾裹首為飾。故云。(一四)虎門。焦門。皆珠江入海之口。粵省要區。碣石。海豐縣東南有碣石衛。為水師重地。(一五)尙書百公。名齡。時為兩廣總督。招撫海盜。(一六)總兵許公。名松年。浙江瑞安人。會轟斃朱績。降其黨。(一七)咆哮。獸怒嗥也。(一八)憊。困乏也。(一九)晏如。安適貌。(二〇)瞿然。心驚貌。

姚石甫桐城麻溪姚氏登科記

桐城麻溪姚氏。其先當宋元之際。有仕於安慶者。悅桐城山水。卜居於東鄉之麻溪。遂家焉。數世隱於耕。及明正統間始顯。自明景泰元年始。至今

上嘉慶十六年。凡三百六十一年。登科者四十四人。成進士者二十。皆麻溪之後也。其生平宦蹟事功文章著於史傳。與夫他途拔起。及以節孝言行著於邑志家乘者。不載焉。茲獨次其科目先後。而記之曰。嗟乎。祖宗之德。不其遠哉。自古未有無德而興。不繼而長者也。造業之祖。起微賤。服勤勞。行修於身。功及於物。天乃昌其後。以報之。故孫子之盛衰。卽視其先功德之大小。以爲修短之數。昔黃帝之子^四。五德^五代興。而后稷^六啟周。祀至八百。蓋稼穡食人。功爲大也。其次莫如立法教世。故契^七之王亦六百祚。觀於往事。而天可知矣。國之與家。大小雖殊。其義一也。姚氏系出吳興。唐宋之間。嘗有興者。而舊譜所載。南渡後軼其名。疑莫能考。麻溪府君。則吾遷桐始祖也。歷元迄明正統之代。務農者一百五十餘年。其所食之人。則旣多矣。而家法所傳。惟以忠厚爲本。自我參政府君通籍。至今又十四世。人且數千百計。孝弟未衰。皆清貧自守。其登仕者百數。朝有賢良之褒。外無貪酷之吏。而捐身殉節立志守貞者相望也。今考其科目之數。又如此。嗚呼。天之所以報吾宗者。不亦盛哉。覽圖籍所載。古碩人偉德。起家微賤。衆矣。方其崛起驟興。嘗分茅胙土^九。貴爲王侯。彪炳^{一〇}之勢。赫赫^{一一}一時。如吾家者。不啻十倍。然或及身而敗。或一傳再傳而敗。不及百年。榮謝頓殊。至且絕嗣矣。推尋其故。豈不由造物忌盈。德薄而享豐之所致與。抑吾聞太行之山^三。綿

互千里者。非一阜之勢。黃河之流。橫絕中國者。非一勺之源。其中十里一
巒。百里一川。起伏曲折。所以延其脈而長其委者甚衆。夫是以不竭絕也。
草木之華。太繁者必不實。驟茂者罕再榮。此常理也。然有培沃之者。日養
而月息之。不傷其本。不翦其枝。安在不復茂乎。觀於山川草木之理。而人
又可知矣。且世有豪傑之士。身處孤露。或際阽危。恒思發憤自振起。雖彼
材智絕人。而無尺寸之藉。其勢極難。然奮袂而興。登高第。仕華_{三*}。功立才
見。猶足以濟大業。世家之子。文學論議。爛習既優。苟有中材。藉先世之資。
其勢足以倍之。乃反百不及一者。何也。諺曰。創業者多勞。守成者多逸。夫
勞者乃成之資。而逸者實敗之券也。不思盛業所由來。徒以祖功宗德爲
可恃。不惟無培養之勤。且日加_{一四*}。雖有盛德之父。大功之祖。何以克昌
哉。善乎周公之戒成王曰。所其無逸。惟知稼穡之艱難。夫成王天子也。而
戒以稼穡之事。不忘其先也。帝王之祖。皆有聖德世功。然且不敢自暇自
逸。況士民之家乎。故爲子孫者。必有創業之志。而後可以守成。必有戒禍
之心。而後可以保世。嗟夫。科目之名。天下榮之久矣。此海內之所共爭。造
物之所不輕與也。吾宗雖非盛大。然自明以來。得之者嘗兼數姓矣。其他
庶姓。或數十年不得一人。夫豈無才而莫克以振。雖盛衰之數不可知。然
久鬱者必昌。已盛者不再。盈虧往復。信如著龜_{一五*}。求所以保垂絕而留其有

餘者。吾猶未得其道也。以是兢兢。乃次其先世以逮今茲與此選者。爲之記。遺吾宗人相與觀之。無恃祖宗之功德耳。嗚呼。有明達誠篤之士。覽吾斯文。其能無戒心乎哉。

【註音】（契）音洩（附）音鹽（懸）音武（陵）音宣

【釋義】（一）正統。明英宗年號。（二）景泰。明景宗年號。（三）家乘。一姓之家譜也。（四）唐虞夏商周。皆黃帝子孫。今說。漢人皆以黃帝爲祖。（五）五德。說本鄭衍。謂以五行之德爲王者受命之運也。如堯以火德。舜以土德。禹以金德。湯以水德。武以木德等。（六）后稷。虞舜時農官。周之始祖也。（七）契。虞舜之臣。商之始祖也。（八）宋高宗。避金人之難。建都臨安。是爲南渡。（九）古以五色土爲社。封諸侯。則割其方面之土。宜以白茅。昨。報也。（一〇）彪炳。光彩煥發貌。（一一）赫赫。威貌。（一二）太行。凡汾河以東。碣石以西。長城黃河之間諸山。皆是。其主峯在山西晉城縣南。（一三）懸。厚也。（詩小雅）則無懸任。（一四）酸削。猶言剝削。（一五）著。所以筮。龜所以卜。見（中庸注）著。草名。

姚石甫噶瑪蘭廳異記

皇帝登極之元年。六月癸未夜。噶瑪蘭風颶也。或曰颶。雨甚。伐木壞屋。禾大傷。繼以疫。於是噶瑪蘭關十一年矣。水患之歲五。颶患之歲三。蘭人大恐。謂鬼神降災。不悅人之闢斯土也。將禳之。桐城姚瑩時攝噶瑪蘭通判。有事在郡。聞災馳至。周巡原野。傾者扶之。貧者周之。請於上而緩其徵。制爲藥而療其病。民大悅。乃進耆老而告之曰。吾人至此不易矣。生人以來。此爲荒昧。惟狂榛之番。睢睢盱盱。巢居而穴處。其所以異於禽獸者幾希。始自吳沙。數無賴。召集農夫。負耰鋤以入荒裔。翦荆榛。鑿幽險。禦虎狼之生番。數瀕於死矣。乃築圍堡。置田園。聚旅成郭。既以無所統而相爲爭奪。

大吏以聞。天子憫焉。然後爲設官而治之。黔首綏和。文身向化。今則膏腴沃壤。四民且備。城郭興。宮室畢。婦子嘻嘻而樂利。夫山川之氣。閉塞鬱結。久而必宣。宣則洩。洩則通。通然後和。天道也。今之億萬年鬱塞之區。一旦鑿其苞蒙。而破其頰洞。澤源與山脈饋與。陰晦與陽和交戰。二氣相薄。梗塞乍通。於是乎有風雷水旱。疢疾之事。豈爲災乎。昔者羲軒之世。淳風古處。百姓渾渾。不識不知。未有所爲災者。逮乎中天。運隆。五臣遞王。文明將啓。而於是乎有堯之水。湯之旱。聖人以為氣運之所由洩。而不以為天之降殃於人也。不然。德如唐堯。功如成湯。豈復有失道以干鬼神之怒哉。若夫地平天成。大功既畢。則惟慎修人紀。以保休嘉。而於是乎時和年豐。百寶告成。宇宙熙皞。臻於郅治。苟有失德。肆爲淫慝。敗亂。則鬼神惡之。而天乃降災。此天地之氣既通。而人事不善之爲厲也。今斯地初開。雖風水屢游。而不爲異。五患水。三患飢。而民不飢。無有散亂。何也。民皆手創其業。艱難未忘。室家未阜。而不敢有淫慝之思也。雖然。吾特有懼焉。懼夫更十年後。地利盡闢。戶口殷富。老者死而少者壯。民惟見其樂而不見其艱也。則將有滋爲淫佚。而樂於兇悍暴亂者。人禍之興。吾安知其所極耶。然則如之何而後可也。曰。崇節儉。修和睦。戒佚遊。嚴盜賊。守斯四者。庶乎可以久安而不爲災。穰何爲者。耆老曰善。乃記之。

【註音】「噶」音葛「瑪」音馬「颺」音具「穰」如羊切「狃」攀悲切「睢」音麾「盱」音吁「稷」音憂「鋤」牀魚切「郛」音孚「頰」虎孔切「債」音奮「瘞」依倨切「皦」音昊「倅」集硯切


【釋義】(一)噶瑪蘭。臺灣地名。(二)颺。字典無此字。他本或作颺。颺同颺。暴風也。(三)颺。謂具四面之風也。

(四)穰。祭名。以除厲殃者也。(五)狃。猶言荒野。「柳宗元封建論」草木榛榛。鹿豕狃狃。(六)「莊子」而睢睢盱盱。而誰與居。「注」睢睢盱盱。跋扈之貌。人將畏難而疏遠也。(七)吳沙。謂吳中沙漲之地之人也。或曰人名。(八)

穰。摩田覆種之器。鋤。去草之器。(九)生番。未歸化之番人。(一〇)堡。小城。(一一)郛。郭也。(一二)黔首。秦稱百姓為黔首。

(一三)文身。畫文於身。古南蠻之俗如是。(一四)頰洞。相連貌。(一五)債。動也。(一六)瘞疾。積血病也。(一七)羲軒。謂上古伏羲軒轅二帝也。(一八)淳風。樸厚之風氣也。(一九)渾渾。渾樸之意。(二〇)中天。堯舜之世。(二一)五臣。禹、稷、契、皋陶、伯益。

(二二)堯水。九年。(二三)湯旱。七年。(二四)熙皞。和樂也。(二五)郅治。猶言至治。(二六)倅。再也。「易坎」水倅至。



管異之餓鄉記

餓鄉。天下之窮處也。其去中國。不知幾何里。其土蕩然。自稻粱麥菽牛羊
 雞彘魚鼈瓜果一切生人之物。無一有焉。凡欲至者。必先屏去飲食。如道
 引辟穀者然。始極苦不可耐。彊前行。多者不十日。已可至。至則豁然開朗。
 如別有天地。省經營。絕思慮。不待奔走干請。而子女之呼號。妻妾之交謫。
 人世譏罵笑侮輕薄擲揄之態。無至吾前者。恂然自適而已。然世以其始
 至之難也。平居每萬方圖維。以蘄勿至。不幸而幾至。輒自悔為人動。故非
 違世乖俗。廉恥禮義之士。不得至是鄉。非彊忍堅定。守死善道之君子。雖
 至是鄉。輒不幸中道而反。昔周之初。武王伐紂。伯夷叔齊恥食其粟。由首
 陽山。以去至餓鄉。餓鄉之有人自是始。其後春秋時。晉有靈輒行三日。幾
 至之矣。終為賊臣趙盾所阻。反感盾恩為所用。而齊有餓民。卻黔敖。嗟來
 之食。翩然至是鄉。雖曾子歎其微。而論者以為賢輒遠矣。孔子之徒。顏會
 為大賢。原憲為次。三子者皆幾至是境。而猶未達。及至戰國。於陵仲子立
 意矯俗。希為是鄉人。行三日。卒廢然而反。孟子譏之。自戰國秦漢後。教化
 不行。風俗頹敗。搢紳先生之屬。以是鄉為畏塗。相戒不入。而凶年饑饉。禍

亂遞作。王公貴人。下逮田野士庶。遭變故而誤入是鄉者。往往而是。梁武
 皇帝^{一四}天子也。趙武靈王^{一五}漢趙幽王^{一六}藩國王也。條侯周亞夫^{一七}將且相也。鄧通^{一八}
 上大^{一四}大夫也。其人皆尊崇富厚。志得意滿。無意於是鄉。而其終卒誤入焉。豈
 非天哉。豈非天哉。然豈與夷齊以下。立志自入者。同乎哉。語曰。君子無入
 而不自得焉。又曰。求仁而得仁。又何怨。惟漢龔勝^{一九}唐司空圖^{二〇}宋謝枋^{二一}得之
 倫。立志忠義。先後至是鄉。夷齊輩得之。相視而笑。稱莫逆交云。嗚呼。餓鄉
 何鄉也。何其難至也。若是。予窮於世久矣。將往遊焉。考始末而為之記。

【註音】 (挪)音耶 (揄)音俞 (愉)音徹 (斲)音祈 (於)音烏 (枋)音方

【釋義】 (一)菽。豆之總名。 (二)屏。除也。 (三)道引。道家之養生術也。 (四)史記張良傳。乃學辟穀道引輕身。

(四)干請。言干求請見。 (五)挪揄。以手侮弄也。羅友言元且出門。逢鬼挪揄。見晉陽秋。 (六)愉然。失意不悅貌。

(七)斲。求也。 (八)首陽山。在今山西永濟縣南。即雷首山。 (九)晉趙盾舍翳桑。見靈輒餓。曰不食三日矣。食之。後

靈公之難。靈輒為公介。倒戟救盾。見左宣元年。 (一〇)齊大饑。黔敖為食。一餓者來。敖

呼曰。嗟來食。餓者曰。予惟不食嗟來之食。以至於此。從而謝焉。終不食而死。曾子聞之曰。微與其嗟也可去。其謝

也可食。見禮記檀弓。 (一一)顏回。一簞食。一瓢飲。在陋巷。不改其樂。曾參家貧躬耕。嘗十日不舉火。正冠而纓絕。

捉襟而肘見。納屨而踵決。曳蹤而歌商頌。 (一二)原憲。亦名原思。家貧。蓬戶甕牖。上漏下濕。匡坐而弦歌。 (一三)陳仲

子自命廉士。居於陵。三日不食。食半李得生。見孟子。 (一四)梁武皇帝。姓蕭。名衍。篡齊即位。侯景反。攻陷臺城。滅

食而死。 (一五)趙武靈王。戰國時讓國致亂。被圍不得出。探鳥穀而食。三月餓死。 (一六)趙幽王。名友。高帝第六子。以

諸呂女為后。不愛。愛它姬。諸呂女讒於太后。召還不見。絕食餓死。 (一七)周亞夫。漢沛人。武帝時封條侯。景帝欲廢

太子。力爭不得。其後帝卒。信讒言。召詣廷尉。不食。嘔血卒。 (一八)鄧通。漢南安人。文帝賜蜀嚴道銅山。得鑄錢。景帝

時。沒入官。寄死人家。 (一九)龔勝。漢彭城人。哀帝時徵為諫議大夫。後以不事王莽。不食死。 (二〇)司空圖。字表聖。唐

虞鄉人。咸通末進士。景福中。拜諫議大夫。不赴。隱居中條山王官谷。唐亡。不憚而疾。數日不食卒。 (二一)謝枋得。字

君直。宋末益陽人。元兵寇江東。枋得知信州。戰敗。變姓名入山中。元初慟哭不食死。

管異之餘霞閣記

府之勝萃於城西。由四望磯^二迤而稍南。有岡隆然而復起。俗名曰益山^{*三}。益山者。江山環翼之區也。而朱氏始居之。無軒亭可憩息。山之側有菴曰四松。其後有棟宇極幽。其前有古木叢篁^{*四}。極茂翳。憩息之佳所也。而其境止於山椒^五。又不得登陟而見江山之美。吾鄉陶君叔姪兄弟。率好學。樂山林。厭家宅之喧闐^{*}也。購是地而改築之。以為閒暇讀書之所。由菴之後。造曲徑以登。徑止為平臺。由臺而上。建閣三楹。殿以書室。室之後。則仍為平臺而加高焉。由之可以登四望。桐城姚郎中為命名曰餘霞之閣。益山與四松。各擅一美。不可兼并。自餘霞之閣成。而登陟憩息者。始兩得而無遺憾。凡人多為私謀。今陶君築室不於家。而置諸僧舍。示其可共諸人。而已之不欲專據也。而或者疑其非計。是府也。六代^六之故都也。專據者安在哉。儒者立志。視天下若吾家。一樓閣也。鰓^{*七}鰓然必專據而無同人之志。彼其讀書亦可以睹矣。而豈達陶君之志也哉。

【註音】(益)音撥同鉢(篁)音皇(闐)音田(鰓)讀如徒

【釋義】(一)府。指江寧府。(二)四望磯。在江寧城西北十里。四望山山下。晉溫嶠伐蘇峻。築壘於此。(三)益

山。在江寧城西南。(四)篁。竹田。(五)山椒。山頂也。(六)六代。吳、東晉、宋、齊、梁、陳也。江寧古稱建康。六代相繼都此。

(七)鰓鰓。懼也。荀子「鰓鰓然常恐天下之一合而軋己也。」

梅伯言小盤谷記

江寧府城。其西北包盧龍山而止。余嘗求小盤谷者。至其地。土人或曰無有。皆大竹蔽天。多歧路。曲折廣狹如一。探之不可窮。聞犬聲。乃急赴之。熟五斗米頃。行抵寺。曰歸雲堂。土地舒寬。居民以桂為業。寺傍有草徑甚微。南出之。乃隊大谷。四山皆大桂樹。隨山陂陀。其狀若仰大盂。空響內貯。聲效不得他逸。寂寥無聲。而耳聽常滿。淵水積焉。盡山麓而止。由寺北行至盧龍山。其中阮谷窪隆。若井竈齟齬之狀。或曰遺老所避兵者。三十六茅庵。七十一團瓢。皆當其地。日且暮。乃登山循城而歸。暝色下積。月光布其上。俯視萬影摩盪。如魚龍起伏波浪中。諸人皆曰。此萬竹蔽天處也。所謂小盤谷。殆近之矣。同遊者侯振廷。舅氏。管君異之。馬君夢湘。歐生岳庵。弟念勤。凡六人。

【註音】(陀)俗陀字讀陀一讀移(聲)音磬(欵)音慨(窪)烏瓜切(齟)音懇(齬)音粵

【釋義】(一)盧龍山。即獅子山。在江寧城西北二十里。明太祖敗陳友諒於此。(二)頃。俄頃也。計其時可熟

五斗米也。(三)隊。回轉也。與隊同。(四)陂陀。邪曲也。(五)聲效。嗽也。輕曰聲。重曰欵。(六)阮。坎也。谷深穴。亦訓大

阜。(莊子)在阮滿阮。在谷滿谷。窪深也。俗謂低下之地曰窪隆。中央高也。(七)齟齬。齒上下肉。此喻不齊之狀。

(八)團瓢。小茅屋也。如瓢。(龔賢畫訣)空者為亭。實者為團瓢。(九)摩盪。摩空動盪也。

梅伯言盍山餘霞閣記

江寧城山得其半。便於人而適於野者。惟西城盍山。吾友陶子靜。偕羣弟讀書所也。因山之高下為屋。而閣於其嶺。曰餘霞。因所見而名之也。俯視

花木皆環拱升降。草徑曲折可念。行人若飛鳥度柯葉上。西面城。淮水縈之。江自西而東。青黃分明。界畫天地。又若大圓鏡。平置林表。莫愁湖也。其東南萬屋沈沈。炊煙如人立。各有所企。微風繞之。左引右挹。縣縣緡緡^二。上浮市聲^四。近寂而遠聞。甲戌春。子靜觴同人於其上。衆景畢見。高言愈張。子靜曰。文章之事。如山出雲。江河之下水。非鑿石而引之。決版而導之者也。故善爲者有所待。會亮曰。文在天地。如雲物^五。煙景焉。一俯仰之間。而遁乎萬里之外。故善爲文者。無失其機。管君異之曰。陶子之論高矣。後說者如斯閣亦有當焉。遂書爲之記。

【註音】（緡）音民

【釋義】

（一）淮水。謂秦淮河。源出江蘇溧水縣。西北流貫江寧城。又西北入大江。

（二）莫愁湖。在江寧三山

門外。明時爲徐中山園。相傳爲古女子盧莫愁舊居。

（三）縣縣緡緡。連絡不絕之貌。風甚則煙散。惟微風始有此

態也。（四）市聲。市街喧譁嘈雜之聲。

（五）雲物。日旁雲氣之色。（左僖五年）凡分至啓閉。必書雲物。

梅伯言江亭消夏記

都中燕客者。曰館曰堂。皆肆^二也。觀優者集焉。樂閒曠。避煩暑。惟江亭爲宜。地當南城西。故爲水會。今則四達皆通車。甲午^四五月望。徐廉峯編修。黃樹齋給諫。招客而觴之。天氣清佳。地曠人適。以客皆雄於談而失飲也。乃射覆^五以行酒。當令者取樽俎閒物載經典者。隱一字爲鵠^七。而出其上下字爲媒。因媒以中鵠者不飲。然所出字。皆與鵠縣禡^{*}判散^八。不可膠附。又出他字

相佐輔。綴其鵠者愈專而媒愈幻。務以枝^九人心。使不得尋逐以爲快。忽然得之。歡愕相半。每一覆而發。飲者十數人。酒殺既饜。憑軒周流。下多葭葦。蒙龍^一陂陀^二。風草相噬。柯樹^三絳^四。其下有波浪^五。沙若大澤。無涯江湖之思焉。主客多江東南人。歲比大水^六。談者以爲憂。於斯亭。又悵然於不可得水。給諫遂歸而圖之。圖中人皆面山。左倚城。指亭下相顧語者。亭西軒也。上元梅會亮記。

【註音】(襍)池爾切(絳)音翠(縹)音蔡(縹)音櫛(汨)于筆切

【釋義】(一)北平南城之西。有錦秋墩。上有亭。名陶然亭。百年前水部郎江藻所建。故又名江亭。(二)肆。陳

貨鬻物之所。(三)優。即伶人。(四)甲午。清道光十四年。(五)漢書東方朔傳。上嘗使諸數家射覆。按古人以

術數爲遊戲之法。今已不傳。而別爲酒令。用相連字句。隱物爲謎而射之。(六)後漢賈逵嘗作酒令。唐最甚。樂天

詩。如籌插紅螺碗之句不一。宋歐公作九射格。不別勝負。飲酒者皆出於適然而已。(七)鵠。矢的也。禮射義。故

射者各射己之鵠。此則指所覆之底。(八)縹。判散。言其不相屬也。江淹表。雖蟻聚鼠竊。勢必縹散。(九)枝。訓

作岐。(一〇)蒙龍。蔽覆之貌。(一一)陂陀。不平也。見爾雅釋地注。又衰也。見博雅。(一二)絳。衣聲。縹亦作縵。此亦

借喻。(一三)瀨汨。水流聲。(一四)指清道光十一年高郵湖溢。十二年桃南廳屬于家灣河隄爲湖。民盜決而言。

【評語】極尋常景物。入先生文中。輒令人有無窮之思。真化工筆也。

梅伯言金山寺藏鼎記

葉東卿先生^二。得古鼎於岐山^三之農。徵文實事。定以爲周宣王時物。其臣遂

啓謀伐玃^五。歸。賜以酬庸者^六也。於時詩以張之。寄置於丹徒之金山寺。屬

會亮爲之記。夫萬物所樂者。成也久也。自聖人不能違之。銘物必祝其壽。

子孫永寶用。至莊周列禦寇^七之徒。一切齊得喪成虧。浮屠氏^八興而其道說

加勝。今以古人欲世守之物。而寄之浮屠氏。豈製是器之意哉。曾亮曰。守之善者。蓋莫有善於是也。夫物之易失者。以己獨有之。而人不有之者也。苟獨有是物。而不使人與有之。雖有蓋世之威。不足以持其後。況守是物者之爲吾人也哉。然則孰能守之。曰惟不自有者能守之。今浮屠氏之法。其身之不自有。而何有於居。其居之不自有。而何有於所寄之物。雖其重樓傑觀之地。途之人游焉。莫能禦也。雖其所共寶貴之物。途之人觀焉。莫之非也。夫然。故天下之忌有是物者。皆釋然曰。彼且不能專之。吾又烏容競之。天下之欲有是物者。又釋然曰。吾未嘗不與有之。吾又烏容專之。故曰守之善者。莫有善於是者也。昔東坡以吳道子畫四菩薩。捨僧惟簡。而曰吾自度不能常有是也。故以與子。子將何以守之。此豈真慮其不能守也哉。使慮之。則亦不捨之矣。且惟簡之能守與否。卽未可知。而東坡性能捨之。故道子畫至今不亡。則雖謂善守是物者。莫如東坡可也。此蓋先生之微意也夫。

〔釋義〕 (一)金山寺。在江蘇丹徒縣西北。山以裴頭陀開山得金。故名。 (二)葉東卿。名志說。漢陽人。好金石之學。所藏彝器甚多。 (三)岐山。在陝西岐山縣。 (四)周宣王。名靖。厲王子。 (五)獵狁。周時之北狄。 (六)酬庸。報功也。 (七)莊周。戰國蒙人。列禦寇。戰國鄭人。其學皆本黃老之說。 (八)浮屠氏。卽言釋氏。或言佛徒之異譯。 (九)宋蘇軾謫黃州。居東坡。因自號東坡居士。 (一〇)吳道子。名道玄。唐陽翟人。工繪事。善畫佛像。

梅伯言歐氏又一村讀書圖記

城北多古園。惟董氏窺園者。去鍾山^二為近。由窺園而東北。皆棊畦縱橫。密徑若窮。忽花木照耀篁竹^三中。則歐氏又一村也。瓦室十餘間。蔽其南。以植花藥數十種。拓其軒之北。鍾山偃仰。如在几席上。從籬落^四中見行者。疑深山樵漁。不類塵市人。從余遊者歐生岳庵。及其弟子白。嘗朝夕讀書於是。乃圖之而以記告於余。夫圖記歌詠。恆出於賓客山水聲色之游聚。此皆幻於情而逐於物者也。物不可留。情不可執。卒然合弁。斯會不常。妍窮景畢。執萬化而不釋。於是蔽而自矜。將貽後人。此文字之所以日繁而用多褻也。若夫居家林。玩書史。此豈待於外。而懼樂之不可常哉。然數年以來。子白常侍養於浙。岳庵雖家居。亦囊篋鱗雜。不能吟誦無事如曩時。且才如一二子。豈終徜徉於斯園者。則是圖也。卒前勤。懲後荒。意在斯乎。昔曾子固不以舟車廢其學。而蘇文忠^六直禁內^七。讀書夜分。老兵皆倦臥。彼其視金馬玉堂之中。波濤塵^九堞之內。皆學舍也。故古人有以自立者如此。不然。當貧賤時。曰吾他有求焉。不暇學。富貴矣。則曰吾有以自重者。姑緩之。是殆不足與於斯圖也。二子者其知之矣。

【註音】（堞）音穎

【釋義】（一）漢董仲舒好學。三年目不窺園。此園之名。即取此義。（二）鍾山。在江寧縣西北。（三）篁竹。叢竹也。

（四）籬落。即籬笆。（五）曾子固。即曾鞏。宋南豐人。（六）宋蘇軾謚文忠公。（七）天子所居曰禁。（八）金馬門。漢

時學士待詔之地。玉堂署。宋時翰林承旨之所。（九）堞。塵起貌。

梅伯言吳淞口驗功記

太湖^二三萬六千頃。以經流達於吳淞。吳淞首枕太湖。尾掉黃浦^三。互二百餘里入海。源長流溥。非洪壯深闊。不足以吐納靈湖。網絡神委。明嘉靖^四初。一治於官。一濬於私。後曠不修。喉吻^五縮蓄。浦淑^六差互。芟葦怒生。高卑平夷。水旱皆困。安化陶公^八巡撫江蘇。以道光七年冬十二月。奉命濬疏^九。時羣情獻疑。或守卑論。或求新功。爰斟酌古今。延覽地形。以為徙武康^{一〇}。紆溪^{一一}穿新渠。言失之鑿。廢吳江^{二二}全邑。以濬松江。言失之縱。遷沙村。鑿千橋。開白蜆^{一三}徙湖。委於青龍^{一四}。言失之擾。而元時疏黃浦至新洋^{一五}。功施卑卑。不利洩宣。又失之率。乃鳩工立程。爬扶填淤^{一六}。鏟^{一七}咋^{一八}曲岸。惟其寬深。無改故渠。巨阜連隴。神移鬼推。盤^{一七}滄^{一八}涓^{一八}。澮雲解天動。不踰三月。水工葳事^{一九}。擇期驗功於吳淞口。時富春和。桃楊獻新。水光納天。積^{二〇}封雲卷。龜魚舒波。望墟^{二一}永歸。千帆怒張。如馬縱野。農利普存。歌謠載途。公顏載愉。詩紀其事。和者千焉。雍雍乎元臣之^{二二}。許謨吉甫^{二三}之清風也。乃屬會亮實事以紀。則道光八年九月之十日也。

【註音】(叙)音叙(蜆)胡典切(淞)依倨切(鏟)初限切(咋)音窄(滄)音迂(澮)古外切(葳)丑善切(封)音封

【釋義】(一)吳淞。太湖支流之最大者。自湖東北流。經吳縣崑山松江上海。合黃浦江入海。(二)太湖。古震澤。亦名具區。五湖之一。跨江浙二省。(三)黃浦。江名。首受三泖諸水。東流經松江諸縣。至上海東北。會吳淞江入海。戰國楚春申君黃歇所鑿。(四)嘉靖。明世宗年號。(五)喉吻。喻言黃浦之口。(六)大水有小口別通曰浦。叙。浦

也。(一)安化。縣名。屬湖南省。(二)陶公。名樹。字雲汀。清安化人。官至兩江總督。(三)澮。通也。澮。分也。(四)武康。縣名。屬浙江。(五)紆溪。在武康縣東北。(六)吳江。縣名。屬江蘇。(七)白蜆。江名。在江蘇吳江縣東南。太湖之支流。一名東江。又名白蜆湖。(八)青龍。江名。在江蘇青浦縣北。(九)新洋。江名。今溧。(十)鏹。削也。咋。啗也。(十一)盤盪。旋流也。(十二)涓澮。小流也。(十三)蕪。事畢也。(十四)葑。蕪菁也。或曰菰根。(十五)墟。故城也。又商賈貨物輻湊處。古謂之務。今謂之集。又謂之墟。(十六)訃。大謀也。(十七)吉甫。姓尹。周宣王臣。《詩大雅》。吉甫作誦。穆如清風。

梅伯言光澤縣育嬰堂記

光澤縣當南宋紹熙時。嘗行社倉法。而歲以米三百斛。助民之貧。不舉子者。見於朱子。邵武軍光澤縣社倉記。其收養之詳法。不可知。而古者男女子皆稱子。則所助者必多出於女。無疑也。閩中溺女之俗。不知所自。而非法所能禁。夫腹飢不得食。膚寒不得衣。雖慈母不能保其子。子安能有其母哉。此社倉之法。為不可廢。而自宋迄元明。行者蓋鮮。則即光澤一縣言之。其生不見日月。并不得入於襁褓者。已不知凡幾矣。刑部何君化井。於道光十年。做社倉之意。建育嬰堂。先以己財。育其力之所能給者。因請花邑令周君味蘭。捐金為倡。而邑之士大夫及過客。皆有輸助。其後令復取邑他用之羨。以充入之。於是建廨舍。設董事。嚴錢帛之出入。稽乳婦之勤惰。且以為乳婦而家於堂。勢不便也。故凡所收育。皆置於乳婦之家。而月給錢以為直。其於朱子時社倉條例之同異。不可知。而因時制宜之道。固纖細而無餘弊矣。昔漢章帝。詔嬰兒無父母親屬者。及有子不能養者。

稟給如律。夫嬰兒而無父母親屬。必得乳婦以養之。卽所給稟者。必乳婦也。古人雖文義簡直。而可以意推。則今所行者。亦古人之良法也歟。其宗願船亦官刑部京師。請會亮爲之記。夫始事之勤。固不可不書。而記其成之之難。以冀夫後此者之無有廢。尤爲善者之深意也夫。

【註音】(襤)舉兩切(襦)音保(糜)音解(稟)同廩

【釋義】(一)光澤縣。屬福建省。(二)紹熙。宋光宗年號。(三)宋史。乾道四年。民艱食。朱熹請於府。得常平

六百石賑貸。夏受粟於倉。冬則加息計米以償。隨年斂散。斂蠲其息之半。大飢卽盡蠲之。凡十有四年。得息米三

千萬石。以爲社倉。(四)朱子。卽朱熹。(五)邵武。今縣名。屬福建。宋置軍。元改路。明清爲府。(六)昉。今用與始字通。

(七)襤。織物。以約小兒於背者。襦。小兒衣。(八)花。縣名。屬廣東。(九)羨。餘也。(孟子)以羨補不足。(一〇)漢章帝。章帝名炟。明帝子。詔在章帝三年。(一一)稟。賜穀也。古者取之倉廩以給人食之謂。(中庸)既廩稱事。(一二)願船。名秋。光澤人。道光進士。著有朔方備乘。

梅伯言陳碩士學士授經圖記

漢儒之經學有專師。而又以師法轉相授受。其學之顯晦。一視其徒衆之多寡。與爵位之高卑。而苟其學之不足傳。與傳之不得其人。雖當時爲諸儒所宗。而遺篇斷簡。不可見於後世者。往往有之。惟孔安國董仲舒^二。其學在當時。非如師丹^三張禹^四。以尊官致大師。而古文尙書。與春秋之學。歷久而不廢。蓋司馬遷嘗問故於安國。而聞春秋說於董生。其表章發明之力。爲多。桐城姚姬傳先生。以名節經術文章高出一世。受業而通顯者。如錢南園侍御。孔撝約編修。皆不幸早世。若夫抱遺經。守師說。而自廢於荒江窮

巷之中者。又不為人所從信。惟今侍講學士陳公。方受知於聖主。而以文章詔天下之後進。守乎師之說。如規矩繩墨之不可踰。及道光五年秋。持節主試兩江。兩江人士。莫不訪求姚先生之傳書軼說。家置戶習。以冀有冥冥之合於公。而先生之學。遂愈彰於世。蓋學之足傳。而傳之又得其人。雖一二人。而有足及乎千萬人之勢。亦其理然也。夫先生之書具存。其文章之高奇。說經之通遠。雖好古之士。浮慕焉而未能入。況祿利之士。其不能深知篤好也決矣。然先生之門人。嘗眾矣。而今集其成者。惟公。則學於公者。雖不必盡如公事先生之心。亦必有一二人。如公守師說。而尺寸不踰者。先生之學。其傳於世者。未有艾也。^五公試畢。將歸京師。出授經圖示會亮曰。為我誌之。吾未能一日忘吾師也。嗟夫。會亮固所謂自廢於荒江窮巷之中。而不為人所從信者。於是圖其能無慨於先生哉。

〔釋義〕 (一)孔安國。孔子十二世孫。師事申公。治古文尚書。以今文字讀之。官至諫大夫。臨淮太守。 (二)董仲舒。漢廣川人。少治春秋。嘗下帷講授。三年不窺園。所著有春秋繁露等書。 (三)師丹。字仲公。漢東武人。以經行著。位至大司空。封高樂侯。 (四)張禹。字子文。漢河內軹人。明習經學。試為博士。元帝時。詔授太子論語。成帝時為相。 (五)艾。作止字解。

梅伯言從吾軒從征記事

唐人記高仙芝。征小勃律。其人能以術致妖霧淫雨。章佳公阿桂。年譜記征金川事。頗同。今此記言入打箭鑪。西行四十日。至恩達塘之瓦合山。金

鼓聲立致雷雨。豈荒徼絕域。人有怪徵。地氣亦殊與。蓋天高地下者。自然之氣也。而人氣之充塞。亦有以摩盪而升降之。人物少則中虛。而上下之氣易合。陰陽發亂。不主故常。古聖人所以絕地天之通也。彼殊徼統域者。太古之事。亦如是而已。嗚呼。日闕而日廣者地也。日生而日衆者人也。斯域也。千百年之後。必有良田疇。美竹石。好衣甘食。如吳會中。而且以是書爲妄語者。

【註音】（徼）音叫

【釋義】（一）高仙芝。唐高麗人。善騎射。天寶六載。平小勃律。虜其王。降拂菻大食諸胡七十二國。擢四鎮節度使。安祿山反。仙芝兵敗死。（二）章佳姓。阿桂名。字廣廷。號雲崖。清滿洲正白旗人。乾隆時定伊犁。討緬甸。平兩金川有功。官至大學士。（三）金川。在四川西北邊境。大渡河之上游。爲大金川。又有小金川。源出懋功縣西北。南流來會。均土司地。清乾隆時。土司莎羅奔索諾木先後作亂。平之。（四）打箭鑪。本土司地。俗傳爲武侯打箭於此。清設打箭鑪直隸廳。屬四川。後改康定府。今爲縣。（五）恩達塘。瓦合山。皆西藏地。（六）荒徼。邊界地之稱。（七）書呂刑。乃命重黎。絕地天通。言人神不相犯也。按重黎。卽羲和。堯時掌天文之官。（八）吳會。今江蘇吳縣城。陔餘叢考。會讀若貴。西漢會稽郡治。本在吳縣。時人郡縣連稱。故云。

梅伯言書李林孫事

邲縣陳伯瑜。任俠士也。嘗於巡撫某公座大言曰。某某處教匪當起。時乾隆六十年矣。天下乂安。座中皆搢紳先生大吏官屬也。大譁以爲妖人。嗾某公卽座上執之。伯瑜曰。執我易易耳。若何者而釋。無何川楚賊果起。官吏皆驚。禮爲上客。時賊衆已蔓延。然未入河南界。河南南路四通。輕徙鳥舉。不可制。當事者尤是爲憂。而浸淫聞賊自襄城來。文武吏皆他出守禦。獨布政使馬慧裕提空名守城。實無兵。用伯瑜計。得襄城李林孫。以五百人破賊襄城。時賊已大至。臨水欲渡。聞伯瑜以二百五十人閱兵也。戲觀之。未及戰而後陳囂。林孫以二百五十人出其背。賊前後相紛拏。殺傷過當。乃遁去。林孫已破賊襄城。其鄉兵聲聞梁楚間。林嵐乞其兵守盧氏。賊帥張潮兒來攻。衆號十萬。可二二三萬。嵐卒不滿二千。莫敢進。嵐謝其衆曰。公等皆林孫人。徒死無益。指大樹曰。我官也。死是閭耳。衆怒曰。誰無面目者。致公爲此言。今日戰有不勝賊而生者。撞大石破腦死。嵐拜。衆亦拜。遂戰。賊幾殲。賊走且詬曰。我識若。我識若。林嵐者。河南省試用知縣。後爲安徽省同知。有蓋方泌者。爲陝西商州州同。亦善使鄉民。嘗敗。言笑如平常。衆

怒曰。見人父兄子弟死。反笑為。固不可解也。方泌曰。賊小勝。驕矣。我報父兄子弟仇。戰必勝。珍寶盡有之。我故樂而笑也。衆氣振。復戰。乃大勝。方泌至前戰地。呼亡者而哭曰。好男子。不見吾殺賊而死也。因伏地哭不能已。衆皆哭。汪士鋈曰。吾往來梁楚間。問所聞李林孫者。見之襄城逆旅中。年六十餘矣。而溫厚長者。士鋈與言。言形勢王相用兵奇正之道。皆不省。曰。大豪傑無他。得人心耳。

〔註音〕(郊)音夾(噫)思殿切(望)音勻

〔釋義〕(一)郊縣。屬河南。(二)川楚賊。即白蓮教。嘉慶初。教首聶傑人高均德等先後熾擾川楚。(三)〔史

記主父偃傳〕夫匈奴無城郭之居。委積之守。遷徙鳥舉。難得而制也。(四)襄城。縣名。屬河南。(五)紛拏。亂也。

(六)河南古稱梁。湖北古稱楚。(七)盧氏。縣名。屬河南。(八)詬罵也。(九)王相。陰陽家語。一作旺相。〔論衡〕春夏休

囚。秋冬旺相。〔按〕五行遞旺於四時。凡動作宜乘旺相之氣。如春三月。則木旺火相土死金囚水休。夏三月。則火

旺土相金死水囚木休。俗以得時為旺相。失時為休囚。(一〇)奇正。兵家語。言奇兵與正兵也。〔孫子〕奇正相生。如

循環之無端。

梅伯言書棚民事

余為董文恪公作行狀。盡覽其奏議。其任安徽巡撫。奏準棚民開山事甚力。大旨言與棚民相告訐者。皆溺於龍脈風水之說。至有以數百畝之山。保一棺之士。棄典禮。荒地利。不可施行。而棚民能攻苦茹淡於崇山峻嶺。人迹不可通之地。開種旱穀。以佐稻粱。人無閒民。地無遺利。於策至便。不可禁止。以啓事端。余覽其說而是之。及余來宣城。問諸鄉人。皆言未開之

山。土堅石固。草樹茂密。腐葉積數年。可一二三寸。每天雨從樹至葉。從葉至土石。歷石罅。滴瀝成泉。其下水也緩。又水下而土不隨其下。水緩。故低田受之不爲災。而半月不雨。高田猶受其浸漑。今以斤斧童其山。而以鋤犁疏其土。一雨未畢。沙石隨下。奔流注壑澗中。皆填汙不可貯水。畢至窪田中。乃止。及窪田竭而山田之水無繼者。是爲開不毛之土。而病有穀之田。利無稅之傭。而瘠有稅之戶也。余亦聞其說而是之。嗟夫。利害之不能兩全也久矣。由前之說。可以息事。由後之說。可以保利。若無失其利。而又不至於董公之所憂。則吾蓋未得其術也。故記之以俟夫習民事者。

【釋義】 (一) 棚民。異方之人。山居墾田。架棚而居也。 (二) 董文恪。名教會。字益甫。上元人。乾隆進士。官至閩浙總督。 (三) 告訐。告發人之陰事也。 (四) 堪輿家以山之氣勢爲龍。氣勢有起伏。謂之龍脈。 (五) 宣城。清爲寧國府治。 (六) 山無草木曰童。見「荀子」。 (七) 窪田。卽低田。

梅伯言書楊氏婢

楊氏之寡妾。以貧故。不安於室。嫁有日矣。未嫁前一夕。呼其婢。不應者三。怒曰。汝我婢也。何敢如是。婢叱曰。我楊氏婢耳。汝今誰家婦者。曰我婢我婢。妾方持剪刀落於地。起環走房中。至天曙。呼其婢曰。汝今竟何如。吾復爲爾主矣。婢叩頭泣。妾亦泣。竟謝媒妁_二不行。後將嫁其婢。婢曰。人以其一言。故忍死至今。我亦終不去楊氏門。亦不嫁。妾之夫。楊勤恪公錫紱子也。

【釋義】 (一)曙。曉也。 (二)媒妁。婚姻之紹介人也。媒爲謀合二姓。妁謂斟酌二姓。名異而實同也。一說。男爲媒。女爲妁。 (三)楊錫紱。字方來。江西清江人。字方來。號蘭畹。雍正進士。累官吏部尙書。勤恪其諡也。

梅伯言記日本國事

日本賈人舟膠^二於臺灣。濱海者虜其財。事聞於閩浙總督方公^三。公斬爲掠者三人。償其財。叩頭謝。且固辭曰。大將軍^四令。不敢私入中國。今以風故粹至此。稍以貨歸。舟中人無脫死者矣。公歎異而遣之。蓋方公自爲余言如此。然余獨怪日本以蕞爾^五之夷。法立於國。而民聳然於萬里之外。欲有所拾取則狼顧^六。豈其有異術焉。抑鱗介之民易爲理也。又賈人所攜之書。有紀國之年與事者。其始祖曰天皇。當隋唐之交。後數百年而國有大將軍。號曰尊公。其同姓曰家尊公。威權特甚。有令以火遞^七傳之。頃刻百里。大將軍尤惡天主教。嘗殺數千人。而其教絕。他國有天主教者。皆絕不通。有貨其地者。問事何神。館某廟。舟無守貨。人無所失。而入廟不拜者殺之。以天主教不拜神也。賈他國者。分其贏於大將軍。無他官府。及胥吏假手。故民不以分所有爲苦。亦毫髮不敢欺。嗟夫。彼大將軍雖如王。視中國不過一郡守耳。何乃能若是。階級少則事權一。胥吏去則上下通。然則彼之倔強一隅。而役使如志者。豈無故哉。豈無故哉。

【釋義】

(一)日本。國名。在我國之東。太平洋之西北隅。

(二)膠。舟淺擱也。

(三)方公。名維甸。號葆巖。

(四)日

本當中古至近世之初。由大將軍手握政權。稱爲幕府。朝廷僅擁虛器。迨明治天皇卽位。維新志士起而倒幕尊

王始收回政權。(五)蕞爾。小貌。(六)狼性性。走常還顧。因以喻人之有所畏懼者。(戰國策)秦雖欲深入。則狼顧。恐韓魏之議其後也。(七)火遞。猶言火票。清制馬遞公文。用兵部憑照。令沿途各驛按遞。謂之火票。(八)天主教。基督教之舊派。奉羅馬教皇爲宗主。

梅伯言家譜約書

太七公配許氏。合葬柏槻山一口蝦蟆田。當南宋嘉泰二時。譜所始也。子三人。仲曰九一。配朱氏。合葬柏槻山大井頭。當南宋寶慶三時。子四人。長曰迪九。配汪氏。合葬柏槻山大井頭。當南宋寶祐四時。子四人。長曰壽一。配錢氏。合葬柏槻山之菴隴。當南宋咸淳五時。子三人。長曰魁一。配徐氏。合葬柏槻山飛橋隴西。子四人。季曰清四公。諱卓一。字質齋。配陳氏。合葬柏槻大山之右。歷元天歷六及明洪武七時。子二人。次曰敬同公。諱叔敬。一字欽夫。配郭氏。合葬柏槻山之飛橋北隴。歷元至正八及明宣德九時。子三人。季曰朝甫公。諱榮。配錢氏。合葬柏槻大山之右。祔清四公。歷明永樂一〇及天順一一時。子五人。長曰君重公。諱珍。配李氏。合葬栗木崗。歷明宣德及弘治一二時。子六人。五曰時中公。諱振一三。一字小溪。爲淮王府典膳。配嵇氏。先葬塘衝山。配劉氏。側室余氏。祔。改葬寧國縣方家衝。歷明成化一四及嘉靖一五時。子七人。三曰幼光公。諱繼前。一字南溪。配郭氏。合葬柏槻山之槽水圈。歷明正德一六及隆慶一七時。子四人。三曰毅甫公。諱守立。一字石門。爲江西寧州一八同知。配劉氏。合葬許村雙廟

岡。歷明嘉靖及崇禎時。子四人。長曰懸符公。諱瑞祚。爲浙江衢州府西安縣丞。配劉氏。合葬梅隴。教場山。歷明隆慶及國朝順治時。子三人。長曰期生公。諱士昌。一字大千。邑庠生。配鮑氏。側室胡氏。陳氏。合葬勞山。歷明萬曆及國朝順治時。子五人。長曰定九公。胡氏出。諱文鼎。一字笏菴。歲貢生。明崇禎癸酉年生。國朝康熙辛丑年卒。聖祖仁皇帝命江寧織造曹頌監葬事。配陳夫人。合葬獨山。子一人。正謀公。諱以燕。一字筆侯。康熙癸酉舉人。生順治乙未。卒康熙乙酉。祔定九公墓。配郭夫人。葬雁塔橋。子二人。長爲文穆公。爲會亮之會祖。始奉旨自宣城移籍江寧。賜葬句容縣基隆山麓。配錢吳兩夫人。葬查村橋。王夫人祔姑葬。皆先公卒。故仍葬宣城。嗣孫會亮曰。古今氏族墳墓。非必其子孫陵替。而至於不可識。必自遷居始矣。昔文穆公居江寧。顏所居曰寄圃。志僑居也。今六十餘年。僑者土著。竊恐後世之忘所自也。而譖牒煩重。難時閱。故敬錄本支之諱字。卒葬著於篇。後人可觀焉。嗚呼。祖宗之欲有其子孫。更千百世而無極也。其賢哲有聲者。則曰是能榮其先人。然祖宗固不及知矣。而猶恃子孫之知有其祖宗。其意曰。苟千百世而知吾爲其祖宗。則吾固千百世而有其子孫者矣。爲子孫者。其勿使祖宗之失所恃哉。

〔釋義〕 (一)柏槻山。在安徽宣城縣東南。 (二)嘉泰。南宋寧宗年號。 (三)寶慶。南宋理宗年號。 (四)寶祐。南宋理宗年號。 (五)咸淳。度宗年號。 (六)天歷。元文宗年號。 (七)洪武。明太祖年號。 (八)至正。元順帝年號。 (九)宣德。明宣宗年號。 (一〇)永樂。明成祖年號。 (一一)天順。明英宗年號。 (一二)弘治。明孝宗年號。 (一三)成化。明憲宗年號。 (一四)嘉靖。明世宗年號。 (一五)正德。明武宗年號。 (一六)隆慶。明穆宗年號。 (一七)江西寧州。民國改縣。 (一八)崇禎。明思宗年號。 (一九)衢州府。今廢。西安縣。本爲府治。今爲衢縣。 (二〇)梅隴。在宣城縣西南六十里。 (二一)順治。清世祖年號。 (二二)勞山。在宣城縣東南四十里。有大小二山。 (二三)萬曆。明神宗年號。 (二四)文鼎。一字定九。宣城人。著天算書八十餘種。家居。營祠廟。申宗禁。族屬無博戲。不涉公庭者二十年。 (二五)織造。官名。明清於江寧杭州蘇州。各設專局。織造各項衣料。及制帛誥敕綵繒之類。以供御用及宮廷祭祀頒賞之需。明於三處。各置提督織造太監一人。清改以內務府人員任之。 (二六)獨山。在寧國縣西五里。 (二七)以燕。定九子舉人。 (二八)文穆。名穀成。定九孫。官至左都御史。與修明史天文志。著赤水遺珠。增刪算法統宗等書。 (二九)句容縣。屬江蘇。 (三〇)土著。世居本地之人。出《史記》。

梅伯言謁墓記

道光二二年四月二十五日甲子。由坐吉村入柏槻山謁墓。未至山五里。謁查村橋墓。會祖母錢吳兩夫人之所葬也。至山口謁太七公墓。始遷祖也。春分時。蝦蟇將子於此。徧滿坑谷。故俗謂之蝦蟇田。過此至庵隴。謁壽一公墓。又過此。至飛橋北隴。謁欽夫公墓。又前至飛橋。兩水會橋下。北流二十里成河。過橋。循左澗水。過柏建寺。至柏槻大山。謁質齋公及朝甫公墓。過此至槽水圈。謁南溪公墓。日已暮。乃歸。自過飛橋而東。皆石壁。流水左右夾路。聲洶湧。逆人足如不得前。石壁多大字。石稍長。移其畫出字外。怪不可識。姪六有曰。過槽水圈而東。山愈高。徑愈狹。吾始行也。以足繼以手。

終以尻坐石而移之。乃上水露臺。過七當山。得寧邑界焉。辛丑。至勞山^三。謁大千公墓。山足皆緣以石而土其中。壬寅。至梅隴。謁懸符公墓。未至墓五里。雨先過京山堂寺。路斗絕^四。輿者相枝拄^五。僅乃得上。而寺前土平以寬。清泉竹石。迎媚來者。輒以爲大怪。奇險中無此地也。食畢雨止。乃上教場。卽墓所也。明末有鄉兵屯之。故以名。墓在山絕頂。時時有萬丈壑過肩輿下。壑在右。余睨左壁。在左。余睨右壁。至墓。則山舒兩翼而中平。可田可廬。勞山梅隴墓碣。皆安溪李文貞公書石。五月二日庚午。至寧國縣方家衝。謁小溪公墓。墓在山頂。形如仰盂。中頽而四高之。後有山。持之如柄。山下有溪水南流。而山足展而西。登高望之。若水入山腹矣。乙亥。至獨山^七。謁定九公及正謀公墓。墓有碑曰。江南織造曹頌監造。聖祖仁皇帝特恩也。至栗木崗。謁君重公墓。不一里。至雁塔橋。謁高祖妣郭夫人。曾祖妣王夫人墓。丙子。至許村。謁石門公墓。自獨山至許村。墓四所。無山。當大路側。由坐吉村至柏楓山。一日畢。梅隴。兩日畢。勞山。一日畢。方家衝。兩日畢。獨山。栗木崗。雁塔橋。半日畢。許村。一日畢。凡所謁墓。必高大堅緻。立甃石障^六土於前。必豐碑^九深刻。以記年月名氏。及立碑之子若孫。必布石數丈。以便跪起陳設。必平易墓道。以便出入。必有舍有田。以便守冢者。及謁墓之子孫。又必廣置墓之左右山。或延衰^{一〇}數十里。以植樹木。聳瞻視。又定子孫司事者。一

歲再巡其山。以審界畫。防侵盜。而一山之專設者。四人或八人。故其襟抱清茂。徑路幽美。或終日行。不涉他姓地。如家林焉。不知爲窮山中也。古名卿碩士。其墟里墳墓。檢史冊常不可合。今於千餘年之墓。農夫孺子。得歷歷拜掃之。非梅氏之厚幸歟。亦祖宗之經畫者勤矣。而其時人力之給。物產之豐。亦不能無慨於今昔云。

【註音】(尻)考平聲(拄)音主(贅)側救切(表)音茂

【釋義】(一)蝦蟇。蛙屬。亦作蝦蟆。生田中。食害苗蟲。(二)尻。脊骨尾也。(三)勞山。見前篇注。(四)斗絕。孤懸之義。(五)枝拄。猶言支持也。(六)李文貞。名光地。福建人。清康熙時。官至大學士。(七)獨山。見前篇注。(八)贅。以磚石砌物也。(九)豐碑。本古時下棺之具。今以之通稱墓碑。(一〇)表。長也。

梅伯言觀漁

漁於池者。沈其網而左右縻之。網之緣^{*二}出水可寸許。緣愈狹。魚之躍者愈多。有入者。有出者。有屢躍而不出者。皆經其緣而見之。安知夫魚之躍而出者。不自以爲得耶。又安知夫躍而不出。與躍而反入者。不自咎其躍之不善耶。而漁者視之。忽不加得失於其心。嗟夫。人知魚之無所逃於池也。其魚之躍者可悲也。然則人之躍者何也。

【註音】(緣)音願

【釋義】(一)縻。繫也。(二)緣。言如衣之有領緣也。

朱伯韓北堂侍膳圖記

姚湘坡先生。以所繪北堂侍膳圖示余。圖廣四尺。縱一尺。修竹古木。翳然庭宇。素衣練裙。怡然坐於堂上者。為其母沈太夫人。面白皙微髭而侍側者。即湘坡先生。稍左肩隨而立。為其弟湘舟。其右面微俯。巖然而秀出者。為其季弟湘漁。余曰。天下之至樂。無有逾此者矣。人孰不有此樂。然往往當其境者。視為固然。無足異也。猶記琦少時。侍先大夫飲。有饋蒸豚者。琦方自塾歸。先大夫謂琦曰。汝今日書熟乎。以啖汝。回顧吾弟。牽衣立母旁。先大母年八十。扶杖相視而笑。以為人生骨肉。歡然聚處。恒如是。及長。更歷憂患。顛頓狼狽。奔走道途。忽忽已二十年。今獨吾母張太宜人在耳。余又以宦遊京師。太宜人道遠不果來。弟及諸姪南北乖隔。每於中夜。徬徨卻顧。不獨兒時意象。邈難再得。即曩昔家居骨肉聚處之樂。亦惘然如夢。不可追憶。覽是圖。不能不慨然而歎也。先生以某年官翰林。改銓部。奉贈公諱。歸江南。今年春。復供職來京。太夫人憚於遠涉。不獲迎侍。先生所處之境。其有與余同者耶。嗟夫。世之遠遊而不克顧養者多矣。今先生獨睠睠於此。且為之圖以示不忘。余既重先生之誠。且誌余感。而又以為世之遠遊而忘其親者戒也。迺為之記。

【註音】(巖)音逆(琦)音奇(啖)音淡(惘)齒兩切(睠)同眷

【釋義】(一)詩衛風「焉得諼草。言樹之背。」注「背。北堂也。」按「世俗通稱母為北堂。」(二)皙。色白也。(三)

口上曰髭。口下曰鬚。(四)詩克岐克巖。注「巖。識也。其貌巖巖然。有所識別也。」(五)狼狽。二獸名。相依而行。此以

喻顛蹶之狀。(六)惘然。失意不悅貌。(七)銓部。吏部專司銓選。故名。(八)睠睠。勤厚之意也。

卷一二十八 雜記類五

會滌笙聖哲畫像記

國藩志學不早。中歲側身朝列。竊窺陳編。稍涉先聖昔賢魁儒長者之緒。駑緩多病。百無一成。軍旅馳驅。益以蕪廢。喪亂未平。而吾年將五十矣。往者吾讀班固藝文志。及馬氏經籍考。見其所列書目。叢雜猥多。作者姓氏。至於不可勝數。或昭昭於日月。或湮沒而無聞。及爲文淵閣。直閣校理。每歲二月。侍從宣宗皇帝入閣。得觀四庫全書。其富過於前代所藏遠甚。而存目之書。數十萬卷。尙不在此列。嗚呼。何其多也。雖有生知之資。累世不能竟其業。況其下焉者乎。故書籍之浩浩。著述者之衆。若江海然。非一人之腹所能盡飲也。要在慎擇焉而已。余旣自度其不逮。乃擇古今聖哲三十餘人。命兒子紀澤。圖其遺像。都爲一卷。藏之家塾。後嗣有志讀書。取足於此。不必廣心博驚。而斯文之傳。莫大乎是矣。昔在漢世。若武梁祠。魯靈光殿。皆圖畫偉人事蹟。而列女傳。亦有圖像。感發興起。由來已舊。習其器矣。進而索其神。通其微。合其莫。心誠求之。仁遠乎哉。國藩記。

堯舜禹湯。史臣記言而已。至文王拘幽。始立文字。演周易。周孔代興。六經炳著。師道備矣。秦漢以來。孟子蓋與莊荀並稱。至唐韓氏獨尊異之。而宋

之賢者。以爲可躋之尼山^二之次。崇其書以配論語。後之論者。莫之能易也。茲以亞於三聖人後云。

左氏傳經。多述二周^三典禮。而好稱引奇誕。文辭爛然。浮於質矣。太史公稱莊子之書皆寓言。吾觀子長^三所爲史記。寓言亦居十之六七。班氏閱識孤懷。不逮子長遠甚。然經世之典。六藝之旨。文字之源。幽明之情狀。粲然大備。豈與夫斗筭者^{*一四}爭得失於一先生之前。姝姝^{一五}而自悅者哉。

諸葛公^{一六}當擾攘之世。被服儒者。從容中道。陸敬輿^{一七}事多疑之主。馭難馴之將。燭之以至明。將之以至誠。譬若御駑馬^{一八}登峻坂。縱橫險阻。而不失其馳。何其神也。范希文^{一九}司馬君實^{二〇}遭時差隆。然堅卓誠信。各有孤詣。其以道自持。蔚成風俗。意量亦遠矣。昔劉向稱董仲舒^{二一}王佐之才。伊呂^{二二}無以加。管晏^{二三}之屬。殆不能及。而劉歆^{二三}以爲董子師友所漸。曾不能幾乎游夏^{二四}。以予觀四賢者。雖未逮乎伊呂。固將賢於董子。惜乎不得如劉向父子而論定耳。

自朱子^{二五}表章周子^{二六}二程子^{二七}張子^{二八}以爲上接孔子孟之傳。後世君相師儒。篤守其說。莫之或易。乾隆中閔儒輩起。訓詁博辨。度越昔賢。別立徽志^{二九}。號曰漢學。擯有宋五子之術。以謂不得獨尊。而篤信五子者。亦屏棄漢學。以爲破碎害道。斷斷焉^{三〇}而未有已。吾觀五子立言。其大者多合於洙泗^{三一}。何可議也。其訓釋諸經。小有不當。固當取近世經說以輔翼之。又可屏棄羣言以自

隘乎。斯二者亦俱譏焉。

西漢文章。如子雲三二相如三三之雄偉。此天地遒勁三四之氣。得於陽與剛之美者也。此天地之義氣也。劉向三五匡衡三五之淵懿。此天地溫厚之氣。得於陰與柔之美者也。此天地之仁氣也。東漢以還。淹雅無慙於古。而風骨少隳三六矣。韓柳三七有作。盡取揚馬之雄奇萬變。而內之於薄物小篇之中。豈不詭哉。歐陽氏會三八氏皆法韓公。而體質於匡劉為近。文章之變。莫可窮詰。要之不出此二途。雖百世可知也。

余鈔古今詩。自魏晉至國朝。得十九家。蓋詩之為道廣矣。嗜好趨向。各視其性之所近。猶庶羞百味。羅列鼎俎。但取適吾口者。嗜三四之得飽而已。必窮盡天下之佳肴。辯嘗而後供一饌。是大惑也。必強天下之舌。盡效吾之所嗜。是大愚也。莊子有言。大惑者終身不解。大愚者終身不靈。余於十九家中。又篤守夫四人者焉。唐之李杜四一。宋之蘇黃四二。好之者十有七八。非之者亦且一二。余懼蹈莊子不解不靈之譏。則取足於是。終身焉已耳。

司馬子長網羅舊聞。貫串三古四三。而入書四四。頗病其略。班氏志較詳矣。而斷代為書。無以觀其會通。欲周覽經世之大法。必自杜氏通典四五始矣。馬端臨通考。杜氏伯仲之間。鄭志四六非其倫也。百年以來。學者講求形聲故訓。專治說文。多宗許鄭四七。少談杜馬。吾以許鄭考先王制作之源。杜馬辨後世因革之

要。其於實事求是也。

先王之道。所謂修己治人。經緯萬彙者何歸乎。亦曰禮而已矣。秦滅書籍。漢代諸儒之所掇拾。鄭康成之所以卓絕。皆以禮也。杜君卿通典。言禮者十居其六。其識已跨越八代矣。四八有宋張子朱子之所討論。馬貴與王伯厚四九之所纂輯。莫不以禮爲兢兢。我朝學者。以顧亭林爲宗。國史儒林傳。哀然冠首。吾讀其書。言及禮俗教化。則毅然有守先待後。舍我其誰之志。何其壯也。厥後張蒿菴五〇作中庸論。及江慎修五一戴東原五二輩。尤以禮爲先務。而秦尙書蕙田五三遂纂五禮通考。舉天下古今幽明萬事。而一經之以禮。可謂體大而思精矣。吾圖畫國朝先正遺像。首顧先生。次秦文恭公。亦豈無微旨哉。桐城姚鼐姬傳。高郵王念孫懷祖。其學皆不純於禮。然姚先生持論閎通。國藩之粗解文章。由姚先生啓之也。王氏父子。集小學訓詁之大成。復乎不可幾已。故以殿焉。

姚姬傳氏言學問之途有三。曰義理。曰詞章。曰考據。戴東原氏亦以爲言。如文周孔孟之聖。左莊馬班之才。誠不可以一方體論矣。至若葛陸范馬。在聖門。則以德行而兼政事也。周程張朱。在聖門。則德行之科也。皆義理也。韓柳歐曾。李杜蘇黃。在聖門。則言語之科也。所謂詞章者也。許鄭杜馬。顧秦姚王。在聖門。則文學之科也。顧秦於杜馬爲近。姚王於許鄭爲近。皆

考據也。此三十一子者。師其一人。讀其一書。終身用之。有不能盡。若又有陋於此而求益於外。譬若掘井九仞而不及泉。則以一井爲隘。而必廣掘數十百井。身老力疲。而卒無見泉之一日。其庸有當乎。

自浮屠氏言因果禍福。而爲善獲報之說。深中於人心。牢固而不可破。士

方其佔畢^{*五五}呬^{*五六}。則期報於科第祿仕。或少讀古書。窺著作之林。則責報於

遐邇之譽。後世之名。纂述未及終編。輒冀得一二有力之口。騰播人人之

耳。以償吾勞也。朝耕而暮穫。一施而十報。譬若沽酒市脯^{*}。喧聒以責之貸

者。又取倍稱之息焉。祿利之不遂。則徼倖於沒世不可知之名。甚者至謂

孔子生不得位。歿而俎豆之報。隆於堯舜。鬱鬱者以相證慰。何其陋歟。今

夫三家之市。利析錙銖。或百錢逋負。怨及子孫。若通闡貿易^{*五七}。壞貨山積^{*五八}。動

逾千金。則百錢之有無。有不暇計較者矣。富商大賈。黃金百萬。公私流衍。

則數十百緡^{*五九}之費。有不暇計較者矣。均是人也。所操者大。猶有不暇計其

小者。況天之所操尤大。而於世人毫末之善。口耳分寸之學。而一一謀所

以報之。不亦勞哉。商之貨殖同時同。而或贏或絀。射策^{*六〇}者之所業同。而或

中或罷。爲學著書文深淺同。而或傳或否。或名或不名。亦皆有命焉。非可

強而幾也。古之君子。蓋無日不憂。無日不樂。道之不明。己之不免爲鄉人。

一息之或懈。憂也。居易以俟命。下學而上達。仰不愧而俯不怍^{*}。樂也。自文

王周孔三聖人以下。至於王氏。莫不憂以終身。樂以終身。無所於祈。何所為報。己則自晦。何有於名。惟莊周司馬遷柳宗元三人者。傷悼不遇。怨悱形於簡冊。其於聖賢自得之樂。稍違異矣。然彼自惜不世之才。非夫無實而汲汲時名者比也。苟汲汲於名。則去三十一子也遠矣。將適燕晉而南其轅。其於術不益疏哉。

文周孔孟。班馬左莊。葛陸范馬。周程朱張。韓柳歐曾。李杜蘇黃。許鄭杜馬。顧秦姚王。三十一人。俎豆馨香。臨之在上。質之在旁。

【註音】(簪)所交切(墮)徒回切(躋)才詣切(辯)同偏(佔)同覘(呬)音伊(唔)音吾(脯)音甫(闌)音還(瓊)音瑰(緡)音民(忤)在各切(悱)夫尾切

【釋義】(一)班固字孟堅。彪之長子。東漢人。續成父之西漢書。史志以當時所存典籍彙錄于一編。謂之藝文志。班固始依劉歆七略為之。為漢書八志之一。(二)馬端臨。字貴與。宋樂平人。著文獻通考。為通考中之一類。(三)文淵閣。在北平舊紫禁城內之東南隅。清貯四庫全書。設領閣事及校理等官。(四)紀澤。曾公長子。字劼剛。歷使英法俄等國。襲一等毅勇侯。官至戶部侍郎。有說文重文古文考。羣經臆說詩古文集。(五)武梁祠。在今山東嘉祥縣武宅山。有石室四。壁刻古帝王忠臣義士孝子賢婦畫像。(六)靈光殿。遺址在今山東曲阜縣。東漢景帝子恭王所立。王延壽魯靈光殿賦序。初恭王始都下國。好治宮室。遂因魯信基兆而營焉。遭漢中微。盜賊奔突。自西京未央建章之殿。皆見隳壞。而靈光巋然獨存。(七)列女傳。漢劉向撰。凡七卷。後又有古今烈女傳三卷。明解縉等奉敕撰。(八)殷紂囚文王於羑里。文王演易。作六十四卦彖辭。(九)周孔。周公孔子也。(一〇)荀莊。荀况莊周也。(一一)尼山。在山東曲阜縣東南。孔子父叔梁紇與母顏氏禱於尼丘而生孔子。故名丘。字仲尼。

(一二)二周。東周西周也。(一三)子長。司馬遷字。(一四)斗筲。小器。(一五)姝姝。柔懦也。(莊子)暖暖姝姝。(一六)諸葛公。名亮。字孔明。三國蜀相。(一七)陸敬輿。名贄。唐德宗時相。謚宣公。(一八)駑馬。劣馬也。(一九)范希文。名仲淹。宋仁宗相。謚文正。(二〇)司馬君實。名光。宋陝州夏縣涇水鄉人。歷仕仁宗。英宗。神宗。相哲宗。卒謚文正。(二一)伊呂。商之伊尹。周之呂尚。輔其君於王者。(二二)管晏。春秋時齊相。管仲晏嬰也。(二三)劉歆。字子駿。向之子。與父向領校秘書。集六藝

羣書種別爲七略。經籍目錄之學自歆始。(二)游夏。孔子弟子。子游子夏也。(三)朱子。即朱熹。(四)周子。即周敦頤。(五)二程。即程顥程頤。(六)張子。即張載。(七)徽。如琴弦之有十三徽。徽志。標識也。(八)斷斷。爭辯貌。(九)洙泗。二水名。在今曲阜縣。〔史記〕孔子設教於洙泗之上。(一〇)子雲。揚雄字。(一一)相如。姓司馬。字長卿。漢成都人。武帝時召爲郎。長於辭賦。(一二)適勁。謂適練而勁達也。(一三)匡衡。字稚圭。漢東海人。通經義。封樂昌侯。(一四)隤。降也。(一五)韓柳。即韓愈柳宗元。(一六)歐陽氏。即歐陽修。會氏。即會鞏。(一七)庶羞。各種美味也。(一八)臍。嘗也。(一九)李杜。即李白杜甫。(二〇)蘇黃。即蘇軾黃庭堅。(二一)世稱伏羲氏爲上古。周文王時爲中古。孔子時爲下古。(二二)八書。史記類志政要之文。曰書、禮、樂、律、曆、天官、封禪、河渠、平準共八篇。(二三)杜佑。字君卿。唐萬年人。撰通典二百篇。(二四)鄭樵。字漁仲。宋莆田人。居夾漈山。學者稱夾漈先生。好爲考證。倫類之學。著有通志二百卷。(二五)許鄭。東漢鄭玄許慎也。(二六)八代。東漢、魏、晉、宋、齊、梁、陳、隋。(二七)王伯厚。名應麟。宋慶元人。著有困學紀聞玉海等書。(二八)張蒿菴。名爾岐。字稷若。濟陽人。明季諸生。恪守程朱。尤精三禮。(二九)江慎修。名永。清婺源人。康熙時諸生。博通古今。尤專心于十三經注疏。(三〇)戴東原。名震。清休寧人。學從江氏。世稱江戴。(三一)秦蕙田。字樹峯。號味經。清金匱人。諡文恭。著有五禮通考。(三二)因果。佛家語。因。謂所作者。果。謂所受者。如播其種。因也。收其實。果也。種善因。必得善果。種惡因。必得惡果。乃自然之道。(三三)禮記學記。呻其佔畢。〔注〕佔。視也。畢。簡也。(三四)呶。吟哦聲。(三五)闐。市垣也。(三六)瓊貨。珍奇之貨也。(三七)緡。錢串也。(三八)射策。猶言對策。考試時發策問。令考生對之。

會滌笙求闕齋記

國藩讀易至臨。而喟然歎曰。剛浸而長矣。至於八月有凶。消亦不久也。可畏也哉。天地之氣。陽至矣。則退而生陰。陰至矣。則進而生陽。一損一益者。自然之理也。物生而有耆欲。好盈而惡闕。是故體安車駕。則金輿鑿衡。不足於乘。目辨五色。則黼黻文章。不足於服。由是入音繁會。不足於耳。庶羞珍膳。不足於味。窮巷甕牖之夫。驟膺金紫。物以移其體。習以蕩其志。向所盜捥而不得者。漸乃厭鄙而不屑御。旁觀者以爲固然。不足訾議。故曰位

不期驕。祿不期侈。彼爲象箸。必爲玉杯^九。積漸之勢然也。而好奇之士。巧取曲營。不逐衆之所爭。獨汲汲於所謂名者。道不同不相爲謀。或富貴以飽其欲。或聲譽以厭其情。其於志盈一也。夫名者。先王所以驅一世於軌物也。中人以下。蹈道不實。於是爵祿以顯馭之。名以陰驅之。使之踐其迹。不必明其意。若君子人者。深知夫道德之意。方懼名之既加。則得於內者日浮。將恥之矣。而淺者譁然驚之。不亦悲乎。國藩不肖。備員東宮^二之末。世之所謂清秩。家承餘蔭。自王父母以下。並康彊安順。孟子稱父母俱存。兄弟無故。抑又過之。洪範曰。凡厥庶民。有猷有爲有守。不協於極。不罹於咎。女則錫之福^三。若國藩者。無爲無猷。而多罹於咎。而或錫之福。所謂不稱其服^四者歟。於是名其所居曰求闕齋。凡外至之榮。耳目百體之者。皆使留其缺陷。禮主減而樂主盈^五。樂不可極。以禮節之。庶以制吾性焉。防吾淫焉。若夫令聞廣譽。尤造物所靳予者。實至而歸之。所取已貪矣。況以無實者攘之乎。行非聖人而有完名者。殆不能無所矜飾於其間也。吾亦將守吾闕者焉。

〔註音〕(鑿)倉紅切(黼)音甫(黻)音弗(搯)同扼(揜)同腕

〔釋義〕(一)臨。易卦名。(二)剛浸而長矣。二句。易臨卦語。(三)〔說文〕鑿。鎗也。〔詩周頌儻草有鑿釋文〕鑿。

本作鎗。〔箋〕鎗。金飾也。衡。車轅端橫木。(四)黼黻。衣裳繪繡之文也。白與黑爲黼。黑與青爲黻。(五)文章。文采也。

(六)八音。金石、絲、竹、匏、土、革、木。(七)庶羞。美味也。(八)金紫。謂金章紫綬。仕後之佩帶也。(九)商紂始爲象箸。箕

子歎曰。今爲象箸。必爲玉杯。見〔史記宋微子世家〕。(一)軌物。法度也。〔左隱五年〕君將納民于軌物者也。故講事以度軌量。謂之軌。取材以章物采。謂之物。(二)東宮。太子所居。時會公爲詹事府左右庶子官。(三)洪範。周書篇名。(三)〔書洪範注〕有猷。有謀慮者。有爲。有設施者。有守。有操守者。不協于極。未合于善也。不罹于咎。不陷于惡也。女同沙。福也。爵祿之謂。(四)〔詩曹風〕彼其之子。不稱其服。(五)〔禮記樂記〕故禮主其減。樂主其盈。禮減而進。以進爲文。樂盈而反。以反爲文。

會滌笙槐陰書屋圖記

吾師江陰季先生。自名其寓舍曰槐陰補讀之室。而屬人爲之圖。圖成於道光癸卯之夏。時先生方官內閣學士。職思簡易。曰補讀云者。以爲績學不夙。仕優而後補之。謙退之詞也。是年冬。先生視學安徽。三年還朝。則已掌吏部。或攝戶部。又督漕於潞河。釐鹽於天津。蕩滌田賦積虧於兩浙。庶政倥傯。刻無暇晷。遂有巡撫山西之命。於是先生手圖而告國藩曰。吾昔名吾居室而圖之也。將以讀吾書也。今五六年間。腐精於案牘。倣形神於車塵馬足。曩之不逮。竟不克補。則今之悔。又果可補於後日乎。子爲我記之。志吾疚焉。國藩嘗覽古昔多聞之君子。其從事文學。多不在朝班。而在仕宦遠州之時。雖蘇軾黃庭堅之於詩。論者謂其汴京之作少遜。不敵其在外者之殊絕。蓋屏居外郡。罕與接對。則其志專。而其神能孤往。橫絕於無人之域。若處京師浩穰之中。視聽旁午。甚囂而已矣。尙何精詳之有哉。我朝大儒林興。號爲邁古。然如睢州湯公。儀封張公。江陰楊公。高安朱

公臨桂陳公^二。合河孫公^三。數賢人者。大抵為外吏之日多。宦京朝之日少。即在京朝。其任職也專。其守法也簡。亦常日有餘光。人有餘力。今六部科條^四之繁。既三倍於百年以前。而先生之所歷。或一身而兼數職。一歲而更數役。每夕丑初。趨離宮待漏^五。盡午而後反。曹官白事判牘^六。莫夜不休。又以其間賓接生徒。宴會寮友。伺隙以求終一卷焉而不可得。視數賢人者之處京朝時。勢固不侔矣。此先生所用為憮然也^七。今者先生持節山西。政成而神暇。盡發遺編。以補素願。蓋將與數賢人者。角其實而爭其光。而國藩忝竊高位。乃適蹈先生之所疚。往者不可償。來者不可必。故略述時事。令異世官朝籍者有考焉。

【註音】 (恠)音孔 (憮)音總 (穰)如羊切 (莫)同暮 (憮)音武

【釋義】 (一)江陰季。名芝昌。字雲書。江陰人。官至閩浙總督。 (二)道光癸卯。清宣宗十二年。 (三)優有餘力也。 (四)論語。仕而優則學。 (五)路河。為北運河之上游。即白河。 (六)北宋都河南。稱汴京。 (七)浩。大也。穰。盛也。 (八)睢州。今河南睢縣。湯公名斌。字孔伯。號潛庵。官至工部尚書。謚文正。從祀孔廟。著有洛學編。睢州志。潛庵語錄。 (九)儀封。古縣名。在今河南。張公名伯行。字孝先。官至倉場總督。謚清恪。著有困學錄續錄。正誼堂文集。 (一〇)揚公名時。字凝齋。官至禮部尚書。謚文定。著有楊氏全書。 (一一)高安。縣名。屬江西。朱公名軾。字若瞻。官至大學士。謚文端。著有易春秋詳講。禮記纂言。周禮註解。儀禮節略。 (一二)陳公名宏謀。字汝咨。號榕門。官至大學士。謚文恭。著有培遠堂稿。臨桂縣。今改桂林。 (一三)孫公名嘉淦。字錫公。一字懿齋。官至大學士。謚文定。著有春秋義及文集。合河。今山西興縣。 (一四)六部。即吏、戶、禮、兵、刑、工。 (一五)離宮。即圓明園。為雍正時所賜。後清帝常駐蹕。咸豐時。為英法軍所火。 (一六)待漏。古之計時器。宋王禹偁有待漏院記。 (一七)憮然。失意貌。

曾滌笙養晦堂記

凡民有血氣之性。則常翹然而思有以上人。惡卑而就高。惡貧而覬富。惡寂寂而思赫赫之名。此世人之恆情。而凡民之中。有君子人者。常終身幽默。闇然深退。彼豈生與人異性。誠見夫其大。而知衆人所爭者之不足深較也。蓋論語載齊景公有馬千駟。曾不得與首陽餓孳。絜論短長矣。余嘗卽其說進之。自秦漢以來。迄於今日。達官貴人。何可勝數。當其高據勢要。雍容進止。自以爲材智加人萬萬。及夫身歿觀之。彼與當日之厮役賤卒。汚行賈豎。營營而生。草草而死者。無以異也。而其間又有功業文學。獵取浮名者。自以爲材智加人萬萬。及夫身歿觀之。彼與當日之厮役賤卒。汚行賈豎。營營而生。草草而死者。亦無以異也。然則今日之處高位而獲浮名者。自謂辭晦而居顯。光氣足以自振矣。曾不知其與眼前之厮役賤卒。汚行賈豎之營營者。行將同歸於澌盡。而毫毛無以少異。豈不哀哉。吾友劉君子孟容。湛默而嚴恭。好道而寡欲。自其壯歲。則已泊然而外富貴矣。旣而察物觀變。又能外乎名譽。於是名其所居曰養晦堂。而以書抵國藩爲之記。昔周之末也。莊生閔天下之士。湛於勢利。汨於毀譽。故爲書戒人。以闇默自藏。如所稱董梧宜僚壺子之倫。三致意焉。而揚雄亦稱炎炎者滅。隆隆者絕。高明之家。鬼瞰其室。君子之道。自得於中。而外無所求。飢凍不足於事畜而無怨。舉世不見是而無悶。自以爲晦。天下之至光明也。若夫

奔命於煊赫之途。一旦勢盡意索。求如尋常窮約之人而不可得。烏覩所謂高明者哉。余為備陳所以。蓋堅子孟容之志。後之君子。亦觀省焉。

【註音】（觀）音冀（萃）同殍（漸）音斯（瞰）坎去聲（煊）許元切

【釋義】（一）翹然特起貌。（二）赫赫旺盛貌。（三）闇然隱晦貌。（四）萃亦作殍。餓死人也。（論語）齊景

公有馬千駟。死之日。民無德而稱焉。伯夷叔齊餓于首陽之下。民到于今稱之。（五）雍容氣和貌。（六）營營往來貌。（七）泊然靜默無為也。（八）董梧。吳之有道者。宜僚。姓熊。楚人。壺子。姓林。鄭人。分見「莊子」徐無鬼。山木。應帝王篇。

會滌笙湘鄉縣賓興堂記

自古開國之主。以武功龕定禍亂。而繼體蒙業之君。恆以文德致太平。如漢如魏如宋如陳如拓拔魏如高齊如唐如明。其第一二世嗣為帝者皆諡文。我朝龍興遼瀋。太祖以神武肇基。其製造國書。右文布化。郊廟齋戒諸大典。多成於太宗。文皇帝之世。蓋武以開之。文以守之。干戈方興。未遑雅教。非其志有未逮。亦其時會有不得兼者也。咸豐二年。粵賊洪楊之徒。既已踰嶺而北。由湖湘而犯江漢。長驅東下。入金陵而據之。遂北寇河朔。東躡瀛碣。西擾汾晉。中原糜沸。我湘鄉實始興義旅。轉戰於兩湖江西廣西廣東河南安徽諸行省。所在破敵克城。聲威烜然。號曰湘勇。湘勇之名聞天下。一時宿將。如羅忠節公。王壯武公。李君續賓。兄弟。蕭君啓江。劉君騰。鴻。趙君煥。聯。蔣君益。禮。及余弟國荃輩。皆以仁勇為士卒所親附。歷久而

不渝。蓋武功之懋。非他州縣所可望而及。秦漢稱山西出將。考之安定天二五水隴西諸郡。會不能敵今日之一縣。可謂盛矣。其官斯士者。則有朱侯孫二六詒。唐侯逢辰。黃侯淳熙。賴侯史直。又皆一時賢俊。有循良之績。與邦人士講求吏治將略。互相稱美。訢合無間。同明相照。同氣相求。何其翕應若此。咸豐癸丑二九唐侯臨蒞茲邑。倡捐助餉。練勇防堵。越二年。申詳大憲。奏請增廣文武學額。聖恩加增。永爲定額。人爭頌唐侯之功不衰。是年天下士會試於禮部。湘鄉獨無人赴部應試。唐侯喟然曰。湘鄉之武。非無文也。今或無一士與於春官之試。豈余之不德。不足以興文教歟。抑軍興久而生事。絀公車之欲北者。不足於貲歟。於是捐金若干。買七都田六十三畝。爲賓興公費。又勸諭士民捐買田宅若干。以子午卯酉年租入。爲會試旅費。寅申巳亥年租入。爲鄉試途費。辰戌丑未年租入。爲歲科試卷費。置賓興堂。擇廉正者經紀之。立條明約。既簡既堅。以期久遠。自唐世長吏設賓主。陳俎豆。備管絃。行鄉飲酒禮。歌鹿鳴之詩以餞士。差具前古興賢之義。今猶略存其法。獨不得與計吏偕。士或起白屋無所資藉。則刑廉捐義。媮爲一切。苟以集事無匱乏。枉吾尺以求一日之直。彼有所迫而然也。湘鄉山邑。多狷介自守之士。唐侯禮賢惠衆。所以愛士者甚重。則士之所以自待者。愈不得輕。入無仰事俯畜之累。出無金盡裘敝可憐之色。搏心壹志。以道

於君子之道。而委蛇^{*三三}以隱射乎有司者之程度。境裕而神暇。事半而功倍。然猶有失焉者。蓋什而不能以一二耳。方今大難削平。弓矢載橐^{*三四}。湘中子弟忠義之氣。雄毅不可遏抑之風。鬱而發之於文。道德之宏。文章之富。將必有震耀寰區。稱乎今日之武功。而又將倍焉^{三五}。徒焉者。余雖衰鈍。尚庶幾操左券^{三六}於此。請以右券責之。

【註音】(龕)同戢(濬)音審(碣)音傑(堵)音賭(刑)吾官切(煇)同儉(搏)通專(蛇)音移(橐)音高
 【釋義】(一)「周禮」以鄉三物教萬民而賓興之。「按」科舉時代。士子應鄉試。地方以公費補助之。曰賓興。
 (二)龕定。平定也。(三)繼體。即嗣位。(四)蒙業。受帝業也。(五)漢高祖劉邦。子為文帝恒。魏武帝操。子為文帝丕。宋武帝劉裕。子為文帝義隆。陳武帝霸先。子為文帝蒨。拓拔魏太武帝燾。孫為文成帝濬。高齊神武歡。子為文襄澄。唐高祖淵。子為文皇世民。明高皇元璋。子為文皇棣。(六)龍興。王者崛起也。(七)遼瀋。二水名。皆在遼寧。又遼寧瀋陽二縣名。清太祖自遼陽遷都瀋陽。稱曰盛京。後置奉天府。現仍改為瀋陽。并為遼寧省治。(八)太祖。名努爾哈赤。(九)遼金元清各以其本部所造之字。為國書。(一〇)太宗。名皇太極。(一一)洪楊。洪秀全。楊秀清也。(一二)河朔。謂在黃河之北。(一三)瀛碣。指山東瀛海。碣石。(一四)汾水。在山西省。晉指山西。(一五)糜沸。擾亂也。(一六)烜然。聲威之盛。(一七)羅忠節公。即澤南。(一八)王壯武公。名鏗。字璞山。(一九)李續賓。字迪庵。卒謚忠武。弟續宜。字克讓。號希庵。卒謚勇毅。(二〇)蕭啓江。字濬川。卒謚壯果。(二一)劉騰鴻。字峙衡。卒謚武烈。(二二)趙煥聯。未詳。(二三)蔣益澧。字薊泉。卒謚果敏。(二四)國荃。字沅甫。卒謚忠襄。(二五)安定。縣名。屬甘肅。今改定西。(二六)天水。縣名。屬甘肅。(二七)隴西。縣名。屬甘肅。(二八)訢合。和氣交感也。(二九)咸豐癸丑。清文宗二年。(三〇)防堵。戒備阻遏也。(三一)經紀。經理之意。(三二)刑。作削字解。(三三)委蛇。自得之貌。(三四)橐。韜也。所以歛藏兵器者。(三五)倍。一倍。徒。五倍。(三六)「說文」券。契約也。分為左右。各執其一。以為信也。

會滌笙江甯府學記

同治四年。今相國合肥李公鴻章。改建江甯府學。作孔子廟於冶城山^二。正

殿門廡規制麤備。六年。國藩重至金陵。明年。荷澤馬公新貽繼督兩江。廣
續成之。鑿泮池。建崇聖祠。尊經閣。及學官之廡宇。八年七月工竣。董其役
者爲候補道桂嵩慶。暨知縣廖綸。參將葉圻。既敕既周。初終無懈。冶城山
巔。楊吳宋元皆爲道觀。明日朝天宮。蓋道士祀老子之所也。道家者流。其
初但尙清靜無爲。其後乃稱上通天帝。自漢初不能革秦時諸時。而渭陽
五帝之廟。甘泉泰一之壇。帝皆親往郊見。由是聖王祀天之大典。不掌於
天子之祠官。而方士奪而領之。道家稱天。侵亂禮經。實始於此。其他鍊丹
燒汞。采藥飛昇。符籙禁咒。徵召百神。捕使鬼物諸異術。大率依託天帝。故
其徒所居之宮。名曰朝天。亦猶稱上清紫極之類也。嘉慶道光中。宮觀猶
盛。黃冠數百人。連房櫛比。鼓舞毗庶。咸豐二年。粵賊洪秀全等。盜據金陵。
竊泰西諸國緒餘。燔燒諸廟。羣祀在典與不在典。一切毀棄。獨有事於其
所謂天者。每食必祝。道士及浮屠弟子。並見摧滅。金陵文物之邦。淪爲豺
豕窟宅。三綱九法。掃地盡矣。原夫方士稱天以侵禮官。乃老子所不及料。
迨粵賊稱天以恫羣神而毒四海。則又道士輩所不及料也。聖皇震怒。分
遣將帥。誅殛凶渠。削平諸路。而金陵亦以時戡定。乃得就道家舊區。廓起
宏規。崇祀至聖。暨先賢先儒。將欲黜邪慝而反經。果操何道哉。夫亦曰隆
禮而已矣。先王之制禮也。人人納於軌範之中。自其弱齒。已立制防。灑掃

沃盥有常儀。羹食肴^{*二〇}。有^{*二〇}。定位。綏^{*}纓紳佩^三。有恆度。既長則教之冠禮。以責成人之道。教之昏禮。以明厚別之義。教之喪祭。以篤終而報本。其出而應世。則有士相見^三。以講讓。朝覲以勸忠。其在職。則有二物^三。以興賢。入政^{二四}。以防淫。其深遠者。則教之樂舞。以養和順之氣。備文武之容。教之大學。以達於本末終始之序。治國平天下之術。教之中庸。以盡性而達天。故其材之成。則足以輔世長民。其次亦循循繩矩。三代之士。無或敢遁於奇袤者^{二五}。人無不出於學。學無不衷於禮也。老子之初。固亦精於禮經。孔子告會子子夏。述老聃言禮之說至矣。其後惡末世之苛細。逐華而悖本。斲自然之和。於是矯枉過正。至譏禮者忠信之薄。而亂之首。蓋亦有所激而云然耳。聖人非不知浮文末節。無當於精義。特以禮之本於太^{二六}一起於微眇^{二七}者。不能盡人而語之。則莫若就民生日用之常事爲之制。修焉而爲教。習焉而成俗。俗之既成。則聖人雖歿。而魯中諸儒。猶肆鄉飲大射禮^{二八}於冢旁。至數百年不絕。又烏有窈冥誕妄之說。淆亂民聽者乎。吾觀江甯士大夫。材智雖有短長。而皆不屑詭隨以徇物。其於清靜無爲之旨。帝天禱祀之事。固已峻拒而不惑。孟子言無禮無學。賊民斯興。今兵革已息。學校新立。更相與講明此義。上以佐聖朝匡直之教。下以闢異端而迪吉士^{二九}。蓋廩廩^{*三〇}乎企嚮聖賢之域。豈僅人文彬蔚。鳴盛東南已哉。

【註音】(廡)無上聲(荷)音何(廡)音懈(折)音祈(時)音止(汞)戶孔切(惘)音通(食)音伺(載)仄異切(綏)同綏(廡)同廡

【釋義】(一)李鴻章。字少荃。安徽合肥人。平洪楊有功。封肅毅伯。官至大學士。謚文忠。(二)冶城山。在江蘇

江寧縣。本吳冶鑄之所。因名。東晉謝安嘗與王羲之登冶城。悠然遐思。有高世之想。見《金陵記》。(三)廡。廊屋。

(四)荷澤。縣名。今屬山東省。(五)馬新貽。荷澤人。官至兩江總督。為張汶祥所刺死。謚端敏。(六)《禮王制》。天子曰

辟雍。諸侯曰頴宮。《按》泮頴同。泮之言半。蓋東西門。以南通水。北無水也。(七)孔廟後舊有啓聖祠。祀孔子父叔

梁紇。清雍正初。追封孔子祖五代為王爵。合祀於內。更名崇聖。(八)尊經閣。學宮藏書之所。學以經為重。故名尊

經。(九)楊行密。合肥人。唐昭宗為淮南節度使。後封吳王。悉有淮南江東地。子溥稱帝。世稱為楊吳。(一〇)朝天宮。

在冶城山。楊吳時建紫極宮。宋改天慶觀。明改朝天宮。(一一)時止也。祭天地五帝之地。謂神靈之依止也。《史記

秦本紀》。祠上帝西時。(一二)涇陽五帝廟。在陝西省城南。秦漢時祀五帝之廟。(一三)甘泉。山名。在今陝西淳化縣

西北。《史記樂書》。漢家嘗以正月上辛祠太一甘泉。以昏時夜祠。至明而終。(一四)汞。水銀。(一五)李淳風。父播。仕隋

高唐尉。棄官為道士。號黃冠子。見《唐書方技傳》。(一六)毗庶。謂田野之民也。(一七)文物。言禮樂典章。(一八)三綱。君

臣、父子、夫婦也。(一九)九法。本作九灋。《周禮》。掌建邦國之九灋。(二〇)載。切肉也。《禮記曲禮》。左肴右載。食居人之

左。羹居人之右。(二一)綏纓。皆冠系。紳。大帶之垂者。佩。佩玉。皆見《禮記玉藻》。(二二)冠禮。昏禮。士相見。皆儀禮篇

名。(二三)物。猶事也。《周禮》。以鄉三物教萬民而賓興之。(二四)《禮記王制》。齊人政以防淫。《疏》。飲食、衣服、事為、異

別、度量、數、制也。(二五)衰。通作邪。《周禮》。去其淫怠與奇衰之民。(二六)太一。本作大一。《禮記禮運》。夫禮必本於大

一。《疏》。極大曰太。未分曰一。(二七)微眇。細小也。(二八)鄉飲大射禮。皆儀禮篇名。(二九)吉士。善士也。(三〇)廡。持正

會滌笙箴言書院記

國藩以道光戊戌通籍於朝。湘人官京師者。多同時輩流。其射策先朝者。年宿望。凋散略盡。而少詹事益陽胡雲閣先生。獨為老師祭酒。鄉之人就而考德稽疑。如幽得燭。衆以無隕。而喆嗣潤之。亦以編修趾美名父。回翔

館閣。今兵部侍郎湖北巡撫。海內稱爲宮保。胡公者是也。少詹君晚而纂
弟子箴言十四卷。國藩實嘗受而讀之。自灑掃應對以暨天地經綸。百家
學術。靡不畢具。甄錄古人嘉言。衷以己意。辭淺而指深。要使學者自幼而
端所習。隨其材之小大。董勸漸摩。徐底於成而已。竊嘗究觀夫天之生斯
人也。上智者不常。下愚者亦不常。擾擾萬衆。大率皆中材耳。中材者。導之
東而東。導之西而西。習於善而善。習於惡而惡。其始侗焉無所知識。未幾
而騁耆欲。逐衆好。漸長漸貫而成自然。由一二人以達於通都。漸流漸廣
而成風俗。風之爲物。控之若無有。*一。* 鱗之若易靡。及其既成。發大木。拔大屋。
一動而萬里應。窮天人之力而莫之能禦。先王鑒於此。欲民生蚤慎所習。
於是設爲學校以教之。琴瑟鼓鐘以習其耳。俎豆登降以習其目。詩書諷
誦以習其口。射御投壺以習其筋力。書升以作其能。而郊遂以作其恥。故
其高材則道足濟天下。而智周萬彙。其次亦不失爲圭璧自飭之士。賈生
有言。習與正人居之。不能毋正。猶生長於齊。不能不齊。言也。其不然歟。侍
郎自開府湖北以來。卽以移風易俗爲己任。自部曲之長。郡縣之吏。暨百
執事。片善微長。不敢自暴。而褒許隨之。曰。爾之發見者微。而善端宏大。不
可量也。或有過差。方圖蓋覆。譴亦及之。曰。此猶小*一五。* 眚過是。誅罰重矣。與其
新不苛其舊。表其獨不遺其同。上下兢兢。日有課。月有舉。當時推湖北人

才極盛。侍郎則曰。吾先人箴言中育才之法如此。吾詎能繼述。直什一耳。咸豐十年。侍郎治鄂六載矣。功成而化洽。又以一湖之隔。吾教成於北。而反遺吾父母之邦。其謂我何。於是建箴言書院。將萃益陽之士而大淑之。置良田以廩生徒。儲典籍以饋孤陋。寬其涂轍。而嚴其教條。崇實而黜華。賤通而尚介。循是不廢。豈惟一邑之幸。卽漢之十三家法。宋之洛閩淵源。於是乎在。後有名世者出。觀於胡氏父子。仍世育才。肫肫之意。與余小子慎其所習之說。可以興矣。

【註音】(詰)同哲(侗)音通(鱸)音秋(嘗)音省(肫)章倫切

【釋義】(一)道光戊戌。清宣宗十八年。(二)宦新進。爲之通籍。(三)先朝。指仁宗嘉慶時。(四)益陽。縣名。

屬湖南長沙府。(五)胡雲閣。名達源。林翼父。(六)祭酒。古時燕享。必推年長者。用酒以祭。始創飲食之人。後遂沿爲齒德並尊之稱。(七)潤之。林翼字。(八)宮保。謂太子少保。(九)侗。無知識也。(一〇)鱸。本作躡。躡沓之義。(一一)禮記王制。大樂正論造士之秀者。以告於王。而升之司馬。〔按〕書。謂記其名也。(一二)國外曰郊。郊外曰遠。古司徒視學。簡不帥教者。移之郊。不變。移之遠。又不變。則屏之遠方。(一三)賈生。卽漢賈誼。(一四)開府。謂開建府署。辟置僚屬。漢制。惟三公開府。後多以將軍開府。故後世稱督撫爲開府。(一五)小嘗。小過也。(一六)漢十三家法。漢經學家。有十三博士。(一七)洛閩淵源。卽朱程之學。(一八)肫肫。懇摯貌。



卷二十一十九 雜記類六

會滌筮湖口縣楚軍水師昭忠祠記

咸豐八年七月。國藩將有事於浙江。道出湖口。廣東惠潮嘉道彭君雪琴。方庀材鳩工。建昭忠祠於石鐘山。祀楚軍水師之死事者。告余具疏上聞。八月疏入。報可。明年七月。國藩將有事於四川。再過湖口。則祠工已畢。祀營官蕭節愍公捷三。以下若干人。後楹祀勇丁若干人。其東爲浣香別墅。前曰聽濤眺雨之軒。後曰芸芍齋。齋後傳以小亭。曰且閒亭。亭下有小池。度梁而南。穿石洞東出曰梅隄。迤西少陟山曰鎖江亭。其西絕高曰觀音閣。閣外曰魁星樓。僧徒居之。又西曰坡仙樓。刻蘇氏石鐘山記其上。憑高望遠。吐納萬景。一草一石。煥然增新矣。當楚軍水師之初立也。造舟始於衡陽。大戰始於湘潭。其後克岳州。下武昌。大破田家鎮。今福建提督楊君厚菴。與雪琴暨諸君子。喋血於狂風巨浪之中。燔逆舟以萬計。轉戰無前。可謂至順。其後官軍深入彭蠡之內。賊乘水涸。大塞湖口。遏我舟使不得出。於是水師有外江內湖之分。內者守江西。外者援湖北。驍然若割肝膽。而判爲楚越。終古不得合併。至咸豐七年九月。攻克湖口。兩軍復合。蓋相持三年之久。死傷數千人之多。僅乃舉之。方其戰爭之際。礮震肉飛。血瀑

石壁。士飢將困。窘若拘囚。羣疑衆侮。積淚漲江。以求奪此一關而不可得。何其苦也。及夫祠成之後。裸*一四薦鼓鐘。士女瞻拜。名花異卉。旖旎*一五啾瑯*一六江色湖光。呼吸萬里。曠然若不復知兵革之未息者。又何樂也。時乎安樂。雖賢者不能作無事之響*一七。時乎困苦。雖達者不能作違衆之驩欣。人心之喜戚。夫豈不以境哉。吾因是而思夫豪傑用兵。或敝一生之力。擲千萬人之性命。以爭尺寸之士。不得則鬱鬱以死者。寧皆憂斯民哉。亦將以境有所迫。而勢有所劫者然也。若夫喜戚一主於己。不遷於境。雖處富貴貧賤死生成敗而不少移易。非君子人者而能庶幾乎。余昔久困彭蠡之內。蓋幾不能自克*一八。感彭君新構此祠。有登臨覽觀之美。粗為發其凡焉。

【註音】(庀)音庇(陽)安古切(喋)音牒(驩)呼號切(裸)音貫(旖)音倚(旒)乃倚切(啾)即田切(瑯)七羊切(響)音頻

【釋義】(一)湖口。縣名。屬江西。以在鄱陽湖口。故名。地居江湖之衝。為長江水師中路要塞。(二)廣東惠潮嘉道。清廣東惠州潮州嘉應二府一州之道員。(三)彭雪琴。名玉璣。清湖南衡陽人。供揚軍起。會統長江水師。累官兵部尚書。卒諡剛直。(四)庀。治也。(五)鳩。聚也。(六)石鐘山。在江西湖口縣。宋蘇軾有石鐘山記。(七)蕭捷三。字敏南。湖南武陵人。死於湖口之難。諡節愍。(八)陽。同鳩。小障。(九)楊厚菴。名載福。又名岳斌。湖南善化人。以水師立功。官至陝甘總督。(一〇)喋血。血流貌。《史記魏豹彭越傳》喋血乘勝。(一一)彭蠡。即江西鄱陽湖。(一二)驩然。解物聲也。《莊子》奏刀驩然。(一三)終古。久遠之意。(一四)裸。用鬱鬯之酒。灌地以降神也。(一五)旖旎。旌旗從風之貌。引伸為柔順之貌。(一六)啾瑯。花卉受風。如鳴玉聲。《楚辭》鳴玉鸞之啾啾。《詩小雅》八鸞瑯瑯。(一七)響。眉蹙而愁也。(一八)清咸豐四年。外江內湖水師既隔絕。外江之戰船。被太平軍用小艇擲火。焚燬無數。水師大潰。曾公走羅軍。以免憤欲自剄。為羅公勸阻。

會滌笙金陵軍營官紳昭忠祠記

嗚呼。軍興以來。死事者多矣。而金陵尤爲忠義之所萃云。咸豐二年十二月。賊陷武昌漢陽。掠取巨舟萬數。三年正月。蔽江東下。連陷九江安慶蕪湖各城。遂破金陵。據爲僞都。城中官紳與駐防之軍民。並及於難。當是時。天子已命向榮爲欽差大臣。自湖北逐賊而東。至則城陷已逾旬日。又繼陷鎮江揚州兩府。而都統琦善亦以欽差大臣由河南南進至揚州。自是後。廣西元從諸軍駐金陵者。號爲江南大營。北來新集諸軍駐揚州者。號爲江北大營。鎮江別屯一軍。則金陵分兵駐之。與揚州之師相爲犄角。未幾。揚州之賊分支北竄河南直隸。金陵之賊分支西竄江西湖北。而鎮江之賊破我營壘。別有粵人爲亂。攻陷上海。其冬北軍克復揚州儀徵。羣賊移據瓜洲。四年。督師琦公卒。托明阿接統北軍。五年。江蘇巡撫吉爾杭阿克復上海。移師圍攻鎮江。六年春。南路賊陷甯國。北路賊復陷揚州。托明阿罷職。德興阿接統北軍。旋克揚州。其夏巡撫吉公戰歿於高資。金陵大營亦陷。督師向公退守丹陽。已而病卒。朝廷命和春爲欽差大臣。而命張國樑爲總統。七年冬。南軍克復鎮江。北軍同日克瓜洲。八年。南軍築長圍以困金陵之賊。北軍大挫於浦口。賊陷江浦天長。儀徵揚州六合。張國樑北援揚州。克之。九年。德興阿劾罷。江北不復置帥。以江南大帥兼轄。十年正

月。張國樑克九狄洲^{一七}。二月。皖南羣賊攻陷杭州。江南遣張玉良^{一八}援杭。克之。
三月。賊破建平^{一九}。東壩^{二〇}。溧陽。羣萃金陵。攻陷大營。我師潰奔。常州蘇州繼陷。
是後馮子材^{三一}等堅守鎮江。都興阿^{三三}等堅守揚州。數年無恙。蓋自咸豐癸丑
以迄庚申。耳目衆著之事。大略如此。其餘南軍攻取旁近郡縣。若太平燕
^{三三}湖丹陽溧水溧陽高淳句容^{三四}。屢克屢陷。不常其得失。或北援揚州江浦。警
報朝聞。南師夕渡。而城外賊壘。濱江要隘。亦無月不事攻戰。擲千百性命
以爭尺寸之士。當時中外盛稱江南勁旅。聲威出北軍上遠甚。諸路告急
金陵。往往分兵四出援剿。其致敗亦終以此。始至之秋。卽遣虎嵩林^{三五}馳援
上海。既又遣和春赴援廬州。甯國失守。則遣鄧紹良^{三六}自浙援之。數年。鄧君
戰亡。又遣鄭魁士^{三七}繼之。賊圍衢州。則遣周天受^{三八}等援浙。賊入延建^{三九}。又濟師
以援閩。近者數百里。遠者二三千里。孤軍轉鬪。累月不歸。饋餉^{三〇}乖時。忍飢
赴敵。膏塗原野。莫相收卹。而金陵之賊。見我軍遠征者多。居守者少。營壘
空虛。炊煙日滅。晝夜謀所以覆我者。咸豐六年。大營失陷。正坐壘闕兵單
之故。最後十年之役。則長圍已成。汎地^{三一}愈廣。我軍分兵救浙。不能遽反。而
自浙回竄之賊。皖南江北之賊。十道並進。乃一發而不可禦。將士方冀合
圍之後。犁穴擒渠^{三二}。策勳有期^{三三}。不意倉皇潰敗。有如沙飛河決。蕩析南奔。死
亡不可勝數。其僅有存者。張玉良收集餘燼^{三四}。以攻嘉興^{三五}。以守杭州。至明年

杭城再陷。而金陵大營八萬人者。蕩然無復留遺矣。當諸將屯駐秣陵。向公榮張公國樑。最負重望。其餘智者竭謀。勇者殫力。亦豈不切齒圖功。思得當以報國。事會未至。窮天下之力。而無如何。彼六七僞王者。三七各挾數十萬之衆。代興迭盛。橫行一時。而上游沿江千里。亦足轉輸盜糧。及賊勢將衰。諸會次第僵斃。而廣封駮三八豎至百餘王之多。權分而勢益散。長江既清。賊糧漸匱。厥後楚軍圍金陵。兩載而告克。非前者果拙。而後者果工也。時未可爲。則聖哲亦終無成。時可爲。則事半而功倍也。皆天也。既克三載。同治六年之冬。乃建昭忠祠於蓮花第五橋。祀先後死事者。同堂而異室。其中一室。祀二二年二月江甯初陷時守城殉難之員。其東一室。祀二三年至十年城外大營傷亡之員。其西一室。祀城內及江甯七屬紳士。三九而外郡紳士死於此者。亦與焉。又東一室。祀金陵將領出援各路。死於甯國及浙江等處者。又西一室。祀鎮江及揚州死事之員。鎮江本金陵所分之軍。揚州亦與金陵一體。其後又歸南軍兼轄故也。工既竣。粗爲記其梗概。至於歷年戰爭。良將猛士之勞。攻牢保危之策。將具於國史。茲不復備述云。

【註音】(餽)音運(汛)音信(駮)我駭切

【釋義】(一)向榮。字欣然。四川大寧人。以軍功累官提督。元從諸軍。卽榮所領者。(二)琦善。滿洲人。以辦禁烟事。嘗劾林則徐。議和不設備。致喪師辱國。(三)犄。亦作犄。牽一足也。(四)左襄十四年。譬如捕鹿。晉人角之。諸戎拑之。(四)粵人。劉麗川也。(五)儀徵。縣名。屬江蘇。(六)瓜洲。鎮名。在江蘇江都縣南。大江之濱。當運河之口。(七)

托明阿。滿洲人。(一)吉爾杭阿。滿洲人。字雨山。死鎮江。諡忠烈。(九)德興阿。亦滿洲人。(二)和春。亦滿人。死常州。諡忠壯。(三)張國樞。初名嘉祥。字殿臣。廣東高要人。官至湖南提督。屢戰有功。扼於和春。丹陽失守。大營奔潰。死之。(三)總統。為統兵最高級之稱。(三)浦口。舊稱浦子口。在江蘇江浦縣東。為南北要津。(四)江浦。縣名。屬江蘇。(五)天長。縣名。屬安徽。(六)六合。縣名。屬江蘇。(七)九洲。為江寧對岸重鎮。(八)張玉良。四川人。名亞國樞。死於杭城之難。諡忠壯。(九)建平。舊安徽縣名。今改為郎溪縣。(二)東壩。在江蘇高淳縣治東南。(三)馮子材。字萃亭。廣東欽州人。官至提督。嘗敗法兵。(三)都興阿。字直夫。滿人。官至盛京將軍。(三)太平。蕪湖。皆安徽縣名。(四)溧陽。溧水。高淳。句容。皆縣名。屬江蘇。(五)虎嵩林。四川人。提督坤元之父。(六)鄧紹良。字臣若。湖南乾州廳人。向榮屬將。官至提督。(七)鄭魁士。會官浙江提督。(八)周天受。四川人。官至湖南提督。死於寧國。諡忠壯。(九)延寔。即延平。建寧。福建府名。延平今為南平縣。(三)釋文。譚本作運。言運糧也。(三)瓜地。謂軍險所防地。(三)黎平也。渠首也。(三)策勳。謂書其功於策。而命之也。(孔叢子)饗有功於祖廟。舍爵策勳。(四)餘燼。謂火燬之餘。以喻殘敗之兵。(五)嘉興。浙江縣名。(六)秣陵。即江寧縣。(七)偽王。指東王楊秀清。北王韋昌輝。西王蕭朝貴。南王馮雲山。翼王石達開。忠王李秀成。侍王李世賢等。(八)駮賢。指干王洪仁玕。邱王洪仁政等。(九)七屬。指舊江寧所屬上元。江寧。句容。溧水。江浦。六合。高淳。七縣。

會滌笙金陵湘軍陸師昭忠祠記

同治二年六月既望。大軍克復金陵。國藩至自安慶。犒勞士卒。見吾弟國荃。面顏憔悴。諸將枯瘠。神色非人。蓋盛暑攻戰。晝夜暴露城下。半月而未息。余既驚痛而撫慰之。乃徧行營壘。周視所開地道。覽戰爭之遺蹟。彭君毓橘。劉君連捷。蕭君孚泗。朱君南桂。相與前導而指示曰。某所。某將盡命處也。某所。賊困我之地也。諸君所不備述。吾弟又太息而縷述之。弟之言曰。自吾圍此城。壯士多以攻堅而死。賊於城外環築堅壘數十。大者略與城埒。攢以小營。障以長塢。甃石如鐵。掘塹如川。牢不可拔。我軍以元年五

月之初。始克江寧鎮^七。三汊河^八大勝關各壘。二年五月。李臣典^{一〇}等克雨花臺^二。及南門各壘。劉連捷等會同水師克九淤洲中關下關各壘。其江東橋之壘。則陳湜^{*二二}等於八月克之。上方門高橋門^{二二}七甕橋^{二四}土山^{二五}方山^{二六}各壘。則蕭慶^{二七}衍^{二七}蕭孚泗等於九月克之。是時朱南桂亦克博望鎮^{二九}趙三元^{二九}等亦克中和橋^{二〇}秣陵關^{二二}。至十月克解溪^{三三}隆都^{三三}湖墅^{*二四}。而東南剗削略盡。三年正月。彭毓橘^{二五}黃潤昌^{二五}等。乃克鍾山高壘。賊所署爲天保城者也。每破一壘。將士須臾殞命。率常數百人。回首有餘慟焉。其穿地道以圖大城者。凡南門一穴。朝陽至鍾阜門^{二六}。三十三穴。篝火而入地。崖崩而窟塞。則縱橫聚葬於其中。賊或穿隧^{二七}以迎我。薰以毒煙。灌以沸湯。則趨者^{*二八}倖脫。而愆者^{*二九}就殲。最後神策門之役。城陷矣。而功不成。龍膊^{*}之役。功成矣。而死傷亦多。於是歎攻堅之難。而逝者之可憫也。毓橘之言曰。我軍薄雨花臺。未幾疾疫大行。兄病而弟染。朝笑而夕僵。十幕而五不常爨。一夫暴斃。數人送葬。比其反而半^{*三〇}。殆於途。近縣之藥既罄。乃巨艦連檣。徵藥於皖鄂諸省。當是時也。羣醫旁午^{三一}。而僞王李秀成^{三二}等大至。援賊三十萬。圍我營者數重。我軍力疾禦之。一夕築小壘無數。障糧道以屬之江。賊益番休迭進^{三三}。蠃^{*}傅環攻。累箱實土。以作櫓^{三四}。楯^{*}挾西洋開花礮自空下擊。子落則石裂鐵飛。多掘地道。屢陷營壁。凡苦守四十五日。至冬初而圍解。軍士物故。殆五千人。會有天幸。九帥獨免於

病。目不交睫者月餘。而勤劬如故。雖槍傷輔頰三六。血漬重襟。猶能裹創巡營。用是轉危而為安。靖毅公則病後過勞。竟以不起。九帥者。軍中舊呼國荃之稱。靖毅者。吾季弟貞幹諡也。連捷之言曰。李會解圍去後。率眾渡江。連陷江浦和州含山巢縣三七。皆我軍新取之城。得而復失。九帥乃分兵守西梁山三八。遣連捷與彭毓橘輩救援江北。既解石澗埠三九之圍。破運漕銅城四〇。聞之賊。遂偕水師連收四城。江北大定。劇賊益衰。然我眾死者。亦不可勝數也。南桂之言曰。方金陵官軍圍困之際。同時鮑超四一之軍。亦困於甯國。水師亦困於金柱關。金柱關者。水陽江及羣湖所自出。蕪湖之藩衛也。九帥乃分兵守東梁山。而遣南桂與朱洪章四二羅洪元四三輩。力扼此關。夾河而與之上下。亂流而相攻。卯而戰。酉而不休。水營捷。陸營或挫。一夕數起。一餐屢輟。凡七閱月而事稍定。百里內外。白骨相望。時聞私祭夜泣之聲。天下之至慘也。於是國荃與諸將並進稱曰。此軍經營安慶。翦伐沿江諸城。凋喪尙少。獨至金陵。而死於攻。死於守。死於疾疫。死於北援巢和。南援蕪湖太平四四。乃籌計而不能終。今存者幸荷國恩。封賞進秩。而歿者抱憾無窮。鷄鳴山下四五。有賊造府第一區。若奏建昭忠祠。春秋致祭。庶以慰忠魂而塞吾悲耳。國藩具疏上聞。制曰可。黃君潤昌爰董其事。取有冊可稽者。造神主一萬一千六百三十有奇。無冊者姑闕焉。甫歷三載。楹棟枉橈。牆宇敝墜。同治六年。

省中僚友。集議廊而新之。基扃固護。籩豆有嚴。國藩乃追。敘所聞於諸君者。而系以詩章。用備樂歌。詩曰。

人無貴賤。天壽賢愚。終歸於死。萬古同塗。死而得所。身殄魂愉。六朝舊京。

逆豎所都。濯征十載。莫竟天誅。嗟我湘人。銳師東討。非祕非奇。忠義是寶。

下誓同袍。上盟有昊。昊天藐藐。成務實難。祚我百順。阨我千艱。狂寇所噬。

刈人如菅。積魄若山。偉哉多士。夷險一節。萬死靡他。心堅屈鐵。

鑒彼巧偷。守茲貞拙。縷血所藏。后土長熱。卒收名城。獲醜擒王。寵賁冥漠。

千禩馨香。新廟孔赫。彝學將將。天子之錫。烈士之光。

【註音】(鬻)音緇(以)楚嫁切(湜)音殖(壘)音士(趨)音喬(嚙)苦角切(膊)匹各切(瘞)方九切(蠟)同蠟(楯)同盾(睫)音接(餒)同敬丘奇切(陟)音舵(菅)音姦(疹)音麗(醜)才資切(禩)同祀(孽)音夷(將)千羊切

【釋義】(一)彭毓橘。湘鄉人。字杏南。清湖南湘鄉人。官至布政使。死於捻難。(二)劉連捷。湘鄉人。字南雲。官

至布政使。著有臨陣心法。(三)蕭孚泗。毓橘之營將。(四)朱南桂。長沙人。由行伍從羅澤南軍。所向有功。官至歸

德鎮總兵。卒謚勤勇。(五)長陽。以泥土築成之屏障也。(六)凡以磚砌物曰鬻。(七)江寧鎮。在江寧縣西南六十

里。(八)三汊河。在六合縣南滁河上。(九)大勝關。在江寧縣西南三十里。(一〇)李臣典。邵陽人。字祥雲。金陵之下。

李實首功。未幾卒。謚忠壯。(一一)雨花臺。在江寧縣南。(一二)陳湜。字舫仙。湖南湘鄉人。官至江蘇布政使。(一三)上方。

高橋。南京外郭之門。(一四)七甕橋。在上方門北數里。(一五)土山。上元縣東南三十里。(一六)方山。六合縣東三十里。

(一七)蕭慶衍。初從李續宜與太平軍戰。以功官至提督。(一八)博望鎮。在當塗縣西南三十里。(一九)趙三元。營將。

(二〇)中和橋。在通濟門東南。(二一)秣陵關。江寧縣南五十里。明設關。(二二)解溪。鎮名。在今江寧城南三十里。(二三)

隆都。鎮名。在今江寧城南十里。(二四)湖墅。在六合縣東。古城名。(二五)黃潤昌。字邵坤。湖南湘潭人。官至按察使。

(二六)南京凡十六門。東有玄武。〔舊豐潤〕太平。中山。〔舊朝陽〕南有光華。〔舊洪武〕通濟。武定。中華。〔舊聚寶〕西

有挹江。〔舊海陵〕定淮。清涼。漢西。水西北有和平。〔舊神策〕鍾阜。金川。與中。〔舊儀鳳〕等。〔二七〕隄。地道。〔二八〕鵠。善走也。〔二九〕慤。實實也。〔禮禮器〕不然則已慤。〔三〇〕慤。同仆。倒斃也。〔三一〕旁午。事煩雜也。〔三二〕李秀成。即忠王。太平將中之有智略者。〔三三〕番休迭進。謂更番休息而遞進也。〔三四〕檣。大盾也。〔三五〕睫。目旁毛。〔三六〕輔。上頰。面旁。〔易咸〕咸其輔頰舌。〔三七〕和州。含山。巢縣。三縣皆屬安徽。〔三八〕西梁山。在和縣。一名天門山。與東梁山對峙。〔三九〕石澗埠。在今安徽無為縣北三十里。〔四〇〕銅城關。在今安徽無為縣東北四十餘里。〔四一〕鮑超。四川奉節人。字春霆。官至湖南提督。〔四二〕朱洪章。字煥文。貴州黎平人。官至總兵。〔四三〕羅洪元。亦會公營將。〔四四〕蕪湖。太平。皆安徽縣名。〔四五〕雞鳴山。在江寧西北七里。〔四六〕枉撓。屈曲也。〔四七〕餒。大也。〔詩大雅〕饑征徐國。〔四八〕同袍。甘苦相共之意。〔詩秦風〕豈曰無衣。與子同袍。〔四九〕藐藐。大貌。〔五〇〕菅。草名。〔五一〕疹。惡氣也。〔五二〕醜。死人骨之有肉者。〔五三〕醜。衆也。惡也。〔詩小雅〕執訊獲醜。〔五四〕賁。飾也。〔五五〕罍。酒器。

會滌笙湘鄉昭忠祠記

咸豐二年八月。粵賊圍攻湖南省城。既解嚴。巡撫張公亮基^二檄調湘鄉團丁千人。至長沙備防守。羅忠節公澤南。王壯武公^三等。以諸生率千人者。以往。維時國藩方以母憂歸里。奉命治團練於長沙。因奏言團練保衛鄉里。法當由本團釀金養之。不食於官。緩急終不可恃。不若募團丁為官員。糧餉取諸公家。請就見調之千人。略仿戚元敬^四氏成法。東伍練技。以備不時之衛。由是吾邑團卒。號曰湘勇。二年春。平土寇於衡山。破逆黨於桂東^五。其夏。粵賊圍江西省城。國藩募湘勇二千。楚勇千人。羅忠節公輩率之東援。初戰失利。營官謝邦翰。易良榦^六等殉難。湘勇之越境剿賊。將領之力戰捐軀。實始於此。余聞而悼之。議立忠義祠於縣城。祀湘人與於南昌之難。

者。其冬。余奉命籌備舟師。乃募湘勇水陸萬人。明年率之東討。岳州之役。陸兵敗挫。雖旋有湘潭之捷。而湘士中燿*七。既而整軍再出。羅公暨李忠武公續賓。率湘勇以從。於是大雋於岳州。克武漢。下蘄黃。破田家鎮。復江西弋陽信州甯州。又以其間由江還鄂。掃蕩枝縣。再克武昌省會。咸豐五六_二年間。羅李湘勇之名震天下。而王壯武公與劉武烈公騰鳩*九。蕭壯果公啓江。暨巡撫蔣公益*二。皆提湘勇。征戰湖北江西廣東等省。所在有聲。然羅公王公劉公。遂以六七年間先後徂謝。而將士傷亡者滋益多。前所議建之忠義祠。規制隘庫*三。不足以嚴典祀。咸豐八年秋。國藩乃與李公具疏會奏。請立昭忠祠於湘鄉。令有司春秋致祭。天子許之。吾邑軍士。歿有餘榮已。未幾而舒城三河之難作。李公殉節。部下死者殆六千人。國藩私憂。以謂湘中士氣。恐不復振。其後李公之弟勇毅公續宜。重輯部曲。轉戰皖北。張忠毅公運蘭*四。及唐總戎義渠輩之師。轉戰皖南。而吾弟國荃。遂以湘士克復安慶金陵兩省。蔣公暨楊公昌濬*六。亦用湘人平浙江。伐福建。張忠毅公亦戰歿於閩。東南數省。莫不有湘軍之旌旗。中外皆歎異焉。其西北諸道。則提督劉君松山*七。追逐捻匪於河南山東直隸。征叛回於陝西甘肅。而按察使陳君湜*八。防守山西。其西南諸道。則蕭壯果公率師入蜀。而巡撫劉公蓉。屢平蜀寇。總督劉公嶽昭*八。暨諸湘軍。又自蜀而南入黔。西入滇。

一縣之人。征伐徧於十入行省。近古未嘗有也。當其負羽遠征。乖離骨肉。或苦戰而授命。或邂逅而戕生。殘骸暴於荒原。凶問遲而不審。老母寡婦。望祭宵哭。可謂極人世之至悲。然而前者覆亡。後者繼往。蹈百死而不辭。困阨無所遇而不悔者。何哉。豈皆迫於生事。逐風塵而不返與。亦由前此死義數君子者為之倡。忠誠所感。氣機鼓動而不能自已也。君子之道。莫大乎以忠誠為天下倡。世之亂也。上下縱於亡等之欲。姦偽相吞。變詐相角。自圖其安。而予人以至危。畏難避害。會不肯捐絲粟之力。以拯天下。得忠誠者起而矯之。克己而愛人。去偽而崇拙。躬履諸艱而不責人以同患。浩然捐生。如遠游之還鄉而無所顧悸。由是眾人效其所為。亦皆以苟活為羞。以避事為恥。嗚呼。吾鄉數君子。所以鼓舞羣倫。歷九州而戡大亂。非拙且誠者之效與。亦豈始事時所及料哉。今海宇麤安。昭忠祠落成有年。而邑中壯士。效命疆場者尚不乏人。能常葆此拙且誠者。出而濟世。入而表里羣材之興也。不可量矣。又豈僅以武節彪炳寰區也乎。

【註音】(龔)古珍字(燿)音尖(雋)全上聲(澧)音禮(庫)音卑(湜)音殖

【釋義】(一)解嚴。解嚴息甲。見〔南史〕。(二)張亮基。字石卿。江蘇銅山人。官至雲貴總督。(三)王龔。字璞山。

湖南湘鄉人。贈布政使。諡壯武。著有練勇芻言。(四)戚元敬。名繼光。明定遠人。善練兵。著有練兵實紀等書。(五)

衡山桂東。湖南縣名。(六)謝邦翰。易良榦。皆湘鄉人。羅澤南弟子。謝字春池。易字臨莊。戰死南昌城下。(七)燿。火

滅也。(八)左莊十一年。得雋曰克。謂戰勝得其雄雋。(九)劉騰鴻。湘鄉人。字峙衡。以布衣保至直隸州。(一〇)蕭

啓江。字濬川。湘鄉人。官至按察使。(一一)蔣益澧。湖南安福人。字薊泉。官至廣東巡撫。有平浙功。(一二)庫。下也。(一三)

李公指李續賓。(一四)張運蘭。字凱章。湘鄉人。官至按察使。死於太平之難。(一五)唐總戎。名訓方。字義集。湖南常寧人。嘗爲安徽巡撫。風義高峻。篤於師友。祀湖北名宦祠。(一六)楊昌濬。湖南人。字石泉。官至陝甘總督。羅澤南弟子。(一七)劉松山。字壽卿。湘鄉人。官至提督。死於回難。(一八)劉嶽昭。字蓋臣。湘鄉人。官至雲貴總督。(一九)負羽。謂背帶箭也。(揚雄羽獵賦)賁育之倫。蒙盾負羽。杖鎬邪而羅者。以萬計。(二〇)古分天下爲九州。兗、冀、青、徐、豫、荆、揚、雍、梁也。

會滌笙金陵楚軍水師昭忠祠記

咸豐九年。今侍郎彭公玉麟。建水師昭忠祠於湖口。既刻石敘述戰事。又屬余爲之記。維時湖口以下。長江千里。皆賊地也。其明年。金陵官軍潰敗。蘇浙淪陷。國藩奉命總制兩江。乃議設淮揚水師一軍。以黃君翼升統之。又二年。議設太湖水師一軍。以李君朝斌統之。厥後兩君者。皆沿江遵海。以達於蘇松常州諸內河。而上游吳楚之交。惟彭公與總督楊公岳斌_三之師。羅列如故。咸豐十一年。克復安慶。同治元年。下蕪湖金柱關。及東西梁山。二年。克九淤洲。三年。遂克金陵。而蘇州省會。及所屬郡縣。以次廓清。水師皆有力焉。余憫死事者之多。於是又奏建昭忠祠於金陵。以妥將士之靈。蓋自湖口而下。賊中無復大隊礮船。與我角逐水上。然我衆臨敵授命者。往往不絕。若乃高城巨壘。千礮狙伏_{*四}。陸軍進攻。水師和之。一堞未攀_五。駢屍山積。或連朝環擊。卒不能下。或創殘滿目。僅收一棚。甚者如九淤洲之役。攻剿三四日。凋耗二千人。唱凱於公庭。飲泣於私舍。又或支河小港。扼

守要隘。賊以短兵槍彈。迫我舟師。前者屢僵。後者堅拒。終不得少移尺寸。又或倉卒赴援。內洋行師。如福山之役。輕舟顛簸於海濤颶風之中。須臾沈溺。以數百計。此皆耳目昭著。其餘邂逅捐軀。夷傷而不振者。不可勝數也。今東南大定。已逾五年。長江別立經制。水師將士新故更代。優游無事。欲問數年前戰爭之迹。已罕能言其狀者。況更溯十載以前。若楊公之縱橫江上。出入鋒鏑。以摧方張之寇。彭公之芒屨徒步。以赴江西之急。又孰能道其彷彿。安樂之時。不復好聞危苦之言。人情大抵然與。君子之存心也。不敢造次忘艱苦之境。尤不敢狃於所習。自謂無虞。禮俗政教。邦有常典。前賢猶因時適變。不相沿襲。況乎用兵之道。隨地形賊勢而變焉者也。豈有可泥之法。不敝之制。今之水師。蓋因粵賊之勢。立一時之法。幸底於成耳。異日時易勢殊。寇亂或興。若必狃於前事。謂可平粵賊者。即可概平天下無窮之變。此非智者所敢任也。惟夫忠臣謀國。百折不回。勇士赴敵。視死如歸。斯則常勝之理。萬古不變耳。其他器械財用。選卒校技。凡可得而變革者。正賴後賢相時制宜。因應無方。彌縫前世之失。俾日新而月盛。又烏取夫顛己守常。姝姝焉自悅其故迹。終古而不化哉。今朝廷開方略之館。戰功將著於信史。不復備述。麤述殉難者之慘。使來者恍然起敬。又因推論兵家之變化無常。用破吾黨自是之見。庶久而知所警畏云。

【註音】（狙）音疽（璣）音牒（籛）音播（颶）音具（姝）音樞

【釋義】（一）黃翼升。字昌岐。湘鄉人。官至提督。卒謚武靖。（二）李朝斌。字質堂。湖南善化人。官至提督。（三）

楊岳斌。初名載福。字厚齋。善化人。官至陝甘總督。卒謚勇毅。（四）狙。猿屬。狡黠獸也。私相候伺。如狙之伏而伺物

也。（五）璣。城上女牆。（六）內洋。指海也。（七）福山。在常熟縣北。本名覆釜山。北臨大江。與南通縣之狼山相值。爲

長江扼要處。清置福山鎮總兵。（八）颶風。四面吹來之狂風。（九）經制。猶言常制也。下文卽爲守常不通變者說

法。（一〇）芒屨。卽草鞋。（一一）國藩。旣至南昌。召玉麟自助。玉麟時歸衡江。隔道不通。乃易衣爲賈客。草屨徒步七百

餘里。達南康。（一二）姝姝。柔懦也。（一三）清有方略館。編纂開國以來歷代武功之書。（一四）史所以傳信于後。故稱史

籍之足信者曰信史。（一五）怵然。驚惕貌。

【評語】數篇皆經世大文。信史實蹟。讀之足以開拓豪傑心胸。其光氣燭天地貫日月而不朽。

吳子序得一齋記

嗇者與博者衡。誰贏乎哉。博者贏乎哉。市者與居者競。誰贏乎哉。居者贏乎哉。與市而博諸。抑居而嗇諸。今夫五都之肆。百貨壑焉。寶有犀珠蠟貝之珍。用有粟葛丹漆之饒。產莫能物也。種莫能區也。吾一從而居其土宜。別其苦良。不亦矜乎。故吾囂然自爲得也。然而列廛者。方專其去留。高下在心。莫可取求。然後知吾之未始得也。彼固囂然自爲得也。然而有力者過焉。傾囊而準其估。輦而逝耳。然後知彼之仍未始得也。夫有力者得之矣。然而瞽得章繡。聳得鈞球。禿得簪笄。兀得鞞履。涉海得策銜。適燕得帆楫。雖奇巧麗飾。值以千億。會不如工之有缺斤。農之有曲耒也。然後知其得而未始得也。故知之莫如據之。據之莫如藏之。藏之莫如利用之。利用之斯

得之矣。吾宗繼之。以顏氏子得一之義。名其齋居。夫顏氏之所謂一。未易言得也。繼之之意。特以戒夫市而博者。故余為達其志如此。

〔註音〕〔蠲〕音攏〔苦〕音戶同楷〔笄〕音雞

〔釋義〕〔一〕居。謂居貨。〔三五都〕謂通都大邑也。漢以洛陽、邯鄲、臨淄、宛、成都為五都。〔三〕蠲。蠲蠲。龜屬。腹

甲可充玳瑁。〔四〕輦。載也。〔五〕鈞。樂調也。大鈞。謂宮商。小鈞。謂角徵羽。見〔國語注〕。球。玉磬。〔書益稷〕。戛擊鳴球。

〔六〕兀。一足人也。〔莊子〕。魯有兀者。王貽。〔七〕策。馬鞭。銜。馬口鐵也。〔八〕斤。刀也。〔九〕〔孟子注〕。耜。所以起土。耒

其極也。〔一〇〕〔中庸〕。回之為人也。擇乎中庸。得一善。則拳拳服膺。

龍翰臣大岡埠團練公局記

嘗考周禮州長黨正。有屬民讀法之典。皆以歲時行之於學。而田獵講武。及守望相助之法。民自得以其意行之於鄉。秦漢以降。井田廢而鄉學不立。至不幸用武。則鄉民聚而為社。如宋時定州有弓箭社。近日廣東禦夷。各鄉亦分立為社。至廣西盜賊蠡起。各府州縣官吏薦紳先生。率其鄉之所屬。日從事於團練。而各村鎮關市。始有公局之設。睦婣任卹之風。一變而為功利戰鬥。古所謂觀於鄉者。其若是耶。雖然。時之所至。雖聖賢不能執古道以繩民。惟豪傑有為之士。能因時之所宜。以求合乎古。夫以廣西之盜。蔓延數十州縣。蘖芽乎十年之前。一發而不可治。今天子憫吾民疾苦。徵兵數千里外。轉餉數百萬。顧其力能及於盜之所至。而盜之所不至。而將動者。與其既去將復來者。則必恃民之自為捍禦。而團練之事急焉。

獨吾邑地當省會。盜警緩於他邑。可以措理裕如。顧其事之實與不實。用之必有效或無效者。則以董事之人爲斷。故團練公局之設。徧乎一縣。惟大岡埠之在邑南者。以唐丈堯心先生得名。方事之初起。先生於其鄉設公所。聚衆期會。行之期年。什伍有法。少長有序。人知師律。無譁於鄉。大吏激賞爲諸團最。先生益奮志督勸。親執枹鼓^八。家之子弟。咸編入伍。人用是和。盜賊益稀。蓋必如先生之爲團練。然後緩急乃爲有用。必盡如先生之團練。然後各鄉之公局乃不虛設。會先生之嗣吾友仲實。來乞爲文。因書此貽之。吾嘗與仲實言。今之團練。名爲寓兵於農。而多失古意。異日風俗之害。將不可究。如先生爲之。又何其善也。此卽因而復講讓修睦之風。而進以讀法講武。鄉田同井^九之治。其又何難焉。書之以復於先生。其亦不能無蜡賓之感也。咸豐元年歲次辛亥仲冬月。同邑龍啓瑞記。

〔註音〕（枹）音孚（蜡）助駕切

〔釋義〕（一）大岡埠。在廣西臨桂縣東南六十里。（二）〔周禮〕州長黨正皆於正月之吉。及歲時祭祀。屬民讀灋。謂讀一年之政令。及司徒之十二教法也。（三）〔宋史兵志〕知定州滕甫言河北州縣近山谷處。民間各有弓箭社。〔按〕如民團之類。（四）夷。指英國人。（五）〔周禮〕六行。孝友睦婣任卹。〔注〕睦。親於九族。婣。親於外族。任。信於友道。卹。振憂貧者。卹本作恤。（六）櫜。伐木餘也。（七）丈。長者之尊稱。（八）〔國語〕執枹鼓于軍門。使百姓加勇焉。〔按〕枹。擊鼓杖也。（九）〔孟子〕死徙無出鄉。鄉田同井。出入相友。守望相助。疾病相扶持。則百姓親睦。（一〇）〔禮禮運〕昔者仲尼。與於蜡賓。事畢。出遊於觀之上。喟然而歎。蜡賓。爲蜡祭之賓也。

龍翰臣病說

客有患鬱^{*一}湮之疾者。龍子過而問焉。見其兀然而坐。偃然而息。日飯三^{*二}鬴。食之盡器。龍子曰。子病乎。曰病矣。然則子何病。曰吾苦腹疾而事園^{*三}焉。醫者治之。三月而不效。吾憂之不知所出。輟吾業以治之。則疾益以劇。龍子喟然歎曰。吁。吾乃今知子之誠病也。夫子之所謂腹疾者。是特飲食寒熱之為患也。而豐而食焉。而華而色焉。乃其根柢固。莫之能蠹也。埃^{*四}之而已。而遂廢而事。而日槁而形。熒^{*五}而心。終日^{*六}博博。若大難之將至者。是子之神先敝也。疾何與焉。夫萬物生於神。養於神。故神聚則強。神王則昌。神衰則病。神散則亡。是以啜糟之夫。臥之巔崖之側而不墮者。其神全也。娶^{*七}媿之子。遇猛虎。則折三尺之莛^{*八}以毆之。虎猶不害。何則。心忘乎物。則物莫之能賊也。今子未甚病也。而日以病為憂。夫憂者。實病之所從集也。子盍朝作而于^{*九}于。夜瞑而遽^{*一〇}遽。無懷無惟。以甯子居。疾其庶有瘳^{*一一}乎。客曰善。將從子之言。二日試之。其病良已。

【註音】(湮)音煙(鬴)音父(園)音清(博)音團(娶)音伊(媿)音倪(莛)音廷(毆)於口切

【釋義】(一)鬱湮。為積滯壅塞之病。(二)左昭二十九年。鬱湮不育。(三)鬴。量器名。今多作釜。容六斗四升。

(四)埃。古埃字。(五)熒。疑惑也。(六)博博。憂勞貌。(七)娶媿。人始生之稱。(八)莛。草莖也。(九)于于。無知貌。(一〇)莊子。則遽遽然周也。(注)有形貌。(一一)瘳。病瘳也。

孫子餘說虎

同年彭君申甫。為余言長沙之北。有地曰青山。兩山夾峙。中為穹^{*一}谷。國初

兵燹之後。人煙稀少。林木幽翳。獸蹄鳥迹。交錯其間。其祖君奇翁。年十二。晚自塾歸。家人迹牛未得。翁獨往。虎出撲翁仆。張吻向之。翁仰與語曰。吾分爲爾食。食我。不然。舍我。虎躍起。大吼竟去。里人以爲奇。故呼之曰君奇。余曰。昔歸震川書郭義官事。以爲物之鷲者莫如虎。而變化莫如龍。古之人嘗參之。人與人同類。其相戾有不勝其異者。至其理之極。雖戎狄禽獸。無所不同。其言郭翁畜虎甚馴。禱雨立應。然平日爲人誠樸無異術。嗚呼。此宜虎之爲所畜也。申甫則又曰。翁亦仁厚人也。人據其田聽之。其人落魄^{※四}。又以其田強翁售。翁始終無一辭。人笑之。翁曰。彼固人也。視虎奚若。吾能與虎語。不能與人語者。吾性不好競也。莊子曰。虎之與人異類。而媚養己者。順也。古之至人。入獸不亂羣。入鳥不亂行。鳥獸不惡^五。而況於人乎。如翁之所以爲人。雖日遇虎何傷。游斯世者。可以知所處矣。

〔註音〕(穹)去宮切(發)蘇典切(魄)讀如泊

〔釋義〕(一)穹谷即深谷。(二)歸震川即歸有光。(三)虞舜時有董父者。能畜龍。帝命其氏曰豢龍。見〔左

昭二十九年。〕(四)落魄。通作落泊。本謂志行衰惡。今指失業無聊而言。〔史記酈生陸賈傳〕家貧落魄。(五)言至人以至誠待物。而物亦忘其爲異類也。



吳南屏新修呂仙亭記

岳州城南呂仙之亭。當南津港口。古所稱滄湖者。水反入爲滄。城東南諸山之水。自南津西北趨湖。湖水起。則東南入山。盡十餘里皆湖也。故山水之勝。亭兼得之。由亭中以望。凡岳陽樓所見。無弗同者。而青蒼秀映之狀。幽賞者又宜之。至於爲月夜泛舟之遊。無風波卒然之恐。惟亭下可也。唐張說爲岳州刺史。與賓僚遊燕。多在南樓及滄湖上寺。見其詩中。南樓卽岳陽也。寺今尙存。而亭踞其左阜稍前。相去裁數百步。寺之勝已移於亭矣。然岳陽樓之居城近。自唐以來。名賢學士。皆登而賦詩其上。播於古今。盛矣。亭之興後於樓。其去城且三里。四方之客過郡。旣登樓。莫亭之間。以此不若樓之有名天下。而基高以傲。亦復其上爲樓。有連房。容飲席及臥宿。逾於岳陽。而遠市囂。少雜遊。亦處地之善也。呂仙者。世所傳洞賓仙人。一號純陽子。唐末人。其蹤跡故事。在岳州者頗多。蓋嘗有三醉之詩。故岳陽樓塑其仙像。又有城南遇老樹精之語。則此亭所爲作。按范致明岳陽風土記。城南白鶴山有呂仙亭。亭之始自宋時也。後乃增大之云。余自少時性樂放遠。入郡多寓亭下。近更兵亂。亭毀矣。道士李智亮募貲而復之。

智亮有才能。樓加其層。廣亦過舊。亭廊旁廓。歷歲克成。以余之夙於此也。求爲之記。余惟神仙之事。茫哉。孰從而知之。揚子雲曰。仙者無以爲也。有與無非問也。秦漢之君。以求仙荒遊。卒無所遇。唐士大夫。喜餌金石。多爲藥誤。小說載唐時仙者甚多。皆妄陋無稱。而純陽氏之名。獨雅而著。余觀張說岳州諸詩。屢有言神仙者。時未有純陽氏。而岳之湖上。固傳有仙人往來之語矣。得非隱人高士。出沒江湖間。人乃目之爲仙歟。抑湖上諸山。磊磊浮波面。若近而遠。令人有海上蓬萊之思乎。蓋仙者可以不學。而意亦不能無之。若山川奇異幽遠之鄉。使出世之士。俯仰其間。必將有恍惚從之者。果有與無。俱不足論也。余昔在亭。見老張道人者。鍊形最久。能以氣自動其兩耳。後竟以老死。而其徒方東谷者。不學爲仙。獨能飲酒。余至則與之皆醉。吾聞呂仙於酒者。今智亮其爲仙耶。爲酒耶。余雖老。不喜入城。猶願得遊處亭下。如往時也。

【註音】(滄)音壅

【釋義】(一)呂仙。名巖。字洞賓。唐永樂縣人。咸通中兩舉進士不第。遊長安酒肆。遇鍾離權得道。俗傳八仙之一。又稱呂祖。(二)岳州。府名。屬湖南。今廢。岳陽縣其舊治。(三)滄湖。在今湖南岳陽縣南。一名淪湖。(四)岳陽樓。在湖南岳陽縣城西門上。下瞰洞庭。唐張說所建。(五)張說。字道濟。又字說之。唐洛陽人。曾相玄宗。(六)「呂巖絕句」三醉岳陽人不識。朗吟飛過洞庭湖。(七)「又閒題」惟有城南老樹精。分明知道神仙過。(八)岳陽風土記。宋范致明撰。詳於郡縣沿革山川改易古蹟存亡等類。(九)始皇武帝。屢於海上求仙。(一〇)相傳韓愈亦餌金石而死。(一一)磊磊。石多貌。(一二)「史記秦始皇紀」海中有三神仙。名曰蓬萊方丈瀛洲。仙人居之。(一三)出世。脫

離俗界也。(四)鍊形。道家養形之術也。宋甄棲真年七十有五。遇許元陽。授以鍊形養元之訣。見〔宋史〕。〔評語〕意遠詞高。

吳南屏君山月夜泛舟記

秋月泛湖。遊之上者。未有若周君山遊者之上也。不知古人曾有是事否。而余平生以爲勝期。嘗以著之詩歌。今丁卯七月望夜。始得一爲之。初發棹。自龍口向香鑪。月升樹端。舟入金碧。偕者二僧一客。及費甥坡孫也。南崖下漁火數十星。相接續而西。次第過之。小船撈蝦者也。開上人指危崖一樹曰。此古樟。無慮十數圍。根抱一巨石。方丈餘。自郡城望山。見樹影獨出者。此是也。然月下舟中。仰視之。殊不甚高大。余初識之。客黎君曰。蘇子瞻赤壁之遊。七月既望。今差一夕爾。余顧語坡孫。汝觀月。不在斗牛間乎。因舉誦蘇賦十數句。又西出香鑪峽中。少北。初發時。風東南來。至是斜背之。水益平不波。見灣碕思可小泊。然且行過觀音泉口響山前也。相與論地道。通吳中。或說有神人金堂數百間。當在此下耶。夜來月下。山水寂然。湘靈洞庭君。恍惚如可問者。又北入後湖。旋而東。水面對出鐙火光。岳州城也。雲起船側。水上滄滄然。平視之。已作橫長狀。稍上。乃不見。坡孫言一日晚白沙觜。見後湖雲出水。白團團若車輪巨甕狀者。十餘積。卽此處也。然則此下近山根。當有雲孔穴耶。山後無居人。有棚於坳者數家。洲人避

水來者也。數客舟泊之。皆無人聲。轉南出沙嘴。穿水柳中。則老廟門矣。志稱山周七里。有奇。以余舟行緩。似不翅也。既泊。乃命酒肴。以子雞。苦瓜。拌之。月高中天。風起浪作。劇飢當之。各逾本量。超上人守葷戒。裁少飲。噉梨數片。復入廟。具茶來。夜分登岸。別超及黎。余四人尋山以歸。明日記。

〔註音〕(樟)音章(碣)音奇(滄)烏孔切(坳)於交切

〔釋義〕(一)君山。亦名湘山。在洞庭湖中。相傳為湘君之所遊處。故名。(二)龍口。水口名。(三)香鑪。山名。

(四)金碧。月水相映之象。(五)上人。僧之尊稱。開超其名也。(六)樟。常綠喬木。(七)碣。曲岸也。(八)相傳洞庭湖下

與吳中太湖相通。故太湖亦名洞庭湖。湖中有兩洞庭山。(九)湘靈。洞庭君。即湘君。洞庭之水神。相傳為堯之二女舜妃也。(一〇)滄滄。大水貌。(一一)翅。與啻字同。(一二)裁。猶減也。

吳南屏遊大雲山記

立吾村而東望。髣髴乎翼然。有山起於雲中者。大雲山也。山祀真武神。甚靈。遠近走禱者衆。常從之問云。去此可百里。仙靈之所居也。於是有遊志。蓋前此十七八年矣。而友人郭建林喜山水。約同遊。將行矣。以風雨。或以事不果者。蓋三四焉。今月初十日。建林自郡城來。告余曰。新雨天幸晴。行不汗。請與子踐大雲之約矣。明日。余與建林。及從弟伯喬三人者。步而即路。一人擔行李以從。其日至於潼溪。行四十里。明日行四十里。至於白羊之田。山谷益高。水益急。望大雲益近。明日過八百市。有路緣飛嶺以上。居人曰。山自此登矣。三人者以勇勸。猶數息乃上。已上路。緣嶺側。俯深溪。過之。

可怖畏。稍下。有村落山田。已復上。如前嶺。蓋上者入而一下。此以往。路皆然。過鵬灣。望懸泉。自四山下。屹觀之。過案山。山絕高。峭立似城堵。是大雲之曲尾。形家言。謂之案山。路緣案山入。行深洞中四五里。無人家。山半巖缺處。望有七八家煙火。路益險狹。水走絕澗下。聲怒號。建林伯喬甚怖。余差勇。循澗行。路漸高。澗漸平。亦有村聚。晚投宿於羅氏。則至峯下矣。是日計行二十五里。然路難。四十不啻焉。明晨飽飯。往登石崖。下聞泉淙淙然。坐聽之。其聲如松風之走萬壑也。是曰響泉之崖。澗側大石如縮龜。響泉自其下出。是曰息龜之澗。遂緣萬松磴。磴石級。級數十。足疲甚。一休。如是休者又數十。至乎道士之宮。憩焉。遂陟乎大雲之峯。下視萬山。如走馬。如驅羊。如滾波濤。如千萬人軍。旌旗鼓戈。魚麗鸛鵝^五。升壇而指麾。自巴陵臨湘通城平江四縣之山。咸在肘下。而西望洞庭。煙州草渚。隱約可辨。沙川油川。左右繞若雙帶焉。其峯之勝者。卓筆如筆。青笠如笠。攢劍如劍。圍屏如屏。三人相顧以嘻。謂不臻於茲。安知茲山之上。有若是者耶。而今之遊。不徒勞也已。峯下有井。名聖泉。道士之望。背峯而列。宮凡六。余所宿宮。名永樂。是日進香者可百許人。道士云。八月之宮。會者凡四五千。蓋神之盛也。余等亦禮而無祈焉。明晨下山。下行易。惟不可望。恐欲墜。亦頓撼苦足趾痛。至鵬灣。灣有小潭。自山來。二十里之泉。咸走石溪來會。石斗削若

甃。小邱臨潭上。可亭。前往時略未究。今始得之。余所得大雲之盛。具此矣。其日仍宿白羊彭氏。白羊地屬臨湘。而大雲巴陵地。犬牙入也。明日至蒿坪。回望大雲。指前宵宿處。乃在天半。小雨。因過宿友人李皋門孝廉家。李氏多藏書。出書錄觀之。明日。至新牆。宿蘇州吳氏寄東書屋。又明日。與建林別。余及伯喬歸。是行也。凡八日。得詩十有一首。凡所稱峯崖泉石云者。向未有名。名之自余。以大雲之居境蓋遠矣。近縣鮮好事者。四方之人莫至。遊者自余三人始。

【註音】（淙）音淙

【釋義】（一）大雲山在今湖南岳陽縣東少北一百五十里。連接七十餘峰。上有雞子石。高四百丈。惟一面可登。其北接臨湘縣界。（二）真武。即玄武。北方之神也。宋時避諱。改玄為真。見《雲麓漫鈔》。（三）數息。言幾次休息。（四）淙淙。水聲。（五）魚麗鵝鵠。皆軍陳名。《左傳》五年。為魚麗之陳。朱駿聲云。相次比也。《又昭二十一年》。鄭師為鵠。其御願為鵠。（六）犬牙。言兩地毗連。其交界處。彼此相錯。如犬牙也。

吳南屏聽雨樓記

度地不廣大。而攬納宏遠者。惟高且顯者為然。而山村隴集。非有平皋曠壤。通川之流。而其為山。岡阜堆複。無巖竇泉石之奇。峯嶺之秀。加以屋舍煙火之湊密。兒童雞犬之聲雜聞於耳。若此而求為堂房林院之勝。以資讀書之暇娛者。蓋難言之。余之居適類是。常憾之。欲別遷徙。而非可猝為。則時取古人詩歌文字之所言。意中狀擬之。或張圖畫壁間。坐臥如有之。

然余村之西南。洞庭之別浦也。遠樹外。常見湖光。水盛時。又近。而磊石之山。浮動乎其前也。東北則雲峯疊起。數十百里。隱見皆可得。惜其蔽於近。無以發露之耳。余之讀書山齋者。故基於山。山最高。其上多屋舍。而家之人。析有之地。不可以做。一日余弟雲松。指其西隅草屋數間。廝傭所居者。曰此可卽而爲也。用力不大勞。而得景當殊異。余弗敢信之。且止以隘。不聽。遂鑿其垣爲門。向山間。崇而重之。以爲之樓。斬竹木。剔土數尺。廣數丈。長竟畝。而爲之圃。以當其門。圃中移時^{*二}花木略具。而房樓連間。疏達明潔。纔兩月。工成。余喜而上於樓以觀。則凡湖與山之獻於欄檻而入於窗牖者。向未知其有於此也。而村落附近之墟。田疇之上下。山溪之曲折。耕夫樵人之在日。抑非常見之狀。於是與雲松對設榻樓上。皮書^{*三}而讀之。而名其樓聽雨也。昔眉山蘇氏兄弟。少時誦唐人詩語。而有風雨對牀^四之約。其後各宦遊四方。終身吟想其語。以相歎息。一蘇公之賢。非余兄弟所敢妄擬。而其欲常聚處之意。則同也。顧今方從事科舉。其或得之。將亦不能無爲四方之人。故以二公之不獲如志。私以爲戒。而名樓以爲之記。他年或敢忘諸。謂此樓何。

【註音】(陽)於五切(時)音侍(皮)音剝

【釋義】(一)巖竇。巖空也。(二)時。種也。(三)皮。閣也。以板爲之也。(四)〔樂成集〕轍幼從兄子瞻讀書。未嘗

一日相舍。既壯。宦遊四方。讀韋蘇州詩。至寧知風雨夜。復此對牀眠。惻然感之。乃相約早退。爲閒居之樂。

吳南屏寬樂廬記

人之容其身於天地之間。何適而不得。而苟必如其意欲而後安。則一身雖微。常窮天下而不足。夫一身之所存。坐則容膝。臥則容席。此爲地至少矣。而人之情。常欲有移易於東西左右之間。以取適於目前俄頃之變。厭故而卽新。望彼而置此。故富貴者之處其身。雖極宮室臺榭燕息遊觀之樂。乃其侈心。未嘗不思更有所營作。謀畫之不能以已。而窮欄卑宇之士。常悵然自恨不得如其志。蓋其外之廣狹雖殊。其中之弗寬者一也。余之老友郭建林。自其少壯時。卽有灑然之志。不爲祿利學。家計粗足。卽不嘗問。亦不遠出。獨好遨遊近鄉山水。時往寓城南呂仙之亭。從道者居。或累月不歸。余年及冠。卽喜與之遊。嘗偕寓城南。及至其家久留。亦數數來余家山館共晨夕。言笑不倦。然彼時以爲建林雖性通少滯。亦會其身之所遇。便自散逸而然耳。及其年過四十以後。室家多故。旋以大水漂沒其田。生產日薄。其廬舍歲歲爲水所浸蕩。牆壁穿壞皆盡。乃去之半里許高地。爲土屋三間以居。余每念往昔遊處。憫然相爲歎息。聞過其居。傲陋特甚。而灑埽自潔。雖老矣。貌不加瘠。言笑風味。如曩時也。今年春。余又過之。以其久不至余家。邀之來。於是君年七十有一。肩輿三十里。復造余山館。觀余故居空於兵火。惟此書館僅存。謂余曰。此與吾舍之壞於水者何異。且

吾今居人謂不堪。吾甚宜之。室小而面南。冬陽便以暴。前有柳甚大有陰。夏月足以涼也。至於左盼連峯。右矚大湖。氣象闊遠。吾坐而皆得之。子爲文詞雅可讀。盍爲思所以名吾居而記之。以文。吾日覽之。以助吾樂。不亦可乎。余曰。子之居甚隘。而接於耳目者則甚大矣。抑未足言也。子之心何其寬爾乎。詩曰。考槃在澗。碩人之寬。言其人之心甚寬。不必其室也。又曰。獨寐寤言。永矢弗諼。言樂甚也。請今壽子爲寬樂叟。而題子居爲寬樂之廬。叟喜而受之。吾今居燬。未能卽復。願以與叟相視爲優。而余意似有不足者。若叟賢哉。其有以示我矣。呂仙亭亦燬於兵。近有道人稍修復一二。而家弟退菴爲九江樓於君山。實從前未有之觀。余頃遊而記之。寬樂叟今健。能步行至四五里。當復爲寓遊乎。其無乃樂此廬而不暇一往也。

【註音】(欄)音閩(訾)音子(諼)音喧

【釋義】(一)欄。本木名。此作門閭之閭用。(二)灑然。無拘束貌。(三)訾問。省問也。(四)憫然。憂悶貌。(五)肩

輿。轎也。(六)詩。衛風考槃篇。美賢者隱居澗谷之詞也。

吳南屏書謝御史

謝御史者。吾楚湘鄉謝薌泉先生也。當乾隆末。宰相和珅用事。權燄張。有寵奴。常乘珅車以出。人避之。莫敢詰。先生爲御史。巡城遇之。怒。命卒曳下奴。答之。奴曰。汝敢答我。我乘我主車。汝敢答我。先生益大怒。痛答奴。遂焚

燒其車。曰。此車豈復堪宰相坐耶。九衢中人聚觀歡呼。曰。此真好御史矣。和珅恨之。假他事。削其籍以歸。先生文章名一時。喜山水。乃徧遊江浙。所至。人士爭奉筇屐^{*四}迎。飲酒賦詩。名益高。天下之人。皆傳稱燒車謝御史。和珅誅。復官部郎以卒。及道光癸巳之歲。河南裕州^五知州謝與嶢^{*}。以卓異薦入都。裕州御史之子由翰林改官者也。引見時。唱陳名貫畢。皇上問曰。汝湖南人。作京語何也。與嶢對言。臣父謝振定。歷官翰林御史。臣生長京師。上悟曰。爾乃燒和珅車謝御史之子耶。因褒獎與嶢家世。勉以職事。明日。上語閣臣^六。朕少時聞謝御史燒車事。心壯之。昨見其子來。甚喜。未幾命擢與嶢敘州府知府。方裕州入見時。吾鄉人士在京師者。常傳天語^八。以爲謝氏父子之至榮也。又幸薌泉先生之生於其鄉。而以相誇耀也。敏樹得知其本末如此云。敏樹又記在都時。有郎官當推御史者。語次。因舉薌泉先生之事。郎官謂曰。薌泉負學問文章。又彼時清議尙重。故去官而名益高。身且便。今我等人材既弗如。而時所重者獨官祿耳。御史言事。輕則友朋笑。重則恐觸罪。一朝跌足。誰肯相顧盼耶。且家口數十。安所賴耶。余無以進之。嗟乎。昔之士風人情。猶之今也。以裕州今日家世之榮。孰不欣羨而願其有是。孰知當薌泉先生罷官時。同朝行輩中。必有相侮笑者。譏毀者。畏罪累而不敢附和者。其家人居室。必不如在官之樂者。且使先生官不

罷。其進取抑未可量。一遭斥逐。終以不振。獨氣節重江湖間耳。然則先生之燒車之時。亦可謂計慮之不詳盡者耶。

〔註音〕(薊)音香(答)音癡(筇)音窮(屐)音劇(嶢)音堯

〔釋義〕(一)清時有巡城御史。權極尊嚴。(二)答。捶擊也。(三)九衢。大道也。(四)筇。竹名。可爲杖。屐。木屨也。

(五)裕州。舊州名。屬河南南陽府。民國改爲方城縣。(六)閣臣。卽宰相之稱。(七)敘州。舊府名。屬四川。今廢。宜賓

縣其舊治。(八)天語。皇帝之言。(九)行輩。卽年輩。

吳南屏書義猴事

邑子阮生。言其里有弄猴者。年老無子。以猴爲子。猴脫鎖逃。弄猴者哭而追之。猴聞其呼。止蹲^{*}他道上。弄猴者向之曰。我用汝以活我。汝走。我必不活。不如遂死。將躍入水。猴啼來抱之。自是益愛猴。不復加鎖。弄之又十餘年。稍積錢。自辦棺斂物。餘錢數串埋牀下。弄猴者有一女早嫁。族人無近親。一夕弄猴者暴疾死。人莫知。侵晨^二猴掩戶出。走至其女家。伏地號。女覺其異。隨來。猴舉鑰奉女。開籠取衣。抓^{*}土出錢。女乃集族人斂埋其父。棺將蓋。猴躍入棺中。伏屍足旁。叱驅之不去。衆異之。卽謂猴曰。汝豈欲從汝主人死耶。果欲從者。可起向汝主靈位前作禮拜。猴如言。起。三拜號。復躍入棺。遂以殉^三。吳子聞而異其事。且論曰。聖賢言人之性善^四。異於禽獸。則禽獸之性。宜其不能善也。而時有善者。且有大善。雜書言諸物類。以義名者不一。此何以然哉。有人而近禽獸者。有禽獸而近人者。禽獸而人。其能必專。

至如猴之殉其主。其與忠臣烈女之行何異。嗟夫。忠臣烈女之行。聞者皆爲之感泣也。況乎禽獸之於人。而有若是者乎。書猴之事。將以感於人也。

【註音】(蹲)音存(抓)音蚤

【釋義】(一)蹲。踞也。(二)侵晨。即清早。(三)殉。從死者同葬也。(四)聖賢言人之性善。如孔子曰性相近也。

孟子道性善之類皆是。

吳南屏雜說 二首錄二

藥生於山。而求者藥於市。市故藥之聚也。而市者常僞以亂真。又藥所名產之處。其人多糞種^二以售。故藥弗得良。而人往往採藥於山。謂之生藥。常勝市者。又有號草藥者。俗相傳取諸草名不在本草經者^三。以治疾。尤有奇效。客有謂吳子曰。甚哉藥之難知也。今何不盡訪諸草藥。而著名之以利人乎。吳子曰。不然。夫草藥惟無名。而人獨私傳之。故其用常全。今名而傳之。則人且種之。而且僞之矣。嗟夫。藥不可得良也。而惟無名者之求。則神農黃帝^四以來。採藥之教非與。

余曩歸自都下。顧^{*五}羸以行。遇同行者曰。子之轅羸弗良。將不利行。余曰。幸已行數日。可強取道也。其人曰。是性憚艱。吾以形相知之。今行道平。又幸晴。無害。子將見之。一日過一阪^{*六}。羸遽伏地。馭者痛鞭之。幾死不起。追取前行他車。羸以代。乃過焉。又一日。雨暴下。羸又然。余乃知相馬之果有術也。

然余所過阪非峻阻。雨驟未濇。而羸以死拒不行。雖其形相當然。亦取苦甚矣。

〔註音〕（願）同雇（羸）落戈切（阪）同坂音反

〔釋義〕（一）名產。著名產地也。（二）糞。治也。培也。〔禮月令〕可以糞田疇。（三）本草經。書名。相傳為神農所作。載藥三百六十五味。分上中下三品。其書實始於後漢。所載郡縣。多漢時地名。後人復有本草拾遺。本草綱目等書。（四）神農。黃帝。皆古帝名。神農始作方書。嘗百草以療民疾。黃帝咨於岐伯而作內經。於是始有醫藥方法。（五）羸。通驪。驪馬相合而生者。（六）阪。山坡也。（七）相馬。古之善此術者。為伯樂及九方臯。伯樂有相馬經一卷。見〔隋書經籍志〕（八）濇。謂水泥淤積道上也。

吳南屏說釣

余村居無事。喜釣游。釣之道未善也。亦知其趣焉。當初夏中秋之月。蚤食後出門。而望見村中塘水。晴碧汎然。疾理竿絲。持籃而往。至乎塘岸。擇水草空處。投食其中。餌鉤而下之。蹲而視其浮子。思其動而掣之。則得大魚焉。無何浮子寂然。則徐牽引之。仍自寂然。已而手倦足疲。倚竿於岸。游目而觀之。其寂然者如故。蓋逾時始得一動。動而掣之。則無有。余曰。是小魚之竊食者也。魚將至矣。又逾時動者稍異。掣之得鯽^五。長可四五寸許。余曰。魚至矣。大者可得矣。起立而伺之。注意以取之。間乃一得。率如前之魚。無有大者。日方午。腹飢思食甚。余忍而不歸以釣。是村人之田者。皆畢食以出。乃收竿持魚以歸。歸而妻子勞問有魚乎。余示以籃而一相笑也。及飯

後仍出。更詣別塘求釣處。逮暮乃歸。其得魚與午前比。或一日得魚稍大者。某所必數數往焉。卒未嘗多得。且或無一得者。余疑釣之不善。問之常釣家。率如是。嘻。此可以觀矣。吾嘗試求科第官祿於時矣。與吾之此釣。有以異乎哉。其始之就試。有司也。是望而往。蹲而視焉者也。其數試而不遇也。是久未得魚者也。其幸而獲於學官鄉舉也。是得魚小小者也。若其進於禮部。吏於天官。是得魚之大。吾方數數釣。而又未能有之者也。然而大之上。有大焉。得之後。有得焉。勞神僥倖之門。忍苦風塵之路。終身無滿意時。老死而不知休止。求如此之日暮歸來。而博妻孥之一笑。豈可得耶。夫釣。適事也。隱者之所游也。其趣或類於求得。終焉少繫於人之心者。不足可欲故也。吾將惟魚之求。而無他釣焉。其可哉。

【註音】（擊）讀如微

【釋義】（一）餌。誘魚之食。（二）浮子。釣絲之半。繫於荻梗。謂之浮子。視其沒。則知魚之中鉤。（三）擊。曳也。揭取也。（四）游目。言目光轉動。（五）鱗。魚名。形似鯉。無觸鬚。脊隆起而狹。鱗圓滑。頭與口皆小。背青褐。腹白。產淡水。中。長者至尺許。（六）進於禮部。謂應會試成進士也。（七）天官。吏部之稱。吏部掌中外文職銓敘勳階黜陟之政。此言得銓敘而為官吏也。

管小異書汪馬二秀才事

汪君星垣。性好清靜。屏居清涼寺。僧報曰。賊至矣。君危坐不為動。為賊所執。僧給賊曰。是吾廟中供糞除者。賊將釋之。君厲聲曰。否。我秀才汪某。

也。賊以戈擬其喉。僧給賊曰。是有心病。君厲聲曰。否。我無病。我秀才汪某也。賊奇而禮之。且曰。我視君非凡人也。髮斑白矣。猶困於諸生。方今天下大亂。豪傑有爲之時也。盍變計從我乎。君大罵曰。我所以困躓者。爲不肯變計諧俗也。況肯變計從賊乎。遂遇害。氣垂絕。猶自呼殉難者。上元縣秀才汪某也。同時又有馬秀才者。販牛爲業。素不齒於鄉里。聞城陷。慨然誓死。謂其弟曰。吾聞功不在大。吾與若匹夫也。殺一人而死。足以自償。若殺二人。則是爲國殺賊而死也。可謂立功矣。因詭迎賊入。使其弟守外戶。乘賊不意。取所用屠刀潛殺之。投其屍於井。賊續至。復然。日殺四五輩。以爲常。既謂其弟曰。戮有罪而不使人知。不武。因榜賊首於門。爲他賊所知覺。遂與其弟俱遇害。論者謂汪秀才順受其正矣。然不如馬秀才立功爲尤難。此記所謂以義爲利者也。

〔註音〕 (給) 音殆

〔釋義〕 (一) 清涼寺。在江蘇江寧縣城西清涼山上。 (二) 給。欺誑也。 (三) 糞除。掃除也。 (四) 斑白。頭髮半白半黑也。 (五) 孟子「莫非命也。順受其正。」 (六) 大學「不以利爲利。以義爲利也。」



王悔生座右箴 二首錄一

古人有言。惟口戕口。豈惟戕口。惟心之莠。如戈如矛。如江河流。豈不快意。尚不可以休。或瞰諸幽。或貽之羞。嗚呼誰尤。

〔釋義〕 (一)戕。殺害也。 (二)莠。害苗之草也。 (三)瞰。俯視也。 (四)尤。怨也。

姚春木柶菴銘

子厚說車。次山惡圓。古之君子。周旋折旋。父子一堂。詩書千載。摸牀曲几。吾志弗改。大方無圭。大廉無隅。與為詭隨。寧守我柶。

〔釋義〕 (一)柶同觚。〔論語注〕或曰酒器。或曰木簡。皆器之有稜者也。〔史記酷吏傳〕破觚為圓。 (二)子厚唐柳子厚也。作有說車文。 (三)次山。唐元結字。作有惡圓文。 (四)旋亦作還。〔禮王制〕周旋中規。折旋中矩。 (五)〔唐書蘇味道傳〕味道為相。嘗謂人曰。決事不欲明白。摸稜持兩端可也。〔陸游詩〕客來苦勸摸牀稜。柳子厚有斬曲几文。 (六)圭。玉之剡上方下者。世之喻人行為峭厲曰圭角。 (七)〔論語注〕廉。謂稜角峭厲也。〔按〕廉隅者。謂品行方正。節操堅確。猶器之有稜角也。 (八)詭隨。不顧是非而妄隨人也。

曾滌笙五箴 并序

少不自立。荏苒遂泊。今茲蓋古人學成之年。而吾碌碌尚如斯也。不其戚矣。繼是以往。人事日紛。德慧日損。下流之赴。抑又可知。夫疾疾所以益智。逸豫所以亡身。僕以中才而履安順。將欲刻苦而自振拔。諒哉其難之歟。

作五箴以自創云。^四

〔註音〕〔泊〕具冀切〔疚〕音趁〔創〕瘡去聲

〔釋義〕〔一〕荏苒就展轉也。指時間而言。〔二〕碌碌。凡庸貌。〔三〕〔孟子〕恆存乎疚疾。〔注〕猶災患也。〔四〕

創。懲也。

立志箴

煌煌先哲。彼不猶人。藐焉小子。亦父母之身。聰明福祿。予我者厚哉。棄天而佚。是及凶災。積悔累千。其終也已。往者不可追。請從今始。荷道以躬。輿之以言。一息尚存。永矢弗諉。

〔釋義〕〔一〕煌煌。光明貌。〔二〕藐。小也。〔三〕佚。與逸通。不勞也。〔四〕矢。誓也。諉。忘也。句見〔詩考槃〕。

居敬箴

天地定位。二五胚胎。鼎焉作配。實曰三才。儼恪齋明。以凝女命。女之不莊。伐生戕性。誰人可慢。何事可弛。弛事者無成。慢人者反爾。縱彼不反。亦長吾驕。人則下女。天罰昭昭。

〔釋義〕〔一〕二五。天地也。〔易繫辭〕天數五。地數五。〔本草〕胚胎將兆。〔按〕謂萬物始生也。〔二〕三才。天地人也。〔三〕儼謂儼正。恪謂恭敬。〔四〕昭昭。明也。

主靜箴

齋宿日觀。天雞一鳴。萬籟俱息。但聞鐘聲。後有毒蛇。前有猛虎。神定不懼。誰敢予侮。豈伊避人。日對三軍。我慮則一。彼紛不紛。馳驚半生。會不自主。

今其老矣。殆擾擾以終古。

〔釋義〕（一）應劭漢官儀：泰山東南山頂名曰日觀。雞鳴時見日始欲出。長三丈許。故以名焉。（二）常建詩：萬籟此俱寂。惟聞鐘磬音。（三）馳驚奔走也。

謹言箴

巧語悅人。自擾其身。閒言送日。亦攬*一女神。解人不誇。誇者不解。道聽塗說。智笑愚駭。駭者終明。謂女賈*二欺。笑者鄙女。雖矢猶疑。尤悔既叢。銘以自攻。銘而復蹈。嗟女既*三耄。

〔註音〕（攬）音絞（賈）音古

〔釋義〕（一）攬亂也。〔詩小雅〕：盪攬我心。（二）解人。謂明識理趣者。（三）耄。年老也。

有恆箴

自吾識字。百歷及茲。二十有八載。則無一知。曩者所忻*一。閱時而鄙。故者既拋。新者旋徙。德業之不常。日為物遷。爾之再食。曾未聞或愆*二。黍黍之增。久乃盈斗。天君*五司命。敢告馬走*六。

〔釋義〕（一）百歷及茲。由百字之識以及此也。（二）忻同欣。即歡喜也。（三）言日食兩頓而未嘗或過也。（四）

黍。數名。十黍為案。謂增之又增。亦得盈斗也。（五）天君。心也。（六）馬走。自謙之辭。猶言僕也。〔漢書司馬遷傳〕

太史公牛馬走。〔小爾雅〕：走。我也。

吳南屏唐子方方伯夢覲齋銘

歲丙午。友人毛君西垣。客於陝西按察使貴陽唐公所。書來告曰。唐公以

才能受知天子。自縣令累擢至監司^二。然未嘗一爲俗吏所爲。其所交識。皆天下賢士。所愛而稱者。必磊落奇偉之行。尤甚好文章。前年在京師。徧屬京師之能詩者。題辭其家夢硯之圖。唐公雅善余詩。是以見客甚隆禮焉。今又以吾言知子勤爲古文。將欲藉文於子。子今方在憂。他日當許爲之。其冬西垣歸。詣余。具道唐公之意。余曰。夢硯者何也。曰。曩者唐公隨侍其尊府公官廣東時也。入廣州市中。遇貨硯者。視其刻。雪聲堂硯也。蓋明忠臣順^三。陳忠愍公邦彥^四之故物。其銘識可考。按云。唐公厚直得之。大喜。而其時尊府公方自清遠^五得代。稍後來廣州。唐公捧硯拜告之。尊府公。尊府公^六矍然曰。異哉。吾昨者來也。夢一丈夫古冠佩者登吾舟。揖而言曰。有物屬留君家。善護之。吾驚而覺。大疑怪之。乃此也耶。丈夫豈非陳公平乎。吾猶憶其形貌頎然^七。而聲情甚偉。唐公於是命工圖之。而以名於其齋。曰夢硯之齋。以與海內士大夫題記贊詠其事。以益彰陳公之烈。蓋三十年於茲矣。余曰。若此乎。信可異而稱也。夫我國家之初。明之故臣。尙扶其殘孽。崎嶇^八保持嶺海^九之間。陳公驟起鄉閭。捐家室。誓徒旅。蹈鋒飲血。其軍最爲雄健矣。而肇慶廣州。骨肉相禍。陳公力奉永明^{一〇}。名分尤順。天兵卽誅。以死完節。可謂無憾。今二百年。雖遺物之僅存。如是硯者。英魂壯靈。未嘗不赫然與之俱。而唐公於此。尤能欽想其風烈。發揮傳頌之無已。所以扶立名教。

砥礪天下學士。誠有謂哉。今年唐公布政湖北。以書通問於敏樹。而屬文益勤。敏樹不敢辭。則謹述其所與毛君言者。而爲其齋之銘以獻於公。其辭曰。

晝入此齋。日烈而霜。惟硯石之英。夜入此齋。燭跋而光。惟硯石之芒。吁嗟陳公氣大剛。耿耿不死天南鄉。人汗吾硯夢授唐。非此主者誰發揚。忠賢百代扶世綱。我銘此齋意孔長。

【註音】(惠)古德字(叢)厥縛切(頤)音祈

【釋義】(一)唐子方。名樹義。貴州遵義人。以舉人官至湖北布政使。(二)監司。亦稱憲司。舊時爲監察州郡之官。清代則通稱道司。(三)順惠。縣名。屬廣東。(四)陳邦彥。字令斌。明末奉桂王起兵。守三水。援絕。被執死。(五)清遠。縣名。屬廣東。(六)叢。驚顧貌。(七)頤然。長貌。(八)崎嶇。喻困難之意。(九)嶺海。南嶺與南海也。(一〇)順治初。唐藩弟聿鏞。浮海至廣。閩中故相蘇觀生等奉爲監國。改元紹武。時永明已立於肇慶。使彭耀等至廣。曉譬倫序。被殺。邦彥自廣至肇。見永明王曰。彼強我弱。戰則非計。彼曲我直。和則非名。粵東十郡。我據其七。而使其三代我受敵。不亦可乎。按永明。名由榔。桂王常瀛少子。後爲吳三桂所弒。(二)燭跋。燭本也。〔禮記曲禮〕燭不見跋。

吳南屏石君硯銘

石君。余硯也。昔在辛卯之歲。與亡弟半圃讀書嶽麓。以錢三萬。取之友人。家。硯體甚巨。形製古異。無他文飾。惟池旁有停雲館三字。驗其刻未工。蓋謬爲文待詔家物。以炫售者。然硯故良石也。半圃喜學書。余以硯屬之。頗貴之。未肯輕用。及亡。余痛此硯。遂廢無事。命工稍鑿治之。摩去舊刻。常供之案間。一日久雨始晴。日光照書室。硯在蓋下。噴沸有聲。怪而啓之。清水

盈溢。以此益知其尤^三。愈寶愛之。以姓號之。石君。余既無能遭遇。發揚於世。而文字日頗有名。恐遂抱硯為庸人役。故作為是銘。將求善工而刻之。其背銘曰。

年可壽若老彭^四。吾不以墨之汁而佐彼之觥^五。行可贈若班生^六。吾不以毫之穎而贖彼之程。匪墨之私。匪毫之愛。恐汗吾石君之生平。嗚呼石君兮。吾與君銘。

【註音】（觥）古橫切

【釋義】（一）嶽麓書院名。（二）文待昭。名徵明。初名璧。以字行。更字徵仲。號衡山居士。明長洲人。貢入都。授

翰林待詔。後致仕。詩文書畫兼擅其長。（三）尤異也。〔莊子徐无鬼〕夫子。物之尤也。（四）老彭。即彭祖。姓錢。名鏗。

顯頊玄孫。壽八百三十餘歲。（五）觥。酒器名。（六）班生。名景倩。唐汲人。自採訪使入為大理少卿。刺史倪若水錢

之。立望其行塵。久之乃返。謂官屬曰。班生此行。何異登仙。（七）穎。筆頭也。（八）贖。送行之禮。

姚姬傳潘孝子贊

嘉定潘孝子。諱德馨。割肱以愈母疾。事在雍正四年。嘉慶十一年。其會孫孝曾。持錢可廬大昭所記事蹟來示。請為之傳。彙讀可廬之記。既已詳盡。論復精當。是為傳已無以易之。乃為之贊。

子之事親。理有常變。親逮死亡。何擇何辨。志極身忘。真性方見。懿哉孝子。割膺奉薦。誠動鬼神。危者安。宴感事悲傷。紀聞欣勸。

【釋義】 (一)大昭。大昕弟。字晦之。著後漢書補表八卷。 (二)懿哉。嘆美詞。 (三)膺。胸也。指割股事。

姚姬傳甯化三賢像贊

宋既南渡。儒學在閩。或嗣或絕。或偽或真。聞二三君子。厲志海濱。口誦朱訓。志踐以身。賤子弗識。有想其人。惟光祿亡。嘗銘其窀。賢子奉圖。載舟與輪。二三賢同軸。日侍師親。式穀之慕。雅言用遵。瞻像匪遠。其道日新。

【註音】 (窀)猪春切

【釋義】 (一)二三賢者。故副都御史雷鐵翠庭。故光祿卿伊朝棟雲林。故歲貢生陰承方靜夫。 (二)儒學在閩。指朱熹。 (三)光祿。官名。 (四)窀。墓穴也。 (五)式。用穀。善也。詩小雅。教誨爾子。式穀似之。

姚姬傳太常寺卿萊陽趙公遺像贊

世奚治寧。維人才盛。察才百端。首身潔正。睠焉求賢。昔仁皇聖。上自監司。

下逮守令。舉清官七。以厲貪競。維時太常^四持造士柄。行部江淮。皎如水鏡^六。斥^七賊絕干。有當無倖。升舉於朝。四海稱慶。年不及耆^八。厥施不竟。百年江介^九。惟休悼病。安得有公。復履茲境。展公遺像。以思增敬。發歎眇焉。攄^{十一}是贊詠。

【註音】（睭）同眷（賊）音求（攄）丑居切

【釋義】（一）萊陽。山東縣名。（二）趙公。名崧。號聞仙。（三）睭。勤厚之意。（四）太常。官名。掌宗廟禮儀。（五）行部。謂巡視部屬也。（六）晉書。衛瓘見樂廣。奇之。曰。此人如水鏡。見之瑩然。（七）賊。以財枉法相謝也。（八）禮記曲禮。六十曰耆。（九）江介。沿江之地。楚辭。悲江介之遺風。（十）悼其已死也。（十一）攄。舒也。布也。

姚春木朱古愚翁真贊

古文百篇。出九十翁^二。詩徵轅生^三。禮保竇公^四。翁家先世。獨以儒教。中更多故。編簡失考。孤孫熒熒^五。手其羸殘。孔壁^六毋鑿。晏楹復完^七。陽儒陰釋。天德王道。翁年八十。抱此終老。人心至明。勿蒙勿欺。去其害馬^八。觀此靈龜^九。千聖一心。同條共貫。入寶區區。會何足算。雒閩正學^一。如日中天。前有當湖^一。後有止泉^二。書非一家。人非一世。我述斯言。敬告來裔^三。

【註音】（熒）音瓊

【釋義】（一）朱名直。心泉先生孫。（二）九十翁。即漢濟南伏生。名勝。古文尚書二十九篇。乃漢文使鼂錯往受之。（三）轅生。漢轅固生。齊人。治詩。景帝時嘗為博士。（四）漢文時。得魏文侯時人竇公。年百八十歲。兩目俱瞽。獻周禮。大宗伯大司樂一篇。（五）熒熒。憂思也。（六）漢書。魯恭王好治宮室。壞孔子舊壁。聞鐘磬琴瑟之聲。遂不敢復壞。於其壁中得古文經傳。（七）晏子。晏子病。鑿楹納書焉。謂其妻曰。子壯而示之。（八）莊子。夫為天下。亦奚以異乎。救馬者哉。亦去其害馬者而已矣。（九）爾雅。一曰神龜。二曰靈龜。注。倍陵郡出大龜。甲可以卜。文似螭蝮。俗呼為靈龜。（十）雒閩正學。指程朱也。（十一）當湖。湖名。在浙江平湖縣。清大儒陸隴其居之。（十二）朱

澤。字湘陶。號止泉。寶應人。講道錫山。闡明紫陽之學。有朱子聖學考略。(二三)來裔。後人也。

梅伯言楊忠武公贊

在嘉慶初。川民跳呼^二。并絡南山。是穴是郛^{*三}。天兵四臨。北合南浦^四。公以宿威。首執楚俘。提軍陝略。斬虺搜狐。死士百人。愛同肌膚。攻堅截流。壓賊如雛。隨專閩鉞^五。以訖天誅。滑賊^六逃死。以城自恃。張其蝥網^{*七}。距我星壘。公揚天雷。土崩岳礎^{*八}。聚其梟狼。萬肉一灰。屢奏膚功。忠謹不回。帝重公器。封疆可寄。武人制軍。漢臣破例。公督陝甘。子亦開府。恩榮巍巍。不亢以俯。元臣來朝。天子歎嗟。念其勤功。與其耄蟠^{一*}。稽首歸里。帝錫繁祉。形在紫光^二。美諡加禮。哀榮冠倫。可謂終始。百戰如公。以牖下終。凡百有位。視此精忠。

〔註音〕(郛)音孚(蝥)音無(礎)音堆(蟠)音婆

〔釋義〕(一)楊忠武公。名遇春。字時齋。四川崇慶人。由把總起家。官至陝甘總督。(二)嘉慶初年。白蓮教糾眾反。徧川陝湖北。數年而平。(三)郛。郭也。(四)浦。逃也。(五)隨專閩鉞。指由把總而為大帥。閩郭門之門限。鉞。大斧也。(六)嘉慶十八年。李文成據河南滑縣。(七)蝥。籠龜也。見〔爾雅釋蟲〕。非食禾之虫。(八)礎。石投下也。此作崩摧之義。(九)膚功。大功也。(一〇)子亦開府。公子國楨為河南巡撫。(一一)〔禮曲禮〕。八十九曰耄。蟠。髮白也。(一二)紫光。閣名。清時圖畫功臣像於其上。

梅伯言陸母林孺人像贊

常州陸祁孫先生。有賢母曰林孺人。既卒。除喪。惟先生思慕之不忘。設像於室。事亡若存。以像之設。不能得於古也。乃錄其德行焯焯者數十事。示

年家子梅會亮。命爲之贊。且敘其不可已之情事。曰。像之設。蓋起於周秦之間。婦人有像。自西漢始。像之興。其當尸之廢乎。或曰。是其於先人稍不類。則恐天下之人。適有類乎此也。是未明乎尸之說也。夫實有是人而非吾先人者。尸也。而吾心猶有可以先人之之理。若天下人適有類乎像者。理也。無是形也。而吾心先人之。豈反不得爲先人乎。嗚呼。禮有殺於古而隆於今者。今爲厚。從其厚可也。於禮。婦人無主。今有主。晉以後未有非之者也。父在母厭尊。今無厭尊。唐以後未有非之者也。彼情之所失者厚。而名之所託者尊。故非之者。予惡名而不敢辭。君子曰。先王之禮。情不勝義。後世之禮。義不勝情。義不勝情者私也。私而值乎親。則君子之求致其情者。所樂因也。獨像也。歟哉。贊曰。

閩縣孤生林太孺人。嬪於恭城君。常州陸門。恭城君之斂。命服莫安。曰。從今職。毋僭舊官。祁祁守禮。駭浪如砥。夫棺在舟。濡足不起。愛子惟一。折蓼弗惜。曰。榮辱於先公。莫斯爲亟。令子者何。祁孫先生。文章滿家。媿於東京。舉於庚申。官於合肥。嗚呼孝子。今誰子答。不子能答。像亦罔知。子曰。有知我母之儀。

【註音】(焯)同灼(殺)所壞切(蓼)祖叢切

【釋義】(一)焯焯。光明貌。(二)古者祭祀。皆有尸以依神。以卑幼者爲之。及後世始用畫像。(三)殺。衰也。

(四)嬪。婦也。〔書堯典〕嬪於虞。(五)恭城。縣名。屬廣西。陸父廣霖嘗爲此邑令。(六)祁祁。舒緩貌。(七)折菱。小樹枝也。〔揚子方言〕木細枝謂之杪。青齊燕冀謂之菱。故傳曰慈母之怒子也。猶折菱答之。其惠存焉。(八)東京。卽漢時洛陽。(九)合淝。卽安徽合淝縣。





姚姬傳祭張少詹會啟文

嗚呼。昔君始降。宵中營室^二。龜生逮君。後五十日。君長而才。鵬揚驥驚。龜也
 無能。伏尋章句。十年二之。偕聞鹿鳴^三。風雪載途。共以車征。龜^{*}圻其膚。褰闕^{*五}
 帷^{*六}。幹笑我擁袖。懦婦稚嬰。省試罷歸。獨君登第。送我西墉^七。援衣出涕。君為
 禁^八。臣彪胸爛手。裁觚^{*九}朝脫。暮誦士口。龜走南北。五躡一升。來則授榻。行為
 檢^{一〇*}。騰荒園廢寺。挈攜交朋。畸客窮士。受禮不能。狂歌踞罵。酒悲沾膺。人或
 駭^{一一*}。厭君恬不憎。龜不能飲。君每代舉。同車出入。相從坐處。獎善抹過。或喜
 或^{一二*}。頰嗚呼君往。而孰余成。士氣之卑。言甘貌順。君企古人。欲以義振。兩試
 翰林。辭成拔儁。遂至詹事。益持孤峻。眾所顧畏。索刺癥疵。詔衡貢士。有當
 無私。勇於知恥。怯於賄貲。交讒去官。大快羣欺。自是與君。別居南朔。在歲
 壬辰。來儻去邈^{*一三}。念君魁梧。面丹有渥^{一四}。終接檐^{一五*}。晨宵商榷。龜始告歸。君在
 大梁^{一六}。靳世大用。為師一方。正月十二。作書示我。暮已告疾。晨琴徹左。凶問
 遠承。將信終^{一七}。巨手執君書。情密辭夥。天道祐善^{*一八}。芴不可論。既煢獨余。又奪
 所親。強盛先隕。弱甯久存。龜在揚州。君板歸里。不牽其^{一九*}。不撫其子。寫辭
 可窮。有悲曷已。尚饗。

【註音】(龜)音均(褰)音愆(輪)音靈(觚)音孤(臙)音騰(頰)傍丁切(儻)音纒(蕞)音萌(芴)音忽
(縹)音弗

【釋義】(一)張會徽字增似安徽桐城人。(二)營室星名在二十八宿中陰歷十月夜於南方正中見之。
(三)科舉時鄉試揭曉之翌日宴主考同考執事各官及鄉貢士曰鹿鳴宴唐時宴鄉貢用少牢歌鹿鳴之章。(四)
天旱田裂曰龜坼〔莊子〕宋人有善為不龜手之藥者〔按〕龜凍皸瘃也。(五)褰舉也。(六)輪車闌也。(七)塘小
城也西塘猶言西城。(八)禁臣天子之近臣也。(九)觚簡策之類古人以書文字。(一〇)臙行臙如今之纏腿。(一一)
畸客言性情高超與俗不偶者。(一二)頰威氣貌。(一三)儻疾也。(一四)面丹有渥色赤而潤也〔詩秦風〕顏如渥丹
(一五)蕞屋棟。(一六)大梁河南。(一七)叵不可也〔後漢書呂布傳〕大耳兒最叵信。(一八)芴鈔茫之意〔莊子〕芒乎芴
乎無所從出乎。(一九)縹引棺之索今謂送殯曰執縹。

姚姬傳祭朱竹君學士文

嗚呼海內萬士於中有君其氣超然不可輩羣余始畏焉曰師非友辱君
下交以為吾偶自處京師君日從語執拒相諍卒承諧許或歲或月以事
閒之清辭酒態靡不可思余與君訣乙未之春有言握手期我古人君之
屬文如江河匯不擇所流蕩無外內^二森怒濤驚復於恬靡小^三泚澄潭亦可
以喜世皆知君文士之碩莫見君心堅如金石不可勢趨不可利^四眛吃口^五
^六澀辭遇義大啓嗚呼今日士氣之衰天留一人庶卒振之七年江濱日思
君面已矣及今終不可見嗚呼尙饗

【註音】(森)音標(眛)音米

【釋義】(一)朱竹君名筠字東美大興人乾隆進士授編修官至侍讀學士嗜酒好交著有笥河文集。(二)

森暴風從上下也。(三)泚小水也。(四)眛物入目中也。(五)吃口言語蹇難也。(六)澀辭言語遲鈍也。

吳殿麟祭家蕙川文

我初省疾。設食留歡。含哺語我。為子加餐。疾猶可為。顧之色喜。孰知背面。旬日而死。子之文章。具體吾師。灌歐沃蘇。獻其華滋。海內文儒。凡億千輩。子揮長戈。當者骨碎。方其壯時。睥睨公卿。奚為晚歲。猶困諸生。既虛祿位。還乏子息。哭者盈庭。羣為子戚。天有妖祥。人有極福。惟獨與貴。不居五六。堯勳舜業。流電浮雲。文百斯男。頑聖難均。予獨惜君。未躋下壽。立言未成。識子心疚。我之文章。子則知之。吁嗟已矣。疇慰予悲。

【釋義】 (一)省疾。探病也。 (二)具體。言大體具備也。 (三)睥睨。斜視也。 (四)書洪範。五福。一曰壽。二曰富。三曰康寧。四曰攸好德。五曰考終命。六極。一曰凶短折。二曰疾。三曰憂。四曰貧。五曰惡。六曰弱。 (五)孟子。老而無子曰獨。 (六)五十六。即言五福六極。 (七)謂文王百男。有武王周公之聖。又有管叔蔡叔等之頑。 (八)莊子。下壽六十。左傳疏。下壽八十。

吳殿麟祭何生文

古我紫陽。角文之地。生偶游斯。竟拔其萃。喜萌於心。挈朋再至。撼山醜河。文豪以肆。詰朝躍馬。反我書堂。云有微疾。態尚洋洋。天平人乎。一夕而亡。父母弟昆。隔數千里。送子長終。無一親在。豈無他親。兄弟婚姻。撫棺哭踊。獨我一人。子歿吾館。知子無怨。我治子喪。更復奚恨。恨子將死。我昏不知。言召醫來。已不可為。視弟猶子。顧至於斯。自子來游。於今三歲。炤炤修修。高志敏事。敬恭師長。雍睦同儕。人爭我讓。衆孰子乖。日日予與。先衆省我。

華燈夜張。偕衆隔坐。講道歌文。常至月墮。久合俄離。云如何可。自子奄逝。衆各還家。空庭淡淡。與雨輶霞。側望子榻。遺芳靜嘉。詩書肆好。塵垢新加。鳥鳴未歇。桃李猶花。恍惚觀者。其殆子邪。子少猶茁。如此弱脆。矧我逾艾。獨能久寄。大賢有言。妖壽不貳。朝未偷生。夕可以斃。我之突子。哀有殺時。子長舍我。無復還期。哀哉尙饗。

【註音】(醜)音雁(炤)同照(輶)同輶(殺)所壞切

【釋義】(一)紫陽山名。在安徽歙縣城內。(二)角文。以文學爭勝也。(三)醜。分也。(四)詰朝。即明朝。(五)岸。

岸。美威貌。(六)炤炤。明見貌。(七)修修。謹飭貌。(八)「論語注」禮。童子當隔坐隨行。(九)輶。藏也。(一〇)「禮曲禮」

五十曰艾。(一一)妖。同天。短命也。(一二)偷生。苟活也。

【評語】姚姬傳曰。刻至之語。直到古人。

王悔生祭海峰先生文

嗚呼。韓歐氏歿。文章不傳。陵夸衰微。遂七百年。先生之生。接續攸會。欲欲其聲。嶽嶽其概。古稱豪傑。無待猶興。磅礴鬱積。山川之英。縱其所為。剝經之旨。爭雄鬪奇。旁及子史。張樂廣野。錡然而鳴。濤轟雲委。如洪河傾。未師詹詹。識眇知陋。譬萬石鐘。以寸莛扣。語以先正。駭筵無端。反脣帖耳。奚怪其然。吾鄉宗伯。孺正持斲。一見而驚。欽為彝器。謂我儕輩。會無此人。揭揭自豎。百世其聞。歲在癸丑。詔徵鴻博。鴻璧蚪珠。陸離紛錯。承明橐筆。宜在斯時。誰知蹇厄。擯於有司。繼舉以經。曰修三禮。相國之力。可拔而起。在館

未久相國云歸。僅一薦舉。輒多背違。朋試於鄉。指屈可得。嗟一鄙夫。深為
韜匿。惟出惟處。浮雲在霄。嗚呼數奇。百不一遭。既老而窮。始官博士。惟黜二
之山。其水清駛。百里來學。生徒滿宮。文教所被。于于向風。既焉歸休。縱陽三
江上。咫尺予家。衡接檐向。芟茅植樹。有蕉有梧。繁陰垂彼。先生之廬。門扉
晝扃。藏書千卷。丹鉛淋漓。簡策都徧。泊焉奚慕。彈琴詠歌。視彼碌碌。為樂
孰多。凡厥歲時。招呼僚友。廣座高陳。魚釜醜酒。後生魁俊。接引維勤。而於
小子。勉望尤肫。篤論高言。諄諄訓誡。沃我心靈。開我盲聵。始從艱阻。得此
夷途。庶所向往。不誤其趨。時時過從。巖操几杖。私喜康強。百年可望。豈知
不見。五日於斯。凶耗遽至。長與世辭。嗚呼先生。而竟至此。天不憖四遺。星隕
山圯。惟其著述。炳燦巍峨。雲漢昭垂。百祀不磨。獨惜吾徒。門牆落落。頓失
所瞻。斯文何託。憑棺一慟。匪哭其私。陳詞薦酒。心有餘悲。嗚呼尚饗。

〔註音〕(夸)同夷(欲)音宏(錡)音轟(莛)音廷(選)音萼(竭)立謁切(嗟)同嗟(嘽)同嗟(黜)湮奚切
(攢)七恭切(愁)魚觀切

〔釋義〕(一)韓歐。即唐韓愈宋歐陽修也。(二)欲欲。谷中大聲。(揚子法言)非雷非霆。隱隱欲欲。(三)嶽嶽。長角貌。(漢書朱雲傳)五鹿嶽嶽。朱雲折其角。(四)孟子。待文王而後興者。凡民也。若夫豪傑之士。雖無文王

猶興。(五)磅礴。充塞也。(六)錡然。大聲。(七)詹詹。小辨貌。(莊子)小言詹詹。(八)莛。草莖也。(九)選。心不欲見而

見之謂。(一〇)宗伯。指方苞。時苞官禮部侍郎。見海峯文。即曰。吾輩當讓此人出一頭也。(一一)竭竭。武壯貌。(一二)豎。立也。(一三)鴻博。即博學鴻詞科。清康熙乾隆間。會兩舉此科。(一四)陸離。參差衆盛貌。(一五)侍從之臣所居之處曰

承明廬。(一六)漢書張安世傳。持橐籥筆。(注)橐。盛書。籥筆。插筆于首以紀事。(一七)三禮。周禮。儀禮。禮記也。(一八)相國。指張文和廷玉。鴻博之試。為文和所黜。已而文和薦其經學。又因文和去位而罷。(一九)鄙夫。當指主試之人。

(二)數奇。謂運數乖舛而不相合也。(三)黟。山名。在安徽黟縣南。俗名大鄣山。(三)于于。行貌。〔韓愈文〕于于焉而來矣。(三)樅陽。古縣名。故城在今安徽桐城縣。(二四)〔左哀十六年〕不憇遺一老。〔注〕憇。且也。

張皋文崔景僞哀辭

余始識景僞^{*}於京師。與爲友。景僞以兄事余。既數歲。已而北面承贄。請爲弟子。余愧謝不獲。且曰。僞之從先生。非發策決科之謂也。先生不爲世俗之文。又不爲世俗之人。僞則願庶幾焉。嗚呼。世俗之爲師爲弟子云者。其取之有由矣。其學之有由矣。非所援焉而取。非所銜焉^{**}而學。則以爲狂且愚。昔韓退之^三作師說。毅然爲人師。一世非笑之。惟李翱^四張籍^五皇甫湜^六數人。以爲然。余之文質靡當。誦聖人之書。而未識其道。其於景僞未有以相過也。而窮困之效已明。自景僞遊公卿間。名聲日起。當世所謂速化之術。固當聞之。乃退然就執友^七之門。而請受業。欣然若有樂者。惜乎不遇韓退之。使與李翱張籍之徒相頡頏也。景僞之學。拙於進而勇於取。雖小物務既其實。與之論道理。未嘗不悅其改過果以速。嗚呼。使假之年而就其學。豈可量哉。景僞字格卿。蒲州永濟人。以乾隆五十八年五月十二日。卒於京師。年二十五。其爲人長弟^{*}完好。生而父兄僞之。歿而所與遊者思之。工八分楷書摹印。世多藏者。余獨悲其有盛志。而卒不遂其學。以無聞於後。爲可惜也。爲辭以哀之曰。

嗚呼。僞耶。羣黯黜*九以爲賢。誰使與耶。既朝軻而夕顛。又誰憎耶。苟嗇其命。而胡以厚其憑耶。將匪獲於天。而獨自以心爲雄耶。才者之小年二。延於不肖者之恆耶。泯泯三於後世。而落落乎古人。嗚呼。奈何乎僞耶。

【註音】(僞)稱本字(銜)音縣(湜)音殖(弟)同悌(黜)徒感切(軻)音刃

【釋義】(一)非發策決科。謂非應試而求師也。(二)銜。自矜也。(三)韓退之。即韓愈。(四)李翺。字習之。趙郡

人。(五)張籍。字文昌。烏江人。(六)皇甫湜。字持正。新安人。(七)「禮曲禮」執友。稱其仁也。「注」執友。志同者。(八)

蒲州。府名。屬山西。今廢。永濟舊爲蒲州府治。(九)黯黜。不明也。(一〇)「楚辭」朝發軻於天津。「按」以木支輪而止

其轉者曰軻。故車始啓行曰發軻。(一一)小年。謂年輕壽短也。(一二)泯泯。猶茫茫。

張皋文祭金先生文

嗚呼。六經同歸。其指在禮。誰歎明之。北海鄭氏二。經唐涉宋。大論日蕪。天鑒大清。篤生巨儒。乾隆之初。婺源江公四。刊榛兌途五。灑流就東。厥其繼者。休寧六之戴。先生起歎。並黻聯佩。戴君宏通。衆流並泳。志脩年短。厥緒未竟。先生精研。思約理積。掉頭序*八。廡*八壺奧獨闢。既啓其室。遂周其藩。桴宗格*九。柎*九既固。既完。箋禮九篇。以鄭正鄭。惟其匡拯。是謂篤信。一義之發。邇於睫眸。先生不言。千載其幽。較其所成。於戴蓋多。婺源之傳。岱華比峨。古人著書。感發不遇。先生不然。頤志養素。早年獻賦。入贊機衡。對策鑿坡。聲震殿廷。帝嘉其文。冠之上第。再命持衡二。慎簡俊乂。翩然高蹈。有遜若飛。不事之功。其成則巍。杜門養疴。二十一年。既定禮堂三。其人未傳。景行實行。高山惟仰三。昊天

弗遺。後學誰放。伊蒙寡昧。一言獲褒。春風所噓。不遺薪蕘。二三年在門。莫窺
 美富。既困馳驅。乃始自咎。獨持緒論。以當衆歧。端策恐驟。瞻途識夷。丙辰
 之春。再謁几席。先生欣然。曰子可益。則理其穢。則澹其清。恢之拓之。以崇
 以閔。閔其飢寒。恤其生死。割宅以居。推食以食。歲在己未。孟春北征。先生
 餞之。肴核既盈。酒酣執手。曰學實難。*一四 菅不知道。繡其悅。*一五 前賢後生。氣求
 聲應。弗章弗傳。孰美孰盛。挹河知源。測景知光。今我老矣。非子曷望。疇昔
 之歲。殷勤與書。問子所學。今則何如。勉子舊聞。告我新得。使我暮年。快覩
 奇特。惶恐再拜。負慚此言。匪敢怠荒。乃為俗牽。逝將歸來。返我矩矱。庶幾
 籍湜。果不畔去。恭聞易簣。命簡作械。寫不成章。筆絕意。*一六 嗚呼微言。遂絕
 於茲。哭寢此日。傷心曩時。具存者書。莫繼者事。命我以意。曷敢以二。尙羈
 塵鞅。罔遂駿奔。輕緋不親。奠學弗存。南望一慟。告茲哀衷。言有弗宣。哀其
 可窮。先生之靈。其曷不鑒。未知後死。斯言勿玷。*一七 嗚呼哀哉。

【註音】（發）音務（房）音雅（梓）音浮（采）音亡（格）音節（栢）音而（菅）木平聲（悅）稅（聲）音盤（簣）
 音責（噓）音歛（輕）音銓（罌）古雅切

【釋義】（一）金先生名榜。字蕊中。一字繫齋。歙人。江永弟子。乾隆時一甲一名進士。著有禮箋。（二）北海鄭

氏。即鄭玄。（三）婺源。縣名。屬安徽省。（四）江公。名永。（五）兌。通也。（六）休寧。縣名。屬安徽省。（七）戴。即戴震。（八）

大屋曰廡。廊廡四達之為序。（九）爾雅。棟謂之栢。韓愈文。大木為杗。杗。棟也。栢。柱上橫木承棟者。栢。斗拱也。

柱之上端方木。以承椽者。按椽。栢亦一物。（二）唐德宗移翰林院於金鑾坡。見翰林志。故後世翰

林院稱鑾坡。（三）持衡。評量人才。言金榜二次奉命為學政。（四）後漢書鄭玄傳。所憤憤者。徒以己親墳壟未

成。所好羣書。率皆腐敝。不得於禮堂寫定。傳於其人。(一三)景行。大道。〔詩小雅〕高山仰止。景行行止。(一四)瞞。目不明也。(一五)脫聲。巾帶也。〔法言〕今之學者。非獨爲之華藻。又從而繡其聲脫。(一六)景。古影字。〔周禮〕以土圭之法測土深。正日景。(一七)炬燧。亦作架燧。法度也。(一八)籍湜。即張籍皇甫湜。(一九)會子寢疾病。童子曰。華而脫。大夫之簣與。會子曰。然。斯季孫之賜也。吾未之能易也。元起易簣。反席未安而歿。見〔禮記檀弓〕。(二〇)喙。不足貌。(二一)〔詩周頌〕駉奔走在廟。〔按〕駉。疾也。(二二)輕。車之庫而無輻者。緋。引棺索也。(二三)玷。缺也。

管異之祭檀默齋明府文

嗚呼。自聖不作。其傳爲經。宋精漢博。同炳日星。降爲華藻。數乃奇零。要之質備。終藉丹青。嗟時之人。罔知其故。乃詆通儒。爲備*二爲霧*二。芻狗三詞章。塵壒四考據。隼首*五帖耳。耽游是務。有美先生。崛起高平六。鹿鳴五策。薄海爲程。旣仕而躡。天脫羈縲。鶴逸鴻飛。大放其聲。先生之書。其種數十。始取遺經。昌明綴緝。次及見聞。以哀以集。先生之文。其數萬千。意在獨造。不循古先。至其得意。汪洋如淵。惟今儒林。得君已足。後世猶榮。當時則盛。始綰印綬。滇南漳窟。得罪長官。終填牢獄。痛甚遺黎。悲來舊僕。遇赦而歸。齒危髮禿。伊我幼稚。聞名有公。頃歲相逢。於大江東。劃然長嘯。風回蒼穹。奮袂而談。天地爲空。謂當執贄。重仰山崇。天不憖遺。降君鞠凶八。吁嗟人生。會合非偶。已矣何言。頌君不朽。君身黃泉。君名北斗九。陷君者誰。蠅營狗苟一〇。嗚呼哀哉。尙饗。

〔註音〕(備)音構(霧)音茂(隼)音頤

〔釋義〕(一)檀名。萃。安徽望江人。乾隆進士。官祿勸縣知縣。有法書一卷。(二)備。霧。愚而無識也。〔荀子〕愚陋備。霧與督同。(三)結草爲狗。以供祭時之用。祭終則棄之。故物之廢棄者。謂之芻狗。〔老子〕天地不仁。以萬

物為芻狗。聖人不仁。以百姓為芻狗。(四)墟。塵合也。(五)莫首。頭不正之貌。(六)高平。古郡名。在今江蘇淮陰縣安徽盱眙縣北。(七)瘴。山川濕熱蒸鬱之氣。人中之輒病。(八)鞠。盈也。〔詩小雅〕降此鞠凶。(九)韓愈人尊之如泰山北斗。〔按〕北斗。星名。(一〇)蠅營狗苟。指小人也。〔韓愈送窮文〕蠅營狗苟。驅去復還。

梅伯言陳石士先生祭文

嗚呼我公。名德世師。區蓋莫罄。言伸其私。我初見公。某局之側。謂為達尊。二長揖自攝。公字先君。曰吾昔友。隨園賦詩。二客一叟。庚申同舉。別面反久。三慢然年丈。造門致恭。自此視我。與猶子同。深友疏客。譽我悻悻。人或貌應。六公言愈深。慚欲起尼。口不可禁。於時辛巳。壬午之間。我初入都。翳路顛顛。七推轂於泥。期居人先。躡垤莫振。拜公南旋。公淚承睫。我悲在顏。依斗望京。一三別者四年。弔禍商文。字萬過千。主試江南。撒棘過舍。拊竹摩松。問屋所價。一四謂終結鄰。同臘共蜡。跳踉童甥。索扇乘暇。憐其幼聰。書語裒借。歡留五日。一七朝盤暮卮。東田之下。潮溝之西。逐蓋追輪。詰曲城陴。留書滿囊。汗走童奚。一八戊子之秋。閩中提學。書告期會。十月望朔。緩舟詠途。金山之焦。僧帽對著。一九閣榜松寮。屋脚插江。開簾捲濤。萬馬過枕。海神上潮。圍樓大榭。葉黃於瓢。二〇波水四伏。風聲刁調。惠山捨舟。泉石蛆蛆。杏山朱魚。遊日分寫。別徑過市。二三名園暗通。怪花神叢。穿透陰蒙。從我騎危。坐笑不從。囊某提局。命擇幽敞。二四酬答累公。我得恣覽。胥門別歸。閩書隨至。外孫遠來。繼者愛壻。於我廬旅。二六

久不自它。豈我致然。公誠不訛。時遭母憂。劬^{二七}莫仗。厚恤孤凶。非意所望。再見京師。壬辰之冬。意滿莫敘。歲除。使浙三載。返益貌豐。文酒從讌。冀無終窮。公疾始作。言笑坦坦^{二八}。自意無他。屬我勿返。執手於榻。爲計深遠。越日再見。言詞苦危。曰我爲文。子知我師。孰宜去留。筆專子持。苟念生平。當嚴勿欺。我笑慰言。此則早計。後今廿年。事當見界。我言則然。我悲難制。公子持我。跨^{二九}閭揮涕。子忍乾愁。不我救^{三〇}。公竟永逝。嗚呼哀哉。我歸實難。不歸何依。蒼蒼之天。搏搏^{三一}之士。骨肉以外。恩自公數。我今之來。凡百靡就。豈專毒予。見公入柩。銜恩述哀。惟其靈佑。尙饗。

〔註音〕(懽)音悚(愔)音音(躓)音致(埤)音迭(跟)音良(厄)音支(陴)音脾(擗)音斛(蛆)音瓦切(踰)通倚(基)音忌

〔釋義〕(一)「荀子」言之信者。在乎區蓋之間。〔按〕區。藏物處。蓋。覆物器也。凡言可信者。如物在區蓋間。不流溢也。(二)達尊。衆所尊貴者。〔孟子〕天下有達尊二。(三)攝。整飭也。(四)隨園。清袁枚別墅。在江蘇江寧縣小倉山。(五)庚申。時清仁宗五年。(六)懽。懼貌。〔朱熹詩〕懽然心神肅。(七)年丈。與父科第同年之稱。(八)猶子。姪也。〔禮檀弓〕兄弟之子。猶子也。(九)愔愔。安和貌。(一〇)尼。止也。(一一)繫。蔽也。(一二)顛顛。憂思也。(一三)推轂。謂推舉人才。如推車轂。使前進也。(一四)躓。頓也。礙也。埤。土之高也。喻不如意。(一五)〔杜甫詩〕每依北斗望京華。(一六)撒棘。考試事竣之謂。見〔舊五代史〕試院牆上樹棘。以防人入。(一七)跳踉。踊躍貌。(一八)厄。酒杯。(一九)童奚。小奴。(二〇)金山。焦山。皆在江蘇丹徒縣境大江之中。兩山東西對峙。(二一)櫺。大木。高丈餘。(二二)刁調。風聲也。(二三)惠山。在江蘇無錫縣西。(二四)蛆蛆。好貌。(二五)杏山。山名。遼寧河南山東安徽均有之。此當在無錫左近。(二六)胥門。江蘇吳縣城門名。(二七)劬。急遽貌。(二八)坦坦。寬平貌。(二九)〔公羊成〕一年。相與踰閭而語。〔按〕閭。當道門。開一。閉一。一人在外。一人在內。曰踰閭。(三〇)〔陸機文〕援貞名以基誨。〔注〕基。誨也。(三一)搏搏。下垂貌。



卷二十四 哀祭類二

會滌笙祭韓公祠文

維年月日。具官某。謹以清酒庶羞。致祭於先儒昌黎韓子之神。維先生之明德。宜祀百世。文人學子。皆所喩願。而禮典所載。獨配享先師孔子西廡。他無特祀。國藩前官翰林院詹事府。皆有先生祠堂。今承乏禮部。亦祀先生於官署之西北隅。而皆稱曰土地祠。國藩履任之日。敬謹展謁。乃神像之旁。有先師孔子之木主儼然在焉。竊以土地之稱。非經非訓。古者惟天子得祭天地。諸侯則社以祭土。大夫以下。成羣立社。多者二千五百家。或百家以上。小者二十五家。蓋土爰稼穡。民生所賴。凡食毛踐土者。皆得祭以報功。義固然也。自唐以下。有城隍之祀。世傳張說所爲祭文。及李陽冰碑記。舊已。今天下由京都以至行省郡縣。皆立廟以妥城隍。原易有城復于隍之占。禮有八蜡水庸之祭。高壘深池。以捍民患。推社之義而爲之立祀。理亦宜之。獨土地之祀。不可究其從始。國藩所居之鄉。或家立一神。或村置一廟。大抵與古之里社相類。而京師官署。尤多有土地祠。往往取先代有名德者祀之。先生之生。未嘗蒞官禮部。今歿已千年。所謂神在天上。如水之在地中。無所不際。而謂僅妥侑於一署之內。丈室之中。如古所稱

社公云者。亦以黷慢甚矣。若先師孔子。則先生所誦法終身者也。先生嘗羨顏氏。得聖人以為依歸。若深自歎恨。不得與於弟子之列。而無知者。乃位孔子於尊容之旁。先生而果陟降在茲。其必蹙然不安也。國藩瞻禮之餘。詢諸胥吏。舉不辨其由來。舊例。春秋以蕭薌*九奉祀先生。國藩亦且循沿習之常。以致吾欽嚮之私。惟於孔子之位。措置失宜。則不敢須臾蹈故。懼干大戾。謹奉木主。爇香焚之。既敬告所以。因為之詩歌。使工歌以人聲。冀先生之神。安休於此。不腆之誠。庶為歆鑒。詩曰。

皇頤造文。萬物咸秩。尼山纂經。懸於星日。衰周道溺。踵以秦灰。繼世文士。莫究根芽。*炎劉之興。炳有揚馬。二沿魏及隋。無與紹者。天不喪文。蔚起巨唐。誕降先生。掩薄三光。非經不效。非孔不研。一字之愜。通於皇天。上起八代。下垂千紀。民到於今。恭循成軌。予末小子。少知服膺。明誦遺集。尊靈式憑。濫廁秩宗。二二載瞻祠宇。師保如臨。二三進退維偃。位之不當。二四宣聖在旁。大祀躋僖。二六前哲所匡。我來戾止。神其安帖。敬奠椒漿。式告來葉。二七

〔註音〕(黷)音獨(薌)音鄉(芽)音駭

〔釋義〕(一)明代稱孔子為至聖先師。廟中大成殿前有東西廡。祀聖門弟子及先儒。(二)《公羊傳注》社

者。土地之主也。(按)俗稱里社之神曰土地。本此。(三)《禮王制》天子祭天地。諸侯祭社稷。(禮郊特牲)社祭土

而主陰氣也。(四)毛。草也。(左昭七年)封略之內。何非君土。食土之毛。誰非君臣。(五)城隍。神名。(六)張說。字

道濟。又字悅之。唐洛陽人。累官中書令。封燕國公。朝廷大述作。多出其手。(七)李陽冰。字少溫。唐趙郡人。善篆書。

(八)古有八蜡之祭。每歲建亥之月。田功告成。則合聚八神而報饗之。謂之八蜡。一先嗇。二司嗇。即后稷。三農。四

郵表嘷。五貓虎。六坊。卽隄坊。七水庸。卽溝。八昆虫。(九)「禮郊特牲」然後燭蕭合籥。〔注〕蕭。蒿也。藹。藹氣也。
(一〇)皇頤。指蒼頡。黃帝臣。始造文字。(一一)揚馬。卽揚雄司馬遷。(一二)秩宗。禮官。命伯夷作秩宗。見「虞書」。(一三)
師保。古教輔嗣王之人。(一四)偃。恭敬也。(一五)宣聖。孔子也。(一六)「左文二年」大祀於太廟。躋僖公。逆祀也。謂閔兄
僖弟。今反躋於其上也。(一七)來葉。猶言來世。

會滌笙祭湯海秋文

赫赫湯君。倏焉已陳。一呷之藥。椽我天民。豈不有命。藥則何辜。死而死耳。
知君不悔。道光初載。君貢京朝。狂名一鼓。萬口囂囂。春官名揭。如纛斯標。
奇文驟布。句驚字梟。羣兒苦誦。自暝達朝。上公好士。維汪與曹。大風噓口。
吹女羽毛。舐筆樞府。有銛如刀。儕輩力逐。一虎衆猱。曹司一終。稍遷御史。
一鳴驚天。墮落泥滓。坎坎郎官。復歸其始。羣雀欵門。昨鼃之市。窮鬼噴沫。
婢歎奴恥。維君不羞。復乃不求。天脫桎梏。放此詩囚。伐肝蕩肺。與命爲仇。
被髮四顧。有棘在喉。匪屈匪阮。疇可與投。忽焉狂走。東下江南。秦淮夜醉。
笙吹喃喃。是時淮海。戰鼓殷酣。狁夷所躡。肉阜血潭。出入賊中。百憂內慘。
寅歲還朝。左抱嬌娥。示我百篇。兒女兵戈。三更大叫。君泗余哦。忽瞠兩眸。
曰余乃頗。瀝膽相要。斧門掙鎖。嗟余不媚。動與時左。非君謬尋。誰云逮我。
王城海大。塵霧滔滔。惟余諧子。有隙輒遭。聯車酒肆。袒肩載號。煮魚大噉。
宇內兩饗。授我浮邱。九十其訓。韓悍莊誇。孫卿之醢。麀義鬪文。百合逾奮。
俯視符充。其言猶糞。我時譏評。君曾不愠。我行西川。來歸君筵。一語不能。

君乃狂罵。我實無辜。詎敢相下。骨肉寇讐。朋遊所訝。見豕負塗。或張之弧。二三羣疑之積。衆瘖生膚。君不能釋。我不肯輸。一日參商。二三萬古長訣。吾實負心。

其又何說。凡今之人。善調其舌。君則不然。喙剛如鐵。鋒棱所值。二四人誰女容。直者棄好。巧者興戎。昔余痛諫。君嘉我忠。曾是不察。而丁我躬。傷心往事。

淚墮如糜。以君毅魄。豈曰無知。鬼神森列。吾言敢欺。*二五酌子一滴。庶據我悲。

【註音】（呬）呼甲切（椽）音斷（蠶）音獨（蝨）音士（銛）思廉切（猱）奴刀切（鼉）古朝字（挑）音兆（愀）音談（睦）抽庚切（培）音培（嘍）苦怪切（饗）音滔（瘡）羽軌切（喙）許穢切（酌）盧活切（據）抽居切

【釋義】（一）湯海秋。名鵬。湖南益陽人。道光進士。試文傳誦。當時模仿。以主事充軍機章京。擢山東道監察御史。一月三上章。以劾宗室尚書載銓奴視屬官事。仍回原衙門。時海疆罷兵。英吉利就撫。公上善後事宜三十條。後多采用。卒於道光二十四年。著有浮邱子九十篇。篇數千言。通論治道學術。（三）呬。吸而飲也。湯狂飲大黃死。（三）椽。擊也。（四）驚。謂驕蹇不馴也。即駿放之意。梟。雄健也。（五）汪名廷珍。曹名振鏞。皆當時宰相。為湯座師。

（六）樞府。樞密院也。（七）猱。猿也。（八）坎坎。剛直也。（九）漢翟公為廷尉。賓客填門。及罷。門可羅雀。（一〇）桎梏。刑具。（一一）屈阮。謂屈原阮籍。（一二）淮海戰鼓。指英夷擾鎮江定海等處。（一三）狶。犬之有力者。此指英夷。（一四）燂。灼也。（一五）泗。鼻液也。（一六）睦。直視也。（一七）差多。日頗多。（一八）斧。斫也。培擊也。此云胸無城府。相見以誠也。（一九）浮丘。書名。清湯鵬撰。（二〇）符。王符。東漢臨涇人。著有潜夫論。充。王充。東漢上虞人。著有論衡八十五篇。（二一）負塗。穢也。張弧。攻害也。皆疑阻之象。（二二）瘖。瘡也。（二三）參商。二星名。出沒不相見。喻人意見之相違也。（二四）棱。四方木也。此喻剛方之意。（二五）酌。以酒祭地也。

會滌笙母第温甫哀詞

咸豐五年十月。賊日偽翼王石達開。引其黨自湖北通城竄入江西。別有廣東匪徒日周培春。葛耀明。關志江者。自湖南茶陵州竄入。與石逆相聚。於新昌縣。周培春等。投歸石逆部下。願為前驅。石逆授之偽職。將軍總制。

軍師旅帥之類。兩逆黨者。合併爲一。江西亂民。從之如歸。贛水以西。望風瓦解。十一月初十日。攻陷瑞州府。明日陷臨江。晦日袁州。繼陷。遂圍吉安。明年正月二十五日陷之。余檄副將周鳳山。率九江之師入援。二月十八日。軍敗於樟樹鎮。而撫州建昌兩府。以是月之季。相踵淪沒。國藩躬率水陸諸軍。自湖口入援。而南康又沒於賊矣。九江自爲賊踞如故。凡江西土地棄之賊中者。爲府八。爲州若縣若廳。五十有奇。天動地吸。人心惶惶。訛言一夕數驚。或奔走奪門相踐死。楚軍困於江西。道閉不得通鄉書。則募死士蠟丸。隱語。乞援於楚。賊亦益布金錢。購民間捕索楚人致密書者。殺而榜諸衢。前後死者百輩。無得脫免。吾弟國華。溫甫。自湘中間關。走武昌。乞師以拯江西。於是與劉騰鴻峙衡。吳坤修竹莊。曾承堯欽堂。率五千人以行。而巡撫胡公奏請以溫甫統領軍事。出入賊地。盛暑鏖兵。凡攻克咸甯蒲圻崇陽通城新昌上高六縣。以六月三十日。銳師翔於瑞州。由是江西湖南始得通問。而溫甫亦積勞致疾矣。七月十六日。棹小舟昇疾至南昌。兄弟相見。深夜悵悵。喜極而悲。涕泣如雨。弟疾寢劇。治之多方不效。至九月乃痊。復還瑞州營次。瑞州故有南北兩城。蜀水貫其中。劉騰鴻軍其南。溫甫與曾承堯軍其西北。賊於東隅通外援。市易如故。七年正月。予率吳坤修之師。自奉新至東路。始合長圍。掘塹周三十里。溫甫則大喜。吾攻

此城久不舉。今茲事其集乎。不幸遭先君子大故。兄弟匍匐奔喪。入里門。宗族鄉黨爭來相弔。亦頗相慶慰。國藩得拔其不肖之軀。復有生還之一日。溫甫力也。溫甫既出嗣叔父。以咸豐八年二月降服期滿。復出。抵李君續賓迪菴軍中。李君與溫甫爲婚姻。益相與講求戎政。晨夕諮議。是時九江新破。強悍深根之寇。一掃刮絕。李君威名聞天下。又克麻城。蹶黃安。喋_五血皖中。連下太湖潛山桐城舒城四縣。席全盛之勢。人人自以無前。師銳甚。溫甫獨以爲常勝之家。氣將竭矣。難可深恃。時時與李君深語。悚切以警其下。亦以書告予_{一六}。上竟以十月十日軍敗。從李君殉難。廬江之三河鎮。嗚呼痛哉。曩吾弟以新集之師。千里赴援。摧江西十萬之賊。而無所頓。今以皖北百勝之軍。萃良將勁卒。四海所仰望者。而壹覆之。而吾弟適丁其厄。豈所謂命耶。常勝之不足深恃。吾弟之智既及之矣。而不肯退師以圖全。營壘以十二夜被陷。而吾弟與李君以初十之夕。併命同殉。又不肯少待以圖脫免。豈所謂知命者耶。遂綴詞哭之。詞曰。

鱣鱣_{一七}我祖。山立絕倫。有蓄不施。篤生哲人。我君爲長。魯國一儒。仲父早世。有季不孤。恭惟先德。稼穡詩書。小子無狀。席此慶餘。粲粲_{一八}諸弟。雁行以隨。吾詩有云。午君最奇。挾藝千人。百不一售。彼羸穢者。乃居吾右。抑塞不伸。發狂大叫。雜以嘲詼。萬花齊笑。世不吾與。吾不世許。自謂吾虎。世棄如鼠。

相舛^{*}相背。逝將去女。一朝奮發。仗劍東行。提師五千。往從阿兄。何堅不破。何勁不摧。躍入章門^{三〇}。無害無災。擿^{三二}箛鼓角。號令風雷。昊天不弔。鮮民^{三三}銜哀。見星西奔。三子歸來。弟後季父。降服以禮。而歲告闋。靡念苞杞^{三三}出陪戎幄。匪辛伊李^{二四}既克潯陽。雄師北邁。剗^{二五}潛剗^{二六}桐。羣舒是嘍^{二七}。豈謂一蹶。震驚兩戒^{二八}。李既山頽。弟乃梁壞^{二九}覆我湘人。君子六千^{三〇}。命耶數耶。何辜於天。我奉簡書。馳驅嶺嶠^{*}。江北江西。夢魂環繞。叩慟抵昏。西悲達曉。莽莽舒廬。羣凶所窟。積骸成岳。孰辨弟骨。骨不可收。魂不可招。崢嶸廢壘。雪漬^{*}風飄。生也何雄。死也何苦。我實負弟。姑恨終古。

【註音】(喋)音牒(盱)音吁(饋)餽本字(談)音灰(舛)音喘(剗)楚限切(剗)烏歡切(嶠)音轄(漬)疾智切

【釋義】(一)溫甫。名國華。國藩弟。(二)茶陵。今為縣。(三)新昌。今改宜豐。屬江西。(四)臨江。府名。今廢。清江縣其舊治。(五)袁州。府名。今廢。宜春縣其舊治。(六)吉安。府名。今吉安縣其舊治。(七)撫州建昌。今臨川縣南城縣其舊治。(八)唐書顏真卿傳。肅宗已即位。靈武。真卿數遣使以蠟丸裹書陳事。按。以書狀藏蠟丸中。使敵人不疑。且防水濕也。(九)間關。言道路之難行也。(一〇)劉。湘鄉人。死於九江。謚武烈。吳同知。曾參將。時與溫甫同為鄂撫。胡林翼檄援江西。(一一)咸甯。通城。皆湖北縣名。(一二)上高。江西縣名。(一三)惔惔。靜也。又安和貌。(一四)新奉。江西縣名。(一五)喋血。血流貌。(一六)盱。上古盱水。一名撫河。西北至南昌。入湖漢。公時在南昌。(一七)饋。剛直貌。(一八)山立。足立嚴重如山也。禮樂記。總干而山立。(一九)粲粲。鮮明貌。(二〇)江西曰豫章。故曰章門。(二一)詩何人斯。伯氏吹壘。仲氏吹箛。此言兄弟之和。(二二)詩蓼莪。鮮民之生。不如死之久矣。言生而得養。其日向寡。況并不得終養。(二三)詩四牡。集於苞杞。王事靡盬。不遑將母。(二四)辛棄疾。宋歷城人。為湖南安撫。治軍有聲。為人豪爽。尚氣節。識拔英俊。故借以比李續賓。(二五)剗。除也。(二六)剗。削也。(二七)嘍。食也。(二八)唐書天文志。一行以為天下山河之象。存乎兩戒。北限戎狄。南限蠻夷。(二九)山頽。梁壞。喻人之死也。(三〇)吳越春秋。乃發習流二千。俊

士四萬。君子六千。伐吳。〔按〕三河之敗。前後死者殆六千人。湘軍精銳盡焉。〔三〕〔詩出車〕畏此簡書。〔傳〕鄰國有急。以簡書相告。則奔命救之。

龍翰臣劉某雲哀辭

道光二十有二年。余因王君少鶴^二始識劉君某^{*}雲於京師。後一二年。少鶴游粵東。頗行語余曰。君欲知學。則必交劉子某雲。余因是與某雲爲密。凡余有疑。無不以問。某雲有知。亦無不告余也。某雲之學。始於文字聲韻訓詁。而因以求羣經之義理。細及於名物象數。大則天文地理樂律兵制。歷代興衰治亂之故。本朝功德制作之全。皆能舉之而悉其數。學之而通其義。又皆折衷於孔孟程朱之理。不爲灑^{*}汗無紀之說。蓋其深。余有不及知者。其能言者。如此而已。去年。余與某雲別京師。今歲二月。某雲乞假終養^四歸。余以試事在外。不得見。逮歸。而某雲以書來。道相念甚。且謂病亟不能卽來。某雲素羸弱。居京師。無一日不病。其病則以讀書耗心神爲戒。而又不^五能廢書。歸則處置家事。神日以瘁。故其疾益深。余之憂之也。亦逾於在京師之疾。比寓書一再不卽復。後數日。其家以書來。而某雲死矣。吁。可痛哉。其書勉余進德修業。爲之彌憾。及猶子世墀。甚能嚮學。屬余誨之。使爲端士而已。不及其他。夫余求友而始識君。君學固幾於成。而余之所恃以切^{*}磨者^五也。而天遽奪之以去。是豈唯君之不幸。而余之不沒於蒙而能自^{*}挺

者。其誰望矣乎。少鶴既以疾留滯浙西。將為書告之。先作辭以抒余哀。其辭曰。

夫何斯人之抗志兮。信高世而寡儔。學桃頰以日進兮。業陪閭以自修。迹孔鄭而心濂洛兮。用將化乎儒流。匪鞶帨之徒繡兮。惟實事之是求。繫閨門其備禮兮。處戚鄰而遠尤。眇軀幹之六尺兮。抱千載而為憂。步踔蹠如不及兮。常恐乎日月之我逾。余識君於壯歲兮。始知徑涂之是趨。羌望塵而逐後兮。何異夫駑馬與驂。方策蹇於十駕兮。君忽反乎故邱。吾離羣而獨處兮。學有疑而誰諏。朝聞道而夕死兮。君何憾乎蜉蝣。有猶子能繼志兮。婦又賢能潔羞。君雖歿而名立兮。豈等夫生者之若浮。不撫殯而哭墓兮。又無文以銘幽。聊抒情於此詞兮。永悲夫逝者之不可留。

〔註音〕 (茶) 音橄 (顛) 音皓 (劇) 音磨 (拒) 同振 (桃) 音光 (頰) 音烟 (陪) 音音 (滯) 同黨 (踔) 音卓 (蹠) 瘵林切 (趨) 叶音讀周 (驂) 音華 (驢) 音留 (蜉) 音浮 (蝣) 音游

〔釋義〕 (一) 劉棻雲名傳瑩字實甫官國子監學正輯有孟子要略一書 (二) 王少鶴廣西柳州人名拯 (三) 纈汗廣大貌 (四) 終養親老去官歸養也 (五) 切劇猶言磋磨 (六) 桃充也頰光也 (七) 陪閭也 (八) 孔鄭濂洛即孔安國鄭玄濂溪周敦頤洛陽程顥程頤 (九) 〔法言〕今之學者非獨為之華藻又從而繡其鞶帨鞶謂帶帨謂巾 (一〇) 踔蹠行不定也 (一一) 趨迫也盡也 (一二) 楚辭歲忽忽而適盡兮 (一三) 驂驢良馬也周穆王八駿之一 (一四) 孟浩然詩策蹇赴前程〔按〕蹇駑馬也 (一五) 十駕十次駕車也〔荀子〕驥一日而千里駑馬十駕則亦及之矣 (一六) 諏問也 (一七) 蜉蝣蟲名朝生暮死

孫子餘凌豐叔哀辭

善化之凌氏。無仕者。而豐叔特以才著聲。自其爲諸生。督學使者無不賞異之。南海吳公榮光開府湖南。立校經堂。以十三經諸史古文駢體騷賦詩試士。士罕能兼通。而豐叔應之不窮。豐叔少年美丰儀。善爲容。余與偕試。望之若仙。未幾以拔貢生入試京師高等。用爲工部七品小京官。遂舉鄉試。人謂豐叔自是決起行。翔翔館閣閒。而豐叔亦自負。以爲當得意。已而困於禮部。而工部水衡將作之司。百蟲所集。用事者多貴游公卿子弟。與夫突梯滑稽。窺時赴勢之士。鮮衣怒馬。氣勢烜赫。坐曹仰首而語。以頤使吏箕踞談笑。旁若無人。豐叔本儒雅。不樂吏職。及見其寮如此。不能堪。常稱疾不入署。強一往。歸輒遷怒。罵詈僮僕。如是久之。無所發憤。請告去。歷燕齊趙衛之郊。度淮。涉大江。徧游吳越。逾嶺觀韶石。留廣州一年。浮湘而歸。又客於江漢。所室妖僮曼姬。絲竹雜進。肥肉大酒。淋漓酣嬉。窮極愉樂。必厭乃去。如是又久之。大困。不得已。還京師。則髮種種。纔四十。頽然如老翁。獨遇飲酒。平時意氣猶在。讌集必醉。醉益自豪。巨觥一引。輒盡。時或大笑叫喚。悲歌泣下。座客起避之。余傷其志之衰。而憂其年之不永。而果然也。悲夫。甚哉。士之不可以才異於衆也。才與命之不相酬久矣。一不得志。至佗^{*二}。佗^{*一}。以夭其生。豐叔之才。乃其所由死也歟。嗚呼。亦其命矣夫。辭曰。爲礎不以垂棘^二。今章甫^一不可以爲裳。有李梅而冬實^四。今或中夏而實^五。霜維

四時之大信兮。庸乖盪而失常。非夫人之爲咎兮。余甯能以不傷。

【註音】(蝨)古蠹字(侘)音茶去聲(僚)恥藝切(盪)古戾字

【釋義】(一)清置提督學政。專司全省學政。與督撫並行。其權特重。後改爲提學使。屬于督撫。(三十三經。

即易詩書三禮。春秋左氏公穀孝經論孟爾雅。(三)七品小京官。清制拔貢朝考一等所授職。(四)水衡將作。皆

古官名。漢有水衡都尉。水衡丞。掌上林苑。即周之林衡川衡。唐廢。將作。秦時掌營造宮室。漢曰將作大匠。明廢。

(五)行無隅角曰突梯。言無是非曰滑稽。(楚辭)將突梯滑稽。如脂如韋。以絜楹乎。(六)箕踞。古人席地而坐。足

向後以爲敬。若伸兩足則手據膝。故若箕狀。見(猗覽寮雜記)。(七)寮。通僚。(爾雅釋言注)同官爲寮。(八)詔石。

在廣東曲江縣。(水經注)其高百仞。廣圓五里。兩石對峙。相去一里。大小略均。似雙闕。(九)種種。髮短貌。(左昭

三年)余髮如此種種。(二)巨觥。大酒杯。(二)侘僚。不得志貌。(三)礎。柱下石也。(三)左僖二十一年)晉人以垂棘

之璧。蓋垂棘之地所出之璧也。(四)章甫。儒冠。(禮儒行)冠章甫之冠。(五)賈同隕。墜也。(六)盪。違也。

吳南屏湖北按察使貴陽唐子方先生哀辭

嗚呼。自粵賊亂。徧天下。朝廷患兵不足用。餉不足供。而有識之議。獨以謂

得能平賊之人。則兵與餉猶可無憂。蓋天下數十年來。一切因習頹壞。人

材遂靡然。不可振發。事急而求人。無可倚恃者。余竊疑夫古今才能之人。

亦何世無之。或棄置不用。用矣。又或顛倒錯亂。使之卒困於無所能爲。以

死。則將誰咎哉。今自兵事數年。一時殉難之君子。余多未能悉知其人。與

其行事。若貴陽唐公子方之死。所竊悲焉。公往以名舉人。爲縣令湖北。以

才能發聞。洊陟藩翰。先皇帝末年。公被知遇最隆。未久。即引疾以去。蓋以

與制府意未合云。於時天下之人。皆知公之賢。望其大用有爲。公意獨以

爲難。故家居數年。將終以不出。及寇陷武昌東下。官軍旋入之。朝命起公

湖北。與督撫共辦軍務。公乃聞名馳赴。以咸豐三年五月抵武昌。旋以二品銜授湖北按察使。明年正月軍潰。公遂以死。公之初抵武昌也。賊方在江西。而聚兵田鎮以禦。公策欲倚^{*五}之湖口。督撫不可。又自請募練襄陽。亦弗許。而賊之在北路者數千人。自河南敗走楚境。公帥兵迎剿之麻城。殲之幾盡。未幾田鎮潰。公往來戰賊江上。復黃州。以便宜退軍。遂被旨落職^六。仍委剿賊。當是時。朝廷所倚辦賊。實爲寶慶江忠烈公。而侍郎曾公。方募勇長沙。以賊盡據長江。奪舟艦。我具止陸路。未能制勝。乃多造礮船。盛水軍東下。約總督吳文節^七公及江公。俟軍集。同剿賊。俄而江公以安徽巡撫敗死於廬州。吳公與公分道出擊黃州而敗。公又獨以水軍才數十艘。所請給。皆爲撫臣靳不與。余聞吳公之出。撫臣崇綸^八。學臣青麀^{*九}。實交劾促迫之。則公之不得展其才用。何足怪也。此余所以歎夫有人而用之未竟。或顛倒錯亂以死。而非盡無人之患也。原公之始。方被任而決於退身。其時天下未有變。徒以事多沮撓。不如意。不肯自摧辱。及是以賊亂之亟。感憤復起。卒又困於人以死。豈非其命也耶。初公少時。以夢獲硯於廣州。蓋明陳忠愍公邦彥之故物。敏樹嘗承公命作夢硯齋銘文。大意謂公文學政事。爲一時鉅人。前世忠賢。當藉以發揚於世。而孰知夫昔之夢者。乃授公以其死也。嗚呼。豈偶然哉。公之子舉人炯。旣獲歸公喪。以書請爲之哀辭。

敏樹固嘗以文字辱公知。又在京師與公子遊久。乃爲其辭曰。

公不出兮人愁。公既死兮增憂。事難爲兮才竭。人實不足兮。又重之以敗謀。氛江漢兮血流。我舊治兮邦州。騁臯澣兮余馬。主恩厚兮氓命。我投忽摧沮以死兮。天也誰尤。旗波靡兮鷁散。鼓不集兮孤舟。公昔侍父兮南海。父有夢兮現實。公收蓋忠靈之授死兮。固有異世而相酬。開天門兮鞭駟。蚪望黔陽兮。下鄂渚以來游。

【註音】(侑)音薦(倚)羈上聲(塵)同麟(蚪)音求

【釋義】(一)唐子方名樹義。貴州遵義人。(二)侑。至也。亦同薦。舊時布政司。稱藩司。取古時屏藩王室之意。

又(詩)之屏之翰。故曰藩翰。(三)先皇帝指清宣宗。(四)制府。舊時總督之稱。(五)倚。牽一脚也。(左襄十四年)

譬如捕鹿。晉人角之。諸戎倚之。(六)落職。即革職也。(七)吳文節。名文鎔。爲兩湖總督。爲崇綸所迫。出戰死。(八)

崇綸。滿洲人。爲湖北巡撫。(九)青麀。亦滿洲人。初爲湖北學政。繼升巡撫。(一〇)獲硯廣州。見卷三十一夢硯齋銘。

(一一)泉。岸也。澣。水厓也。(一二)鷁。船也。(一三)蚪。龍子有角者。(一四)黔陽。指貴陽言。因貴州省爲黔中也。(一五)鄂渚。指

湖北言。其地在湖北武昌縣西江中。

吳南屏梅伯言先生誄辭

爲古文詞之學於今日。或曰當有所授受。蓋近代數明崑山歸太僕。我朝桐城方侍郎。於諸家爲得文體之正。侍郎之後。有劉教諭。姚郎中。各傳侍郎之學。皆桐城人。故世言古文。有桐城宗派之目。而上元梅郎中伯言。又稱得法於姚氏。余曩在京師。見時學治古文者。必趨梅先生。以求歸方之所傳。而余頗亦好事。顧心竊隘薄時賢。以爲文必古於詞。則自我求之古

人而已。奚近時宗派之云。果若是。是文之大阨也。而余聞從梅先生語。獨有以發余意。又讀其文數十篇。知先生於文自得於古人。而尋聲相逐者。或未之識也。余自是益求之古書。自道光甲辰。又九年咸豐壬子。余復入都。則梅先生已去官歸金陵。而粵寇之亂大作。明年金陵陷。聞先生得出。丁巳。余寓長沙。孫侍讀子餘^五告余言。梅先生以前一二歲卒矣。余於先生才數面。而與先生遊京師者。稱先生語。未嘗不及余。余窮老於世。今日避徙無所。而先生亦可謂不得志以死者。其才俊偉明達。固非但文人。而趣寄尤高。以進士不欲為縣令。更求為貲郎^六。及補官。老矣。而歸。又逢世之亂。可傷也。乃為之誄曰。

才何以今不施。名何為今大馳。獨為文章之人。今世安賴而有斯。嗚呼哀哉。伯言父。其文之好耶。其志之皦耶^七。其又以逢天之忌。而卒於顛倒者耶。

【註音】（皦）古了切

【釋義】（一）歸太僕。即歸有光。（二）方侍郎。即方苞。（三）劉教諭。即劉大櫟。（四）姚郎中。即姚鼐。（五）孫子。餘。名鼎臣。（六）貲郎。納貲為官也。（七）皦。白也。明也。

吳南屏吳雲臺哀辭

吳雲臺之歿於京邸也。以庚戌四月。今年壬子。余來京師。每過長沙邸下。未嘗不悲雲臺也。雲臺為人。狀貌才氣。皆過絕於人。自其少年。人莫不意

其飛騰。雲臺亦厚自負。既屢躓場屋。晚乃得鄉舉。猶自冀得一日遭逢至大官。立功名以取重於世。不知其遂窮以死也。然雲臺才實高。爲歌詩得杜骨法。縱橫老健。大類元遺山。近今諸子不論也。惜其以貧故。顛倒所爲。不得一意盡力於文章。行身往往不自顧惜。蒙世之訾詬。亦不能無恨。獨其意氣豪俊。可悲也。其生平所與交遊。始皆與盡歡。後多稍疏避以去。獨余猶以故意遇之。其歿也。余在瀏陽。既爲詩以畀之。又欲爲之銘以遺其孤。而不果。故作爲哀辭。以卒余交友之義。且見雲臺之梗概云。其辭曰。四海來萃兮。求聞於京。客窮而死兮。萬千以羸。嗟若君之才貌兮。胡不究乎公卿。絕命旅邸兮。無人哭聲。棺斂無資兮。衆合以營。惟鄉人之仕者兮。多君與之平生。終歸君於南湘兮。繫惟君之才名。我時在於瀏陽兮。接赴使而魂驚。疑夢寐之來告兮。心恍惚而難明。思廿載之遊處兮。自嶽麓之始盟。謂君之必速飛兮。翔天路以遐征。人時命固難知兮。終溘死而無成。豈骨相之不侯兮。覩犀角之豐盈。文章之在人兮。若樹花而鳥鳴。雖吐奇以驚世兮。固豪士之所輕。我來京師兮。館舍行經。悲君之死此兮。觀宿草而涕傾。已焉哉。君已死。其蔑有知兮。聊此辭以當銘。

【註音】(躓)音致(溘)音盍

【釋義】(一)長沙邸下。卽今北平長沙會館。(二)場屋。科舉時試士之所也。(三)杜。名甫。字子美。唐杜陵人。

後人尊爲詩聖。(四)元遺山。名好問。字裕之。金秀容人。七歲能詩。官至尙書省左司員外郎。金亡。不仕。著有遺山

集。
(五) 綱陽。縣名。屬湖南省。
(六) 究。竟也。極也。
(七) 言初訂交於嶽麓書院。
(八) 溘。奄忽也。今謂人死曰溘逝。
(九) 犀角。謂額角之骨。
(一〇) 「禮檀弓」朋友之墓。有宿草而不哭焉。



中華民國二十五年八月出版



發行所

廣注

樓

王氏續古文辭類纂 (全二册)

上海實價新法幣五十元

出版者

國學整理社

發行者

世界書局有限公司代表人
陸高誼

印刷者

上海大連灣路
世界書局

上海及各省

世界書局

本書負責校對者
何衡孫
陳經鋤

黎庶昌纂 精裝二冊

實價一元四角

(分三角二號掛費寄)

黎氏續古文辭類纂

是書搜求古文計達四百四十九篇，經史百家，無不兼備，以補姚氏古文辭類纂之不足。內分上中下三編，上編爲經子，中編爲史記漢書三國志五代史通鑑，下編爲方劉前之文；每編各分若干類，悉依其性質爲依歸，搜輯完備，無偏頗拘謹之嫌。全書用仿古字體排印，美雅絢目。

世界書局發行



30024



3030

標售圖書

大華書局經售
台北市重慶南路一段六六號